


ANTVERPIÆ
Apud Henricum Aertssens
M. DC. XXXII.

Cum gratia et privilegio.

*Eremitæ Camaldulens' Monæ Scepj
prope Parisiæ
Pascet illi Deus si Vult
Co. wydar pietnascie obratkow*



F. III. 48

SANCTISSIMO
D. NOSTRO
V R B A N O
O C T A V O
P O N T I F I C I
M A X I M O .



Vi secundum
Deum, P I A
DESIDERIA,
nisi Desiderio
orbis Christia-
ni, Tibi, inquam, BEATISSI-
ME PATER, dedicarem? Cer-
te videntur Diuinâ quâdam
designatione destinata, quæ
iam dudum Tibi olim Car-
dinali, maximo literatorum
Patrono, à me fuerant tacitâ

✱

3

CO-

cogitatione consecrata.

Iam quidem Sacra Tua Pontificis Majestas tantum deterrebat quantum nuper MAPHÆI CARDINALIS BARBERINI notissima humanitas inuitabat: ambiciosus tamen hic libellus meus, omnibus DESIDERIIS suis, amplius etiam Pontificis quàm Cardinalis patrocínio vindicari expebat.

Venit ergo suo sibi argumento, cultuque diffidens, Tuarum verò Virtutum inuitatu audax, ne dicam inuerecundus. Ut optaret, Tuus in literas meliores
amor

amor impulit ; vt auderet,
VRBANI nomen suafit ; vt
timeret, sua infantia, Tuaq;
summa eruditio fecit. Vrba-
nitatem, cum BARBERI-
NVS esses, expertum se pro-
lixissimè indicabat Carolus
Scribani noster, oblato nu-
per Prodigio suo. Amorem in
literatos omnes & publica
fama loquebatur, & confir-
mabat testimonium Tar-
quinij Gallutij, qui inscri-
ptâ Tibi suarum Oratio-
num præfatione narrat : *Ita*
Te solitum eos excipere, qui musis hi-
sce mansuetioribus delectantur, vt
exterorum prope nemo Romam in-
grediatur, qui Te non conueniat,

*conuentumque sic admiretur , vt pa-
lâm pronunciare non dubitet , vnum
Te esse , cui , si facultas daretur , vo-
luntas etiam esset , fugientes literas à
situ atque ab interitu vindicandi.*

Eruditionem denique e-
tiamnum testantur politif-
simorum poëmatum Tuo-
rum immortalia monimen-
ta.

Etenim **VRBANE PON-
TIFEX MAXIME** , (quod
sine adulationis notâ de-
prædicant omnes)

*Seu per audaces noua dithyrambos
Verba deuoluis , numerisque ferris
Lege solutis ;*

*Seu Deum , Regesque —
Concinis majore....plectro,
Multa te Cælo leuat aura Cycnum.*

Et

Et quid ego, ad aras Tuas,
semipaganus afferam, quæ

— *Apis Matina*

More modoque

— *operosa paruus*

Carmina finxi?

Hic metus, ne Marfiæ calamitate multarer, ad rudiores aures trepidantem relegabat, cum denuò blandissimi nominis Tui venit in mentem, plusque ab VRBANO sperare iussit, quàm Marfyæ licuit ab inurbano Apolline.

Cogitabam præterea excusari me quoque temeritatis posse; si venissem, non quasi interpellaturas sacratissimas *Tuæ Beatitudinis*

* 5

curas,

curas, reuocatione studio-
rum iam pridem deposito-
rum, sed valedicturus tan-
tum. Sic enim intelligebam,
ad sacrum Conclauē (cū
in eo degeres Pontifex de-
signandus) aduolasse apes
(Musis olim sacras) cellas-
que suas, haud procul fene-
strā Musæi Tui construxisse,
non alio, vt ego quidem au-
guro portento, quàm quasi
valedicerent Phœbo suo;
prædicerentque Maiorum
tuorum ceras, insigniaque
abs se expressa, deinceps
Pontificiæ Tiaræ velut sacro
alueari supponenda.

O vaticinium cœlesti omi-
ne

ne designatum, euentu certissimo approbatum! Quamquam non apibus modò natura sua diuinantibus, verùm etiã cuiuis vel crassissimo auguri, longè facillimum fuerit præsentire, Pontificem Te Maximum futurum, priùs quàm factus esse renunciareris. Certè enim maxima virtutum Tuarum decora, eroditionis, rerumque abs Te gestarum fama, ita orbem peruaserat vniuersum, vt priùs Pontifex Maximus, omnium esses acclamatione factus, quàm Purpuratorum Patrum sententijs dictus. Nimirum, iam Pontifex eras,
sed

sed Oraculo tantum sanctif-
simi illius Senatus designan-
dus. Et ne meritis testimo-
nium deesset, calculis quin-
quagenis; quaternis præterea
reliquis (qui soli desidera-
bantur) eligendus, nisi hu-
mana potius quam Diuina
conspiratione id factum cre-
di potuisset.

Permitte igitur, BEATIS-
SIME PATER, vt qualem
Te per omnem retro vitam
præstitisti, qualemque admi-
rati sunt plurimi, Omnes ali-
quando orbe toto noscant,
venerenturque. Non equi-
dem par Maieftati Tuæ pi-
etor sum, sed (quod Mode-
ftiæ

stia Tuæ scio gratius fore)
angustâ tabellâ Magnitudi-
nem Tuam (vt ille olim so-
lo pollice Cyclopem) ali-
quatenus adumbrabo.

*Ignosce nostri læsus obsequio styli,
Amoris hoc crimen tui est.*

Sacra Hebraicæ linguæ
adyta studiosus indagator
penetraſti. Attici sermonis
peritissimus, mella loqueris;

— *Dulcius illo
Melle, quod in ceris Attica
ponit apis.*

Inter Latinos, ita chorum
ducis, vt sanctissimos Ponti-
fices, Damasum, Nazianze-
num, Oriētium, Ennodium,
Ambrosium, Paulinū, Pro-
sperum,

sperum, Sidonium imitatus,
sermonem elegantissimis, ne
dicam prope diuinis, nume-
ris alligaris.

Venio adhonorum gradus,
per quos Tua Te virtus du-
xit. Anno ætatis decimo no-
no Te Sixtus Quintus ad
prælaturam euexit ; nempe
iam tum orbis principatui
maturum, si id ætatis Tibi
Pontificatum adolescentia,
vt Augusto Imperium, per-
misisset.

*Iam tunc canities animi, iam dulce
loquendi*

*Pondus & ingenium venerat
ante diem,
Ingenium coeleste suis velocius annis.*

Pro-

Protonotarius deinde A-
postolicus, Abbreuiator Par-
ci maioris, Referendarius
vtriusque signaturæ, Cleri-
cus cameræ factus es.

Anno vigesimo primo,
Clemens VIII. maritimum
Tibi Umbriæ oppidum, Fa-
num Fortunæ, pro se guber-
nandum dedit; auguratus ni-
mirum quòd fortunam ip-
sam deinceps arbitrato tuo
recturus esses.

Et quæ, quantaque deinde
à Te munera, domi, foris que
(fortunâ semper veluti mo-
rigerante) administrata sunt?

Redeunte in Pontificios
census, Ferrariensi domina-
tu,

tu, instrumento extincti
feudi scribundo præfuiſti.

Beneuentanis finibus re-
gundis, vnà cum *Alexandro*
Ludoiſio Cardinali, (qui Põ-
tifex poſtea Gregorij XV. no-
mẽ accepit) arbiter datus eſ.

Iudex æſtimandæ litis de
Peruſino lacu, fundiſque
Vmbriæ conſtitutus, Peru-
ſiam triginta ſex ſcutorum
millibus æris alieni liberaſti.

A Clemente VIII. Fer-
rariam ductus, celebrati abs
ſe matrimonij inter Sereniſ-
ſimum Archiducem Alber-
tum, duodecim Auſtriaco-
rum Imperatorum ſangu-
nem, & Elifabetham, Cla-
ram,

ram, Eugeniam Philippi II.
Maximi illius Hispaniarum
Regis filiam, nuptiales tabu-
las conscripsisti.

Fortunatissimorum Spon-
salium conditiones, inter
Catholicum Hispaniarum
Regem Philippum III. &
Margaretā Austriacam eius-
dem Pontificis auctoritate
abs te scriptæ, latæque, tam
auspicatas fecere nuptias, vt
meritò Tibi Hispania debeat
potentissimum suum Re-
gem Philippum IV. Gal-
lia Reginam Annam Au-
striacam; Roma Cardina-
lem Ferdinandum; cæte-
ra Regna spes maximas suo-
rum

rum coniugiorum.

Denique ab eodem Cle-
mente VIII. in Galliam le-
gatus , eius verbis Henrico
Magno gratulatū iuisti , na-
tâ sibi prole Ludouico XIII.
Rege iustissimo , quem bra-
chijs sublatum , Pontificis
Maximi nomine , à sacro
Baptismatis fonte suscepisti.
O præclaram Pontificatus
Tui arrham ; Ecquis enim
non intelligeret Te Cœlo a-
liquando ferendo successu-
rum , qui Regium illud Chri-
stianissimi Regni sidus A-
thlantis instar manibus susti-
neres ? Ita nempe naturâ
comparatus eras , vt ad maxi-
ma

ma quæque gerendâ, perficiendaque natus videreris.

Igitur in Umbriâ Commissarium Apostolicum; in Galliâ Nuncium, Bononiæ Legatum Pontificium gessisti. Quid amplius?

Ductus per omnes dignitatum formulas,

Meritusque plurâ quam gerens.

Primum Archiepiscopus Nazarenus, Cardinalis deinde, tum Episcopus Spoletinus, Præfectus signaturæ Iustitiæ, Scotorum Protector, Congregationis de propagandâ fide à Gregorio X V. (vt olim à Clemente VIII. Congregationis de Principum

pum debitis exigendis) De-
nique PONTIFEX MAXI-
MVS factus es.

Liceat igitur nunc, BEA-
TISSIME PATER , illud
quoque aliquousque in Te
conferre, quod in CHRI-
STVM Pontificem im-
mortalem Apostolus dixit:

Heb. 7.

*Talis enim decebat vt nobis esset
Pontifex.*

Etenim hæc ætas nostra
Tali Pontifice indigebat;
& Tu Talis , ætate nostrâ,
solus Pontifex esse mereba-
ris.

Adeoq̃ue; ne vlli fas esset
dubitare (quod olim San-
ctiss. Pontifici Fabiano eue-
nisse,

nissè, accepimus) cùm in
Conclauì effes , candidissi-
mæ columbæ ad fenestram
tuam aduolantis indicio
(Diuinitùs haud dubiè) es
designatus. Id quod ego,
nemini ambiguum esse pos-
se, tum certò mihi persua-
si, cùm intellexi, Te iam re-
cens Pontificem omnium
admurmuratione dictum,
nondum solenni ritu è thro-
no salutatum, genibus humi-
nixis , manibus , oculisq̃ue
sublatis; Deum his verbis
publicè compellasse.

*Domine, si hac electio, non est aut
è gloriâ tuâ, aut è bono Ecclesiæ,
aut salute meâ, priùs hinc efferar
** 3 è Con-*

è Conclauū mortuus , quàm vi-
uus.

O vocem Urbano Ponti-
fice dignam ! vocem aris,
templisq̄ue omnibus conse-
crandam ! vocem, quæ quàm
dignus Pontificatu esses, quo
instinctu ad eum prouectus,
facile indicaret.

Sic viue diu Ecclesiæ Tuæ
VRBANE OPTIME MA-
XIME, cui Princeps iubente
cælo præfectus es ; & cū
hoc meum qualecumque
munusculum aspicias , ne-
que Pontificem te esse, ne-
que eum cuius tanta sit
Maiestas, sed VRBANVM
recordare. Cætera Tua, vt po-
te

te maxima omnia, plus ni-
mio deterrent; V R BANI
solus pedes audeo submis-
sissimo osculo venerari.

Sanctitatis Tue

Seruus minimus

HERMANNVS HVGO
Soc. IESV.

** 4

LV-

L V S V S

I N

GENTILITIAS

SVÆ SANCTITATIS

A P E S.

VRBANE *terris OPTIME MAXIME*
Bene ominato nomine PONTIFEX,
Frustrà repugnās; quando Cæli
Auspicijs agitur urna.

HONOR *fugacem persequitur virum;*
Fugit sequacem: si fugis, occupat
Vt umbra, venantēq; ludit
Niliacâ Crocodilus algâ.

Quisquis pudendæ miles adorea
Tinctam rubenti murice purpuram
Cretatus ambit, pestilente
Virus atrox bibit, ille gemmâ.

Frustrà repugnās, difficilem sequi
Te Te prehensat gloria, Te rapit:

A P E S ^q/₂

*APES^{q3} de Cælo propinant
Lethifero sine felle mella.*

*Frustrà repugnas; scilicet obuiâ
Cernice mortem Prodigus inuocans,
Sta pertinax non ferre plexam
Mellifluis A P I B V S tiaram.*

*Frustrà repugnas; nunc A P I B V S B O N I S
Iubente Cælo subijce verticem,
Sacriq^{q3} signent BARBERINVM
Astragalo meliore fasti.*

*Fasti auspicas indigent A P E S,
Fausq^{q3} faustos, dicite barbata;
Nutrice lactatus Camænâ
Pindarico bibit ore nectar.*

*APVM rigata munere fascia,
Fauisq^{q3} cunæ dulcibus augures,
Nomenq^{q3} & omen melle plenum
Nectaris AMBROSIO dederūt.*

*AEtas metalli diuitis aurea,
Regnata quondam falcigero seni,
Sudare, Portentum! cauatis
Ilicibus sua mella vidit.*

*Non vidit auri fulgure splendida
A P E S Hymetti lambere verticem;*

*Damnosa quid Mida vetustas
Vota canit pereuntis auro?*

*O Roma gemmis Ambrosiam bibe
Secura; dulci miscuit utile
Aurumq; melli BARBERINVS,
Delicias opibus maritans.*

*Aurata nunc sunt sacula! mellea,
Nunc viuit atas! aurea, mellea,
Exundat vbertas, beato
Roma fauos sociat metallo.*

MAXIMILIANI HABBEQVII
S. I.


VRBA

LIBER PRIMVS

GEMITVS

ANIMÆ

POENITENTIS.



Anima mea desideravit te in nocte . *Psalmus 138.*

DESIDERIO
COLLIVM ÆTERNORVM
CHRISTO IESV

IN QVEM

Desiderant Angeli prospicere
AM ORI ET DESIDERIO SVO

Vir Desideriorum.

Domine ante te omne desiderium
meum, & gemitus meus à te non
est absconditus. *Psal. 37.*

Quot mihi clàm tacitis mens aestuet anxia votis,
Indicio potuit discere nemo meo.
Nemo, nisi arcani qui pectoris intima lustrat,
Quem fugit humani nulla latebra sinus.
Ille, meos gemitus, mea scit suspiria solus,
Ille, oculis etiam perferat ima suis.
Ecquis in alterius sua sensa profuderit aurem,
Sit nisi secreti proditor ipse sui?
Si tamen vlla foret speranda hâc arte medela,
Ars desiderijs hac foret vna meis.
Sed neque depositas leuat auris amica querelas,
Nec desiderijs hâc fit ab arte modus.

Eccepe-

Cæperat, heu! natos Rachel vlulare peremptos;
Mox, vbi nil flendo pro fuit, abstinuit.
Scilicet ipse suas facit ignis, editq; fauillas,
Quasq; pluit, nubes, ipsa resorbet aquas:
Sic melius, proprios quos fudi, combibo fletus,
Inq; suum recidit tuius vnda sinum.
Quæ mea sint igitur, dum triste gemo, lamenta,
Non nisi nos soli nouimus, ille, & ego.
Quid voueam, tacitis dum compleo littora votis,
Non nisi nos soli nouimus, ille, & ego.
Quid clamem, mea dum sese suspiria rumpunt,
Non nisi, non nisi nos nouimus, ille, & ego.
O quoties fictas animus gerit histrio partes,
Et pugnant animo fronsq; colorq; suo!
Dum patitur tragicos mens personata cothurnos,
Sæpius in mimo Roscius ore salit.
Nulla fides lacrymis, lacrymæ simulare docentur,
Nec, nisi vis falli, risibus vlla fides.
Soluor vt in fletus, putat omina tristia vulgus;
Soluor vt in risus, omnia leta putat:
Fallitur ah! nostri neque scit mendacia vultus,
Cum lætor, lacrymor; rideo, cum doleo.
Vix tibi tot, Protheu, quot sunt simulantibus ora,
Vota quibus laruam dant, adimuntq; suam.
Nemo meos Gemitus, Vota aut Suspiria nouit;
Nemo, duo nisi nos, & duo sufficimus.

I.

Anima mea desiderauit te in nocte.

Isaiæ 26.

HEi mihi quæ densis nox incubat atra tenebris!
 Talis erat, Pharios quæ tremefecit agros,
 Nubila, lurida, squallida, tetrica, terribilis nox;
 Nocturno in censu perdere digna locum.
 Non ego tam tristes Styihico, puto cardine lunas,
 Tardat ubi lentas Parrhasis Versa rotas:
 Nec tot Cimmerio glomerantur in aethere nubes,
 Vnde suos Phœbus vertere iussus equos:
 Nec reor inuisi magis atra palatia Ditis,
 Ferret ubi nigrâ nox habitare casâ.
 Nam licet hic oculis nullam dent sidera lucem,
 Non tamen est omni mens viduata die:
 Noctē, suam noctem populus videt ille silentium,
 Et se, Cimmerij, Sole carere vident:
 Arctica cum senos regnauit Cynthia menses,
 Dat fratri reduci septima luna vices.
 At me perpetuis damnat sors dira tenebris;
 Nullaq; vel minimo sidere flamma micat.
 Et neque. (quod cæcis vnum solet esse leuamen)
 Ipsa suam noctem mens miseranda videt.
 Quin tenebras amat ipsa suas; lucemq; perosa,
 Vertit in obscœna noctis opaca diem.
 Nempe suas animo furata Superbia flammâs,
 Nubilat obscuro lumina cæca peplo.

Nec finit Ambitio nitidum clarescere solem,
 Fuscet & ingenuas Idalis igne faces.
 Heu, quoties subit illius mihi noctis imago,
 Nox animo toties ingruit atra meo!
 Sors oculis nostris melior, quibus ordine certo,
 Alternas reparant lunæque solque vices!
 Nam quid agat ratio, quid agat studiosa voluntas,
 Quas habet, ut geminos mens peregrina duces?
 Maior, habere oculos, dolor est, ubi non datur uti,
 Quam quibus utaris, non habuisse oculos.
 Qui dolet, oppressus lapsis velocius umbris
 Lætiior aggreditur manè viator iter.
 Sed nimis hæc longas tenebris nox prorogat horas,
 Quæ tibi manè negat cedere, Phœbe, diem.
 Cùm redit Arctoo Titan vicinior axi,
 Exultat reducis quisque videre iubar.
 Scilicet Auroræ gens vertitur omnis in ortus,
 Quisque parat primus dicere, Phœbus adest.
 Sic ego, sæpè oculos tenui sublimis Olympo,
 Aspiciens, gemino quæ iacet orbe, Polam.
 Et dixi tam sæpè, Nite sce, nite sce meus Sol!
 Sol mihi tam longos obtenebrare dies!
 Exorere, exorere, & medios saltè exere vultus,
 Vel scintilla rai sola sat esse potest.
 Quin etiam tanti si luminis abnui v sum,
 Sufficiet radios experuisse tuos.

Anima mea desideravit te in nocte.

Isaïæ. 26.

ERAT enim tempus quando non cognoscebam te. Væ tempori illi quando non cognoscebam te! Væ cæcitati illi quando non videbam te? Illuminasti me lux mundi, & vidi te.

August:
Soliloq.
cap. 31.

Serò te cognoui lumen verum, serò te cognoui. Erat autem nubes magna & tenebrosa ante oculos vanitatis meæ: ita vt videre non possem solem iustitiæ, & lumen veritatis. Inuoluebar in tenebris filius tenebrarum. Tenebras meas amabam, quia lumen non cognoscebam. Cæcus eram, & cæcitatem amabam, & ad tenebras per tenebras ambulabam. Quis me eduxit? vbi eram homo cæcus sedens in tenebris & umbra mortis? Quis accepit manum meam vt inde me educeret? Quis est ille illuminator meus? Non eum quærebam, & ipse quæsiuit me. Non vocabam eum, & ipse vocauit me. Vocasti enim me nomine tuo, inuocasti de super voce grandi in interiorem aurem cordis mei; Fiat lux, & facta est lux: & discessit nubes magna, & liquefacta est nubes tenebrosa quæ operuerat oculos meos, & vidi lucem tuam, & cognoui vocem tuam, & dixi. Verè Domine tu es Deus meus qui eduxisti me de tenebris, & umbra mortis

Ibid.
cap. 37.

& vocasti me in admirabile lumen tuum; & ecce video. Gratiâs tibi illuminator meus, & conuersus sum, & vidi tenebras in quibus fueram, & abyssum tenebrosam in quâ iacueram, & contremui, & expaui, & dixi: Væ, væ tenebris meis in quibus iacui! Væ, væ cæcitati illi in quâ videre non poteram lumen cœli! Væ, væ præteritæ ignorantie meæ, quando non cognoscebam te Domine! Gratiâs tibi ago, illuminator & liberator meus, quoniam illuminasti me, & cognoui te. Serò cognoui te veritas antiqua. Serò te cognoui veritas æterna. Tu eras in lumine, & ego in tenebris, & non cognoscebam te, quia illuminari non poteram sine te, & non est lux extra te.

Aug. So-
lil. q.
cap. 17.

Tu lux Domine; tu lux filiorum lucis, tu dies qui nescis occasum, in quâ ambulant filij tui sine offensione, & sine quâ omnes qui ambulant, in tenebris sunt, quia te lucem mundi non habent.

D. Gregor.
in Iob.
cap. 22.

Nox quippe est vita præsens, in quâ quamdiu, per hoc, quod interna conspiciamus sub incertâ imaginatione, caligamus. Propheta namque ad videndum Dominum, premi se quadam caligine sentiebat, dicens: *Animâ mea desiderauit te in nocte.* Ac si apertè diceret: In hâc obscuritate vitæ præsentis, videre te appeto, sed adhuc infirmitatis nubilo circumscribor.

Facile

LIBER PRIMVS. 5

Facile enim homini est, quidlibet desiderare à Domino, & ipsum Dominum non desiderare.

August. in
Psalm. 76.

Habet namque mundus iste noctes suas, & non paucas. Quid dico, quia noctes habet mundus, cum pænè totus ipse sit nox, & totus semper versetur in tenebris. Nox est, Iudaica perfidia; nox, ignorantia Paganorum; nox, hæretica prauitas; nox, etiam Catholicorum carnalis animalitate cõuersatio. An non nox, ubi non percipiuntur ea quæ sunt spiritus Dei? Frustrâ per has noctes, iustitiæ solem & lumen quæritis veritatis, id est sponsum; quia nulla societas luci ad tenebras.

Bern. in
Cant.
serm. 75.

Nobis ergo vnde in his tenebris veritas? Vnde charitas, in hoc sæculo nequam, in mundo, qui totus positus est in maligno? Putas erit qui intellectum illuminet, qui inflammem affectum? Erit utique si conuertamur ad Christum, ut velamen de cordibus auferatur: hic est enim de quo scriptum est: *Habitantibus in regione vmbra mortis, lux orta est eis.*

Bern. de
Ascens.
Domini
serm. 6.

Gratias illi, qui me quæsiuit fugitiuum, qui me vocando ab interitu reuocauit, qui fecit mihi illuminatam noctem. Nox enim est quamdiu ista vita agitur. Quomodo est nox illuminata? Quia Christus descendit in noctem. Accepit Christus carnem de isto

August. in
Psalm. 138.

faculo, & illuminauit nobis noctem; perdidit enim drachmam mulier illa, *accendit lucernam*. Sapientia Dei perdidit drachmam. Quid est drachma? Numus: in quo numo imago erat ipsius Imperatoris nostri, (Factus est enim homo ad imaginem Dei, & perierat) Et quid facit mulier sapiens? *Accendit lucernam*. Lucerna de luto est, sed habet lucem quâ inueniatur drachma. Lucerna ergo sapientiæ, caro Christi est. De luto facta est, sed verbo suo lucet, & inuenit perditos; & *nox illuminatio in delicijs meis*. Facta est mihi nox in delicijs. Deliciæ nostræ Christus.

August.
lib 7.
Confels.
cap. 10.

O æterna veritas, & vera charitas, & chara æternitas! Tu es Deus meus, tibi suspiro die ac nocte. Et cum te primùm cognoui, tu assumpsisti me, vt viderem esse, quod viderem, & nondum me esse qui viderem. Et reuerberasti infirmitatem aspectus mei, radians in me vehementer, & contremui amore & horrore, & inueni longè me esse à te in regione dissimilitudinis.

I I.

Deus tu scis insipientiam meam, &
delicta mea à te non sunt abs-
condita. *Psalm. 68.*

SI tibi stultitia nulla est patientia nostra,
Omnia consilio qui sapiente regis,
Nullus ab offenso veniam sibi Numine speret,
Nullus enim culpa, stultitiâq, vacat.
Hac etiam excelsas afflat contagio mentes,
Et sua stultitia quemlibet aura rotat.
Quid simulasse iuuat? semel insaniuimus omnes,
Ingenua humani stemmatis illa nota est:
Et pater & mater, generis primordia nostri,
Maxima stultitia signa dedere sua.
Credite posteritas, fatali vendita pomo es,
Stultius hâc aliquid venditione fuit?
Nec minus insanus, magni patrimonium census
Perdidit esuriens, munere pultis, Esau.
Et Salomon tactam sensit vertigine mentem,
Dum castam insana vertit amore domum.
Non igitur magni fallunt oracula regis,
Stultorum innumerum qui docet esse gregem.
Legiferi neque vana canunt præsentia vatis,
Quis desicta hominum tanta ruina fuit.
O saperent, ait, & cauti ventura viderent!
Non aded in vitium cerea turba foret.
Quis (nisi desperent) quosdam dixisse putaret,
Nullum, qui terris imperet, esse Deum?

Quilibet vt peccet (aliàs peccare timeret)
 Esse sibi nullum fingit in orbe Deum.
 Ipsa igitur nostros auertunt crimina sensus,
 Nullus & in vitium, sit nisi stultus, abit.
 Sed neque iam gliſcens stat in hoc dementia passu;
 Præcipiti in peius truditur acta pede.
 Extruimusq; domos, cœloque educimus arces,
 Ceu data perpetuò terra colenda foret:
 Crastina lux coget vite statione moueri;
 Quis neget insanas nos fabricasse domos?
 Conferimus platanos, disponimus ordine lauros.
 Areolas hortis diuidimusq; suas:
 Quæ stolidi serimus, vix tertius affpicit heres,
 Quo tibi qui carpet tum tua poma nepos?
 Sic, puto, dat senibus puerilis natio risum,
 Cùm fabricat luteas, paruula turba, casas:
 Ludicra sollicitis seruet respublica curis,
 Hic scœnum, hic paleas conuebit, ille trabes;
 Aggerit hic grauido plumas & stramina plaustro,
 Huius erat testâ querere munus aquam.
 Et sibi tum structa gratantur mœnibus vrbs,
 Magnaq; se putri regna locasse putant.
 Hac videt, ac ridet qua transit grandior atas,
 Vixq; graues sese virq; senexq; tenent.
 Haud aliter Superis dant nostra negotia risum,
 Regnaq; pro nidis, quæ fabricamus, habent,
 Hac quoq; sub stolido sapientia nata cucullo,
 Tam varijs nullum vestibibus esse modum:
 Pauca vel hoc studio, peregrinus ad oppida currat,
 Inueniet vestes per loca quæque nouas.

Si sedeant vno semel omnes fortè theatro,
 Quos sua dissimiles palla chlamysq; facit,
 Rideliculus videat plenissima pulpita mimis,
 Rideat & socij pallia quisque sui.
 Iam studium gemmarum & habendi quis furor auris?
 Sudat in hoc hominum nocte, dieq; labor.
 Quid tamen est aurum, fulua nisi puluis arena?
 Gemmaq; quàm vitrei gutta gelata maris?
 Ambit & has tantâ gens stulta cupidine gazas,
 Seu foret hinc miseris vna petenda salus.
 Ecce tibi minimo caelum venale labore,
 Et caelum hoc pretio, quantula turba petis?
 Heu genus insanum! terras praepōnitis astris,
 Ignotis nimium dona caduca bonis!
 Quis pueros (lusu si vel tam turpiter errent)
 Orbili j meritis aspera sceptrâ neget?
 Nempe sciunt leuibus quid distent ara lupinis,
 Vt semel abiectas deseruere nuces.
 Nos magè despimus, cum parua crepundia, celo,
 Prò pudor! & fluxas pluris habemus opes.
 O medici mediam stolidis pertundite venam!
 Stultitia queat hic proximus esse furor.
 Sed videt hec magnus qui temperat arbiter orbem,
 Nostrâq; stultitiâ nomine, multa tegit.
 Et mea propitius deliria plurimâ transit,
 Multaq; scit cacâ dissimulanda manu.
 Et qui ius adimat, nouit Pratoris egerè,
 Ne perdam, patrias qui mihi seruet opes.
 Ergo adeat sanum mea, sac, tutela patronum,
 Stultitiâ custos esto vel ipse mee.

Deus

Deus tu scis insipientiam meam, & delicta mea à te non sunt abscondita.

Psalm. 68.

Prou. 30.

STULTISSIMVS sum virorum, & sapientia hominum non est mecum. Non didici sapientiam, & non noui scientiam sanctorum.

2. ad Cor.

Vtinam sustineretis modicum quid insipientia mea.

11.

Stultitia [enim] colligata est in corde pueri.

Prou 22.

Tomo 9.

August. in

spec. pec.

cap. 8.

[Sed] vis noscere quis sit insipiens, & quis stultus? Respondeo; insipiens est qui se à Paradisi gaudijs peregrinum esse non considerat, & se exulem in hoc exilio non attendit: stultus est, qui licet ista cognouerit, liberari tamen à mundi miseriam per vitæ meritum non intendit.

August.

serm. 8. de

Temp.

cap. 5.

Dic ergo te stultum, & sapiens eris. Sed dic, dic, & intus dic, quia sic est vt dicis. Si dicis, noli coram hominibus dicere, & coram Deo non dicere. Prorsus quod ad te ipsum pertinet, quod ad tua; tenebrosus es. Quid est enim aliud, esse stultum, nisi esse tenebrosum in corde?

August.

epist. 119.

Quis est stultus ille qui tamquam luna mutatur, nisi Adam in quo omnes peccauerunt?

Basilius

hom. 1.

Psalm. 37.

Insipientiam quoque [David] stultum suum factum nominat, ab insipientiam procedens. Omne enim peccatum per stultitiam

titiam fit. Qui igitur in peccatis perseverant, inque eis consistentes gaudent, & se oblectant ac deliciantur, nihilo dissimiles porcis sunt sese in volutabro luti prouoluentibus. Docet autem in quibus fuerit, cum incidere in peccatum. Quoniam enim tempore aliquo *cor meum conturbatum est, & dereliquit me virtus mea, & lumen oculorum meorum, & ipsum non est mecum*: tempore enim, inquit, peccati; pars animæ rationis particeps haud modicam sustinebat perturbationem prauo confusa affectu, & tenebris, ab eo qui peccati fuit impulsor; obducta; aded vt in insipientiam incidere, ided dicit, *putruerunt cicatrices mea à facie insipientia mea*. Conturbatum itaque cor eius; quoniam in insipientiâ fuerat, & à virtute prudentiæ exciderat:

Rectè [autè] peccatū *insipientiam* vocauit, nemo enim sapiens id aliquādo committit.

Nihil peccato peius; insipientes facit eos, qui antea intellectu, & sapientiâ multâ præditi fuerant.

[Et certè] malitia omnis ex *stultitiâ* oritur; siquidem superbus & iracundus (quoniam sapientiâ carent) his affectibus absumuntur. ided inquit Propheta: *Non est sanitas in carne meâ à facie insipientia mea*: vt omne peccatū è *stultitiâ* ortum habere demōstret: nam qui virtuti studet, qui Deum timet, is sapientissimus est. *Initium*, inquit, *sapientia timor*

Domini

Orig. in
Psalm. 37.

Chrysof.
hom. 17.
in Genes.
24.

Chrysof.
hom. 47.
in cap. 6.
Ioan.

Domini. Quod si ita est, malus, qui Dei timorem non habet, sine dubio non est sapiens. Qui hac verâ caret sapientiâ; stultissimus est.

Chrysof.
hom. 4.
in Ioan.

Nihil enim ab insanientibus differunt, qui terrenas res, & breui duraturas tamquam in somnis suspicantur. Videntur diuitijs affluere, cum nullis affluent, in delicijs esse, cum non sint: neque ante se deceptos intelligunt, quam ab insania liberentur.

Aug. in
Psal. 38.

Delirare tibi videor, cum hæcce loquor; aicularia tibi videntur hæc verba. Tu enim (videlicet homo magni consilij magnaque prudentiæ) excogitas quotidie genera acquirendæ pecuniæ, de negotio, de agricultura fortassis & de eloquio, de iuris consultatione, de militiâ; addis, & de fœnore. primò hoc à te quæro: scis eum possessurum cui seruas? aut si nondum natus est, scis nasciturum? seruas filijs; incertum est, an futuris, an possessuris?

Chryf. in
Elaim. 48.

Sed quid est, dic quæso, stultius homine qui laborat, & se exerceat, & tantas opes congregat, vt ex eius laboribus alij se voluptate expleant? Quid est autē; *simul insipiens, & stultus peribit*? Hic mihi videtur verba facere de impijs, qui toti rebus presentibus affixi sunt, eatq; suspiciūt; de futuris autē nihil philosophantur, ea de causa vocans eos *insipientes*.

Ibid.

Vocauerunt nomina sua in terris suis. Ecce aliud genus amenitiæ; ædificijs, agris, & balneis

neis sua nomina inscribere, & putare se magnam consolationem ex eo accipere, & umbram pro rei veritate consequi.

A gloria sua exturbati sunt. Quidnam potest cum hac conferri stultitiâ, quando ea faciant de quibus puniuntur; pro quibus ignominiam afficiantur?

Lignum quidem quod plantasti, manet; domus quam ædificas, & ipsa manet; faber autem & agricola abducuntur & pereunt. Et cum hæc fiant, tamquam immortales hæc omnia comparamus. Igitur audi quid Salomon dicat: *Aedificavi mihi domos, inquit, plantavi hortos & viridaria, vineas, natatorias aquarum.* Sed quid ait post hæc omnia? *Vanitas vanitatum, & omnia vanitas.* Non simpliciter vanitas, sed per excellentiam. Et quæso credamus, & res apprehendamus in quibus non est vanitas: si splendida respicias ædificia, & horum te fallit aspectus, statim in cœlum respice: à lapidibus & columnis ad illum decorem oculos reflecte, & videbis quod hæc *formicarum sint & culicū opera.* contemplare spectaculum; ascende ad cœlestia, illinc ædificiorum disce splendorem, & hæc nihil esse inuenies, sed *paruulorū ludibria puerorum,* verum non fuerūt pueri, ut de re vllâ vtili curâ gerât.

Ita etiam quidam semper volunt ludere, humique semper iacent & humi ferunt ac reptant, & quæ humi sunt, nempe

Ibid.

Chrysof.
hom. 53.
ad pop.
Antioch.Chrysof.
hom. 4.
in 1. ad
Corinth.
cap. 1.

pe terrena, affectant. Pueri autem sapē,
 cū nos loquamur de rebus necessariis,
 eorum quæ dicuntur, nihil sentiunt, sed
 semper rident: ita etiam quidam, quando
 de regno loquimur, rident. Pueri rursus,
 quando latronem viderint, & quæ sunt in-
 tus auferentem, non solum non prohibent,
 sed etiam arrident insidiatori. Sin autem
 calathulum aut sistra abstuleris, aut aliquid
 aliud ludicrum, indignantur & ægrè ferunt,
 se dilacerant & solum pulsant. Ita etiam
 quidam, videntes diabolum paterna om-
 nia auferentem, rident, ad eum tamquam
 ad amicum accurrentes: si quisquam au-
 tem aut possessiones, aut diuitias, aut pue-
 rile aliquid abstulerit, se discerpunt. *Intelli-
 gite insipientes in populo, & stulti aliquando sa-
 pite. Nolite pueri effici sensibus.* Parui enim
 pueri, parua quidem hianti ore stupent &
 mirantur; rerum verò valde magnarum,
 non tantà tenentur admiratione: *nolite pueri
 effici; hoc est, insipientes, vbi oportet esse sa-
 pientes.*

*Psal. 93.
 1. ad Cor.
 14.
 Chrysof.
 hom. 36.
 in hunc
 locum.*

*Chrysof.
 hom. in
 Psal. 4.* Pueris quidem ijs, qui sunt adhuc paulo
 minores, patres præbent eiusmodi: calceos,
 vestes, aureas quasdam bracteas & armillas.
 Postquam autem creuerint; illis eis ablati
 dant alia maiora. Ita etiam fecit Deus: nos à
 paruis illis & puerilibus abducens, ea quæ
 sunt in cælis pollicitus est. Ne hæc ergo
 quæ

quæ fluunt & prætercurrunt, admireris, nec
 sis pusilli & abiecti animi.

Sed maiorum nugæ negotia vocantur; Aug. Cōt.
 l. cap 9.
 puerorum autem talia cū sint, puniuntur
 à maioribus.

*Beatus vir cui nomen Domini spes eius, & non
 respexit in vanitates, & insanias falsas. Qui non
 respicit hæc beatus est, qui autem respicit,
 insanus atque furiosus est. & idèd respiscat
 vnusquisque à furore sæcularium cupidita-
 tum, quæ ita mentem, animamque pertur-
 bant, vt compos esse non possit.*

Ambi. in
 Psalm. 118.
 Oðon. 50.

*Delicta iuuentutis meæ, & ignorantias meas
 ne memineras [Domine.]*

Psal. 24.

Ipsos namque fatuos videmus (quos vul-
 gò moriones vocant) ad cordatorum deli-
 cias adhiberi, & in mancipiorum æsti-
 matione, preciosiores esse cordatis. Et
 suum paruulum filium, à quo garriente talia
 pater lætus exspectat, prouocat; sed dum
 spes subest incrementorum, & ingenij lu-
 men accessurum creditur ætatis accessu, sic
 vt conuicia paruulorum, etiam in parentes,
 non solum iniuriosa non sint, verum etiam
 grata atque iucunda. [Quid] quòd in hæc
 etiam concitentur studio ridendi, & vanita-
 te maiorum? nam plerumque illa ætas, iam
 patrem, matremque agnoscens, neutri eo-
 rum audet maledicere, nisi ab altero eorum,
 aut ab ytroque, vel permissa vel iussa.

August. l. 1.
 de peccat.
 met. ca. 35.



Miserere mei Domine, quoniam infirmus sum; sana
me Domine, quoniam contrivata sunt ossa mea. *Psal. 6.*
5

III.

Miserere mei Domine, quoniam infirmus sum : sana me Domine, quoniam conturbata sunt ossa mea. *Psalms. 6.*

Conquerant silentia : iustas habet ira querelas,
 Heu sine Pæoniâ sola relinquo opes,
 Non ego, iussa licet iuratis credere verbis,
 Sperassem, cordi non magis esse tibi,
 Siccine tardus ades, neque nostri a pericula tangunt?
 Quæ potuit tanta causa fuisse mora?
 O mea spes! Numen quo non presensius agris,
 Sic potes es nostri non memor esse mali?
 Nunc aderant pariter Podalyrius, atque Melampus,
 Philyrides Chiron, Pæoniisque senex.
 Multaque præterea comitata Machaone turba,
 Quique aliquod medicâ nomen ab arte gerunt:
 Tu solus decras morborum publica cura,
 Postque tot Hippocrates ultimus ecce venis.
 O mea spes! numen quo non presensius agris,
 Sic potes es nostri non memor esse mali?
 Omnibus est oris visus color indice linguâ,
 Omnibus admotâ vena notata manu:
 Nil, aiunt, vitale rubet, neque languida certas
 Vena notat, pulsu præmoriante, moras.
 Idque ego plus ipsis deprendo medentibus agra.
 Destituit medicos ars sua, meque salus.

Quidnam igitur sperem fugientibus orba Magistris,
 Morbus ubi vincit sauior artis opem?
 Cæca per infectas serpune contagia venas,
 Imaq; subsidit lapsus in ossa dolor;
 Et caput & cubiti se sustentare recusant,
 Tinctaq; vix Baccho vena medente redit.
 Et iam vix anima superest pars vltima nostra,
 Heu paror inferis proxima pompa meis!
 Denique qui morbos cupit omnes discere nostros,
 Copia quod fieri non sinit, ille cupit.
 Hic status, hac rerum facies miseranda mearum est,
 Nec iuuior vllius, qui medeatur, ope.
 Aspice vix nostram poteris dignoscere formam;
 Vultus abest vultu, seq; nec ipse refert.
 Lumina suffosus retrò fugere cauernis,
 Magnaq; purpureis facta ruina genis:
 Nec quisquam hanc ferro potuit compescere noxam,
 Quin caput & faciem carperet atra lues.
 Tetrica quid memorem vigilis fastidia lecti?
 Quæq; manu tangi vulnera cruda timent?
 Vulnera pròh nullis mulcenda Machaonis herbis?
 Qualia, quæ secuit barbarus ensis, hiant:
 Vulnera, secretas animi populantia fibras,
 Quæ nullus medicâ claudat hinc manu.
 Nempe graues, mea sunt, quæ feci, vulnera noxa,
 Vulnera, trux animæ carnisficina mee.
 Adde, quod intrus, apum dirus mihi turgeat hydrops,
 Lentaq; quod meditor nausea tardet opus.
 Tensaq; ventosi propè rumpant ilia fastus,
 Et Veneris tacitis pectora cancer edat.

Hac ego sæpè dedi varijs tractanda Magistris,
 Semper at oblata cura fefellit opis.
 Scilicet ipse suas, hic tentet inaniter artes,
 Quiraptum Androgeo reddidit arte diem.
 Quisq³ potestates succorum norat & vsum,
 Vna salus agris spesq³, Epidaure, tuis.
 Nec iuuet hic Chiron, operosa viribus herba,
 Nec summum medici numen Apollo chori.
 Officium tanto cedit minus omne dolori,
 Non habet hic vllum succus, odorve locum.
 Quas igitur spectem, vestri nisi Numinis, aras,
 Funeribus nullis quas Libitina notat?
 O mea spes! Numen quo non presentius vllum!
 Ecce tuam veneror, mortua panè, manum.
 Sanus Apollineâ non indiget arte vel herbâ,
 Lege Machaonia, qui dolet, artis eget.
 Mens mihi laesa dolet plus simplice vulneris ictu;
 Ne doleat, vires experiare tuas.
 Illa ego sum, Solymis quam prædo cruentus arenis
 Strauit, & immitti diffudit ense latus.
 Tu Samarita, mero; Tu vulnera mitis oliuo
 Obline, barbaricâ vulnera facta manu;
 Quosq³ Leuita negat, medicos inuerge liquores,
 Crescet ab infuso rore, meroq³ salus.

Miserere mei Domine, quoniam infirmus sum: sana me Domine, quoniam conturbata sunt ossa mea. Psal. 6. vers. 3.

Aug. so-
liloq. c. 2.

AGROTUS sum, ad medicum clamo; cæcus sum, ad lucem propero; mortuus sum, ad vitam suspiro. Tu es medicus, tu lux, tu vita, IESU NAZARENE; miserere mei fili Dauid; miserere mei fons misericordiæ. Audi quid ad te clamet infirmus; Lux quæ transis, expecta cæcum; præbe ei manum ut ad te veniat, & in lumine tuo videat lumen.

Aug. me-
dit. cap. 36.

Imperfecta enim mea plurima vident oculi tui. Mitte, quæso manum pietatis tuæ in me, & tolle de me, quicquid offendit oculos pietatis tuæ in me. Coram te Domine est sanitas & infirmitas mea. Illam precor serua, istam sana. *Sana me Domine & sanabor: saluum me fac & saluus ero.* Tu qui infirma sanas & sanata conseruas. Tu qui nutu tuo restauras diruta & collapsa.

Guilb.
Abb. serm.
46. in
Cant.

Vtinam tibi Domine, aliqua filia Hierusalem nuncient lāguores meos; si qui sunt in me qui cōmendari tibi digni sunt; nam multi sunt in me indigētes curari. O me felicem si aliquis Centurio cœlestis dicat tibi: *Domine puer meus iacet paralyticus in domo, & male torquetur! vtinam Domine statim respōdeas,*

Ego

Ego veniam, & curabo eum. Dic Domine verbo,
& sanabor. Verbo enim ades, quia verbum
es.

Medicinas de terrâ, propter singulas August. so-
quasque suas corruptelas creasti. Singula liloq. cap.
solatia singulis malis obuiantia præparasti; 20.
quoniam es misericors & miserator.

Hei mihi, Domine, miserere mei. Hei mihi, ecce vulnera mea non abscondo. Medi- Aug. libr.
cus es, æger sum, misericors es, miser sum. 10. conf.
cap. 28.

Nunquid non potens est manus tua Deus Idem
omnipotens sanare omnes languores anime ibid. cap.
meæ? 30.

Multas infirmitates habet anima nostra. Hieron. in
Quor peccata, tot infirmitates. Psalm. 162.

Ægrotat humanum genus, non morbis Aug. serm.
corporis, sed peccatis. 59. de ver-
bis Domi-
ni, cap. 11.

Non modò enim paralyti dissolui, ve- Chrylost.
rùm etiam peccare, languor est, & longè hom. 14.
illo languore deterior, ac tanto vtique, in cap. 4.
quanto est corpore anima præstantior. Math.

Præsta mihi Domine medicinam, vnde Aug. med.
mea possint curari vulnera: visita me infir- cap. 40.
mum, cura me ægrum, sana me languentem,
& suscita me mortuum.

Varios siquidem languores habemus a- Chryf. in
nimarum, & hi sunt quibus [Christus] prin- c. 4. Mar.
cipaliter vult mederi. hom. 14.

Propterea enim illas ægritudines sanat,
vt istas scilicet de nostris animabus expellat.

Ambros.
tract. de
42. man-
sionibus.

Animæ languor peccatum est, vnde dixit
Propheta: *Sana animam meam, quia peccavi tibi,*
languor animæ nostræ superbia est, avaritia
est.

Amb. lib.
4. in cap. 4.
Luc.

Etiam in typo mulieris illius, socrus Si-
monis & Andree, variis criminum febribus,
caro nostra languebat, & diuersarum cupi-
ditatum immodicis estuabat illecebris. Nec
minorem febrem amoris esse dixerim quàm
caloris. Itaque illa animum, hæc corpus in-
flammat: febris enim nostra avaritia est: fe-
bris nostra, libido est, eò quòd ignita sint
cupiditates: febris nostra, iracundia est: fe-
bre libido flagrantior est, grauiusque præci-
pitat & inflammat.

Chryf. in
cap. 3. ad
Philip. ser.
11. digres-
sione mo-
rali.

Vexabat enim nos morbus grauis ac fe-
bris vehemens, decumbebamulque, non in
lecto, sed in ipsamet vitiositate, perinde ac
in stercore. In improbitate voluptabamur,
scatentes vlceribus, fœtorē spirantes, squal-
lidi, incurui, vmbra potius quàm homines.

Aug. serm.
59. de ver-
bis Domi-
ni, c. 11.

Quin iacet toto orbe, ab Oriente vsque
ad Occidentem, grandis ægrotus; sed ad san-
nandum grandeni ægrotum descendit om-
nipotens medicus. Humiliauit se vsque ad
mortalem carnem, tanquam vsque ad le-
ctum ægotantis.

Chrysof.
in cap. 3. ad
Philip.
serm. 11.

Vidit in stercore iacentem, à vermibus ex-
vlceratum, à febre & fame oppressum, nullo
non morbi genere laborantem. Nam & fe-
bris

bris vexabat [hoc enim est improba cupiditas] & inflammationes vrgebant [hoc enim arrogantia] & quædam infatiabilis fames occupabat [hoc enim auaritia] & sanies vndiq; [hoc enim scortatio] & cæcitas oculorum [hoc enim idololatria] & surditas & stupor [hoc enim erat, lapides & ligna adorare, & cum illis colloqui] & multa deformitas [hoc enim vitiositas] triste nimirum quiddam & morbus grauissimus. Vidit, absurdius (quàm infantes soleant) loquentes, & lignum & lapidem Deum vocantes. Vidit in tantâ vitiositate; nec tamen abominatus est, non amarior factus, non auersatus est, non odio profecutus; Dominus enim erat, & opus suum non oderat. Deinde quid facit? optimi medici more parat pretiosa Pharmaca;

Et quia ipse est & verbum Dei, ægris suis non herbarum succis, sed verborum sacramentis medicinam conquirat.

Orig. hom.
1. in Leuit.
cap. 12, &
13.

Erat namque Archiatros, qui posset curare omnem languorem, & omnem infirmitatem.

Orig. hom.
1. in Ps. 37.

Nouerat, venâ inspectâ, quid intus ageretur in ægroto.

Aug. in
Psal. 43.

Erat humanarum ægritudinum Pæonius Medicus & sanctus ægrotae animæ incantator. *Saluum, inquit, fac seruum tuum Deus meus speratam in te. Misere mei Domine, quia clamavi*

Clem.
Alex. lib.
1. Pedagog.
cap. 26

ad te totâ die. Bonus autem Pædagogus, qui est sapientia (qui verbum Patris, qui fabricatus est cælum) vniuersi figmenti curam gerit, eiufque corpori & animæ medetur: qui est omni ex parte sufficiens medicus, humanæ naturæ feruator: Surge, inquit Paralytico, & sublato, in quo iaces, grabato, vade domum; & qui prius erat infirmus, extemplò sanus & firmus euasit. Et mortuo Lazaro dixit egredere; ille verò mortuus, ex sepulcro exijt, qualis erat antequam moreretur, meditarus resurrectionem.

Ang. vel
quis alius
lib. de vera
& falsâ.
Poen. cap.
5.

August. de
doctrina
Christi.
lib. 1. cap.
14.

Ideò autem tot saluauit febricitantes, tot languidos, tot claudos, tot cæcos & aridos, ne desperet de se peccator: medicum se vocat, & non sanis sed malè habentibus oportunum.

Et sicut ille qui medetur vulneri corporis, adhibet quædam contraria; sicut frigidum calido, vel adhibet etiam quædam similia: sic Dei sapientia hominem curans, seipsam exhibuit ad sanandum; ipsa medicus, ipsa medicina. Quia ergo per superbiam homo lapsus est, humilitatem adhibuit ad sanandum. Serpentis sapientiâ decepti sumus, Dei stultitiâ liberamur. Iam verò similia, quasi ligamenta membris & vulneribus nostris adhibita, illa sunt; quod per feminam deceptos, per feminam natus; homo homines; mortalis mortales; morte, mortuos liberauit.

Quod

Quod si te ergo fortasse animarum no-
strarum prædo & tyrannus, vel à Hierusa-
lem in Hiericho descendentem, vel alibi
vsquam inermem & imparatum nactus, vs-
que adedò fauciauit.

Clama; *Ego dixi, Domine miserere mei, sana
animam meam, quoniam peccaui tibi*: sanat te
Deus, confitere tantum vulnus tuum. Iaces
sub manibus medici; patienter implora au-
xilium, fouet, vrit, secat; æquanimiter tole-
ra, tantum noli attendere nisi vt saneris; sa-
naberis autem, si ostendas te medico; non
quia ille non videt, si tu te abscondas, sed
ipsa confessio initium sanitatis est.

Vulnus, medicum quærit; Medicus, con-
fessionem exigit.

*Conuertere ad me, ait Dominus, Numquid re-
sina non est in Galaad, aut medicus non est ibi?
quare non ascendit sanitas filia populi mei?* grandi
plagæ altâ & prolixâ opus est medicinâ.

Totum enim genus humanum, est ille
homo, qui iacebat in viâ semiviuus, à latro-
nibus relictus; quem contempsit transiens
Sacerdos & Leuites; & accessit ad eum cu-
randum ei que opitulandum transiens Sa-
maritanus, in quo Samaritano, se voluit in-
telligi Dominus noster IESVS CHRIS-
TUS.

Ideo vnusquisque nostrum, cordis & cor-
poris genua flectens, oret Dominum no-
strum

Nazian.
orat. 16.

August.
hom. 12.

Amb. in
Psalm. 49.

Ambr. ad
Virgini.
lactam
cap. 8.

Aug. ser.
37. de ver-
bis Dom.

Ambr. de
42. mans.
mans. 3.

strum IESVM CHRISTVM (qui sanat omnes infirmitates nostras) Et cum Prophetâ dicat: *Sana me Domine & sanabor, salua me, & saluabor.* dicat & cum Dauid: *Sana me Domine, quoniam conturbata sunt omnia ossa mea.*

Chryf. in
Psalm. 26.

Omnis enim qui medicum non agnoscit, phræneticus est. Nam quoties phræneticos videmus medicis contumeliam facere, resistere sanitati, nolle curari, deridere veram curam?

Ibid.

Currite ad medicum dum potestis; ne, cùm velitis, non possitis.

August. in
Psalm. 102.

Si adhuc quibusdam perturbationibus anima quatitur post remissionem peccatorum, lāguor est; *sanat & omnes languores tuos.* Sanabuntur omnes languores tui, noli timere. Magni sunt, inquires; sed maior est medicus. Omnipotenti medico nullus languor insanabilis occurrit; tantùm tu curari te sine; manus eius ne repellas, nouit quid agat. Non tantùm delesteris cùm fouet, sed etiam toleres, cùm secat. Tolera medicinalem dolorem, futuram cogitans sanitatem: fert ergo manus eius, ô anima, quæ benedicis eum, non obliuiscens omnes retributiones eius, *sanat enim omnes languores tuos.*

August in
Psalm. 40.

Planè committamus nos medici manui, non enim errat, vt sanum pro putri fecet. Nouit quod inspicit, nouit vitium quia ipse facit naturam: quid ipse condidit, quid de
nostrâ

nostrâ cupiditate accessit, discernit. scit se sano homini præceptum dedisse, ne languorem incurreret; dixisse in Paradyso, hoc manduca, & hoc noli. Non audiuit sanus medici præceptum, vt non caderet; audiit vel ægrotus vt surgat.

Quisquis ergo es, ô Christiane, qui sanitatem iactas, & te vulneratum fuisse dissimulas, qui integritate gaudes, & te ægrotum fuisse non meres, qui te destitutum iacuisse non respicis, sed erectum in Ecclesia gloriaris; ama CHRISTVM qui te à prædonibus liberavit, dilige Dominum qui te prostratum iacentemque erexit. Dilige, inquam, Dominum qui te in Ecclesiæ stabulum, per semetipsum, inuexit; qui rectori stabulario commendauit; qui duos denarios, hoc est, legem & Euangelium in eruditionem tuam erogari præcepit. Dilige, inquam, Dominum qui tibi dicit: *Ecce sanus es.* Dominus enim caram tuam salutem habet, qui propter te in sæculum venit, & te à nefandis latronibus liberavit.

Chryf. in
cap. 10.
Luc. hom.
de Samar.



Vide humilitatem meam et laborem meum, et dimitte
universa delicta mea! Psal. 22.

I V.

Vide humilitatem meam, & laborem meum: & dimitte vniuersa delicta mea. *Psalm. 24.*

Aspicis,heu seuus! nostris neque tangere curis?
 Aspicias, & credi vis tibi, me quòd ames?
 Futilis ignaro caneretur fabula vulgo;
 Sentit amicorum vulnera, quisquis amat.
 Aspicias & pateris; neque cura est vlla iuandi;
 Verus amor promptam non ita tardat opem.
 Aspice, quàm turpi subigar damnata labore,
 Aspice, cui tandem colla premenda iugo.
 Si foret ingenuâ saltem labor indole dignus,
 Nec nimis abiecta vilius artis opus.
 Multa meos casus magnorum exempla leuarent,
 Et faceret propriam, sors aliena, lenem.
 Sape Ducum proauos, Regesq; nouerca coegit
 Augustas operi sors adhibere manus:
 Protea frenantem septemplicis ostia Nili,
 Sic oras miseram, Rex Menelae, stipem.
 Dextra Syracosij sceptris assuetâ Tiranni
 Sic ferulas, pueris sceptrâ verenda, tulit.
 Flèda exempla quidè, tamen haud ducenda pudori,
 (Non etenim miseris sunt sua fata probro)
 Ast mea non lacrymis, sed digna pudore ruina est,
 Quæ roto seruiles spontè subacta, molas.
 Qualis ab infidâ Sampson detonsus amictâ,
 Circuit indignas, hoste iocante rotas.

Atque

Atque vitinam famulas tantum damnarer ad artes!
 Explerem ingenuam sordida pensa manu:
 Turpibus at seruum vitij addicere pectus,
 Exulis asperius mancipij³ iugo est.
 Ah pudet! & (duplicitis noua qua mihi causa ruboris)
 Ipsa meum damnans execror author opus.
 Vix bene perta sum est, rursumq³ reuoluitur error,
 Crescit & attextis nexa catena malis.
 Scilicet illa manet plectendas vltio noxas,
 Admissum sequitur culpa secunda scelus.
 O quam saepe meo sensu haec discrimina damno!
 Nec tamen est damni mens reuocata metu.
 Nempe trahor vario studia in diuersa duello,
 Vt ratis ambiguus iam pila facta Notis.
 Et trahit hinc (vitij qua lena comesq³) voluptas?
 Quiq³ subit vitium, retrahit inde dolor.
 Saepe illa tamen redit e certamine victrix,
 Assiduus vitio sit licet ille comes.
 Sic habet alternos virtus, vitiumq³ triumphos,
 Et meus aeterno vertitur orbe, labor.
 Tu super haec etiam loris seruilibus instas,
 Addis & in poenas verbera dura meas;
 Paenaq³ cum culpa sit culpa, secunda peracta
 Supplicij poenas adijcis vsque nouas.
 Nempe Ixionius non est modò fabula gyrus,
 Vinceta sed aeterna vertor in orbe mola.
 Afficis haec durus nostro neq³ tangere satò?
 Aspice, & in poenas misior esto meas.

Vide

Vide humilitatem meam, & laborem meum: & dimitte vniuersa delicta mea. *Psalm. 24.*

IN quantam tribulationem deueni in quos fluctus tristitia, in quâ nunc sum; qui iucundus eram & dilectus in potestate meâ: nunc verò reminiscor malorum qua feci. Mach. 6.

Vide humilitatem meam, attende deiectionem in firmitatis meæ. Beda in. Psalm. 24.

Contrarietas culpe facta est homini pondus pœnæ; vt corruptioni suæ malè liber feruiat, qui benè seruus de incorruptionis libertate gaudebat. Greg. cap. 22. in cap. 7. Iob.

Nunc etenim menti cedit caro, nuncq; vicissim Nazianz. eam. de animæ calamitatibus.

Mens carnem sequitur. —

Namq; bonū cupiens, facit id tamen ipsa quod odit; Seruitium lachrymis persequiturq; graue.

Quamuis [enim] quispiam locuples sit & generosus, est tamen inter abiectos abiectissimus, cum à peccato vincitur, quemadmodum enim si Rex quispiam barbarorum seruus fiat, omnium est miserimus, sic qui in peccato viuit. Barbarum namque peccatum est, animam enim sub Tyrannidem redigit; nihil enim tam præter rationem est; quàm peccatum; vnde ait Propheta, Homo cum in honore esset, non intellexit, comparatus est iumentis insipientibus. Chrysoft. hom. 9. in epist. 1. ad Cor. 10. 4.

Orig. hom.
16. in cap.
67. Genes.

Sanè si intelligamus spiritualiter, quæ sit Ægyptiorum seruitus; agnoscimus, quia seruire Ægyptijs, nõ aliud est, quam obnoxium fieri carnalibus vitijs, in quod vtrique vnumquemque non extrinsecus illata necessitas cogit, sed segnities animi & libido ac voluptas corporis subegit, cui se animus per concordiam subdit. Denique & Saluator de libertate & seruitute in Euangelio differens, ita loquitur: *Omnis, inquit, qui peccat seruus est peccati.*

Hom. 8.
in cap. 15.
Exod.

Sicut ergo Ægyptus (ita terrena prouincia) si ijs Israël, domus dicitur seruitutis, ad comparisonem Iudææ & Ierusalem (quæ eis domus efficitur libertatis) ita ad comparisonem cœlestis Hierusalem (quæ vt ita dicam; mater est libertatis) totus hic mundus, & omnia quæ in hoc mundo sunt, domus est seruitutis.

Aug. serm.
12. de ver-
bis Domi-
ni

Quid ergo mirum si mundus multa vapulat: seruus est, sciens voluntatem Domini sui & faciens digna plagis; non ergo recuset vapulare multis, quoniam si non vult audire præceptorem iniuste, iuste patietur ultorem; vel non murmuret contra castigatorem, cum videat se plagis dignum, vt misericordiam mereatur.

Prou. 26.
v. 3.

Bern.

Flagellum equo, & camus asino, & virga in dorso imprudentium.

Ergone bestia sumus nos? bestia profus.

Homo

Homo cum in honore esset, non intellexit, comparatur est iumentis insipientibus.

serm. 3. super Qui habitet in adiutorio.

Asinini quidam & bestiales motus legem contrariam habent. Cum ieiunare consentis vrget gulæ illecebra; cum vigilare proponis, somnolentia premit: *quid faciemus huic asino?*

Eadem peccatores spiritualiter feremus, quæ [Sampson] carnaliter ad nostram eruditionem expressa, sustinuit. Ita enim nobis,

Bern. serm. 5. de Ascensu.

vt illi hostis illudet, & *vertendis molis velut asinos* deputabit. Vnde nos Dominus (ne collum nostrum, non subditum iugo Christi dignum faciamus *asinaria molâ*) admonet per Prophetam: *nolite fieri sicut equus & mulus, quibus non est intellectus.* Homo enim, vt alibi dicit idem Propheta, *non intelligens honorem suum, comparatur iumentis & similis efficitur.* Quod in Rege Babylonio videmus euidenter expletum, qui stoliditatis impiæ & vecordis superbix pœnam, sensu hominis exutus in belluino hoc corde sustinuit. Etenim homo in errore positus & in iustitiâ relapsus, iustè vt Sampson sapientiæ pariter & gratiæ virtute desertus, cæcitate punitur & *molâ*; quia dignus est opere iumentario, qui semetipsum lumine rationis orbauerit, & in similitudinè belluarum, corporis feruus, abiecerit. Considera huiusmodi mortalium vitam, & tota tibi species *iumentis molentis* occurrat. Vt ille pannis oculos corporis sic iste

Paulin. epist. 4. ad Scuerum.

fordibus vitæ suæ oculos mentis obsutus, per errores suorum sensuum, quasi circa *ambages molarum* laboriosa miser statione versatur, vsui suo vacuus, laboriosus alieno. Stat in viâ peccatorum compeditus vinculis cupiditatum suarum, & ipse sibi carcer est obsessus tenebris erroris sui, & conscientiæ squalore concretus in semetipso *pistrini ergastulum* patitur, saxum cordis sui perinaciâ iniquitatis induratum quasi *molam versat*, farinam hostibus suis, de corruptâ animæ suæ fruge, conficiens; quia sicut scriptum est: *peccator de animâ suâ currit*. Ita qui peccatum operatur de molâ vitæ suæ, hostile triticum molit vt Zabulum pascat, cui panis est anima, quæ sibi fames est.

Orig. tract.
5 in Matt.
cap. 18.

Sunt autem & *molarum differentia*, vt sint quædam earum humanæ, aliæ asinariæ. Et humana quidem est illa de qua scriptum est: *Duæ erunt molentes ad vnâ molam, vna asumetur & altera relinquetur*.

Ambr. in
c. 17. Luc.

Discutiamus ergo quæ molant, quid molant quidue pistrinum sit: & fortasse mundus iste pistrinum est, & quod in eo humani corporis forma referatur, in quo anima nostra velut quodam carcere includitur, panem si consulat boni, operatura cœlestem. In hoc ergo pistrino anima obnoxia delictis triticum molendo madefactum & graui humore corruptum, non potest interiora ab

exte-

exterioribus separare, & ideò relinquitur, quia eius similitudo displicuit.

Afinaria autem mola non irrationabiliter dici potest grauiſſimum hominis malum, quod ſemper deorſum trahit.

Orig. tract.
5. in Mat.
cap. 8.

Nam quid per *molam afinariam*, niſi actio terrena ſignatur, quæ dum colla mentis per ſulta delideria conſtringit, hanc *in laboris circuitum* mittit.

Greg. lib.
6. mor. c.
26. in cap.
3. Iob.

Molendinum enim labor eſt huius ſæculi;

Auguſt.
ſer. 107. de
temp.

Et molendinum puto dictum mundum iſtum, quia rotà quãdam temporum voluitur, & amatores ſuos conterit.

Auguſt. in
Pſalm. 36.

Teſtatur Sampſon Allophylis captus, qui poſtquam oculos perdidit, *ad molam* deputatus eſt; quia nimirum maligni ſpiritus poſtquam tentationum ſtimulis intùs aciem contemplationis effodiunt, foras *in circuitum laborum* mittunt.

Gregor. 7.
mor. 16.
in cap. 6.
Iob.

Et quare in *molendino*? quia in iſto mundo verſantur: vbi *molendinum* intelligitur, quia *ſic vertitur mundus iſte, quo modo mola.*

Auguſt. in
Pſalm. 132.

Quare in *molendino*? quia defuncti in ſæculo, *circuitu* rerum temporalium, tamquam *molâ* detinentur.

In Pſalm.
99.

Et trahebat me poſt ſe, *in circuitu*, de vitio in vitium, & de luto in lutum.

Aug. ſoli.
104. c. 6.

Vnde bene quoque per Pſalmiſtam dicitur, *Deus meus, pone illos vt rotam. vt rota ponuntur*

Greg. lib.
16. mor. c.

30. in cap. nuntur quippe iniqui, quia in *circuitu laboris*
24. *missi*, dum ea quæ antè sunt negligunt, & ea
quæ deferenda sunt sequuntur, ex posterioribus eleuantur, & in anterioribus cadunt.

Greg. lib. Hinc est enim quod per Psalmistam dicitur: *in circuitu impij ambulat*; quia dum interiora non appetunt, in exteriorum labore fatigantur.

Bernard.
hom. 81.
in Can.

Miser ego homo! quis me liberabit à calumniâ huius pudendæ seruitutis? miser sed liber, liber quia homo, miser quia seruus, & pro seruitute quidem miserabilis, sed pro voluntate inexcusabilis. Voluntas enim est quæ se, cum esset libera, seruam fecit peccati, peccato assentiendo, quia qui facit peccatum seruus est peccati.



V.

Memento, quæso, quòd sicut lutum
feceris me, & in puluerem redu-
ces me. *Iob. 10.*

Ergone cœlitum iam nata obliuia regnis?
Quis Ganymedeo miscuit illa scypho?
Quid facit immemores ad nostra negotia Diuos?
Lethæas Superi fortè bibistis aquas?
Oblita es mea lux, aut vis oblita videri,
Cum dubitas proprium quale creâris opus.
Si nescis, referam; si scis, cur fingere pergis?
Me Tua de luteâ dextera fecit humo.
Queris vbi? toto locus est notissimus orbe:
Primus vbi pater est conditus, hortus erat.
Fons vbi de riguis argenteus exilit herbis,
Quadrupliciq; suas flumine findit aquas.
Scire lubet tempus? minimo post tempore, salsas
Cum maris aggeribus terra coegit aquas.
Addo, (quod historia facit, hâc quoque parte, pro-
Puniceo rubuit Dadala gleba solo. [banda])
Hinc tribus es modicam digitis admensas arenam,
Primaq; massa mei corporis illa fuit.
Nec primis erit huius natalibus exitus impar,
Nil nisi puluis eram, nil nisi puluis ero.
Sic faber argillam samijs dum repperit agris,
Ædificat facili pocula ficta luto.

Principid, terra segmenta lignonibus vrget,
 Inde leui madidam flumine mollit humum;
 Denique materiem pernix rota versat in orbem,
 Amphoræq; admota nascitur arte manus;
 Nascitur, at mediâ vix amphora vixerit horâ,
 Frangitur, inq; suam fracta recurrit humum.
 Haud magè firma mea fundamina condita vita,
 Et leuis extremos finiet vmbra dies.
 Cur igitur, veluti fuga non satis incitet annos,
 Precipites glomerat mobile tempus equos?
 Sponte, meus puluis, nimis heu cito, sponte fatiscit,
 Et mea, non vllò, vita premente fugit!
 Si mihi, seu vitreâ concreuit Olympus ab vndâ.
 Calite crystallo membra gelata forent!
 Aut quales memorant, cœlestia lumina, stellas,
 Quas suus è liquidis condidit auctor aquis:
 Aut foret Angelicæ munus, sine corpore, vita,
 Elisis qualem mentibus esse serunt!
 Sperarem Angelicis equalia secula lustris,
 Cœlestesq; annos, sideriosq; dies.
 Sed data squammigeræ magè fortia corpora curmæ
 Quam peperit viridi Doris aquosa patri.
 Quin etiam volucres cunis melioribus orta,
 Plumea queis nitida membra dedistis aquæ.
 O vtinam rigidis mihi stent adamantibus artus,
 Aut durent neruos firma metalla meos!
 Felices Scythiæ fato meliore sorores,
 Fama quibus fuluo finxit ab ære manus,
 Cuiq; fuit solo corpus penetrabile talo,
 AErea nam reliquum lamina corpus erat:

Sed quid ago, damnoq; mei cunabula limi?
 Aut queror è fragili corpora ficta luto?
 Non bene vasa suo faciunt conuicia fabro,
 Nec faber ipse suum iure refutat opus.

Memento, quaeso, quòd sicut lutum feceris
 me, & in puluerem reduces me.
 Iob. 10.

SVRGE, & descende in domum figuli, & ibi au- Heremiae
 dies verba mea. Et descendi in domum figuli, & ^{18.}
 ecce ipse faciebat opus super rotam, dissipatum est
 vas, quod ipse faciebat è luto, manibus suis: conuer-
 susq; fecit illud vas alterum; sicut placuerat in oculo
 eius, vt faceret. & factum est verbum Domini
 ad me dicens: Numquid, sicut figulus iste, non pote-
 ro vobis facere, domus Israel, ait Dominus? Ecce
 sicut lutum in manu figuli, sic vos, in manu mea.

Volens Propheta, Dei ostendere poten- Hugo
 tiam & hominis fragilitatem, comparat Card. in
 Deum figulo & hominem luto; quod ni- hunc lo-
 hil potest aduersus Deum, sicut nec lutum cum,
 aduersus figulū; vnde Rom. 9. dicitur: num-
 quid potest figmentum ei qui se finxit, dicere, Quid
 me fecisti sic? & Isaia 45. Va, qui corradicit fictori
 suo, testa de samis terra. Numquid dicit lutum fi-
 gulo suo, Quid facis? & Isaia 64. Et nunc Domine
 Pater noster tu es; nos verò latum; & fictor noster
 tu, & opera manuum tuarum omnes nos, igitur in
 domum

domum figuli descendere, est considerare fragilitatem carnis suæ. Corpora autem nostra dicuntur vasa, quia continent liquorem siue thesaurum pretiosissimum, scilicet spiritum ad imaginem Dei creatum. 2 Rom. 4. *Habemus thesaurum istum in vasis fictilibus.* Deus autem est figulus. Hoc autem vas, rectè dicitur super rotam; vel propter corporis instabilitatem; vel quia idem est principium & finis ibidem, secundum illud Genesis 3. *De terrâ es, & in terram ibis.*

Greg. lib.
10. mor. c.
36. in cap.
10. Iob.

Vt lutum ergo homo factus est; quia de limo est ad conditionem sumptus. Quod sanctus vir benè pietati iudicis objicit, cum postulans dicit: *Memento queso, quòd sicut lutum feceris me.* Ac si apertè dicat: Infirmi- tatem carnis considera, & reatum iniquitatis laxa. Vbi aptè quoque mors eius carnis adiungitur, cum protinus sub infertur: *& in puluerem deduces me.* Ac si patenter postulet, dicens: *Memento queso, quòd per carnem à terrâ venio, & per eius interitum ad terram tendo.*

Greg. ibid.
cap. 37.

Hæc autem quæ de exteriori homine diximus, etiam interiori quemadmodum possint congruere, libet vt breuiter replicando monstremus. *Memento queso, quòd sicut lutum feceris me.* Sicut lutum quippè homo noster interior existit: quia Sancti Spiritus gratia terrenæ menti infunditur, vt ad intellectum sui

fui conditoris erigatur; humana namque cogitatio, quæ peccati sui sterilitate aruit, per vim Sancti Spiritus, quasi irrigata terra, viridescit. Sed sæpè, dum præceptis superni doni virtutibus, sine interruptione utimur, ad priuatam fiduciam, vsu continuæ prosperitatis eleuamur: vnde fit plerumque, vt idem qui subleuauerat, parumper spiritus deserat, quatenus ipsum sibi homines ostendat. Quod sanctus vir protinùs exprimit, cum subiungit, & *in puluerem deduces me.*

Quia, cum per subtractionem spiritus mens aliquantulum in tentatione deseritur, quasi ab humore pristino, terra siccatur; vt infirmitatem suam derelictus sentiat, & sine infusione supernæ gratiæ, quantum homo aruit, agnoscat: qui aptè quo iue reduci ad puluerem dicitur, quia dimissus sibi, cuiuslibet aura tentationis raptatur.

Hoc ergo (sicut dignum erat) perpendentes homines sancti, pulchra plasmata in gloriam & honorem præparata, hunc ipsum Creatorem, suum plastes; seipfos autem lutum appellauerunt; eleganti confessione, lacrymosâ declamatione: *Et nunc Domine, inquit Isaias, Tu pater noster es & nos lutum; & factus noster, & opera manuum nostrarum, omnes nos.* Et ad Hieremiam loquitur idem plastes noster Deus. *Numquid sicut figulus iste, non poterò vobis facere, domus Israël? ecce sicut lutum in*

Rupertus
lib. 2. c. 20.
in Gen.

manu

manu figuli, ira vos, in manu mea, domus Israel. Ostenderat enim illi figulum facientem opus suum super rotam: Et dissipatum est, inquit, vas quod ipse faciebat è luto manibus suis, conuersusq; fecit illud, vas alterum, sicut placuerat in oculis eius, vt faceret. Hinc idem qui supra dicit Isaias: Væ qui contradicit sictori suo, testa de samis terra. Hæc & illis similia sciens ille Iurisperitus cœlestis Paulus ait: O homo tu quis es qui respondeas Deo? Nunquid potest figmentum dicere ei qui se finxit; Quare me fecisti sic? Aut nunquid non habet potestatem figulus; facere de eodem luto, aliud quidem vas in honorem, aliud verò in contumeliam?

Rupertus
lib. 1. in
Ieremiam
cap. 10.

Magnum reuerentiæ documentum, magnum & congruum taciturnitatis & continentis linguæ instrumētum. Deus plastes noster est, nos autem lutum. Monet hoc vehementi increpatione Apostolus vas electionis, placitum quæ æterni figuli opus, monet, inquam, nos, & mittit huc, vt eum Prophetâ isto, præsens diuinæ potestatis exemplar videamus. Cùm enim abiectionem fratrum suorum Israelitarum congenuisset; *Quid ergo, inquit, dicemus? Nunquid iniquitas apud Deum? absit.* nimirum vt hæc diceret, ipse quoque mente humili; in isto Prophetâ, descendebat in domum figuli, & viderat quod domus Israel lutum esset, æquè vt omne cœrum gentium; & quia non pro debito, sed pro

pro solâ gratiâ *Deus figulus omnium*, sumpsit Abraham, cùm effer lutum Chaldaicum, & ex illo, & ex feminis eius massâ luteâ, fecit quæ voluit vasa misericordiæ, vasa honoris & gratiæ. Quid amplius illi debebat, quàm vniuerso luto generis Adæ? hoc ille sapiens & humilis, & ided verè sapiens, quia humilis, viderat & humiliter sentiebat; quia non propter figuli inertiam, sed propter incomprehensibilem Iustitiam, rebelle lutum in manu eius dissipatum fuerat. Porrò vt ad spectandam similitudinem figuli reuertamur, dicamus nunc quando figulus ille cognouit figmentum nostrum, suscipiendo puluerem nostrum, tunc ipse faciebat opus è luto manibus suis super rotam adhibitis digitis suis, id est, donis Spiritus Sancti, vt perfecta iam in plenitudine temporis vasa, thesauros susciperent misericordiæ & honoris. Sed ausum est infelix lutum blasphemare figuli sui digitos. Quid igitur? Nimirùm figulo iustissimè digitos suos foris contrahente, & cum totâ manu feriente, dissipatum est vas, dissipatione validâ.

Num quæram igitur quis fecit me? Tu Domine fecisti me, sine quo factum est nihil, tu factor mei, ego opus tuum. Gratias tibi ago Domine Deus meus, per quem vivo ego, & per quem omnia viuunt, quoniam

Aug. sermo
liloq. c. 31.

niam fecisti me. Gratiarum tibi plasmatorem meum,
quia manus tuæ fecerunt me & plasmauerunt me.

Aug. 30.
liloq.

cap. 20.

Aug. lib. 3.
de ciu. cap.

3.

Rupertus
lib. 2. c. 21.
in Gen.

Novisti figmentum nostrum figulus noster, & omnes quasi lutum in manu tuâ.

Nempe figmentum fragilius, quàm vasa quæ illâ rotatione finguntur.

Igitur quia sic voluit, & sic sapientia distavit, vnum de quo cæteri propagarentur, formavit hominem de limo terræ. de limo, inquam terræ. Manifestum est hoc, quia secundum corpus, homo terra est. Terra enim, inquit Dominus, *es, & in terram ibis.*

August. in
Psalm. 102.

Novit, quid fecerit, quomodo lapsum sit, quomodo reficiendum sit, quomodo adoptandum sit, quomodo ditandum sit. Ecce facti sumus de limo. Primus homo de terrâ, terrenus; secundus homo de cælo, cælestis.

Ambr. in
Psalm. 116.


Nosce tamen te ipsum homo: tuæ animæ dicitur in Canticis Canticorum: *Ni cognoveris te formosa in mulieribus.* Cognosce te anima quia non de terrâ, non de luto es, quia insufflavit in te Deus animam viventem. Attende tibi, ut lex dicit tibi, id est, Animæ tuæ: secularia te & mundana non teneant; terrestria non morentur; ad illum rotâ intentione festina, ex cuius inspiratione consistis.

Ambr.

Cognosce te anima, quia non de terrâ,
non

non de luto es, quia insufflauit in te Deus, & ibid. o. a.
fecit te in animam uiuentem. Opus magnificum est homo, Dei inspiratione formatum. 10.
Disce homo, ubi grandis, ubi pretiosus sis, vilem de terra demonstrat, sed gloriosum virtus facit, fides rarum, imago pretiosum. An quicquam tam pretiosum, quam imago Dei est?





*Peccaui. Quid faciam tibi, O custos hominum?
quare posuisti me contrarium tibi? Iob. 7. 6.*

VI.

Peccaui: quid faciam tibi ò custos
hominum, quare posuisti me con-
trarium tibi? *Iob. 7.*

ET iuuat & merui: pleno scelus ore fatendum est,
Culpa mea est nullo digna patrocinio.

Peccaui, fateor, nec quæ malè crimina feci,

Vllo fucari posse colore, puto.

Nec mihi dedecoris metus est, neque cura pudoris,

Publica flagitiis debita pœna meis.

Ecce manus vltro supplex tibi porrigo victas,

Quæ mihi sit, tantum pœna luenda rogo.

Quid tibi vis faciam? vis trudem pectus in enses,

Aut cladi statuam mœsta trophœa mea;

Vis tua centenis cumulari altaria libis?

Aut pia fumosis tura micare focis?

Aut meus ipse tuas manus, cruor imbuat aras,

Hœstia criminibus substituenda meis?

Ah, foret illa mea vix par quoque victima noxal

Namq; meo est omnis crimine pœna minor.

Non tamen est sauas tantus tibi feruor in iras,

Quas lenire cruor solus & ara queant:

Sapè tuus parti superata mucro pepercit,

Et conseruato nomen ab hoste tulit.

Non finit ingenium tantos tibi surgere motus,

Quantis pro mœrito culpa pianda foret.

Obone terrigenum custos, tutelaq; mundi
 Publica suspendi tot cui vota salus!
 En tua se mediâ clementia monstrat in irâ,
 Quâq; manu gladios hâc quôq; tendis opem.
 Si pateris (quamuis summo mea causa parroni
 Eloquio, melior nullius esse queat)
 Pauca tamen pro me, vel pro te: (quod magis, optem)
 Ne tua fors etiam sit mala causa, loquar,
 Non nego, peccaui; communis at hic fuit error:
 Damnâne communis criminis vna luam?
 Cum ruerent alij, malè quo suus impetus illos
 Impulit, in flammâs Bacche Venusq; tuas?
 Dextra suum fulmen, quamuis vibrata, remisit,
 Tensaq; pro gladio lenis oliua fuit.
 Cur mihi perpetuo contra aduersare duello,
 Ceu gladiator ego, tuq; lanista fores?
 Non satis est, culpam fassas tibi tendere palmas,
 Criminibusq; iram promeruisse tuam?
 Quid: quod & egregij dederim tibi muneris ansam,
 Materies laudis, dum mea culpa, tua est.
 Nâ nisi peccassem, quid tu cōcedere posses?
 Clementis nomen, non habiturus eras.

Peccaui

Peccavi : quid faciam tibi o custos hominum, quare posuisti me contrarium tibi? Iob. 7.

FAmosa lucta & totius ore Ecclesie per orbem celebrata, qua homo cum Deo luctatus est.

Rupertus
in Gen. 1.
3, cap. 6.

Sicut enim sunt quaedam arma Dei, in quibus esse dicitur lorica Iustitiae & gladius Spiritus, & scutum Fidei; ira etiam sunt arma diaboli, quibus indutus homo peccator. A contrariis igitur intelligamus contraria, & statuamus duos milites armatos; vnum militem Dei, alterum militem Diaboli. Et si quidem miles Dei habet lorica iustitiae, sine dubio miles diaboli contrariam huic gerit iniustitiae lorica. Et si miles Dei in galea coruscat salutis, e contrario peccator (qui est miles diaboli) galea perditionis indutus est. Ita ergo est gladius quidam Spiritus Sancti, in his qui militant Deo est autem & gladius maligni, in his qui militant peccato, quem gladium nunc euaginare dicuntur peccatores.

Orig. in
Psal. 36.
hom. 2.

Quis est gladius peccatoris, nisi contra gladio Spiritus Sancti?

Amb. in
Psal. 36.

Quomodo autem putandi sunt peccatores euaginare gladium? dum iam impuden-

Orig. hom.
2. in Ps. 36.

ter, & absque vilo verecundiæ velamento iniquitates suas perpetrant, nec erubescunt aut reuerentur, nec tamquam in vaginâ nequitiam suam recondunt & contegunt, sed superbo & elato spiritu, velut gladium que mdam denudant.

Ambt. in
17. Apoc.

Cum agno pugnauerunt qui Ecclesiam Dei persecuti sunt.

Hugo
Card. in
eundem
locum Job
13.

Hæc pugna cœpta est à principio mundi in Cain & Abel.

Tetendit [impius] aduersus Deum manum suam, & contra omnipotentem roboratus est.

Greg in
hunc lo-
cum.

Sunt namque nonnulli, qui etsi quâ aliquando agere contra Omnipotentis Dei iudicium nituntur, ipsa impossibilitate explendæ voluntatis suæ fracti, ad semetipsos respiciunt; atque ad eum, quem contemnere voluerant, conuertuntur; & qui discedere longè poterant, si quod vellent implere valuisent, per hoc aliquando saluantur, quia quod voluerunt implere nequierunt; ynde ad se reducti, cuius sint conditionis, aspiciunt, & plangunt se contraria veritati voluisse.

Aug. lib.
22. cont.
Faustuin
cap. 70.

Sic Saulum Ecclesiam prosequentem Deus de cœlo vocauit, prostrauit, tamquam percussit.

Basil.
hom. 13. in
Psalm. 48.

Nam qui omnia nostra moderatur, ac dispensat Deus, nobis per malitię viam incedentibus occurrit, offendicula obijciens, quæ

quæ nos à peccato remorentur, & abarceant.

Sed & nonnulli sunt, qui hoc quod peruersè contra Deum appetunt, iusto Dei iudicio implere nequius permittuntur, & cum eos malitia accendit, potentia roborat, tanto iam semetipsos in errore cognoscere nequeunt, quanto in rebus affluentibus extra se semper per potentiam trahuntur; de quorum intentione dicitur: *Tetendit aduersus Deum manum suam; & contra Omnipotentem roboratus est.*

Greg. loco iam citat.

[Sed] contra Deum pugnare non est facile. Eccles.

Tu [igitur anima mea] ne existimes tibi impune futurum, quod contra Deum pugnare tentaueris. 46. Mach. 2. c. 7.

Iob, cuius rei gratiâ, dimicaret, nesciebat; nesciebat quoniam ei gymnasium palæstra erat proposita; sermonem ad iudicem vertit, animæque oculum ad alta dirigit, non blasphemans sed orans cum lacrymis; *Vt quid me posuisti contrarium tibi?* Chrysof. hom. 4. de patientiâ Iob.

Tunc autem sibi contrarium Deus hominem posuit, cum homo Deum peccando dereliquit. Iustus verò conditor hunc sibi contrarium posuit, quia inimicum ex elatione deputauit. Greg. in cap. 7. Iob. l. 8. c. 22.

Et ecce fatetur [Iob] malum quod fecit, sed bonum, quod Deo in recompensatione debeat offerre, non inuenit; quia ad ab-

Greg. in cap. 7. Iob. lib. 8. c. 21. & 22.

luendam culpam quælibet humanæ actionis virtus infirma est, nisi hanc misericordia parentis foueat. Cur [ergo] quasi contrarium tibi hominem despicias, qui certus scio, quia perire ipsum, quem despiciere crederis, non vis?

Aug. manual. cap. 23.

Peccaui peccatum grande, & multorum sum mihi conscius delictorum; nec sic despero, quoniam ubi abundauerunt delicta, superabundauit & gratia.

Bern. ser. 31. in Cant.

Miser ego homo? quis me liberabit à calumniâ huius pudendæ seruitutis? miser sed liber, liber quia similis Deo, miser quia contrarius Deo. O custos hominum, quare me posuisti contrarium tibi? posuisti cum non prohibuisti: Alioquin ipse me posui, & factus sum mihi met grauis. Iustissimè quidem ut hostis tuus, sit hostis meus; & qui tibi repugnat, repugnet & mihi; ego qui tibi, mihi ipsi contrarius sum.

VII.

Cur faciem tuam abscondis, & arbitraris me inimicum tuum? *Iob* 13.

ERgo meus tanta causam tibi præbuit ira
 Qui condonandus leniter error erat?
 Credideram toruos tantum te fingere vultus,
 Nec nisi compositis os simulare minis.
 Scilicet ut flenti genitrix negat vbera nato,
 Sed negat, ut lacrymis sepius illa petat.
 Aut qualis puero fugiens negat oscula nutrix,
 Oscula, quæ toties, dum fugit ille, dedit.
 Sic ego te fictos rebar mihi ducere vultus,
 Vtq; magis sequerer, fingere velle fugam.
 At geritur video, dicto res seria bello,
 Falsa, nec, ut rebar larua, sed ira fuit.
 Auertisq; oculos, dedignarisq; videri,
 Pax voluti numquam concilianda foret.
 Et fugis, ut viso fugit eminus hostis ab hoste,
 Aut quem fulmineo dente lacesit Aper.
 Seu timeasq; oculis visus saxeffere nostris
 Oculis oppositâ lumina cauta manu.
 Quo precor hanc tanto merui pro crimine pœnam,
 Vt velut indignans ora videnda neges?
 An quia peccaui, vultu frustraris amantem?
 Ah! vultu numquam qui mihi toruus erat.
 Aut mea ne magicas iaculentur lumina flammæ,
 Sibilet aut nostro Regulus ore, times?

Ante-

Anteueni tuis Cyrcéos visibus orbes,
 Vibrat amq̄, oculo pelle nocente necem.
 Donec enim verso me dedignabere vultu,
 Te, dolor, irato viuere, maior erit.
 Nullius alterius faciunt mihi lumina bellum,
 Luminibus possum Phœbe carere tuis:
 Pulchra tuos oculos contemnere Cynthia possum,
 Qui pascunt reliquas igne nitente faces;
 Atamen absque tuis oculis, mea vita, meum cor
 Viuere, non aliter quàm sine corde, queo.
 Cense igitur reliquas quibus obruor anxia cura;
 Si tam dura oculis pœna carere tuis?
 O quanto!ò quanto mihi grandius hoc tormentū est,
 Te quod amem mea lux, me tamē haud redames!

*Cur faciem tuam abscondis, & arbitra-
 ris me inimicum tuum? Iob. 13.*

Aug. foli-
 loq. cap. 1.

QVare faciem tuam auertis, gaudium
 meum per quod gaudeo? vbi es abs-
 conditus, pulcer, quem desidero? odorem
 tuum haurio, viuo & gaudeo; te autem non
 video; vocem tuam audio & reuiuifco; sed
cur faciem tuam abscondis? fortè dicis; *Non vide-
 bit me homo & viuet.* Eia Domine, moriar, vt
 te videam; videam, vt hîc moriar. Nolo vi-
 uere, volo mori; dissolui cupio, & esse cum
 CHRISTO; mori desidero vt videam CHRIS-
 TUM; viuere renuo, vt viuā cum CHRISTO.

Lumen

——— Lumen persapè tuenti,
 Numinis aterni, nubes densissima, sese
 Protinùs iniecit mediam, seq; abdidit ingens
 Fulgor, & ardentem fixit mihi corde dolorem,
 Vt mihi iam propiùs posito se prapete cursu
 Eripuit, caputq; fugam. Cur istud? Amari
 An quod à me semper cupiat, cupidaq; requirit?
 Namque ita moris habent homines quoque.

Nazianz.
 de virtute
 humanà.

Si quis enim offenderit serupulorum, Ambr.
 auertere ab eo vultus solemus. Si apud ho- Apolog.
 mines hoc graue dicitur, quanto magis pro David.
 apud Deum? vides enim quòd faciem suam
 Deus à Cain muneribus auertit. Ided David
 orat vt flagelletur potiùs quàm *proijciatur à*
facie Dei. Ided iustus ait: *Vultum tuum Domine*
requiram, grande ergo supplicium, proijci à
 facie Dei. Proiectus est Adam de Paradyso;
 neque immeritò, ipse enim antè *se absconde-*
rat à facie Dei. Exiuit & Cain à facie Dei, quia
 putauit Deum esse fallendum, vt crimen
 negaret. Quomodo proijciat Deus à facie
 suà, audi dicentem: *Tollite illum in tenebras ex-*
teriores.

Igitur quæ Anima semel à Deo didicit in Bern. ser.
 intimis suis Dei præsentia suspirare, & qua- 35 in
 rere faciem eius semper, talis anima, nescio, an Cant.
 vel ipsam gehennâ ad tempus experiri hor-
 ribiliùs pœnalitùsve ducat, quàm post spiri-
 tualis studij huius, gustatam semel suauita-
 tem, exire denuò ad illecebras, vel potiùs
 molestias

molestias carnis: audi enim hominem expertum quæ loquitur: *Bonus es, inquit, Domine sperantibus in te, animæ querenti te.* audi & alium similem huic: *Tibi dixit cor meum; exquisiuit te facies mea, faciem tuam, Domine requiram.* Ab hoc bono, si quis auertere sanctam illam animam conaretur, puto, haud secus accipisset, quàm si de Paradyso, & ab ipso introitu gloriæ, conspiceret deturbari.

Amb. in
Psalm. 43.

Est enim [CHRISTVS] fulgor æternus animorum, quem ideò Pater misit in terras, ut eius illuminati vultu, æterna & cœlestia sperare possimus, qui antè terrenâ caligine tenebamur inclusi.

Ambr. in
Psalm. 118.

Desiste [ergo anima] hominis habere peccata, & videbis faciem meam; qui enim faciem meam videt, debet esse sine peccato. Esto Angelus, hoc est diuini minister imperij; obsequere mandatis Domini: cùm fueris Angelus, videbis faciem Domini. ipse Dominus IESVS ait: *Beati mundo corde, ipsi enim Deum videbunt:* aduertis quid à te exigatur ut videas Deum? Emunda igitur cor tuum.

Ambr. in
Psalm. 43.

[Sed] auertere à nobis Deum faciem suam putamus, quando sumus in aliquibus afflictionibus constituti.

Bern. in
scala.

Ne timeas, ô Sponsa, ne desperes, ne existimes te contemni, si paulisper tibi subtrahit Sponsus faciem suam. Omnia ista cooperantur tibi in bonum, & de accessu & recessu

cessu lucrum acquiritis. Tibi venit, tibi & recedit; venit ad consolationem, recedit ad cautelam.

O bona abscondio, quæ efficitur perfectio! Gloria mea, Deus meus, abscondis thesaurum tuum, vt incites cupidum; recondis margaritam, vt augeas quærentibus amorem; differs dare, vt doceas petere; dissimulas audire petentem, vt facias perseverantem. quod planè indicat illa flebilis, quæ tuum in sepulchro natum CHRISTVM, inter mortuos, quærebat viuum, durantibus adhuc tenebris; quam accenderas vt quæreret, sed quærenti disparebas vt perseveraret. perseverauit sperans, & sperauit perseverans; & quia in spe perseverauit, videre te meruit. Beata visio & plena exultatio.

Placare, obsecro, & miserere mei, & non auertas faciem tuam à me, qui pro me redimendo non auertisti faciem tuam ab increpantibus & conspuentibus in te.

B. Anselmi medit.
cap. 5.

Aug. medit.
cap. 39.



*Quis dabit capiti meo aquam et oculis meis
fontem lacrymarum ? Hierem. 9.*

VIII.

Quis dabit capiti meo aquam, &
oculis meis fontem lacrymarum,
& plorabo die ac nocte?

Hierem. 9.

Quis mihi det, liquidas caput hoc vertatur in
vndas,

Totq̄, fluat guttis, quot fleit antè, comis?

Fronte patet campus quem flebilis imber inundet,

Ripa nec, vt fluctus exspatiantur, obest.

O mea, si subitò, duo flumina, lumina fiant!

Sat capiet geminas alueus aptus aquas.

Ille meis totus lacrymis non sufficit imber,

Perpetuò flentis, qui rigat ora senis.

Capta nec Andromache, quâ lumina proluit vnda,

Illa meis lacrymis vnda sat esse potest.

Nec tua, Ieside, lacrymati balnea lecti,

Balnea nocturnis humida semper aquis.

Nec quibus es solitus ieiunia pascere, guttae,

Noctè, dieq̄, tuus qua tibi panis erant:

Illa nec illuuiès plorabilem lacrymarum

Quam pluit in Domini Magdala mœsta pedes:

Nec tibi, qui geminis inarauerat humida sulcis

(Lumina) fons mœsta, Perre perennis aqua.

Sed tua, Nile, velim septem plice flumina riuo,

Cum vagus Isiacos obruis amnis agros.

Aut qualis madidum cum mergit Aquarius annum,
 Totaq³ in hybernas astra liquantur aquas,
 Aut potius trepidas qualis ruit imber in vrbes,
 Omnia cum pluuio claustra reclusa Ioni.
 Culminaq³ & turres & acuta cacumina, cautes,
 Et nemora, & montes, nil nisi pontus erant:
 Hos oculis voueam grauidis mihi currere nimbos,
 Et caput hoc, totus fiat vt Oceanus.
 Aut saltem in geminos tabescere lumina riuos,
 Perpetuoꝛe meas amne natate genas.
 Nec siccare oculos, nisi cum stupor obstitit illis,
 Finiat vt lacrymas vltima gutta meas.
 Felices nimium, vitrea gens carula, nymphe,
 Membra quibus fluido sunt liquefacta vitro!
 Vosq³ paludosis mutata fontibus artus,
 Quas vetus est quondam fama professa nurus.
 Cur mihi non liquidis stillant quoque brachia riuus,
 Glaucaq³ muscosis fluctuat vnda comis?
 Illa ego sum, fontem qua non admittor in vllum,
 Illa ego sum frustra qua liquor esse velim.
 O vinam! celerem vertar, nouus Acis, in amnem,
 Qui, Galatea, tuo flumen amore fuit.
 Aut aliquod, fieri iubeat me Biblida, Numen,
 Quod fieri iussit Biblida, fontis aquam l
 Aut, Acheloë, tu liceat mihi ludere formâ,
 Hercule decepto, cum leue flumen eras!
 Non ego tunc, Acheloë, precaria corpora ponam,
 Taurus, vt exuto fluminis ore, puter.
 Et licet obscuri faerim nisi nominis amnis,
 Non ego me nomen vile fuisse, querar.

Iugis aqua largus tantum mihi suppetat imber,
Cetera, securum nomen honoris erit.
Tum mea inexhaustos deducunt lumina riuos,
Pindus ut aëna de niue, voluit aquas.
Perq; fluent lacryma, veluti vaga flumina, vultum,
Flumina luce fluent, flumina nocte fluent.
Nec nisi flere, meis oculis erit vlla voluptas,
Donec erunt lacrymis crimina mersa meis.



Quis dabit capiti meo aquam, & oculis meis fontem lacrymarum, & plorabo die ac nocte? Hierem. 9.

Hieron. in
c. 9. Hierem.

SI totus vertar in fletum, & ne quaquam guttæ sint lacrymarum, sed abundantia fluminis, non satis dignè fleuero.

Bern. ser.
16. in
Cant.

Quis dabit capiti meo aquam, & oculis meis fontem lacrymarum? vt præueniam fletibus fletum & stridorem dentium, & manuum pedumque dura vincula; & pōdus catenarum prementium, stringentium, vrentium, nec confumentium. Heu me mater mea, vt quid me genuisti, filium doloris, filium amaritudinis, indignationis & plorationis æternæ!

Amb. in
Psal. 118.

Nescit flere qui flenda committit; & cū sit ipse lacrymabilis, non habet culpæ lacrymas suæ.

Greg. lib.
3. dial. c.
34. & l. 6.
registri.

Axa suspirans, à patre terram irriguam petit, quia à creatore nostro, eum magno desiderio, quærenda est lacrymarum gratia. Hinc irriguum superius accipit anima, cū sese in lacrymis cœlestis Regni desiderio, affligit: irriguum verò inferius accipit, cū inferni supplicia flendo, pertimescit.

Aug. med.
cap. 36.

Tu quidem Rex gloriæ & omnium virtutum magister, docuisti nos verbo & exemplo, gemere ac flere, dicens: *Beati qui lugent, quoniam ipsi consolabuntur.* Tu fleuisti defun-

ctum

Etum amicum, & lacrymatus es valdè super perituram ciuitatè. Rogo te, bone IESV, per illas preciosissimas lacrymas tuas, & per omnes miserationes tuas, da mihi gratiam lacrymarum quàm multùm desiderat & appetit anima mea; quia sine dono tuo, non possum habere eam: sed per Spiritum sanctum tuum qui dura corda peccatorum mollit, & ad fletum compungit; da mihi gratiam lacrymarum, sicut dedisti Patribus nostris, quorum vestigia debeo imitari, vt plangam me in omni vitâ meâ, sicut ipsi se planxerunt nocte ac die. Da mihi irriguum superius & irriguum inferius, vt sint mihi lacrymæ panes die ac nocte. Da mihi, dulcissime fontè irriguum fontemque perspicuum, in quo lauetur assiduè istud iniquitatum holocaustum. Da mihi gratiam lacrymarum benedictæ & amabilis Deus, præcipuè ex multâ dulcedine amoris tui & commemoratione misericordiarum tuarum. Tribue pro bonitate & pietate tuâ, vt iste calix tuus inebrians & præclarus satiet sitim meam.

Lacrymæ siquidem sunt peccati diluuium & mundi piamentum.

Nazian.
orat. 30.

Et sicut torrens, diuersa obstacula diruit, sic lacryma feruētis desiderij, omnia peccata diluit, omnia tormenta contemnit, & cursum suum ad Deum peragit, vsque dum petueniat ad aspectum Dei. Ecclesiastici c. 35.

Hugo
Card. in
cap. 9.
Hier.

v. 16. *Nōne lacrymæ viduæ ad maxillam descendunt?*
 Verſ. 19. *A maxillâ enim ascendunt, vſque ad cœlum.*

Aug. med.
 cap. 37. Percute Domine, percute, obſecro hanc duriffimam mētem meam, piâ & validâ cuſpide dilectionis tuæ, & altiùs ad intima penetra potenti virtute; & ſic de capite meo educ aquam immenſam, & de oculis meis verum fontem lachrymarum iugiter manantem ex nimio affectu, deſiderio viſionis pulchritudinis tuæ: vt lugeam die ac nocte, nullam in præſenti vitâ recipiens conſolationem.

Aug. med.
 cap. 36. Da mihi, quæſo, lacrymas ex toto affectu internas, quæ peccatorem meorum poſſint ſoluere vincula, & cœleſti iucunditate ſemper repleant animam meam. Venit mihi in mentem alterius mulieris deuotio mira, quæ in ſepulcro iacentem, præ amore quærebat, quæ recedentibus diſcipuliſ de ſepulcro non recedebat, quia ſedebat ibi triſtis ac mærens. Si ergo ita fleuit, & in fletu perfeueravit mulier, quæ viuentem cum mortuis quærebat, quæ te manu fidei tangebatur; quomodo me plangere & in planctu perſiſtere debet anima, quæ te redemptorem ſuum iam cœlo præſidentem, & vbique regnantem corde credit, ore conſitetur? Quomodo ergo gemere & flere debet talis anima, quæ te toto corde diligit, te quæ toto deſiderio videre concupiſcit?

IX.

Dolores inferni circumdederunt
me, præoccupauerunt me laquei
mortis. *Psalm. 17.*

ERgo iterum Actæon aliquis noua fabula fiet,
Infelix canibus præda voranda suis?
En, mihi mens nemorum studijs iuuenilibus arsit,
Et perit studijs mens propte capta suis.
Mens fuit, ancipites venatu pellere curas;
Non tamen in syluis, pulchra Diana, tuus.
Sylua mihi rapidis non est latrata molossis,
Lustra nec infestâ sollicitata cane.
Nec iuga Taygeti neque Manala territa cornu,
Nec fuluus volucris cuspide stratus aper.
Nec mea Parthenijs circumdata retia syluis,
Nec meditata feris callida lina dolos.
Numquam ego vel pedicæ, venabula, tela, vel arcus,
Vllæve Spartana Virginis arma tuli.
O vtinam mens ista mihi, Diftynna, fuisset!
Non ego nunc prædæ cingerer arte mea.
Heu quibus imprudens studijs mihi torpuit ætas!
Quin potius, nemorum crura notata rubis?
Cur quæsitæ tuis mihi præmia, Bacchæ, trapetis?
Aut agitata tuis præda, Cupido, iugis?
Non tantum pharetram neque tantum tela Cupido,
Cauta sed, vt fallas, fila, plagaq; geris.

Pampineos tantum neque concutis Euiæ thyrsos,
 Sunt quoque, quæis capias ebria crura, doli.
 Cum surgit Dalila Sampson malè tonsus ab vlnis,
 Vinceta Philisthæo brachia fune tulit.
 Cum iacet ignoto Noe superatus Iaccho,
 Compede succiduos stringis Iacche pedes.
 Idaliæ, ecce, suis iam me quoque casibus ambit,
 Qua toties votis prada petita meis.
 Hei mihi, quot circum pedicarum indagine cingor!
 Seu fera venantium præpete septa globo.
 Scilicet illa fuit spectri ferælis imago,
 Antonio; celsi vertice visa iugi:
 Cum parvère, oculi collecta sub vnius ictum
 Omnia, qua mundo didita regna iacent;
 Omnia, ceu parvâ tellusq; polusq; tabellâ,
 Pictaq; stant minimo corpora tota vitro:
 Omniaq; hæc ingens obsepserat vndique rete,
 Multaq;furtivis stammina sparsa viis.
 Quisque suas fraudes, sensit sua vincula quisque;
 Hic caput, ille pedes vincetus, & ille manus.
 Sic sua deceptum laquearat quemq; voluptas
 Vt visco stolidæ decipiuntur aues.
 Ab! sua nexilibus tendit mors vndique tramis
 Retia, & achneæ callidiora dolo.
 Vig; sedet nigro venator araneus antro,
 Insidians pennis, stridula musca, tuis:
 Sensit vbi motâ trepidare, cubilia, tela,
 Emicat, & trepidam raptat in antra feram:
 Aut qualis viridi latet arbore callidus auceps,
 Pennipedi meditans vincla dolosa gregi.

Linigeros abdit vicino gramine vallos,
 Spargit & in nitido plurima grana solo.
 Et circum inclusas secretâ crate volucres,
 Quæq; canant vincâ compede, ponit aues.
 Hæ, saltu, & cantu; leuis ille foramine buxi;
 Hæ socias; prædam, decipit ille suam.
 Venantium haud aliter scelerum comitatâ coronâ
 Implicat insidiis mors sua quemque suis,
 Quiq; super laqueos misus dare corpora saltu,
 Heu miser, in stygias præcipit atur aquas!



*Dolores inferni circumdederunt me, pra-
occupauerunt me laquei mortis. Pl. 17.*

Aug. so-
liloq. c. 12.

ECce Domine Deus meus, mundus totus
plenus est concupiscentiarum laqueis,
quos parauerunt pedibus meis, & quis effu-
giet hos laqueos?

Hierem.
Thren. 3.
Ambr. de
bono
mortis c. 5.

Venatione ceperunt me quasi auem inimici mei gratis.

Auis enim quæ descendit ex alto, vel quæ
in altum se extollere non potest, frequenter
aut laqueis cupitur, aut visco fallitur, aut qui-
buscumque irretitur insidijs: sic quoque &
anima nostra. Laqueus, in auro; viscus in ar-
gento; nexus, in prædio; clauus est in amore.
Dum aurum petimus, strangulamur; dum
argentum quærimus, in visco eius hæremus;
dum prædium inuadimus, alligamur. Quin
etiam mulieris decus, dum tentat, astringit.

Bernard.
serm. 3. su-
per *Qui ha-
bitat in ad-
iutorio.*

Sed qui sunt venatores isti? venatores
vtique pessimi & nequissimi, callidissimi
& crudelissimi. Venatores qui cornu non
sonant vt audiantur, sed sagittant in occultis
immaculatum. Ipsi Rectores sunt tenebrarum
harum, astutissimi versutiâ & malitiâ diabo-
licæ fraudis; ita vt, sicut est ante venatorem
bestia; sic ad eorum comparisonem sit qui-
libet astutissimus hominum.

Bonauent.
cap. 1. so-
liloq.

O anima fragilis ad resistendum, facilis ad
cadendum, difficilis ad surgendum! quali-
ter istius aduersarij laqueos euadere poteris,
quem

quem tantis subtilitatibus præditū agnoscis?

Intellige quia in medio loquorum ambulans, & subtus machinas transeas imminētes. Omnia retibus plena sunt; Diabolus laqueo cuncta compleuit.

Orig. hom.
2. in Cant.

Ecce tetendit ante pedes nostros laqueos infinitos, & omnes vias nostras varijs impleuit decipulis, ad capiendas animas nostras, & quis effugiet? laqueos posuit in diuitijs, laqueos posuit in paupertate, laqueos tetendit in cibo, in potu, in voluptate, in somno, & in vigiliâ; laqueos posuit in verbo, & in opere, & in omni viâ nostrâ.

Aug. soli-
loq. ca. 16.

Abcondita est in terrâ pedica eius. & decipula illius super semitam. In terrâ pedica absconditur cum culpa sub terrenis commodis occultatur; inimicus quippe insidians ostendit humane menti, in terreno lucro, quid appetat, & occultat peccati laqueum, ut eius animâ stringat, quatenus videat quid est quod concupiscere valeat, & tamen nequaquam videat in quo culpæ laqueo pedem ponat. Et tunc ab antiquo hoste super semitam decipula ponitur, quando in actione huius mundi, quam mens appetit, peccati laqueus paratur; quæ videlicet non facilè deciperet, si videri potuisset; sic quippe decipula ponitur, ut dum esca ostenditur, nequaquam ipsa à transeunte videatur. Sæpè ergo proponuntur animo cum culpâ honores, diuitiæ, salus,

Greg lib.
14. mor. c.
6. in c. 18.
Iob.

& vita

& vita temporalis, quæ mens infirma, dum quasi escam videt, & decipulam non videt, per escam quam videns appetit, in culpâ constringitur, quæ non videtur.

Basil. de
non ad-
hærendo
cebus fa-
cularibus.

Et quemadmodum peruersi quidam & subdoli homines, quorû studium est & propositum ex aliorum bonis ditescere, (eam tamen potentiam non habent, & apertâ violentiâ vtâtur) vias insidiosè obsidere solent; & si locum aliquem circa illas aut conuallibus profundis interruptum, aut dumorum densitate obscurum viderint, in illum sese abdunt; & huiusmodi velamento, viatorum circumquaque conspectum, ne præuideantur, amoliti, ex inopino illos adoriuntur; ne quisquam eorum laqueos periculosos videre prius queat, quàm in illos incidat: ita & Satan infensus nobis, & antiquus hostis, mundanarum oblectationum vmbri se insinuâs (quæ periculosæ circa vitæ huius viam, latronem occulere solent, & latibula præbere insidiatori) indè improuisos nobis perditionis laqueos substernit. Oportet itaque nos animi oculos perpetuò vigiles circumquaque diducere, & quidquid iucundum apparet, mox suspectum habere, & prætercurrere; nec aliquam illi cogitationem applicare, etiam si aurum copiosè propositum videatur, & idoneum quod à volentibus tollatur, etiam si quascumque delicias terra proferat

proferat, & preciosa tabernacula ostenter: etiam si choreas, comestationes, ebrietates, & mēsas concentuum modulatione iucundas videamus; etiam si offeratur venustas corporum. Sub his namque omnibus ira iucundis, latebras habet communis noster hostis, expectans num per obiectorum spectacula illecti, relicta Regiā viā, ad ipsius aliquando insidias ipsi vltro declinemus. Et plurimum sanē timendum est, ne quo pacto illis incautē accurrētes, & oblectationem illam, quam vsurpantibus offerunt, nihil habere periculi putantes, primo statim gustu, dolosē abditum hamum voremus, atque illo postea (nolimus, velimus) ligari, ad terribiles latronis latebras *Mortem*, scilicet, per huiusmodi illecebras imprudenter trahamur.

Attolle [ô homo] animam tuam, ne eam
 illiciat escæ laqueorum. Voluptates sæculi,
 escæ quædam sunt, & (quod peius est) escæ
 malorum, escæ tentationum. Dum voluptatem
 quæris, laqueos incurris. Oculus enim
 meretricis laqueus amatoris est; oculus ergo
 meretricis, est laqueus. Laqueus est etiam
 sermo meretricis, qui obdulcat ad tempus,
 fauces tuas, & postea exasperat eas amaritudine
 conscientix peccatricis. Laqueus est
 aliena possessio plena amœnitatis. Omne
 iter istius vitæ plenum laqueorum est.
 Vnde iustus dicit: *In viâ hâc quâ ambulabam,*

Ambr.
 lib. de bō.
 no mortis
 cap. 6.

bam, absconderunt laqueos mihi.

Ibid.

Quoties inimicus eordi nostro conatur inferere, quo nos reflectat à sanctitatis proposito & pijs votis? Quoties corporeos inflammat ardores? Quoties occurfare facit oculos meretricios, quibus castum sustentet affectū vt improuiso amoris spiculo feriat imparatū? Quoties inserit animo tuo verbū iniquum, & cogitationes cordis absconditas? His anima, quæ cupit euolare, deponitur. Sed tu oblectare quasi bonus miles CHRISTI IESV.

Ibid.

Et quid de extraneis laqueis loquar? hostis nobis laquei sunt cauendi in hoc ipso corpore nostro, laquei circumfusi nobis sunt quos debemus vitare.

Ambr.
lib. 4. in c.
4. Luca.

Honorum gratia, sublimitas potestatum, epularum suauitas, forma meretricis, laqueus est Diaboli.

Ambr. de
bono mor-
tis cap. 9.

Ergo non laqueis nos credamus, & rebus ijs quæ decipiunt & illudunt; non sequamur illecebrosa & seductoria.

Aug. in
Psal. 68.

Sed tantum valet animi præsumptio, vt & coram ipsis musecipula sit, & incidant in eam; obseurentur oculi eorum ne videant.

Aug. soli-
loq. c. 16.

Sed tu Domine libera nos de laqueo venantium, & à verbo aspero, vt confiteamur tibi, dicentes: *Benedictus Dominus, qui non dedit nos in captionem dentibus eorum: Anima nostra sicut passer erepta est de laqueo venantium, laqueus contritus est, & nos liberati sumus.*

X.

Non intres in iudicium cum seruo
tuo. *Psalm. 142.*

Quod Domino decus est in ius arcessere seruum,
Palmaq; qua serui, iure vadantis Herum?

Et seruilis hero vertit victoria probro,

Et reus offensa seruus herilis abit.

Crede mihi, pudor est, macum tibi texere rixas,

Iurgia nec tecum conuenit esse mihi.

Non ego sum, tanta cui sit fiducia pugnae,

Non ego materies litibus apta tuis.

Nempè tuis scribi vis bella forensia fastis.

Aut mea, forte, tuam vincere, caussa potest:

Cuius erit felix adeò facundia lingua.

Qua sperare sibi tanta tropaea queat?

Iuridici nulla est ita vox exercita rixis,

Quo tua debilior caussa, loquente, cadat.

Heu nimis austeram dispensas cognitor urnam,

Nec tuus inflecti se rigor ille sinit!

Sat tua nota quidem gemino clementia mundo;

Blandaq; & in poenas est tibi lenta manus:

Moxtaq; cum statuis, tristi tibi mæror in ore est,

Tamq; rei damno, quam reus ipse, doles.

Parg; tibi dolor est de crimine sumere poenam,

Ac sua de plexo crimine poena reo est.

Nec sibi decretam velit vllus demere multam,

Arbiter vt proprij criminis ipse foret.

At licet ingenuas habeant hæc carmina laudes,

Iudicij cupiam puncta subire tui:

Nam quamuis miseris bonus es, veniaq³ paratus,
 Attamen in fontes iure seuerus agis;
 Et tibi tam iustâ pendet lanx vtraque librâ,
 Par sit vt ex aequo gratia, parq³ rigor.
 Nec sinis affectus, captiuâq³ pectora duci,
 Nec subigunt animum lenia verba tuum.
 Nec, si caussidici vox incantauerit aures,
 Facundâ minimum diluat arte nefas.
 Perdidit hic cassas facundiâ, Suadaq³ vires,
 Et silet hoc omnis gratia muta loco.
 Nec prece, nec precio; nec fraude, nec arte, nec astu
 Prostituit hoc vnquam vendita causa foro.
 Quis fecet intrepidus tam duro Iudice lates,
 Aut tantum impavidus pareat ante Deum?
 Non ego si saui vocer inter ouilia Martis,
 Dura tui metuam septa, Gradiue, fori.
 Nec trepidem (licet ipsa decem citet hasta virorū)
 Ne mea, centeno iudice, caussa labet.
 Nec tua, (caussarum scopulos) infamia, Casti,
 Pulpita, si iubet Prator, iniqua querar.
 Nec Rhadamantæe verear subsellia rixa,
 Scamnaq³ Dyctei litigiosa senis.
 Nec, quibus inclusas tenet arbiter AEacus vmbra,
 Infernis dubitem iura subire plagis.
 Quilibet in caput hoc dicter suffragia iudex,
 Et ferat imites qualibet vrna notas:
 Caussarum mihi tot lingua est inflata tropæis,
 Se putet vt nullo cedere posse foro.
 Vnius at timuit solummodo Iudicis vrnam,
 Iudicis & testis qui vice solus agit.

Qui, semel vi saua sententia lata tabella est,
 Nec prece, nec lacrymis, triste retractat opus.
 O durum, ô fatale reus, miserisq; tribunal,
 Quo Iudex rigido tam grauis ore sedet!
 Dicitur attonitis & ternâ luce supinis
 Hunc oculis Agathon extimuisse diem.
 Utq; sibi noxa Paulus non conscius esset,
 Hoc tamen est veritus iudice stare nocens.
 Quiq; sui Salomon doctissimus audiit aui,
 Mens pura est, quemquam dicere posse, negat.
 Quin sacer hâc etiam trepidus formidine Psaltes;
 Iudice te, tutus quis reus, inquit, erit?
 Quiq; tot aduersos tulit equo pectore casus,
 Vix fore clara satis sidera; Iobus ait.
 Sitrepidant igitur, tanto censore, columna,
 Quod stabunt tabule, ligna caduca, pedes
 Siq; tremunt pauida nutante cacumine cedri,
 Quâ spe parua suam sylua tenebit humum?
 Frigidus, heu! refugit mihi toto corpore sanguis,
 Aspectus quoties hac subit vrna meos.
 Non secus ac visâ cum victima sorte securi,
 Decepto refugit verberare iunsa caput.
 Parce precor, neque ius mihi dic hâc cognitor vrna
 Sancta Themis causâ qua cadat ipsa sua.

Non intres in iudicium cum seruo tuo.

Psal. 142.

Non litigemus; nolo tecum habere causam, ut ego proponam iustitiam meam,

*Aust. in
Psal. 142.*

tu conuincas iniquitatem meam. Indignum est tibi, cum seruo tuo intrare in iudicium, nec quidem cum amico tuo. Noli ergo intrare mecum in iudicium Domine Deus meus. Quantumlibet rectus mihi videar, producis tu de thesauro tuo regulam; coaptas me ad eam, & prauus inuenior; *ne intres in iudicium cum seruo tuo*: misericordiâ indigeo, fugitiuus redeo, pacem quero.

Iob. 14.

Dignum ducis, super huiuscemodi aperire oculos tuos, & adducere eum tecum in iudicium?

Ambr. in
Psal. 36.

Vocat te: in iudicium venies. Quid responsurus es ei, qui nisi iterum tibi donec, peristi? ideo S. David iudicium refugit, misericordiam poscit, dicens: *& ne intres in iudicium cum seruo tuo.*

Bern. ser.
3. super
Beati qui
habitant.

Quid enim tam pauendum, quid tam plenum anxietatis & vehementissimæ sollicitudinis excogitari potest, quam iudicandum astare illi tam terrifico tribunalî, & incertam adhuc expectare sub tam districto Iudice sententiam. *Horrendum est*, ait Apostolus, *incidere in manus Dei uiuentis.*

Ambr. in
orationib.

Ipse est autem testis & Iudex, Iudex & testis, quem nulla conscientia peccatrix effugere potest. Omnia enim nuda & aperta sunt oculis eius.

Chrylost.
c. 4. Mat.
hom. 17.

Et sicut illi, qui è carceribus educuntur, vnâ cum ipsis catenis ad iudicium protrahuntur, sic omnes anime, cum hinc emigrauerint,

uerint, varijs peccatorum catenis implicata
ad terribile illud ducentur tribunal.

[Et ecce ego] iam iam præsentabor ante ^{Bern. med.}
districtum iudicem de operibus meis ratio- ^{cap. 2.}
nem redditurus. Væ mihi misero cùm vene-
rit dies illa iudicij, & aperti fuerint libri, in
quibus omnes mei actus & cogitationes
Domino præsentandæ recitabuntur. Tunc
demisso capite præ confusione malæ con-
scientiæ in iudicio, coram Domino, stabo
trepidus & anxius, vt pote commemorans
scelerum commissa meorum. Tunc anima
inueniens oculos clausos, & os, aliosq; cor-
poris sensus per quos solemus egredi & de-
lectari in his exterioribus, reuertetur ad se, &
cader sub se: & quia amore mundi & carnis
voluptate, Dei amorem dereliquerat, dere-
linquetur à Deo misera in horâ tantæ neces-
sitatis, atque demonibus tradetur in inferno
crucianda. [Anima mea] ingenti horrore
concutitur, & multiplicibus cogitationum
æstibus agitur, cùm, urgente solutione car-
nis, & subductis è medio omnibus, se & il-
lum terminum cõsiderat, cui appropinquat;
& post paululum hoc inuenit quod in per-
petuum mutari non poterit.

Neque enim tunc immeritò cuiuslibet ^{Greg. lib.}
anima terretur, quando post pusillum hoc ^{24. mol. c.}
inuenit quod in æternum mutare non pos-
sit. Consideramus quippe quod viam vitæ

præsentis nequaquam sine culpâ transire potuimus. Consideramus etiam, quia nec hoc quidem, sine aliquo reatu nostro est, quod laudabiliter gessimus, si remotâ pietate iudicemur. Quis enim nostrum vitam præcedentium Patrum valeat vel superate vel assequi. Et tamen Dauid dicit, *Ne intres in iudicium cum seruo tuo; quia non iustificabitur in conspectu tuo omnis viuens.* Paulus cum diceret, *Nihil mihi conscius sum;* cautè subiunxit: *Sed non in hoc iustificatus sum.* Ioannes dicit: *Si dixerimus, quia peccatum non habemus, ipsi nos subducimus, & veritas in nobis non est.* Iacobus ait: *In multis offendimus omnes.* Quid ergo facient tabulæ, si tremunt columnæ? aut quomodo virgula immobilia stabunt, si huius pauoris turbine etiam cedri quantiuntur? Solutioni ergo carnis appropinquans nonnunquam terrore vindictæ etiam iusti anima turbatur.

Greg. cap.
23. in c. 7.
Iob.

Quantalibet enim iustitiâ polleant, nequaquam sibi ad innocentiam vel electi sufficiunt, si in iudicio districtè requirantur: sed hoc tunc ad solatium suæ ereptionis inueniunt, quod nequaquam se posse sufficere humiliter sciunt. Sub humilitatis ergo regimine, à gladio se tantæ animaduersionis abscondunt, & quo terrorem venturi iudicis præstolantes continuo timore trepidant, eo indefinenter agitur vt paratiores fiant.

Noli

Noli, quæso, pijsſime Domine, ſcribere Aug. med.
 aduerſum me amaritudines meas, vt *intres in* cap. 39.
iudicium cum ſeruo tuo, ſed ſecundùm multitudi-
nem miſerationũ tuarum dele iniquitatem meam.
 Væ mihi miſero, cum venerit dies Iudicij, &
 aperti fuerint libri conſcientiarum, cum di-
 cetur de me: *ecce homo & opera eius.* quid faci-
 am tunc, Domine Deus meus, cum cœli
 reuelabunt iniquitatem meam, & aduer-
 ſum me terra conſurget? Ecce nihil reſpon-
 dere potero, ſed demifſo capite, præ confu-
 ſione, coram te ſtabo trepidus & confuſus.
 Heu me miſerum, quid dicem! clamabo ad
 te Domine Deus meus, *quare iacens conſu-*
mor? Plange anima mea, ſicut vidua ſuper
 virum pubertatis ſuæ; vlula miſera & plora,
 quoniam dimiſit te ſponſus tuus? Miſerere,
 ne desperem, ſed te ſpirando reſpirem; &
 ſi ego commiſi vnde me damnare potes, tu
 non amiſiſti vnde ſaluare ſoles, ne memi-
 neris dulciſſime I E S V, quæ iuſtitia aduer-
 ſus peccatorem tuum, ſed eſto memor be-
 nignitatis tuæ aduerſus creaturam tuam;
 ne memineris ire aduerſus reum, ſed me-
 mor eſto miſerationis tuæ aduerſus miſe-
 rum, obliuiſcere ſuperbum prouocantem,
 & reſpice miſerum inuocantem. Quid enim
 eſt I E S V ſiſ niſi Saluator?



*Non me demergat tempestas aqua, neq; absor-
beat me profundum! Psal. 68.*

XI.

Non me demergat tempestas aquæ,
neque absorbeat me profundum.

Psalm. 68.

O Nimis instabilis dubij inconstantia Ponti,
Qui tot pellicibus carbasa fallis aquis!
Nempe fluis vitreis refluisq; argenteus vndis,
Mentiturq; tuus dura metalla liquor.
Nonnunquam placidus, tacita stas more paludis,
Nec magis vlla lacu stagna modesta iacent.
Sapè tibi horrificat vix summum fluctibus æquor,
Cùm leuis exiguo stringitur vnda Noto.
Mobilibusq; salit circum caua ligna choreis
Subsiliuntq; leui vela petulca rate.
Quin sinis æratis findi freta mollia rostris,
Vtq; tibi canas tonsa flagellet aquas:
Nunc, velut è duro rigeant tibi terga metallo,
Tot tereris remis, terra quot ipsa rotis.
Et tua, ne quâ parte, fides suspecta labore,
Marmora perspicuo pandis aperta sinu:
Ceu crystallineo nequeat fraus esse profundo,
Aut lateat vitreo nullus in amne dolus.
Ecce vbi distinctam iam non tenet anchora puppem,
Aurag; remigio prona secundat iter;
Quàm cuiò deserto discessit lutore pinus,
Et iam nulla domus, nulla videtur humus;
Improuisa ratem medico circum aquore ciungunt,
Hippotada laxis agmina missa cauis.
Non secus ac seuâ seruus damnatus arenâ
Opprimitur Lybicis præda voranda feris.

Aut

Aut nemorum latebris deprensus fortè viator ,
 Prædonum subito cingitur orbe latus.
 Tum surgit tumidis præsagum fluctibus aquor,
 Venturoq; tremis discolor vnda metu :
 Mox vbi decertant simul Africus simul & Eurus,
 Et Notus & Boreas incubuère salo ;
 Finditur abruptus varia in diuortia pontus,
 Distrahit vt fluctus quæque procella suos.
 Et patet horrendo præceps Neptunus hiatu
 Mersurus pelago circumeunte ratem,
 Heu ! gemit hic tumido pendens trabs anxia fluctu,
 Et perit , vndecimâ si prior vnda venit.
 Aut hæc , aut similis salis est fallacis imago,
 Tam citò de placido sæua fit vnda mari.
 Sed mihi , mentito simulata est fabula ponto,
 Non ego de vestris , Tethy , querebar aquis.
 Nec mihi , de rapidis , qui torquent aquora , ventis,
 Nec mihi de regnis , AEole , verba tuis.
 Nec mihi , de leuibus , temerarie Typhi , carinis
 Ire quibus liquidum primus es ausus iter.
 A patrio numquam soluit mea littora puppis ,
 Nec vidi virides , Numina salsa , Deos.
 Nec ventos didici , neque ventis vela tetendi,
 Qui facit hanc artem , quam facit , arte luat.
 Quem cecini pontus , mea vita , simillima ponto est,
 Quæq; tulit puppis , illa ego , puppis eram.
 AEolida magno flantes circum agmine fratres,
 Sunt animi motus , gens violenta , mei.
 His ventis , hæc naue , per hæc ego cerula currens,
 Tot sensi humanis rebus inesse vices.

O fallax nimium mendaci vita sereno,
 Quae nigra de latis tam citò regna facis?
 Nulla deest Venerum tibi copia, nulla lepòrum,
 Omnia blanditiis, latitijq; fluunt.
 Dum furit intus amor, venisq; agitata libido,
 Triste nihil, fraudem fraude regente, pater.
 Ast modò, cum stygio vitiorum erumpere fluctu,
 Hisq; animum ventis afferuisse lubet;
 Tunc videt, heul! quãto fuerit mens hausta profundo,
 Quoq; gemit, scelerum quàm graue sentit onus.
 Atque vtinã! vt liquidis Pelagi qui mergitur vndis,
 Exerit Oceano terq; quaterq; caput;
 Sic imò scelerum merfus semel equore mentem,
 Submersas superis tandet ab amne manus!
 Sed velut in tetrum lapsus tuleris hiatus,
 Quem simul & putei tracta ruina tegit;
 Aut gelidas fracto subijt qui marmore crustas,
 Nequicquam obstructo flumine tentat iter:
 Non aliter, prono scelerum qui vortice raptus
 Vix tulit à superis, vnus & alter, opem.
 Aspicias, vt certem pugnantibus, vna, duobus;
 Bella mouente Noro, bella mouente salo? [da,
 Aspicias, vt caput hoc prope mergat & Auster & vn-
 iamq; necaturas ducere cogar aquas?
 Aspicias hanc animam gemino succumbere fato?
 Nec tua sunt velis astra secunda meis?
 Aspice nec rabido luctantem desere ponto,
 Naufraga nec medio lina relinque freto.
 Tende manum potiùs misera, Palinure, natanti,
 Et mento digitos subde vocate tuos.

Non

Non me demergat tempestas aqua, neque absorbeat me profundum. Psal. 68.

Aug. foli-
loq. c. 35.

Q V A M diu miser iactabor in fluctibus mortalitatis mee, clamans ad te, Domine, & non audies? Audi clamantem Domine de hoc mari magno, & adduc me ad portum felicitatis æternæ. Felices, qui de periculo maris huius educti, ad te Deum, portum tutissimum peruenire meruerunt! ô verè felices, qui de pelago ad littus, de exilio ad patriam, de carcere ad palatium peruenerunt, optatâ iam quiete beati! Infelices heu nos miseri, qui per maris huius magni fluctus procellosasq; voragines nauim trahimus ignorantes an ad portum salutis peruenire valeamus!

Aug. fo-
lil. q. c. 37.

Pater misericordiarum, audi eiulatum pupilli tui, & porrige manum tuam, optimam adiutricem, vt retrahat me de profundis aquarum, & de lacu miserie & de luto facis, ne pereâ vidente misericordiâ oculorum tuorum, aspiciente clementiâ viscerum tuorum, sed euadam ad te, Dominum Deum meum.

Chrysoft.
hom. 82.
in Matth.

Pelagus enim longè lateq; protensum hæc vita; & quemadmodum in mari vniuerso sinus diuersi, alijs atque alijs tempestatibus cōmouentur præcipuè: velut Ægæum ventis exasperatur; Thyrenū verò fretum propter angustias; Charybdis autem quæ est Libyaen versus, propter stagna Syrtis & breuia Pontus.

Pontus magnitudine fluctuum atque impetu; Hispanicus Oceanus, quia inuis, carentiâ portuum & locorum ignorantia intricatus difficilis nauigantibus est; similiter alia Pelagi pars, alijs de causis: sic & in vitâ nostrâ fieri videmus.

Nauium quoque nomine *vita hominũ transitoria* designatur: quemadmodum & in Iob: *Dies mei*, inquit, *transferunt sicut naues, poma portantes.*

Rupertus
lib. 5. in c.
8. Apoc.

Et huc, illucque *mentis nostra nauis* impellitur, quia & Paradyfi celsitudinem meminimus, & importunos *tentationum fluctus* ex carne toleramus.

Greg. lib.
9. mor. c.
24. in c. 9.
Iob.

Quod à diuersis peccatis & varijs tentationibus, velut quibusdam fluctibus æstuat, de quo scriptum legimus: *Hoc mare magnum & spatiosum.*

Ambr.
præf. in 4.
libr. super
Euang.
Lucæ.

Nolite credere, nolite esse securi; licet in modum stagni fufum æquor attrideat; licet vix summa iacentis elemēti spiritu terga crispentur; magnos hic campus montes habet. Intus inclusum est periculum, intus est hostis. In illo æstu, charybdis luxuriæ salutem rotat. Ibi ore virgineo, ad perpetranda naufragia scylla seu renidens libido blanditur.

Chrysof.
hom. 336

Hieron.
epist. 1. ad
Heliōd.

Hic

Hic barbarum littus, hic Diabolus pirata,
cum socijs portat vincula capiendis.

Amb. in
orationib.

In hoc magno sæculi huius diluuiò, vbi
circumflantibus procellis non inuenitur fi-
da statio, & locus eminentior vbi pes co-
lumbæ aliquatenus valeat requiescere.

Ambr.
Apolog.
poster.
pro Dauid
cap. 3.

Magnam faciunt tempestatem multitu-
dines cupiditatum, quæ velut in quodam
freto corporis nauigantem hinc atque inde
perturbat, vt gubernator sui esse animus
non possit.

Greg. lib.
11. mor. c.
23. in cap.
13. iob.

Mens quippe humana, quot tentationes
patitur, tot statibus mouetur. Hanc enim
plerumque ira perturbat; cum recedit ira,
succedit inepta læticia; luxuriæ stimulis vr-
getur; æstu auaritiæ longè lateque ad am-
bienda, quæ terrena sunt, tenditur aliquan-
do hanc superbia eleuat, aliquando verò in-
ordinatus timor in infimis deponit.

Aug. med.
cap. 39.

[Ecce Domine] *Iniquitates meæ supergressæ
sunt caput meum, & sicut onus graue grauatæ sunt
super me. & nisi tu (cui proprium est misereri
semper & parcere) dexteram tuæ maiestatis
supponas, mergi cogor miserabiliter in pro-
fundum.*

Psal. 38.

*Tu dominaris potestati maris, motum autem
fluctuum eius tu mitigas.*

August. in
Psal. 68.

Magnus est puteus, profunditas iniquita-
tis humanæ. Illuc quisque si ceciderit in al-
tum cadet: metuenda ista res est vehemen-
ter

ter. Si videris hominem fecisse iniquitatem, merfus est in puteum. Quando autem illi dixeris iniquitatem ipsius, & dixerit: verè peccavi, fateor non super eum clausit puteus os suum. Cùm autem videris eum dicere: Quid enim mali feci? factus est defensor peccati sui; clausit super eum puteus os suum, quâ eruatur non habet.

Spes humani generis, CHRISTE, Deus Aug. Soliloq. ca. 35. de Deo, refugium nostrum & virtus, cuius lumen à longè, inter caliginosas nebulas, super maris procellas, quasi stellæ maris radius, oculos nostros irradiat, vt dirigamur ad te, portum. Guberna, Domine, nauim nostram, tuâ dexterâ, clauo crucis tuæ, ne pereamus in fluctibus, *ne nos demergat tempestas aquæ, ne absorbeat nos profundum*; sed vnico crucis retrahere nos ab hoc pelago, ad te solamen vnicum nostrum, quem à longè (quasi stellam matutinam, & solem Iustitiæ) vix lacrymantibus oculis in littore cœlestis Patriæ, nos expectantem videmus: exaudi nos *Deus salutis noster, spes omnium finium terræ, & in mari longè*. In mari turbulento versamur; tu in littore stans, aspicias pericula nostræ: *Saluos nos fac, propter nomen tuum*. Da nobis Domine, inter Scyllam & Charybdim ita tendere & tenere medium, vt vtroque periculo euitato, securi perueniamus ad portum.



Quis mihi hoc tribuat ut in inferno protegas me,
et abscondas me donec pertranseat furor tuus? Job. 17.
12.

XII.

Quis mihi hoc tribuat, vt in inferno
 protegas me, & abscondas me, do-
 nec pertranseat furor tuus? *Iob. 14.*

Quis mihi securis dabit hospita tecta latebris?
 Tecta, quibus dextra seruet ab igne tua?
 Heu! tuus ante oculos quoties furor ille recurfat,
 Nulla mihi toties fida sat antra reor.
 Tunc ego secretas, vmbacula frondea, syluas,
 Lustraq; soliuagis opto relicta feris.
 Tunc ego vel medijs timidum caput abdere terris,
 Aut maris exesâ condere rupe velim.
 Tunc voueam abstrusâ montis latuisse cauernâ,
 Visa sepulcrales aut subiisse domos.
 Aut numquam aspectos Phœbo, Phœbeq; penates,
 Aut habitasse tuos, nox tenebrosa, specus.
 Dum quatit astriferos flammatus Iuppiter orbes
 Et iacit accensâ tela trisulca manu;
 Tristia, ne noceant, metuehdâ fulmina flammâ,
 Daphnide, qui metuit, tempora cincta tegit.
 Tu rubra cum torques furibundâ spicula dextrâ,
 Nulla iuuant folijs laureaserta suis.
 Nulla iuuant tacitis frondosa cubilia syluis.
 Sylua tuis oculis omnis & vmbra patet.
 Clauserat obscura densis se frondibus vmbra,
 Carpserat arboreas qui malè primus opes;
 At vbi vicino vestigia Numine sensit,
 Erubuit, luco proditus ipse suo.

Nulla iuuat refugo spelunca immanis hiatu,

Hospita montiuagis lustra nec vlla feris.

Mirra quæ sensit Medus puer antra leonum,

Effera Chaldeos antra dedere neci.

Nulla iuuant clausis spelea obscura latebris

Fida nec vmbraarum, senta sepulchra, domus.

Auius occultâ deprendere, Lorbe, cauernâ,

Et Cain è tumulo frater humate vocas.

Quid memorem vt tumidâ Ionas se miserit vndâ,

Nec mersum stabili texerit vnda fide?

Hauerat immani Ionam qua bellua ventre,

Innocuo Ionam bellua ventre vomit.

Nulla fides vitreo pelagi, nisi vitrea, fundo;

Pernua perspicuo quid tegat vnda freto?

Nulla fides clausis, Libitina longa sepulcris;

Produntur tumulis ossa sepulta suis.

Nulla fides tacitis, quas vallant saxa, latebris;

Tecta cauerna suo sapè relecta sono est:

Nulla fides nemori, vel opaca frondibus vmbra,

Ambo caduca pars fronsq₃, nemusq₃ fide.

Nec mare, nec tellus, neq₃ lustra, nec antra, nec astra.

Tuta nec illa mihi, quæ super astra, via.

Tu potes hoc tutis solus caput abdere claustris,

Dum tua deposito fulmine dextra vacet.

*Quis mihi hoc tribuat, vt in inferno
protegas me, & abscondas me, donec
pertranseat furor tuus? Iob. 14.*

Quò ibo à spiritu tuo, & quò à facie tuâ fugiâ? Psalm. 138.
August. in
hunc lo-
cum.
Quis est locus recepturus fugitiuum
Dei? homines qui suscipiunt fugitiuos, quæ-
runt ab eis, à quo fugerint: & cùm seruum
inuenerint alicuius Domini minùs potentis
tum sine vllò timore suscipiunt, dicentes in
corde suo; non habet iste talem Dominum,
à quo possit inuestigari; cùm autem audie-
rint Dominum potètem, aut non suscipiunt,
aut cum magno timore suscipiunt, quia ho-
mo potens falli nō potest. Vbi non est Deus?
qui fallit Deum? quem non videt Deus? à
quo fugitiuum suum non repetit Deus? quò
ergo ibit fugitiuus iste à facie Dei? vertit se
huc atque illuc, quasi quærens locum fugæ
sux: si ascendero in Cælum, tu ibi es, si descendero in
infernum ades? Si me extulero, te inuenio re-
pressorem; si me abscondero, te inuenio in-
quisitorem. Quò ergo iturus sum, vt à facie
tuâ fugiam, id est, iratum te non sentiam?
Hoc consilium: sic fugiam à facie tuâ, sic fu-
giam à spiritu tuo; ab vltore spiritu, à vindice
facie, sic fugiam. Quomodo? si recipiam pen-
nas meas in directū, & habitauero in extremis ma-
ris. Sic possum fugere à facie tuâ. Mirum si

in extremis maris non est, qui nec apud inferos deest:

Hieron.
lib. 9. in c.
29. Isaia.

Va qui profundi estis corde vt à Domino abscondatis consilium, quorum sunt in tenebris opera, & dicunt: Quis videt nos & quis nouit nos? Idcirco arbitrantur Deum sua nescire consilia, quia in tenebris sunt opera eorum, & dicunt, Quis videt nos? & quis nouit nos? non recordantes eius quod ad Deum dicitur: Tenebra non obscurabuntur à te, & nox sicut dies illuminabitur, & sicut tenebra eius ita & lux eius.

Ambx. lib.
1. de interpell.
Iob
cap. 36.

Considera illam de quo ait in Ecclesiastico Syrah: homo transgrediens in lecto suo, dicens in animà suà: quis me videt? tenebra circumdant me, & parietes cooperiunt me, quem vereor? hic qui se existimabat ab eo qui omnia videt, non videri, & tenebris putat commissa sua posse celari, ymbra prætendit, sed frustra latere se credit, cum oculus Domini lucidior sole, occulta omnia deprehendat, tenebrosa illuminet & intimi cordis penetret conscientiam, atque in alta & profunda descendat. Vanus ergo, qui putat tenebris esse se tutum, cum lucem vitare non possis, quæ lucet in tenebris; & tenebra eam non comprehendunt: quasi fugitiuus itaque & malus mercenarius deprehenditur, & antequam se occultat agnoscitur, quia, Domino omnia antequam erant, cognita sunt, non solum quæ facta; sed etiam quæ futura sunt.

Hoc

Hoc errore decepti Adam & Eua, audientes sonitum pedum deambulantis in Paradyso Dei, absconderunt se sub arbore.

Hieron.
lib. 9. in e.
29. Isaia.

Primus [itaque] homo post culpam, inter arbores Paradyli, absconsus inuenitur.

Greg. lib.
33. mor.
cap. 3.

Sic habes Adam abscondentem se, ubi Deum cognouit esse presentem, & quantum latere voluisse, & vocatum à Domino eâ voce quæ latentis morderet affectum, hoc est, *Adam ubi es?* hoc est; cur te abscondis? cur lates? cur fugis eum quem videre desiderabas? Ita grauis culpa est pœnitentiæ, vt sine iudice, ipsa se puniat, & velare se cupiat, & tamen apud Deum nuda sit.

Ambr. lib.
2. de pœn.
cap. vii.

Quò te [Adam] duxerunt peccata tua, vt fugias Deum tuum, quem ante quærebas? Timor iste culpam fatetur, latebra præuaricationem.

Ambr. lib.
de Parady-
so cap. 14.

Cain quoque dicens: *si eiecis me hodie, à facie tuâ abscondar*, simili stultitiâ Deum arbitratus est ignorare. Et per Amos de impijs & peccatoribus dicitur: *si absconderint se ab oculis meis in profundo maris, ibi mandabo draconi; & mordebit eos.*

Hieron.
lib. 9. in e.
20. Isaia.

[Et tu] quò fugis Propheta [Iona?] non audisti quod Dauid ait: *quò ibo à spiritu tuo, & quò à facie tuâ fugiam?* In terram? sed Domini est terra & plenitudo eius. Ad inferos? & ibi virtus tua non deerit. Ad Cœlum? ibi quoque te esse cognosco. In mare? & eò tendit

Chryso-
stom.
hom. de
Ionat.

dextera tua. Cùm nauim spisset ingressus
turbantur maria, fluctus eleuantur, & pro-
fundi pelagi arena monstratur; & sicut fi-
dele mancipium, cùm seruum fugâ lap-
sum, (nonnullis etiam communi Domino
preciosis ablatis) omni animositate, contra
eius retentores insistit, nec antè derelin-
quit, nisi eum præsentauerit Domino; sic &
mare, conseruum agnitum, non alieno pa-
trociniò, nullius postulato subsidio, sed
propriâ virtute commotum, vt sibi reddere-
tur, exposcit.

Pauli. car.
ad Cythe-
rium.

Nam qui putârat per mare euadi Deum

Et nauis celari, Deo,

Nunc iste & intra belluam mersam mari,

Adesse sensit arbitrum.

O digna sancto claustra fugitiuo Dei!

Capitur mari quo fugerat;

Altumq; vasta missus in ventrem fera,

Viuo tenetur carcere.

De nauis iactus perit & vndis nauigat

Exul soli & hospes soli.

Spatiatur antro belluini corporis,

Captiuus & liber reus.

Isaia 2.

Ingrederi in petram, abscondere in fossâ humo, &
facie timoris Domini, & à gloria maiestatis eius.

Tomo 9.
Hier. ep.
ad Amic.
In scientiâ
diuinâ
legis.

Si [enim] umbrato repente Cælo solis
claritas nostris aspectibus denegeretur, & pro-
ductis in nostram humilitatem nubibus,
pluriâ teris immineant; si commotis, vt
alfo.

affolet, elementis, in rotam sui currus tonitrua concitentur, & hinc, indè fulgurum iacula, palpebris terribiliter obiecta corruſcent, (quamquam & conſuetudine illâ contingant) pauemus, contremiſcimus, & proni ad terram, depoſitâ ſuperbiâ, ceruices ſubmittimus: quid faciemus in illâ die miſeri, quando reuoluto Cœlo, cum Angelicis virtutibus, igneus Dominus, rotus adueniet? quando cadentibus de ſuper ſtellis, ſol in tenebras, & in ſanguinem luna mutabitur? quando montes ſicut cera liqueſcent, quando terra ardebit, & areſcent flumina, & maria ſiccabuntur, & contra rerum naturam conſumptio diuinitus humore, ariditatem in aquis ignis operabitur? Quando peccatores dicent montibus, *Cadite ſuper nos, & collibus, Tegite nos*: quando vocabunt homines mortem, & vocata non veniet; quando diſcrimina vertentur in vota, & quod ſemper oderunt homines, concupiſcent?

Esto mihi [Domine] in Deum protectorem & in domum refugij domus refugij, tu mihi eſto, Deus protector, domus refugij. Quò fugio? ad quem locum tutus fugio? ad quem montem? ad quam ſpeluncam? ad quæ tecta munita? quam arcem teneam? quibus muris ambiar? quocumque iero, ſequor me, Quicquid enim vis, poteſ fugere, homo, præter conſcientiam tuam. Tu mihi eris domus

Aug. in
Pſalm. 306

refugij, ad te confugio, nam à te, quò fugiam? Quocumque iero, ibi te inueniam; & si irasceris, vltorem te inuenio; si placatus es, adiutorem. Nihil mihi ergo restat, nisi ad te fugere, & non à te. Vt euadas hominem Dominum, quicumque seruus es, fugis in ea loca, vbi non est Dominus tuus, vt euadas Deum, fuge ad Dominum; nam non est quò fugias Deum; præstò sunt omnia & nuda Omnipotentis oculis.



XIII.

Numquid non paucitas dierum
meorum finietur breui? dimitte
ergo me, vt plangam paululum
dolorem meum. *Iob. 10.*

Silicet, in magno cupis hoc me ponere lucro,
Addita quod vita pars quotacumque mea.
Si numerata forent aliquot mihi lustra, vel anni,
Muneris hic poterat nomen habere fauor:
Stamina sed breuibus iunxisse fugacia filis;
Obsecro, dic, pauci quantula summa, dies?
Nempe ita, qui vitam modò ducere coeperit infans,
Dicetur moriens, occubuisse senex,
Sic sua nonnullis descripta est vermibus atas,
Vna quibus breuis est, integra vita, dies.
Sic aliquis numerat celeres sibi flosculus horas.
Natali tumulant quem sua fata die.
Floscule mane puer, mediâ vir, floscule, luce;
Floscule, sub noctem, Sole cadente, senex.
Sic orerisq; vno morerisq;, ô floscule, Phæbo;
Vno sisq; puer, virq;, senexq; die.
Staret adhuc volucrum saltem rota lenta dierum,
Hora nec admissis qualibet iret equis;
Vermiculi canerent; tot plenis viximus horis;
Flosculus, & totidem, diceret, herba sui.
Sed tempus rapidis volat irreparabile pennis,
Flaminis inq; modum, lubricus annus abit.

Menstruus impulsis rapitur quoque solibus orbis,
 Et fugiunt, nullo frana tenente, dies.
 Denique precipitis rota concita vertitur hora,
 Nec remeare potest, qua semel hora fuit.
 Inuida res, tempus; sua se per puncta trucidat;
 Se pariter fugiens, se pariterq; sequens.
 Qualis teda suo se flammea funerat igne,
 Qua sibi fatalem congerit ipsa rogam.
 Sic redit in proprium sacrorum circulus orbem,
 Flectitur inq; suas annua meta rotas.
 Non fuit antiquus male prodita fabula chartis,
 Qua genitor sobolem commoluit ore suam:
 Nempe vorax annos mensesq; interficit auum;
 Seq; fluendo parit; seq; fluendo necat.
 Hora diem, mensemq; dies depascit eundo,
 Bis-seni q; senex mensibus aenu obit.
 Annus obit, mensesq; diesq; horaq; recedunt,
 Et suus in se iterum tempora gyros agit.
 Ergo meo exiguum spatium concede dolori,
 Non nisi concesso tempore fata querar.
 Non ego supremis tempus mihi risibus oro,
 Non facit ad risus resve, locusve meos.
 Pro lacrymis spatium, spatium pro planctibus opto,
 Hac mihi tantilla, quam peto, caussa mora est.
 Ite igitur magnis, lacryma, mea flumina riuus;
 Ite, ferite truces ora sinumq; manus.
 Ite per os lacryma, sauite in pectora palma;
 Pars bona, dum statis, temporis, ecce fugit.
 Sentio, eunt lacrymae, repetuntur, sentio, planctus;
 Iam fleui & planxi, sistite; iam satis est.

*Numquid non paucitas dierum meorum
finitur breui? dimitte ergo me, vt
plangam paululum dolorem meum.*
Iob. 10.

QUID in hoc mundo stabile, quid pe- Chryf. ep.
renne? Audi cuiusdam venerabilis viri ad Theo-
voca: *Tempus*, inquit, *vita mea leuius cursori-* dor. Mon.
bus fuit. tom. 5.

Cum enim primum homo peccauit, æ- Hieron.
ternitas mortalitate mutata est, in nongen- ep. 21. ad
tos & amplius annos; exinde paulatim re- Paulam.
crudescente peccato, in breue tempus, ho-
minum vita contracta est.

Breuis dies hominis sunt; numerus mensium Iob. 14.
eius apud te est: constituisi terminos, qui prateriri
non poterunt.

Quare cautum se ac sollicitum viuere Greg. lib.
ostendit, qui breuitatem presentis vitæ 9 mor. c.
considerans, non eius vsum sed, terminum 44. in cap.
conspicit; vt ex fine colligat nihil esse quod Iob.
transiens delectat. Hinc namque per Sa-
lomonem dicitur, *Si annis multis vixerit ho-*
mo, & in his omnibus lacatus fuerit, meminisse
debet tenebrosi temporis & dierum multorum; qui
cum venerint, vanitatis arguetur praterita. Igitur
cum culpa animum tentat, mens necesse est,
vt breuitatem suæ delectationis aspiciat; ne
ad

ad viuacem mortem iniquitas rapiat, cum constet quòd ad terminum citius mortalis vita percurrat.

Greg. lib.
7. mor.
cap. 20.
in cap. 6.
Iob.

Sepè etenim dum præsents vitæ breuitas, quali diu perseueratura diligitur, ab æternâ spe animus frangitur, & delectatus præsens, desperationis suæ caligine reuerberatur.

[Sed] sancti viri, quia breuitatem vitæ indefinenter aspiciunt, quasi quotidie morientes viuunt, & tantò se solidius mansuris præparant, quantò & nulla esse transitoria semper ex fine pensant. Hinc quippe Psalmista, veloci cursu fugere vitam peccatoris aspiciens; ait: *Pusillum adhuc, & non erit peccator.* Hinc iterum dicit; *Homo, sicut fœnum, dies eius.* Hinc Isaias ait. *Omnis caro fœnum, & omnis gloria eius, sicut flos agri.*

Aug. in
Psal. 102.

Attendat quid sit homo; non superbiat: *homo tamquam fœnum dies eius.* Quid superbit fœnum, ad tempus modò florens, post paululum arefcens? Quid superbit fœnum ad tempus vigenis, & hoc ad paruum tempus donec sol candescat? *Sicut flos agri ita effloret.* Quàm exiguo tempore transeunt flores? & hoc est pulcrum in herbis! Hoc quod valde pulcrum est, hoc citò cadit. *Omnis caro fœnum.* Et claritas luminis vt flos fœni: fœnum aruit & flos decidit.

Quasi flos egreditur & conseritur.

Quid

Quid enim sunt nati homines mundo, nisi quidam flores in campo? tendamus oculos cordis, in hanc latitudinem mundi præsentis; & ecce quasi tot floribus, quot hominibus plenus est: vita itaque in carne, flos in sæno est. Homo etenim more floris procedit ex occulto, & subito apparet in publico; qui statim ex publico per mortem retrahitur ad occultum. Carnis nos viriditas ostendit, sed ariditas pulueris ab aspectibus retrahit, quasi flos apparuimus, qui non eramus; quasi flos arefcimus, qui temporaliter apparebamus.

[Imò] quid ab his bestiolis distamus, quas ferunt apud Hypanim fluuium (qui ab Europæ parte in pontum influit) nasci atque vnum diem viuere? sicut ergo ex his ea quæ octauâ horâ mortua sit, prouectâ esset ætate mortua, quæ verò occidente sole, decrepita, eò magis si etiam solstitiali die, sic si longissima ætas, cuiusvis hominis confertur cum æternitate, in multo minore breuitate, quàm illæ bestiolæ reperiemur.

— *Quid enim, mihi dicito, longum*

Hæc mortalis habet fatiq; obnoxia vita?

Tenes diem istum? si renuisti hersternum, tenes & hodiernum: sed hersternum inquis, non teneo, quia iam nō est, istum autem teneo in quo sum, & qui mecum est. Itane de isto excidit tibi iam quantum à primâ luce

H trans-

In idem
cap. 14.
Iob.
Gregor.

Isidor.
Clarius
orat. 10.
de morte.

Nazianz.
in præcept.
ad Virgi-
nes.
August. in
Psalm. 38.

transierit. Nōne iste dies à primâ horâ cō-
 pit? Da mihi primam horam eius: Da mihi
 & secundam eius, quia & fortè ipsa transuo-
 lauit. Tertiam, inquis, dabo tibi, fortè enim
 in ipsâ nunc sumus: Certè ergo sunt isti dies,
 & est tertia dies; & si tertiam dabis, nō diem
 sed horam dabis. Verumtamen ne hoc qui-
 dem tibi concedo, si mecum utcumque ista
 transilisti. Da mihi vel horam tertiam, ipsam
 mihi da in quâ es. Si enim aliquid eius iam
 præterijt: & aliquid eius adhuc restat; nec
 quod præterijt aliquid mihi potes dare, quia
 iam non est; nec quod restat, quia nondum
 est. Quid mihi de horâ istâ quæ nunc per-
 agitur dabis? quid de illâ mihi dabis? Cui
 committam hoc verbum, ut dicam, est. Cùm
 dicis ipsum est; certè vna syllaba est, & mo-
 mentum vnum est, & tres litteras habes in
 ipso ictu. Ad secundam huius verbi litteram
 non peruenis, nisi prima finita fuerit. Ter-
 tia non sonabit, nisi & cum ipsa secunda
 transierit. Quid mihi de hâc vnâ syllabâ da-
 bis, & tenes dies, qui vnâ syllabam non te-
 nes? momentis transuolantibus cuncta ra-
 piuntur. Torrens rerum fluit. Isti ergo dies
 non sunt, antè abeunt penè quàm veniunt,
 & cùm veniunt, stare non possunt. Iungunt
 se, sequuntur se, & non se tenent.

Iob. 7.

Greg. lib.
 8. mor. c.

Parce mihi Domine, nihil enim sunt dies mei.
 [Hinc] sancti viri, præsentis vitæ dies, ni-
 hil

hile esse conspiciunt, quia illuminatæ men- 20. in Job.
 tis oculos in considerationem æternitatis
 figunt.

Per horarum [namque] momenta cresci- Hieron.
lib. 11. in
cap. 40.
Isaia.
 mus atque decrescimus, nec in eodem ma-
 nemus statu. Ipsum quoque quod loqui-
 mur, dictamus & scribimus, de vitæ nostræ
 parte præteruolat. qui dudum infans, subito
 puer; qui puer, repente iuuenis; & vsque ad
 senectutem per spatia mutatur incerta; &
 antè, se senem intelligit, quàm iuuenem non
 esse miretur.

[Denique] quicquid temporis uiuitur, de Aug. lib. 7.
de ciuitate
Dei, c. 10.
 spatio viuendi demitur, & quotidie fit mi-
 nus, minusque quod restat; vt omninò nihil
 aliud sit tempus vitæ huius, quàm cursus ad
 mortem, in quo nemo vel paululum stare,
 nec aliquando tardiùs ire permittitur, sed
 omnes videntur pari motu, nec diuerso im-
 pelluntur accessu: neque enim cui vita bre-
 uior fuit, celeriùs diem duxit, quàm ille cui
 longior. Vnde ex quo homo cæpit esse in
 hoc corpore, in morte est. Quid enim aliud,
 diebus, horis, momentis que singulis agitur,
 donec ea consummata mors, quæ agebatur,
 impleatur, & incipiat iam tempus post mor-
 tem, quod cum vita detraheretur, erat in
 morte.

Benè itaque dicitur, *Dimitte me, vt plangam* Greg. lib.
17. mor.
cap. 45.
paululum dolorem meum. Quia nisi à rea-

tu culpæ, quo nos ligauimus, misericorditer dimittemur, perfectè flere non possumus, hoc quod in nobis ipsis, contra nosmetipsos dolemus: sed tunc veraciter reatus nostri dolor plangitur, cum tenebrosa illa inferni retributio, intento timore præuidetur.

Greg. lib.
9. mor.
cap. 44.
in cap. 10.
Iob.

Sed sicut moderata afflictio lacrymas exprimit, ita immoderata subducit; quâ mœror ipse quasi sine mœrore fit, qui afflicti mentem deuorans, sensum doloris tollit;

Ibid,

Sæpè namque peccator iniquitatis suæ vinculis ita constringitur, vt pondus quidem peccatorum toleret, sed tamen, quia tolerat, ignoret. Sæpè autem si cognoscat, quanto reatu premitur, erumpere in lacrymas conatur, & non potest, vt hunc in se mente liberâ, & conuersatione integrâ persequatur. *Flere ergo dolorem suum* non valet, qui & iniquitatis suæ reatum considerat, & tamen præ terrenæ occupationis pondere, hunc & gemere nequaquam vacat: *flere dolorem suum* non valet, qui primæ quidem consuetudini contraire nititur, sed tamen adhuc succrescentibus desiderijs carnis grauatur. Huius doloris præsentia Prophetæ mentem cruciauerat, cum dicebat, *Dolor meus contra me est semper, quoniam iniquitatem meam ego pronuntiabo, & cogitabo pro peccato meo.* Tunc igitur ad plangendum dolorem nos Dominus dimittit, cum & mala nobis, quæ feci-

fecimus demonstrat, atque adhæc eadem flenda quæ cognoscimus, adiuuat.

Hoc solum ergo Domine, præsta, quod deprecor: Iudic. 17.
Dimitte me, vt duobus mensibus circumeam montes, & plangam cum sodalibus meis.

Sexaginta dies plangere nobis demonstrat planctum præsentis vitæ, dicente Domino: *Beati qui lugent, quoniam ipsi consolabuntur.* Desertum ergo plangimus huius mundi (desertum enim dicitur res vbi non manetur) quia ergo hîc non permanetur, desertum dicitur. Plangendum est ergo in vitâ istâ caducâ, ruinis plenâ, casibus obuolutâ; vt cum plangimus, suscipiat Dominus immolationem animæ nostræ. Chrysof. hom. de Iephthæ.





*Vitam sapient et intelligerent ac novissima
prouiderent ! Deuterou . 32.*

XIV.

Vtinam saperent, & intelligerent,
ac nouissima prouiderent!

Deut. 32.

PRô pudor! vsque aded est homini mens caeca fu-
turi;

Vt nisi qua videat, nulla pericla putet?

Scilicet hoc sapere est, tantum presentibus angi,

Nec procul aspectis consuluisse malis!

Ante tubas, Miles, dicto parat arma duello;

Cum sonuere tuba, serius arma parat:

Nauita, quas captat, prasagus prospicit auras,

Anchora veliuolum nec remoratur iter:

Quas veniente metet segetes astate colonus,

Credidit excultis, antè, colonus agris.

Prouida quin etiam metuens formica senecta,

Veetat in annonam paucula farrâ suam.

O quid agis, gens euentus, ignara futuri?

Tempora, qua veniunt postuma, nulla times?

Stamina perpetuo fors nent adamantina filo,

Aut cessant triplices voluere pensa colus?

Falleris; ah! nulli datur has placasse sorores;

Vna licet parcat, de tribus, vna secat.

Fœdera fors pacto sanxere perennia clauo,

Concordes stabili vitâ₃ morsq₃ fide?

Falleris, ah! nimium tibi pacta fauentia fingit;

Non seruant vllam vitâ₃ morsq₃ fidem.

Antè, niuem fidis lambent incendia flammis
 Iuraq; fœdis fragis sanciet Auster aquis.
 Antè, dœs nocti pacem nox antè, diei
 Sernet, & infestis accubet agna lupis.
 Omnia leiferò latè Mors subiugat arcu,
 Quidquid & hoc Phœbi vescitur igne necat.
 Nemo venenata vitavit arundinis ictum,
 Omnis ab hâc ceruix, cuspide, vulnus habet.
 Hîc teneros Matrum capit inter brachia, natos,
 Aut cunas, tumulum, cede recente facit.
 Hîc pueros, alibi configit arundo puellas;
 Hîc iuuenes; illic funerat illa senes.
 Stataq; iam nullo discrimine, funera miscet
 Militis atque Ducis corpora mixta iacent.
 Nec micat auratâ tibi Crœse cadauer arenâ
 Pulcrior aut tuus est, pulcra Rebecca, cinis,
 Aspice, quid cineres sit Caesaris inter & Iri?
 Omnibus en color est vnus, & vnus odor.
 Quid iuuat his igitur tantum confidere rebus,
 Ceu lethi imperio vita soluta foret?
 Stat sua cuique dies, depleto ferrea fuso,
 Serius aut citius quemlibet vrna vocat.
 Cogimur huc omnes, huc summus & infimus ordo,
 Ibumus, emenso tempore quisque suo.
 Actum si vacuas animus simul iret in auras,
 Vt vapor in nebulas extenuandus abit!
 Morsq; foret nostræ quoque meta nouissima vita,
 Mors simul amborum corporis atque animi?
 Quàm bona mors esset posituris morte dolores,
 Quos noua post vitam, vitæ morsve daret?

Qui-

Quilibet extremam latus properaret ad horam,
 Et puto, viuendi vix superesset amor.
 Sed dolor, heu! non est mors vltima linea rerum,
 Non necat hic animum qui cremat ossa rogas.
 At postquam è terris animo exhalata recessit,
 Iudicis extemplò sistitur ante pedes.
 Ille sedet iustumq; & inexorabile Numen,
 Flammaq; sunt oculi flammaq; fulua caput.
 Illa (tremens, metuensq; oculos attollere Cælo:)
 Dura catenatâ vincula mente gerit.
 Ille sinus animi, fibrasq; introspicit omnes,
 Quodq; latet tacitum nocte fauente nefas.
 Illa scelus; conuicta, suum pudibunda fatetur.
 Nec videt, effugio, quem petat, esse locum.
 Ille simul Iudex, testis simul, & simul actor,
 Comperti statuit criminis esse ream.
 Illa memor nullis hanc flecti questibus aulam,
 Heu! frustra effusis se sepelit lacrymis.
 O, quis tunc anima sensus, qua cura relicta,
 Nullus vbi pro se, iure patronus agit!
 Nempe vocat montes & inhospita culmina, cautes,
 Antraq; queis trepidum condant operata caput.
 O Anima! ô Iudex! ô non placabilis vrna!
 Quis secum hæc meminit, nec citò dirigit?
 Sed nondum hoc tanti clauduntur sine dolores;
 Altera adhuc restant, vitaq;, morsq; super:
 Vita perennanti que secula protrahet æuo,
 Mors longa extremum non habitura diem.
 Ah quibus, ah quantum laniabitur hæc tormentis!
 O quibus, ô quantum affluet illa bonis!

Illa , suas pascit Diuino nectare mentes ;
 Hac , miscet liquidâ pocula plena pice.
 Illa , Chely Angelicâ vel gutture carmina fundit ;
 Hac , gemit horrendus exululata sonis.
 Illa , agit eternas cælo plaudente , choreas ;
 Hac , salit ad colubros seu Megea , tuos.
 Illa , nec astiuis , gelidis nec aduritur astris ;
 Hac furit immitis igne gelug, vadi.
 Illa , per atherios agit otia mollia campos ;
 Hac , agit æterni triste laboris opus.
 Illa dolorum expers , mala nulla , nec aspera sentit ;
 Hac , patitur dirum quidquid Auernus habet.
 O felix opibus , felix tot vita triumphis !
 O grauis , ô tanti mors metuenda malis ?
 Vel tua , vel tua , nos dubio manet alea iactu ;
 Alea , non aliâ proyicienda vice.
 Ah subeant vestri gemina sic pectora cura ,
 Vt semel alterius fors obeunda cader !

Vinam

Vtinam saperent, & intelligerent, ac nouissima prouiderent. Deut. 32.

OGENS sine consilio & sine prudentiâ! *Vtinam saperent, & intelligerent, ac nouissima prouiderent!*

Bonau.
Opusc. de
contemp.
sæculi.

Saperent, damnatorum multitudinem; saluatorum paucitatem, & temporalium rerum vanitatem.

Intelligerent, tria; scilicet peccatorum multitudinem, bonorum omissionem, & temporis amissionem.

Prouiderent, tria; scilicet mortis periculum, extremum iudiciû, & æternum supplicium.

Sed oculos non vis habere nisi in præsentia.

August. in
Psal. 48.

Peruerſa quippe anima rebus præſentibus dedita, in terrenis voluptatibus reſoluta, abſcondit ſibi mala ſequentia, quia præuidere futura reſugit, quæ præſentem lætitiã perturbant; dum quæ in præſentis vitæ oblectationibus ſe deſerit, quid aliud quàm clauſis oculis, ad ignem vadit, & indè dicitur per Paulum: *qui gaudent tamquam non gaudentes ſint*; quia etſi qua eſt præſentis temporis, ita eſt agenda lætitiã, vt nunquam amaritudo ſequentis iudicij recedat à memoriã; quatenus dum mens pauida extremæ ultionis timore transi-

D. Greg.
hom 39.
in Euang.

transfigitur, quantum tunc præfens lætitia, tantum post, ira subsequens temperetur: si extrema mala nostra formidolosè & indefinenter aspiciamus; iuxta hoc quod per quemdam sapientem dicitur: *In omnibus operibus tuis memorare nouissima tua, & in aeternum non peccabis.*

Speculo
pec. cap. 5.
Tom. 9.
Aug.

Sed quæ sunt nouissima tua, quæ prouidere sollicitè debes? summa totius prouidentia est, utique illa terribilis horâ, in quâ, misera anima tua, ex hoc corpusculo corruptibili timens est egressura, in illâ nimis metuenda extremâ horâ; quis amicorum, quis parentum tuorum veniet cum gladijs & armis auxilium ferre? Non enim erit tunc, qui consoletur te ex omnibus charis tuis, respicientibus etiam ad auxilium & adiutorium hominum; sed refugium tuum tantummodo est apud Deum. Reduc ergo fili mi, sedulus in memoriam illum extremum exitus tui diem, & ante quam misera anima tua, de carcere carnis exeat, prouideat, quod vadat. Quando enim homo fit non homo, hoc est quando aegrescit; aegrotando aegritudo crescit; peccator expauescit; cor contremiscit; caput obstupescit; sensus euanescit; virtus exarescit; vultus pallefcit; facies nigrescit; oculus tenebrescit; auris surdescit; nasus putrescit; lingua fatiscit; os obmutescit; corpus tabescit; caro marcescit. Tunc carnis pulcritudo

do fœtor efficitur, & putredo tunc soluitur
in cinerem, & vertitur in vermem.

*Post hominem vermis, post vermem fœtor &
horror:*

Sic in non hominem vertitur omnis homo.

Age iam, cùm ad illud vltimum Iudicium Prosper
lib. 3 de
vitâ con-
templat. venerimus, ab eo Iudice iudicandi, qui nec
falli occultatione criminum potest, nec ad
impunitatem promerendam muneris alicuius
oblatione corrumpi, cùm cœperint om-
nium secreta reuelari, & non solum actus ac
verba, sed etiam ipsæ cogitationes ostendi;
quid faciemus sub tanti Iudicis maiestate?
quid excusationis obtēdere poterimus, quā
nos defensionis arte purgabimus? quæ no-
bis subuentura est pœnitentia, quam in hâc
carne cōtempnimus? quæ nos defensura sūt
opera bona, quæ in hâc vitâ non fecimus? ad
quos Apostolos, aut ad quos alios Sanctos
confugituri sumus, quorum exempla simul
ac verba despexerimus. An fortē aliquos ibi
fragilitas corporis excusabit? sed excusationi
eorum reclamabunt omnia sanctorū exem-
pla, qui cum fragilitate carnis, in carne vin-
centes, quod fecerunt, vti que fieri posse, do-
cuerunt. Quid ergo respōsuri sunt, si eis Do-
minus dicat, si potuistis, quare non restitistis
desiderijs peccatorum? si non potuistis, qua-
re meum, contra peccata, non quæsistis au-
xilium? Nonne ad hæc obmutescantibus &
quid

quid excusationis referant non habentibus, dicit: *Ligate eos manibus & pedibus, & mittite in tenebras exteriores, vbi erit fletus & stridor dentium, vbi vermis eorū non morietur, & ignis eorum non extinguetur.* Hęc & his similia libenter audire vel legere, iugiter ante oculos mētis adducere; cogitare, quale malū sit, ab illo gaudio diuinæ contemplationis excludi; beatissimā Sanctorum omnium societate priuari; fieri patriæ cœlestis extorrem; mori vitę beatę; morti viuere sempiternę; in æternum ignē, cum diabolo & angelis eius expelli, vbi sit mors secunda, damnatis exilium, vira supplicium; non sentire in illo igne quod illuminat, sentire quod cruciat; exundantis incendi; terribiles crepitus pati: barathri fumantis amatā caligine oculos obcęcari; profundo gehennę fluctuantis immergi; edacissimis in æternum dilaniari vermibus, nec finiri: hęc & multa similia cogitare, nihil est aliud, quàm vitijs omnibus repudium dare, & omnia blandimenta carnalia refrenare.

Cap. 7.
Speculi
peccat.
tom. 9.
Aug.

Attende ergo, in illā terribili horā de quā loquimur, misera peccatoris anima. Quando de mundo exitura & itura es; aderunt mox ministri, maligni illi scilicet diaboli, illa verē tartarea monstra velut leones rugientes vt rapiant prædam, tunc horribilia patebunt loca pœnarum, chaos & caligo tenebrarum, horrorem, miserię & tribulationis; tremor

tremor, timor angustię & confusionis; dolor horrendę visionis; tremor tremendę mansionis; locus flentium, vbi stridor dentium, vbi morsus vermium, vbi clamor dolētium, vbi luctus gementium, vbi est vox clamantium peccatorum & dicentium; *Va, va nobis filij Eue?* quid tunc proderit scientię iactantia, sæculi pompa, mundi vanitas, terrenę dignitatis cupiditas?

Dic mihi, vbi tunc amatores mundi, qui ante pauca tempora nobiscum erant? ex eis remansit nisi cineres & vermes. Attende diligenter, quid sunt, quid fuerunt? homines fuerunt sicut tu, comederunt & biberunt, tiferunt, duxerunt in bonis dies suos, & in puncto ad inferna descenderunt.

[Imò] moliùs educata corpora grauiùs fœtent post mortem.

Aspera non Cyris, non Cræsis Parca pepercit,

Hisq; etiam, nuper sub quibus orbis erat.

Te quoque, Alexander, victor grassate per orbem,

Perdidit immodici copia sumpta meri.

Inter defunctos, quidnam est discriminis? Ossa

Et cineres Iri, tant alidifq; pares.

Par Constantino famulus meus (hic ego tantùm

Excipio tumulum) diues, inopiq; pares.

Atque hic ista quidem. Ast alio qua condit in eas,

Vltima lux prauis, quis memorare queat?

Horrida flamma, grauis caligo à luce remotis,

Vermis, qui memores criminis esse facit.

Bern. lib.
med. c. 20

Petrus
Dam.
epist. ad
Blancam.
cap. 30.
Nazian.
de externi
hominis
vilitate.

Non

Non natum esse, tibi melius, scelerate, fuisset,
 Aut natum, prorsus more perire fera,
 Quàm mala tor passum in terris, sauosq; dolores,
 Post. grauiora iterum, tempus in omne pati.
 Atque vitam matris memors rapuisset in aluo!
 Nam tenebra nato, mox mihi stetus erat.

Aug. Soli-
 loq. cap. 3.

Ergo, ô anima, siue vigiles, siue dormias,
 semper in auribus tuis illa horribilis tuba re-
 sonet: *Surgite mortui, Venite ad iudicium.* O a-
 nima nunquam excidar à tuâ memoriâ: *Ite*
maledicti in ignem aeternum: Venite benedicti, per-
cipite Regnum. O quid potest lamentabilius
 & terribilius cogitari quàm *Ite?* & quid de-
 lectabilius exprimi quàm *Venite?* duæ sunt
 voces, quarum nihil horribilius vnâ, & nihil
 iucundius alterâ poterit audiri.



XV.

Defecit in dolore vita mea, & anni
mei in gemitibus. *Pfal.* 30.

Hoc erat ergo meis dominans Natalibus astrū,
Ut mihi lux faustā nulla rediret aue!
Quam leuis optati me temporis aura sefellit;
Dum toties repeto; Crastinus albus erit.
Nec tamen albus adhuc mihi crastinus ille reluxit;
Quin, qui praterijt proximus, ater erat.
Credideram alternos vite succedere casus.
Inq; vices latē cedere mœsta locum.
Vtq; serenato detergis nubila cœlo,
Cùm reuehis clarum Cynthie pure diem;
Vtq; maris reparas fugitiuos, Cynthia, fluctus,
Cùm tingis refluo litora sicca salo;
Sic ego venturi non felix temporis augur,
Omnia pro votis rebaritura meis.
At mea, quàm dispar, quantog; seuerior illis,
Quas dat nupta viro, tristitia est lacrymis!
Coniuge defuncto, bis denis mensibus, vxor
Sola domi queritur, coniugis orba, necem.
Post decimum finitur lugubria ponere mensem,
Et peplum niueâ vertere triste togâ.
Quis mihi transactus semel est sine luctibus annus?
Quis vacuus mensis? quis sine nube dies?
Nulla meis lex dat finemve, modumve querelis;
Sed parit assiduus se, velut Hydra, dolor.

Et planctu & lacrymis, gemituq₃ absunitur omniū,
 Ipsaq₃ pars minima est vita caduca, sui.
 Sæpè quidem rabidis sunt aquora turbida ventis,
 Sed brevis est, quoties magna procella furit:
 Quasq₃ rapit syluis bruma inclementia frondes,
 Compensant viridi tempora verna comâ:
 Et Notus obscuris quoties tegit æthera nimbia,
 Latior innubi mox redit ore dies:
 Ast mihi perpetuos contexunt funera luctus,
 Dempta nec est vlllo synthesis atra die.
 Mœstaq₃ nec festo cessauit tibia cornu,
 Pectus, ebur, pugni, plectra; querela, fides:
 Hâc cyt harâ, solis; hoc transigo pectine, noctes;
 His fidibus, vitæ tempora fallo meæ.
 O quoties vecto suspiria pectore rupi,
 Cùm cuperem tacito mergere verba sinu!
 O quoties, lux quanta fuit, fuit acta querelis.
 Lunaq₃ quanta fuit, planctibus acta fuit!
 Ne gemerem, memini, toties monuistis amici,
 Multaq₃ ne gemerem credite, facta mihi.
 Libera letitia suasistis frena remitti,
 Illi: ð letitia libera frena dedi.
 Ast vbi singultum compescere risibus opto,
 Risibus, heu, gemitus obstrepuere meis!
 Sæpè, volens placidas somno traducere noctes,
 Perpetuò vigiles obruor umbre genas;
 Dumq₃ diu nimium violentos comprimò fletus,
 Heu, mare perruptis effluit aggeribus!
 Flumina, vos testes, vos nota cubilia, sylua,
 Vosq₃ caua valles, conscia vosq₃ iuga;

Vos testes, quoties suspiria vincere tentans,
 Victa, reluctanti murmura cordi dedi.
 Quin etiam auduis permota vlulatus Echo;
 Questibus audita est aggemuisse meis.
 Tunc ego, tunc illa, alternis dedimus lamenta,
 Fleuimus inq; vices, planximus inq; vices.
 Vt Pandionia sibi dant responsa sorores,
 Cum casum, thalami labe queruntur Irym;
 Et sedet hinc Progne ramo miserabile plorans,
 Et sedet inde suum flens Philomela nefas:
 Altera q; alterius sequitur suspiria questu,
 Admissum lacrymans, vtraque crimen auis.
 Talis & Alcyone cum naufraga vela mariti
 Nequicquam scopulis litoribusq; canit;
 Aut viduus, viridi nemoris sedet arbore turtur,
 Comparis eterno murmure fata gemens.
 Sic mihi fatidica nerunt quoque stamina Diua,
 Iret vt optato sidere nulla dies.
 Vtq; adimant nullos, lamenta perennia luctus,
 Aut cesset, causa deficiente, dolor.
 Sed fuit vt prima, gemitus, vox prima loquela;
 Sit gemitus vite vox quoque summa mee.

*Defecit in dolore vita mea, & anni mei
in gemitibus. Psalm. 30.*

Hieron. in
Psalm. 30.

QVAMDIU est hîc in presenti vitâ, habet
gemitû & fletum vnusquisque homo.

Aug. lib.
21. de ciu.
cap. 14.

Homo non à risu orditur hanc lucem,
quid malorum ingressus fit nesciens, pro-
phetat quodammodo: solùm, quando natus
est, ferunt risisse Zoroastrem, nec ei boni ali-
quid monstrosus ille risus portendit. Pro-
fus quod scriptum est *grauè iugum super filios
Adam à die exitus de ventre matris eorum vsque
in diem sepulturae in matrem omnium.*

Ibid,

Aug. serm.
28. de verb.
Apost.

Vnde interrogemus pueros qui nascun-
tur, quare à ploratu incipiant: nascitur & sta-
tim plorat, & post nescio quot dies ridet.
Quando plorabat nascens, Propheta suæ
calamitatis erat, lacrymæ enim testes sunt
miseriæ.

Nazianz.
carm. de
humana
natura:

Hoc homini tamùm firmum est experseq; senectæ,

Inde ex quo nascens fletibus ora rigat;

Per lacrymas testans, quas vita in limine fundit

Quotnam illum maneant agmina dura mali.

Est Regio (vt quondam Cretæa) ignara ferarum;

Est alia, hyberna nescia terra niuis:

At, vacua aduersis quod vita tempora rebus

Clauserit, haud quisquam dicere iure potest.

Author.
spec. pec.
Tom. 9.
Aug.

In huius vitæ miseriam intrasti lugens,
dies tuos in dolore & æumnâ pertransisti;
cum

cum luctu & labore hinc exiturus es. Intelligas ergo, in quâto sit ingressus tuus flebilis progressus tuus debilis, & regressus horribilis:

Risum reputavi errorem, & gaudio dixi: Quid frustra deciperis? Eccl. 2.

Domini vox est ad suos dicentis, *Vos plorabit & planget is, sæculum autem gaudebit: Vos tristes eritis.* Timenda sunt Christianis præsentis sæculi gaudia, & optanda pro deuotione mœstitia.

Lætiæ enim tantum nomen habent, cum omnia sint in tristitiâ. Chrysoft. hom. 54.

Qui sumus in hoc tabernaculo, ingemiscimus grauari. 2 Cor. 5.

An non est meritò ingemiscendum, quòd sumus in regione alienâ, & in Coloniam procul à patriâ positam amandati? Chrysoft. hom. in Psalm. 115.

In abscondito plorabit anima mea: plorans plorabit & deducet oculus meus lacrymam. Hierem. 13.

Assueuerant Turturem castam & amabilem comparis esse, ita vt si quando euenerit, eius masculum ab Aquilâ siue Aucupe capi, non se commiscere alteri, sed ipsum cupere, & ipsius prætolari aduentum, & in amoris eius expectatione pendere. Huius turturis meminit Scriptura in Cant. Canticorum dicens: *Vox turturis audita est in terra nostra.* O gemitus de medio cordis amabilis, bonitatis pullulans fontes! ô gemitus cœlestem sponsum CHRISTVM ad semetipsum adducens!

Hugo de
S. Victor
serm. de
assumpt.
Mar. 10. 2.

Vox turturis, amori canit & dilectioni; & habet singularem dilectionem turtur, cui canit, vel præfenti gaudium, vel absenti affectum. Igitur vox turturis tota de amore, & non nouit aliud præter amorem turtur. Et quid sonat vox turturis? quam significationem habet vox turturis? quid dicit? Vnum est quod sonat vox turturis, & semper illud sonat & resonat, & non fastidit vquam. Numquam turtur vocem suam variat, numquam canticum suum mutat, semper idem canit qui semper idem diligit. O vox turturis quam dulcis es! & quis dignus erit audire vocem turturis? in solitudine canit turtur, & semper turtur solitudinem diligit, quia singularem dilectionem quærit. Non audietur in plateis vox eius, neque foris clamorem suum proferet. Intus resonat, intrinsecus canit & non possunt audire turturem, nisi qui intus sunt; qui elongant in solitudine, qui secretum inhabitant.

Bernard.
ser. 39. in
Cant.

Donec [autem] homines pro Dei cultu, mercedem tantum in terrâ, & tantum terram acceperunt, minimè se cognouerunt peregrinos; nec more turturis ingemuerunt. ita tamdiu non est vox turturis audita in terrâ nostrâ. Vbi ergo Regni Cælorum promissio facta est, tunc primum manifestè sonuit in terra vox turturis. Nam dum sancta quæque iam Anima CHRISTI præsentiam, suspiraret,

raret, Regni dilationem moleste ferret, desideratam patriam gemitibus & suspirijs à lōgè salutaret, nōne tibi videtur, vice fungi gemebundæ ac castissimæ turturis, quæcumque anima in terris ita fecisset? Ex tunc ergo & deinceps vox turturis audita est in terrâ nostrâ. Quid ni moueat mihi crebras lacrymas & gemitus quotidianos CHRISTI absentia? Domine ante te omne desiderium meum, & gemitus meus à te non est absconditus. Laboravi in gemitu meo, tu scis, sed beatus qui dicere potuit; Lauabo per singulas noctes lectum meum, lacrymis meis stratum meum rigabo. Non solùm autem mihi, sed & omnibus, qui diligunt aduentum eius, gemitus isti comperti sunt. Hoc quippe est quod ipse aiebat. numquid possunt filij sponsi lugere, quamdiu cum illis est sponsus? venient autem dies, cum auferetur ab eis sponsus, & tunc lugebunt, ac si diceret; & tunc vox turturis audietur. Ita est, IESV bone, venerunt dies illi; nam & ipsa creatura ingemiscit & parturit vsque adhuc, reuelationem filiorum Dei expectans: non solùm autem illa, sed & nos ipsi intra nos gemimus adoptionem filiorum Dei expectantes Redemptionem corporis nostri. Neque vacui gemitus, quibus è cælo tam misericorditer responderetur. Propter miseriam inopum & gemitum pauperum nunc exurgam, dicit Dominus. Fuit & in tempore Patrum, vox ista gementium: sed rara, & penes quemque suus gemitus. Vnde &

dicebat quis: *Secretum meum mihi, secretum meum mihi?* At vbi palam clauatum est, *Qua sursum sunt querite, vbi CHRISTVS est in dextera Dei sedens ad omnes iam cœpit pertinere gemitus ille turtureus, & vna omnibus esse gemendi ratio.*



I.

Concupiuit anima mea desiderare
iustificationes tuas. *Psalm. 118.*

COelestem dubitans, terrenumq; inter Amorē,
Nescio quo statuam sub duce signa sequi.
Ille sub imperium, vocat hic ad pilea: pugnant
Disimili nimum conditione duces:
Hinc vocor, hinc reuocor, rursusq; inuitor vtrimq;
Non secus ac restao quassa carina salo.
Ambiguum faciunt Amor hic, Amor ille duellum,
Impediuntq; suo sistere vota loco,
Sit satis, ah! tandem mala tot fastigia passa,
Et finar ad portus spem reuocare suos!
O Deus! aut nullo caleat mihi pectus ab igne,
Aut solo caleat legis amore tue!
Non nego; quod lubeat, magna est, optare, voluptas,
Et modò posse Volo dicere; Nolo, modò!
Frena nihil patitur minus, atque libido vouendi,
Nec se lege sinunt libera vota premi;
Vt vagus exultim lorisq; lupisq; solutus
Quoslibet in pastus currere gestit equus:
Aut stabulo ruit & viridi mox sternitur herbâ,
Deposito nimum bucula leta iugo:
Ast vbi mox reuocat consuetâ ad arata colonus,
Excutit ille lupos, illa recusat onus.
Scilicet expetitur libertas vna vouendi,
Qua satis est, quamuis utilitate vacet.

Sic

Sic Phaëton, patriæ ruiturus ab axe quadriga,
 Appetis ignotos flectere rector equos.
 Sic quoque non solitis dum niteris aliis alis
 Icari, subiectis labere merfus aquis.
 Quàm varia Superum lassas prece tundimus aures!
 Cœlitibus. puto nos sæpe mouere iocum.
 Ille vouet nuptam, nupta vouet ille sepulcrum;
 Hic sobolem nasci postulat, ille mori:
 Ille Patri mortem, Patri rogat ille salutem;
 Hic fieri inuenis supplicat, ille senex.
 Vix, puto, consentit centum de millibus vnus;
 Quin aliquis voto disidet ipse suo.
 Denique quid Superos oret, pars maxima nescit,
 Tam noua quisque sibi vota, precesq; facit.
 Sic vbi iam grauidas stimulant fastidia Matres;
 Obscenam satiant ferula pudenda famem:
 Scilicet expeditur modo calx, modò creta palato,
 Et modò, quæ stomacho displicuere, placent.
 Quid desiderijs vltra tot inanibus vrò?
 Quid iaculor nullo vota q; spesq; scopo?
 Este procul gemitus, procul anxia turba, timores,
 Sollicitaq; preces, vota q; spesq; procul.
 O Deus, aut nullo caleat mihi pectus ab igne,
 Aut solo caleat legis amore tuæ.

Concupiuit anima mea desiderare iustificationes tuas! Psalm. 118.

MIRVM est, quomodo concupiscatur desiderium; nec sit in nobis, cuius concupiscentia iam sit in nobis. Quis nesciat in homine esse concupiscentiam, in homine desiderium? cur ergo concupiscitur, vt habeatur, quasi forinsecus inferatur? aut quomodo haberi eius concupiscentia, sine ipso potest, cum non sit & ipsum quid aliud, quam concupiscentia? Nam & desiderare, procul dubio concupiscere est. Quis enim iste mirabilis atque inexplicabilis languor? & tamen est; nam & ægrotus qui fastidio laborat concupiscit utique desiderare cibum, dum concupiscit non habere fastidium. An aliud est concupiscere, aliud desiderare? non quod non sit concupiscentia desiderium, sed quia non omnis concupiscentia desiderium est; concupiscuntur enim & quæ habentur, & quæ non habentur: nam concupiscendo fruitur homo rebus quas habet; desiderando autem, absentia concupiscit. Desiderium ergo, quid est, nisi rerum absentium concupiscentia? sed Dei iustificationes absentes esse quomodo possunt? An &
quando

Aug. in
Psalm. 118.

quando sciuntur, & non fiunt, absentes habendæ sunt? sæpè enim quid agendum sit, videmus; nec agimus, quia non delectat ut agamus, & concupimus ut delectet. Præuolat intellectus; & tardè sequitur, & aliquando non sequitur, humanus atque infirmus affectus. Ideò ergo desiderare concupiscebat, quæ bona esse cernebat, cupiens eorum habere delectationem, quorum potuit videre rationem.

Aug. in
Psal. 118.

Non dixit [autem] concupiui iudicia; sed, concupiui desiderare: sicut enim vitæ viuere, plus est, quàm viuere (viuere namque commune etiam huius est vitæ; vita autem viuere, Beatorum est) sic concupiscere ut desideremus iudicia Dei, plus est, quàm desiderare iudicia; concupiscimus enim desiderare, quasi non sit potestatis nostræ desiderium, sed gratiæ Dei. Cùm enim Dominus oblectari nos viderit cupiditate desiderij iudiciorum suorum, sobriū auget affectum; cùm autem peccamus non concupiscimus desiderare iudicia Dei. Vnde etiam Dominus non otiosè ait, *Desiderio desideravi hoc pascha manducare vobiscum*; non solum desiderans, sed etiam geminato desiderio concupiscens remissionem tribuere peccatorum. Concupiscamus ergo & nos desiderare iudicia Dei.

Orig.

Nam sicut dicitur aliquis carnalis Amor, quem

quem & Cupidinem appellauerunt Poëta, prolog. in
Cant. secundum quem qui amat, in carne seminata est & quidem spiritualis Amor, secundum quem & ille interior homo amans in spiritu seminat.

[Iam] discerne petitionem cordis tui, Aug. in
Psal. 36. à petitionibus carnis; discerne quantum potes. Verbi gratia: cæcus est, corpore; rogat vt illuminetur: Petitio hæc carnis. Infirmatur, rogat se saluum fieri; saluus fit moriturus; & ista petitio carnis est, & si quæ sunt talia. Petitio cordis quæ est? sicut petitio carnis est, velle sibi præparari oculos, vtique ad videndam istam lucem (quæ talibus oculis videri potest) ita petitio cordis, ad illam lucem pertinet; *Beati mundi corde, quoniam ipsi Deum videbunt.*

Sed homo, quasi pullum onagri se liberum natum putat; Greg. cap.
15, in c. 12. nam qui implere cuncta Iob. quæ desiderat per effrenatam libertatem quærit, quid aliud, quam pullo onagri esse similis concupiscit; vt disciplinæ hunc lora non teneant, sed audenter inter vagos per syluam desideriorum currat?

Mens quoque nostra rebus mutabilibus Greg. cap.
22. in c. 7.
Iob. subdita, & à semetipsâ variatur. Nam quærens quod non habet, anxia percipit; cumque habere cœperit, tædet hanc percepisse, quod quæsiuit. Amat sepè quod despexerat, despicit quod amauerat. Diu quærit, vt pa-

rùm in his quæ inuenerit, perseuerat.

D. Greg.
hom. 36.
in Euang.

Nos enim, nati in huius peregrinationis ærumnâ, huc fastidiosi iam venimus; nescimus quid desiderare debeamus.

Aug. de
orando
Deo.
Epist. 21.
ad Probâ.
cap. 5.

Ac planè quid oremus, sicut oportet, nescimus. Alius vult coniugari; alius coniugio viduatus deinceps continenter eligit viuere; alius nullum concubitum nec in ipsis nuptijs experiri:

Aug.
Confess.
6. cap. 6.
Aug. de
orando
Deo. c. 12.
epist. 121.
ad Probâ.

Et ego inhiabam honoribus, lucris, coniugio, & tu irridebas.

Certè, qui dicit in oratione, verbi gratia: Domine multiplica diuitias meas; aut, da mihi tantas, quantas illi vel illi dedisti; aut honores meos auge; aut fac me in hoc sæculo præpotètem atque clarentem, vel si quid huiusmodi est; & hæc dicit, eorum habens concupiscentiam, non id attendens, vt ex his, secundùm Deum profit hominibus, puto eum non inuenire in oratione Dominicâ, quo possit hæc vota coaptare: Quamobrem pudeat saltem petere, quæ non pudet cupere; aut si & hoc pudet, sed cupiditatem ab isto cupiditatis malo liberet, cui dicimus; *libera nos à malo.*

Chrysof.
in Epist.
ad Rom.
c. 1. hom.
4.

Vides [ergo] auiditate omne malum exortum, cum ipsum desiderium videlicet, non sustineat intra proprios terminos consistere? Quidquid enim terminos à Deo statos trans-

transgreditur, id absurdarum ac minimè legitimarum rerum appetens est. Quemadmodum enim fieri sæpè videmus, vt qui ciborum appetitionem, qui que impotenti siti correpti fuerint, ij & cœnum quoque nonnumquam ad bibendum appetant;

Sic cor meum, cor vanum, vagum & instabile dum suo ducitur arbitrio, & diuino caret consilio, in seipso non potest consistere, sed omni mobili mobilius, per infinita distrahitur, & hac atque illac, per innumera discurret; & dum per diuersa requiem quærit, non inuenit, sed in labore miserum, à requie vacuum manet: sibi non concordat, à se dissonat, à se resilit, voluntates alternat, consilia mutat, ædificat noua, destruit vetera, destructa reædificat, eadem iterum atque iterum alio & alio modo mutat & ordinat; quia vult & non vult, & numquam in eodem statu permanet.

Sed allide Domine concupiscentiam meam dulcedine tuâ, quam abscondisti timentibus te, vt concupiscam te concupiscentijs sempiternis; ne vanis illectus & deceptus interior gustus ponat amarum dulce & dulce amarum.

Breu. cap.
9. medit.

Aug. foli.
loq. cap.
12.



*Viam dirigantur via mea ad custodiendas
iustificaciones tuas! Psal. 119.*

I I.

Vtinam dirigantur viæ meæ ad cu-
stodiendas, iustificationes tuas!

Psalm. 118.

Quò ferar in tanto deprensa errore viarum.
 Scetum vbi tam vario tramite fallit iter?
 Hac abit in dextram, tenet altera semita laeuam,
 Illa tumer in cliuis, vallibus ista iacet:
 Hac faciles aditus, aditus habet illa malignos,
 Et quos illa regit, detegit illa dolos.
 Quoq; vel hæc tendat, vel quò se porrigat illa,
 Exitus implexo sine videre vetat.
 Non ita, quæ partes via se findebat in ambas,
 Herculis ambiguum fecit euntis iter,
 Nec totidem refluis Meander stœctitur vndis,
 Ipse suis quamuis obuius erret aquis.
 Nec labyrinthi tanta est fallacia tecti,
 Curua licet varijs flexibus antra tegat.
 Heu grauiora meos cobibent discrimina gressus!
 En geminâ dubiam parte pericla premunt:
 Non ego quæ metuam diuortia mille viarum)
 (Solutus Dædaleâ, qui fuit æde labor)
 Sed præter varios curuis ambagibus orbes,
 Nox etiam cæcas celat opaca vias,
 Nullâque se presso monstrant vestigia signo,
 Quâ populus trito calle, notârit iter.
 Et licet explorem prætensis obuia palmis,
 Et vitæ obstantes, tubera dura, petras;

Vix satis inceptos ausim producere cursus,
 Sed retinent timidum noxq̄, dolusq̄, gradum.
 Lassus vt ignotâ cum fors regione viator
 Opprimitur nebulâ precipitante diem:
 Nullaq̄, iam toto collucent sidera Cælo,
 Nec propè sunt vllæ, rustica tecta, caseq̄
 Nullaq̄, signato callem notat orbita sulco,
 Vllæ nec humano semita trita pede,
 Nec scit, an in sylvas, an eat ruiturus in vndas,
 Longiùs inceptam si paret ire viam,
 Tum validis mutos compellat vocibus agros
 Si quis aberranti præstet arator opem.
 Vtq̄, vel è stabulis tacitisq̄, quis audiat antris,
 Ingeminant longos, terq̄, quaterq̄, sonos.
 Omnis at in surdas clamor volat irritus auras,
 Nullaq̄, Pastoris verba remissa sonant.
 O quis in bis tendat mihi stamina fida pericli!
 Quis Deus, in tantâ, fit mihi nocte Pharos?
 Isacidas quondam per inhospita regna vagantes,
 Infolitas docuit clara columna vias:
 Stella comes monuit Nabathæos lumine regis,
 Paruaq̄, Bethlemia duxit in antra domus.
 Quin recreant trepidos, fratrum duo sidera, nautas
 Tu quoq̄, mi gemini Castoris ede facem.
 Gnosis aberrantem reuocauit Thesea filo,
 Sestaq̄, Leandro fixit amica facem.
 Ecce ego sum Theseus, vice tu mihi sis Ariadnes,
 Cumq̄, ero Leander sis vice Sestiados.
 Aspici vt multi, vaga turba, per auia currant,
 Et sunt huc, illuc, quemlibet error agat?

Hic cadit ignorâ præceps Regione viarum,
 Ille vago cacum tramie versat iter:
 Hic celerat cursus; hic passu deside lentat;
 Sapius ille suos fertq; refertq; gradus:
 Hic diuersus abit, lateri comes ille propinquat;
 Hic comitis ductu fallitur, ille suo:
 Perpetuos aliquis vestigia flectit in orbes,
 Alter in obliquas voluitur vsque vias:
 Hic ratus ad certam cursu se tendere metam,
 Decepto repetit limina prima pede:
 Denique in errorem factu ruit agmine vulgus,
 Quodq; tenere decet, vix tenet vllus iter.
 Ovium, recto tendat mea semita ductu,
 Nec fraus decipiat tramitis vlla gradum?
 Qualis at excusso fugit irreuocabilis arcu,
 Dum volat ad certum missa sagitta locum;
 Talis in offenso festinet limite cursus,
 Quâ tua nempe mouent tendere iussa, viâ.
 Esto igitur mea lux, quoties iaculabere, neruus;
 Quemq; petis iaculis lex tua sancta, scopus;
 Quaq; scopum cupies certus terigisse sagitta,
 Illa ego sum digitis lecta sagitta tuis.

Vtinam dirigantur via mea ad custodiendas iustificationes tuas. Psal. 118.

Aug. l. 2.
de oper.
merit.

HIEREMIAS dicit: Scio Domine, quia non est in homine via eius; nec viri est vt ambulet & dirigat gressus suos. Hinc & in Psalmis cum quidam dixisset Deo: tu mandasti mandata tua custodiri nimis, continuo, non de se præsumpsit, sed optauit vt faceret. *Vtinam*, inquit, *dirigantur via mea ad custodiendas iustificationes tuas.*

Ambr. in
Psal. 118.
Oton. 5.

Miles qui ingreditur iter, viandi ordinem non ipse disponit sibi, nec pro suo arbitrio viam carpit, nec voluntaria captat compendia. ne recedat à signis; sed itinerarium ab Imperatore accipit & custodit illud; præscripto incedit ordine, rectâque viâ conficit iter, vt inueniat commeatum, parata sibi subsidia. Hanc legem viandi esse præscriptam, Christo ducente, sanctis commeantibus, recognoscas velim. Profecti sunt enim & Patres nostri de terrâ Ægypti, per longa spatia terrarum, quorum statiuarum omnes, mansionesque descripta sunt. Aduertimus ergo quis has ordinauerit mansiones, quomodo ambulare oporteret filios Israel. Præibat enim illos, per diem, Deus in columnâ nubis; noctu autem in columnâ ignis, vt viam ostenderet ambulântibus & tenebras dimoueret,
lex

lex viarum, columna erat & ignis & nubes.

Multæ enim sunt viæ & multa genera Bern. serm. 11. super Qui habitat in adiutorio viarum; magnum profectò periculum viatori. Quàm facilè in multarum occurſu, erabit in viâ suâ, qui viarum discretione caruerit? Scrutemur proinde vias nostras, etiam vias dæmonum, vias quoque Beatorum spirituum, & vias Domini inuestigemus.

[Si enim] viam ingressus cùm veneris ad Ambr. in Psalm. 118. octon. 8. compitum aliquod: (& nescias quod iter ingredi debeas) stas & cogitas ipse tecum, vtrum primam, aut secundam, aut tertiam viam eligas quam sequaris, nec putas prius adoriendum iter quàm animo deficiens; quanto magis animo debes ac mente consistere quid ad regnum cæleste tendis, & cogitare tecum, quia non omnis via illò ducit, non omnis eò dirigit ad Hierusalem illam quæ in cælo est. Sunt viæ quæ malos exitus mortis habent. Hæ sunt viæ de quibus legitur: *Quia sunt viæ quæ videntur viro rectæ esse, vltima autem eius aspiciunt in profundum inferni.*

Viæ igitur filiorum Adam in necessitate Bern. serm. 11. super Qui habitat. & cupiditate versantur. Ab vtraque siquidem ducimur, & ab vtraque trahimur; nisi quod videmur magis vrgeri necessitate, trahi cupiditate. Et necessitas quidem specialiter corpori tribuenda viderur, nec simplex illa est, sed anfractus habens plurimos plurimæque dispendia; nam compendia pauca admodum

modum, si qua tamen. In his quoque docetur quàm necesse habeat clamare ad Dominum, non de necessitate, sed de *necessitatibus meis erue me*. Non modò ab hâc viâ necessitatis, sed ab eâ quoque quæ cupiditatis est, optabit educi, quisquis non surdâ aure monita Sapientis exceperit. Quid enim ille ait: *à voluntatibus tuis auertere*, & item: *post concupiscentias tuas non eas*. Hæ sunt viæ quæ videntur hominibus bonæ, sed finem non habent nisi cùm demergunt in profundum.

Ibid.

Si inuenisti vias hominum, illud quoque considera, ne fortè de his dictum sit: *Contritio & infelicitas in vijs eorum*: vt sit contritio in necessitate, infelicitas in cupiditate. Videamus & vias Dæmonum, videamus & caueamus; videamus, & fugiamus eas; siquidem via illorû. Præsumptio & Obstinatio. Quàm peruerso & euerso sût corde filij hominum! quicumque sectantur vias Dæmonum, ingrediuntur Dæmonum vias. Hæc enim tota aduersum nos spiritualium colluctatio nequitiarum est, vt nos seducant, vt nos inducant in vias suas, vt deducant in eis, perducant ad destinatum finem, qui paratus est eis. Quæ verò sunt sanctorum Angelorum viæ? Profectò ille, quas vnigenitus enarrauit dicens: *Videbitis Angelos ascendentes & descendes super filium hominis*. Ascensio igitur & descensio viæ illorum. Ascensio propter se, descen-

descensio vel potiùs condescensio propter nos. Puto & vias Domini vultis audire. Docuit itaque vias suas, cum aperuit labia Prophetæ ut diceret: *Vniuersa via Domini misericordia & veritas.* Ita ad singulos, ita ad omnes communiter venit, in misericordiâ scilicet & veritate. *Ab his itineribus incuruati sunt colles mundi; superbi, Dæmones, Principes.*

Iste ordo est, alij præcedunt, alij sequuntur. Qui præcedunt exemplum se præbent sequentibus; numquid neminem sequuntur? Si neminem sequuntur, errabunt. Sequuntur ergo & illi aliquem, ipsum CHRISTVM. Et cernitis ordinatos gressus per Paulum Apostolum dicentem. *Imitatores estote sicut & ego CHRISTI.* Iusti attendendo eos qui se in bono præcedunt, imitando sequuntur. Quomodo sequuntur? *Videbunt iusti & timebunt.* Videbunt & timebunt sequi vias malas. cum vident quosque meliores, iam elegerunt vias meliores, & dicunt in animo suo, quemadmodum solent dicere viatores, attendentes alios cum præsumptione ambulantes in viâ, ipsi adhuc in certi viæ, & quasi fluctuantes quod eant, dicunt sibi: Non frustra illi hæc eunt, quando illò eunt, quò nos ire volumus. Et quare cum magnâ fiduciâ hæc eunt, nisi quia illac ire perniciosum est. Videbunt ergo iusti & timebunt. Angustam viam vident illac; hæc vident paucos, illac multos; sed si iustus

es,

Aug. in
Psalm.

es, noli numerare; noli numerare turbas hominum incedentes latas vias; noli eos attendere, multi sunt; pauci autem per viam angustam.

Greg. cap.
17. lib. 7.
mor. in
6, 6. Iob.

Reproborum [siquidem] *semita* semper *inuoluta* sunt, vt prauis concupiscentijs dediti aut bona nulla appetant, aut appetentes infirmo desiderio ad hæc nequaquam mentis *liberos gressus* tendant. Rectâ enim aut non incipiunt, aut in ipso fracti itinere, adhæc minimè pertingunt, vnde fit plerumque, vt ad morem suum, lassati redeant, seseque ab intentione animi in carnis voluptatibus sternant; sola quæ transeunt, cogitent; nulla quæ secum permaneant, curent.

August in
Psalm. 139.

Caput circuitus eorum? quid est circuitus ipsorum? vt circumeant & non stent, in gyrum eant erroris, vbi iter est sine fine: qui enim in longum it, aliunde incipit, alicubi finit; qui in gyrum it, nusquam finit. Ipse est labor impiorum, qui demonstratur in alio Psalmo euidentiùs: *in circuitu impij ambulat.*

Greg. lib.
7. mor. c.
24. in cap.
6. Iob.

Benè ergo de reprobis dicitur: *Inuoluta sunt semita gressuum eorum*, quia recta quidem deliberando appetunt, sed ad consueta semper mala replicantur, & quasi extra se tensi, ad semetipsos per circuitum redeunt, qui bona quidem cupiunt, sed à malis nequaquam recedunt.

Bonau in
Psalm. 36.

Et quidem cadunt extra viam; vt ille qui
num-

numquam fuit de Ecclesia. Quidam cadunt à viâ ; vnde hoc: *Melius est viam iustitiæ non agnoscere, quàm post agnitam retroire.* Quidam cadunt in viam, vnde dicitur; *iustus septies cecidit in die.*

Sed est multa differentia inter casum Iusti & iniusti: *Iustus*, Inquit, *cùm ceciderit, non prosternitur.* Iniustus, & qui spem non habet in Deo positam, si ceciderit, prosternitur, & non surgit, id est, si peccauerit non pœnitet, & peccatum suum emendare nescit.

Orig.
hom. 4. in
Psalm. 36.

O tortuosas vias! vix animæ audaci, quæ speravit, si à te recessisset, se aliquid melius habituram! Versa & reuersa; in tergum & in latera, & in ventrè, & dura sunt omnia, & tu solus requies. Et ecce ades, & liberas à miserabilibus erroribus, & constituis nos in viâ tuâ, & consolaris & dicis; *Currite ego feram, & ego perducam, & ego ibi feram.*

Aug. con-
fess. 6. c.
16.

Meliùs dirigebantur à Domino gressus eorum, quibus per noctem, ignis columna lucebat; per diem, nubis. Et tu merere factis, vouisque depolce, vt gressus tui à Domino dirigantur, ne moueantur pedes tui. Cauendum est quoque ne rectam semitam derelinquas, & diuerticula te viarum tortuosarum decipiant. Ideò dicit: *Parate viam Domini, rectas facite semitas eius.* Rectas faciamus animorum semitas, ne labamur, ne effundantur gressus nostri sicut vxoris Loth, quæ post se respexit, & gressus tene-

Amb. in
Psalm. 36.

tenere non potuit, sed effusi sunt. Non effundantur sicut Ægyptiorum, quorum gressum maris fluctus effudit. Nonne de his pulcrè dixeris; *Effusi sunt gressus eorum*, quos benè vixisse pœnituit?

August. in
Psal. 38.

O qui dereliquisti semitas rectas, abeundo in vias tenebrarum! ô qui latamini in malis, & gaudetis in euerstione malâ, quorum semitæ prauæ, & *flexuosi cursus eorum* sicut lubricus & fluxuosus author ipsorum; cur odisse cœpistis viam rectam! Non vos direxit Dominus.

Aug. foli-
loq. cap. 4.

O Domine qui lux es, quies via, veritas & vita, in quo non sunt tenebræ, error, vanitas, neque mors. Lux sine quâ tenebræ; via sine quâ error; veritas, sine quâ vanitas, vita sine quâ mors: Dic verbum, Domine; fiat lux, vt videam lucem & vitem tenebras: videam viam, & vitem iniuiam: videam veritatem & vitem vanitatem: videam vitam, & vitem mortem. *Illuminare, inquam, illuminare huic cocco, qui in tenebris & in vmbra mortis sedet, & dirige pedes eius in viam pacis!*

Nyssen.
orat. 4.
in Cant.

[Fac] vt anima [mea] telum sit in manu potentis ad scopum supernum directum, [scio] esse eundem & sponsum nostrum & sagittarium; [fac] eamdem item animam esse sponsam & telum, quâ ille tamquam telo vtatur, dum eam bonum ad scopum dirigit.

III.

Perfice gressus meos in femitis tuis:
vt non moueantur vestigia mea.

Psal. 16.

Ergo caduca gradum toties mihi tibia sallet,
Sternet & in planâ pes vitiosus humo?

Aspice, qui Cœlis hominum vestigia spectas,

Firmaq; fac presso stet mea planta solo.

Instruit implumes pennata Ciconia pullos,

Et docet aërias præpes inire vias.

Exemplo volucrem sequitur modò filia Matrem;

Tutaq; iam peragit, quod metuebat, iter.

Prouocat expansis sobolem Iouis armiger alis,

Et iubet insuetas sollicitare plagas.

Mox præit, & pleno se iactat in aëra lapsu,

Remigio soboles subsequiturq; patrem.

Dum primùm ignotas tentat puer inscius vndas,

Corporis indoctum subere fulcit onus:

Mox opus oblitus, flumen sine cortice tranat,

Flumen inexperto sæpè sed ore bibit:

Sapius at doctis vbi plauserit æquora palmis,

Ducit in immenso brachia tuta salo.

Aspice, qui in Cœlis hominum vestigia spectas,

Aspice, quâ nobis arte leuetur iter:

Sustineor fragili puerilia membra curuli,

Quæq; vehunt socias ipsa propello rotas.

Nempe tripes baculi sic stipite nititur atas,

Quiq; senem vectat à sene fertur equus.

Ne tamen ambiguus malè decipiare querelis;
 De pedibus, tecum nulla querela meis:
 Nec vitio plantæ, vitio neque crura laborant;
 Saxa per & salebras tibia nostra salit.
 Non ego pennipedi dubitem certare Camilla,
 Isse per intactas quæ pede, fertur, aquas.
 Quod queror, est animi vitium, lacrymabile nostri,
 Qui, quibus incedat, languidus est pedibus.
 Heu iacet afflictis, affectibus omnibus æger!
 (Hi, quibus incesit, nempe fuere pedes)
 Si quod iter, quamuis breue sit, virtutis eundum est.
 Mens mihi sit minima lassa labore vie;
 Crura forent fragilis veluti tu, Nile, papyrus,
 Quæq; ruit motâ canna palustris aquâ.
 Rarus, at immodicus quandoque resuscitat ardor,
 Et pede fulmineo stringere cogit iter:
 Sed bene vix ceptum, currendi extinguitur ardor;
 Lampadis vt magno flammula parua Notô.
 Ne tamen ignavis videar, segnescere plantis,
 Promoueo tardos pigra subinde gradus.
 Ast mea tunc, caueam quâsquâ, vestigia seruet,
 Ne puer immodicis ebria facta scyphis
 Scilicet in partes ita tibi claudicat ambas,
 Semipedis claudi pes vt hincat iter.
 Hunc volo, nunc nolo, nunc æstuo, nunc languesco,
 Nunc stupet vt rigido mens religatâ gelu.
 Impatiens igitur, cepti sine fruge laboris,
 Sape via medio, lassa retento gradum.
 Sed neque, quâ languens statione resistere tento,
 Instabilem valeo figere firma pedem.

Auferor aduerso velut incita puppis ab aestu,
 Quam neque vis remi nec sua vela iuuant;
 Damnaq; sunt iterum vano redimenda recursu,
 Irritus aeterno sic redit orbe labor.
 Nempe catenati, sic publica corpora, serui
 Circumeunt toties, pendula tecta mole.
 It mola, perq; suos rapitur circumvaga gyros,
 Sed perit his, quicquid conficit illa vie.]
 Heu quid agam neque sueta vehi neq; currere docta,
 Nec pedibus minimas utilis ire vias!
 Magnum iter est Caelo, magnis huc passibus itur;
 Quid faciet lentis nostra quadriga rotis?
 Tu spatia ingenti perlaberis ardua saltu,
 Vastaq; tergemini crura gigantis habes.
 Eoum passu, Hesperiumq; amplectere mundum,
 Sub femur vt Rhodius vela Colossus agit:
 Ast restudineo reprat mihi tibia gressu,
 Aut chelis referor, Cancer adunce, tuis.
 Quid positas igitur sperem contingere metas,
 Quae metas refugo perditā sector equo?
 O Deus, ambiguos trepidantis perfice gressus,
 Vincat & applausis nostra quadriga rotis!

Perfice gressus meos in semitis tuis, vt
 non moueantur vestigia mea.

Psalm. 16.

IN quo corrigit adolescentior viam suam?

Psal. 118.

Sapē etenim egregiā dum spe subnixus, in altum

Nazian. de
vit. huma.

L. 2

Efferor

Efferor, ac media virtutis septa volatu
 Transilio, dirus resupinum mentis ad ima
 Præcipitem fundit Satanas; mihiq₃ accidit illud,
 Quod solet huic, qui litoreâ dum incedit arenâ,
 Haud certa elusis pedibus vestigia firmat.
 Erigor ipse iterum, rursusq₃ in terga relabor,
 Infelix magè, quàm prius; incedensq₃ labore
 Perpetuo, trepidumq₃ fouens in corde pauorem
 Vix gradior, citus at labens figo oscula terra.

Psal. 24. *Vias tuas Domine demonstra mihi, & semitas
 tuas edoce me.*

Psal. 85. *Deduc me in viâ tuâ.*

Psal. 142. *Fac mihi viam in quâ ambulem.*

Ambr. de-
 fugâ sæcu-
 li, cap. 1. *Nam quis inter tot passiones huius cor-
 poris, inter tantas illecebras huius sæculi,
 tutum atque intemeratum seruare potest
 Vestigium? Respexit oculus, & sensum mētis
 auertit, audiuit auris, & intentionem infle-
 xit; inhalauit odor, & cogitationem impe-
 diuit; os libauit, & crimen retulit; tactus
 contigit, & ignem adoleuit.*

Orig.
 hom. 4. in
 Psal. 36. *[Quare] qui iter agit ad virtutem, multa
 sunt quæ digredi habet & transire. Ergo &
 tu, quia ad CHRISTVM tendis (qui est Dei
 virtus) digredere luxuriam, scorta, adulte-
 rium; digredere furta, falsa testimonia; tum
 deinde digredere & auaritiam, & omnem
 pecuniæ cæterarumque malarum rerum
 concupiscentiam; digredere mendacium,
 digredere stultitiam sæculi.*

Bonum

Bonum crus fac pedi tuo, non enim natura est, sed voluntatis: leuem hanc reddamus, ne celeritati pedum reliquum pondus officiat. Doce pedes esse cautos; pavementum enim multis locis est lubricum; ac si cadas, multa perdidisti: attramen & si cecideris, surge; licet enim & hoc pacto vincere. Nunquam lubricis rebus te committas, & non cades: super solidas ac stabiles curre.

Chrysin 3 NB
c. ad Phil.

In eo namque ostendimus quantâ ad Dominum cupiditate flagramus, si non solum ad eum per tranquilla & mollia, sed etiam per aspera & dura transimus. Hinc namque Propheta ait: *Qui persequitur pedes meos, quasi cervi.* Cervus enim cum montium iuga conscendit, quæque aspicit aspera, quæque se obijciunt sentibus illigata, dato saltu transgreditur, & absque ullo cursus sui obstaculo, in superioribus eleuatur; ita etiam electorum mentes, quæque sibi in hoc mundo obistere atque obuiare conspiciunt, contemplationis saltu transcendunt, & more certuorum, despectis terrenorum sentibus, in superna se euehunt.

Greg. l. 26.
mor. c. 19.
in cap. 35.
Iob,

Est ascensio, est transilitio, non pedibus, non scalis, non pennis; & tamen si interiorem hominem attendas, & pedibus, & scalis, & pennis. Nam si non pedibus: quomodo dicit homo interior. *Non veniat mihi pes superbia?* si non scalis; quid sunt quas

Aug. in
Psal 38.

vidit Jacob? si non pennis, quis est qui dicit; *Quis dabit mihi pennas sicut columba, & volabo & requiescam?* sed in rebus corporalibus, aliud sunt pedes, aliud scalæ, aliud pennæ. Intus autem & pedes & scalæ, & pennæ affectus sunt & bonæ voluntates.

Bern.
serm. 25.
in Cant.

Stat [anima] manu verbi leuata velut super duos pedes, deuotionem & agnitionem. Stat inquam, sed sibi putet dictum, *qui se existimat stare, videat ne cadat.* Putasne stare per se poterit, quæ surgere per se non potuit? Cur ergo si stare per se poterat, orabat homo de terrâ, *Confirma me*, inquit, *in verbis tuis Domine*: Denique & probârat. Eius ipsius illa vox fuit: *Impulsus, euersus sum vt caderem, & Dominus suscepit me.* Quæris, quis ille impulsor? non est vnus. Impulsor Diabolus est, impulsor Mundus, impulsor Homo. Quis iste homo sit, quæris? quisque sui. Noli mirari, vsque aded homo impulsor sibi est, & suimet præcipitator, vt non sit quod ab altero & impulsore formides, si ipse à te proprias contineas manus; manus tua, consensus tuus. Cùm igitur tres sint stanti imminentes stratores; horum, Diabolus liuore malitiæ; Mundus, vento vanitatis; Homo, semetipsum pondere suæ corruptionis impellit. Impellit Diabolus, sed non euertit, si quidem tuum tu illi negaueris assensum. Est & mundus impulsor; quia
in ma-

in maligno positus est; impellit omnes, sed solos euertit amicos suos. Ex quo satis claret, quàm sit Homo præcipuus impulsor sui, qui suo, sine alieno impulsu, cadere potest; alieno, absque suo, cadere non potest. Sed innixum verbo & indutum virtute ex alto, nulla vis, nulla fraus, nulla iam illecebra poterit vel stantem deijcere, vel subjicere dominantem. Vis non timere impulsorem? *Non veniat tibi pes superbia, & manus impellentis non moueat te. ibi ceciderunt, qui operantur iniquitatem, ibi Diabolus & Angeli corruerunt.* Denique *in veritate non stetit* qui non innixus est verbo: & idè fortassis sedere voluit, qui stare non valuit; dicebat enim: *sedebo in monte testamenti.* Ceterùm Deo aliter iudicante nec stetit, nec fedit, sed cecidit, dicente Domino, *Videbam Sathanam sicut fulgur de calo cadentem:* ergo qui stat, si non vult cadere, non fidat sibi, sed nitatur verbo. Cuius manu erigeris, ipsius necesse est virtute tenearis.

Via nostra, ambulantes quærit; sed tria sunt hominum genera quæ odit: Remanentem, Retro-redeuntem, Abeuntem: ab his tribus generibus malis, Domino adiuuante vindicetur, & defendatur gressus noster. Iam verò cùm ambulantes sumus, alius tardiùs ambulat, alius celeriùs, ambo tamen ambulant; excitandi sunt ergo

Aug.
tract. de
Cant.
nouo c. 7.

Remanentes; Retro-redeuntes reuocandi; Errantes in viam ducendi; Tardi exhortandi; Celeres imitandi. Qui non proficit, remansit in viâ; qui fortè à meliore proposito declinat, ad id quod deterius reliquerat, reuersus est retrò, qui fidem deserit, à viâ errauit. Cùm tardis sit nobis & cum celerioribus ratio, cum ambulatibus tamen. Quis est qui non proficit? qui se putauerit esse sapientem, qui dixerit, Sufficit mihi, quod sum: qui non attenderit eum, qui dicit: *que retrò oblitus in ea que ante sunt extentus secundum intentionem, sequor ad palmam vocationis Dei in CHRISTO IESU.* Currentem se dixit, sequentem se dixit, non remansit, non retrospexit: absit vt errauerit, quia viam ipse docebat, qui & tenebat, & ostendebat.

Paul. epist.
ad Galan.
in fine in-
ter epist.
Hier. 10, 1.

Beati sunt qui non de præterità sibi iustitiâ blandientes, secundum Apostolum, per dies singulos in virtute renouantur. Iustitia enim Iusti non proderit ei, à quo die iustus esse deserit. Sanctus ergo securus esse non debet, quamdiu in huius vitæ agone versatur, sed totum quo tenditur spatiu, vitæ tuæ est, vt peragere possis iustitiâ, nec de præterità iustitiâ confidens remissior efficiaris.

Aug. ser. 13
de verbis
Apostol.

Quare semper tibi displiceat quod es, si vis peruenire ad id quod nondum es; nam vbi tibi placuisti, ibi remansisti. Si autem

rem

rem dixeris, sufficit; & peristi, semper adde, semper ambula, semper profice, noli in viâ remanere, noli retroredire, noli deuiare. Remanet, qui non proficit; retroredit, qui ad alia reuoluitur vnde iam abcesserat; deuiat, qui apostatat. Meliùs it claudus in viâ, quàm cursor præter viam.


Et quid claudicatis in duas partes? dixit Elias Aug. lib. 4. de symb. ad Gatech. populo. Si Deus est, ite post illum; si mundus est, ite post illum; si Deus eligitur, seruiatur illi, secundùm ipsius voluntatem; si mundus eligitur, vt quid fictum cor quasi Deo accommodatur? quid tibi cum pompis Diaboli, amator CHRISTI? ô munde imunde, teneri vis pergens, quid faceres si remaneres? quem non deciperes dulcis, si amarus alimenta mentiris?

Deus Dóminus fortitudo mea, & ponet pedes meos quasi ceruorum. Habacuc. 3

Sperabam aliquando in virtute meâ, quæ tamen non erat virtus; & sic volui currere, vbi magis stare credebam, ibi magis cecidi, factusque sum magis retrò, & non antè, & quod credebam consequi, magis elongatum est à me. Aug. Soliloq. c. 25.

Cogitavi [ergo] vias meas, & conuerti pedes meos in testimonia tua. Psal. 118.

Adhuc sequor, adhuc proficio, adhuc ambulo, adhuc in viâ sum, adhuc me extendo, nondum perueni. Aug. ser. 15 de ver. Domini.



*Confige timore tuo carnes meas, a iudicij's
enim tuis timui. Psal. 18.*

I V.

Confige timore tuo carnes meas , à
iudicijs enim tuis timui. *Psal.* 118.

Littera prima rudi quondã inculcata iuuenta,
Fertur ab antiquis, Numinis esse Timor:
Certaq; non aliã Sapiencia discitur arte
Si quã fides verbis, Nate Dauide, tuis.
Hoc quoque nostra fuit formata pueria ludo,
Docta q; fidereas mens trepidare minas.
Semper at heu! tantis stupuit mens cœca tenebris,
Vt neque, quod toties audijs, Alpha sciat.
Tristibus Orbib; plectenda ignauia sceptris,
Post malè tot positos, nil didicisse, dies.
Et pueri ferulis segnes Elementa docentur,
Qua lenis assequitur sedulitate labor;
Aspiciunt nigras Cadmi bis, tæruè puellas,
Aspecta q; vocant, nomine quamque suo:
Et licet atrato sit par color omnibus ore,
Signa tamen faciem propria quamque notant.
Cur ego quod teneris Infantia combibit annis,
Discere non etiam tempore posse putem?
Plurima sunt, nullo penitus mihi docta Magistro.
Cur disci nequeat, arte iuuante, Timor?
Ab pudet! en timeo, quæ contempsisse decebat;
Non timeo, iustos quæ meruerè metus.
Flagitium, minimo timeo committere teste,
Non timeo facinus, teste patrare Deo.
Ne corpus perimant, metuo de nocte latrones,
Nil metuens Anima certa pericla mea.

Nempe

Nempe fugit picta sic passer imagine larua,
 Illita cui visco virga timenda fuit.
 Sic tremit aspecta cernus formidine penna,
 Nec tremit obstantes, agmina rauca, canes.
 Sic quoque, Marmarica trepidat leo terror arena,
 Et cadit in tensas, territus igne plagas.
 Heu! premit humanas furor hic caligine mentes,
 Fulgetras metuunt fulmina, nulla pauent:
 Subijcitur pedibus nigri metus omnis Auerni,
 Creduntur stygij fabula ficta foci.
 Scilicet, abiecto leue sit scelus omne Timore,
 Sed grauis insequitur pœna Timore, scelus.
 Flagitijs demum incipium trepidare peractis,
 Ante scelus, nullus pectora terror habet.
 Tum pauor heu madidis mentem sudoribus angit,
 Et læsi ante oculos Numinis ara redit!
 Tum subitus strato vigiles Timor excutit artus,
 Propria tum vacuos terret imago thoros.
 Si strepitum moti dederit mus stramine lecti,
 Creditur è syluis exiluisse leo:
 Nocte leuis, quasâ si murmuret arbore ventus,
 Horrescunt rigida, fronde sonante, comæ.
 Quid faciant, subitis si fulminet ignibus æther,
 Aut sonet æthereo grandior axe fragor?
 Pectora cœlesti stupeant percussa tumultu,
 Et flammâ metuunt disiliente petri.
 Tunc terrent aura, tunc terrent scilicet umbra,
 Augurioq; notant omnia signa necem.
 Quin etiam nemorum nocturna silentia terrent,
 Ipsaq; se fontem mens furia a timet.

En quantum miseris pœna, mens conscia donat;

Ipse in sese animus verbera tortor agit.

Heu quoties stygij, turbato in Casare, manes;

Pharsali quoties emicuisistis agri!

Sæue Patris vindex, furiis agitaris, Oreste,

Vmbra trucidata viua Parentis erat.

Mæste colubriferâ Pentheu laniaris Erynni,

Vindicat hoc læsos verberere Diua Deos.

Nulla reos animos agitat magè dira Tyrannis;

Quàm testem assiduè pectore ferre suum.

O Deus! ô confige tuo mihi corda timore!

Ne peccem furor hâc cuspide noster eget.

Viliis ante scelus Timor est qui frena gubernet,

Qui timet, admissio crimine, serò timet.

Confige timore tuo carnes meas, à iudicys enim tuis timui. Psalm. 18.

NISI timor instituendæ vitæ nostræ rudimenta iaciat, impossibile fuerit sanctimoniam legitimè obseruari. Confige, inquit, timore tuo carnes meas; nam quemadmodum qui corporis membra habent clavis transfixa, ad actionem quamlibet immobilia ea retinet, sic ij quorum animam occupauit Dei timor, omnè prorsus impòrtunam peccati & obstreperam occasionem vitant: Timenti itaque nulla ad complectendam virtutem deficit facultas, cum per Timorem ab indecorâ omni & absurdâ actione reuocatur & impeditur.

Nam

Bassil.

hom. in

Psal. 33.

Chryf.
hom. 53.
in Ioan.

Nam quemadmodum quercus altiùs demissis radicibus, nullius venti viribus sternitur, ita animam *Diuino timore confixam* nullus tentationum ventus euellet.

Ambt. in
Pfal. 118.
O&on. 15.

Sunt autem & carnes quædam animæ, sicut corpus est animæ. Carnes animæ, sunt carnales cogitationes: *Configat has carnes timor Domini & iudiciorum eius.*

Bafil.
hom. in
Pfal. 33.

Eiusmodi ergo timore eruditus, quasi freno quopiam ab arce, & inhihe animam ad vitiosam concupiscentiam propendentem.

Bern.
serm. 29.
in Cant.

Prudenter sagittari & impugnari salubriter postulat Sanctus cum dicit in oratione, *Confige timore tuo carnes meas*; optima *Timor iste sagitta*, qui configit & interficit carnis desideria, vt spiritus saluus sit.

Bern. lib.
de interiore
do. ca. 36.
Bern. ser.
54. in Cât.

Teneat ergo & terreat timor Iudicij, metus gehennæ, laquei mortis, dolores inferni, ignis vrens, vermis corrodens, sulphur fœrens, flamma tartarea & omnia mala.

In veritate enim didici, nihil equè efficax esse ad gratiam promerendam, retinendam, recuperandam; quàm si omni tempore, coram Deo, inueniaris non altum sapere, sed timere. Beatus es si cor tuum triplici amore repleueris; vt timeas quidem pro acceptâ gratiâ, ampliùs pro amissâ, longè plus pro recuperatâ.

August. in
Pfal. 52.

[Sed multi] *trepidauerunt timore, vbi non erat timor.* numquid enim timor est si quis perdat

perdat diuitias? non est tibi timor, & tibi timetur. si quis autem perdat sapientiam, ibi verè timor, & ibi non timetur. Stultitia, dicens in corde suo, non est Deus; timuisti perdere terram & perdidisti cœlum!

[Sed] ita se habet peccatum, vt priusquã fiat & ad opus perueniat, obtenebret & decipiat mentem; postquam autem consummatur, manifestè nobis suam absurditatem proferat & ostendat. Vnde breuis illa & absurda voluptas continuum menti dolorem inferit, conscientiaque fiduciam aufert, cõfusione captam perfundēs. Misericors enim Deus eiusmodi accusatorem nobis assistere voluit, vt nunquam soli relinquamur, sed indefinenter ille cõgrediens clamet, & pœnam exigat delictorum. Scortator enim vel adulter, etiamsi omnium obliuisci queat, numquam tamen sic in solitudine versatur, quin habens acrem illum accusatorem, suspiciones timeat, vmbra tremisecat, & eos qui conscij sunt, & qui non sunt; perpetuaque in animo eius potestas est, ac rēciprocales, & contrarij fluctus. Insuper neque somnus ei suavis, sed terrore & formidine plenus; neque cibus voluptatē præbet, neque amicorum colloquia talem refocillare vel liberare ab vrgente anxietate possunt: sed quasi Carnificem gestaret se lacinantem & flagellantem continuo, ita post admissum faci-

nus

Chryf.
hom. 20.
in Genes.

nus obambulat; nullo conscio, sustinens intolerabiles pœnas illas, & iudex sui ipsius factus & accusator.

Iob 15.

Sonitus terroris semper in auribus illius. & cum pax sit, ille semper insidias suspicatur.

Chrysof.
concl. 1. de
Lazaro, in
c. 16. Luc.

Explica mihi [improbi] conscientiam, & videbis intus grauem peccatorum tumultum, iugem metum, tempestatem turbationum videbis, velut in curiâ, mentem ad thronum conscientiae conscēdisse regalem, & tamquam Iudicem quempiam sedentem & cogitationes loco carnificum adhibentem, in equuleo suspendentem, lateraque conscientiae radentē vngulis; pro commissis vehementer inclamantem, cum nemo sciat, nisi quod solus Deus hæc videre nouerit. Etenim qui committit adulterium, etiam si millies fuerit ditus, etiam si nullum habeat accusatorem, non desinit tamen intus se accusare. Et voluptas quidem temporaria est, dolor verò perpetuus; timor vndique ac tremor, suspicio & anxietas: angulos metuit, umbras ipsas formidat, suos ipsius famulos, conscios, infcios; illam ipsam quam corripit, & virum quem affecit contumeliâ. Obambulat, amarum accusatorem circumferens, conscientiam, cum sit suo ipsius iudicio damnatus, nec possit vel ad breue tempus respirare. Nam & in lecto, & in mensâ, & in foro, & in domo, & interdiu & noctu,

& in

& in ipsis frequēter somnijs, hæc iniquitatis simulacra videt, ipsiusque Cain vitam viuunt, gemens ac tremens super terram, cum nemo sciat, intus tamen habet ignem implicitum. Idem patiuntur & qui rapinam exercent, & qui fraude lucrum faciunt, & ebriosi, & in summâ quotquot in peccatis viuunt. Neque enim vllâ ratione iudicium illud potest corrumpi muneribus.

Externi Iudices & pecunijs corrumpuntur, & assentionibus delinquantur & metu simulant; denique multa sunt alia, quæ rectum illorum iudicium deprauant: At conscientia tribunal, nulli hominum nouit cedere, sed quamuis dederis pecunias, quamuis mineris, quamuis aliud quidlibet feceris, iustam feret sententiam aduersus peccatorum cogitationes, adedò vt ipse quoque qui peccatum admisit seipsum condemnet etiamsi alius nullus accuset.

Chrysof.
conc. 4. de
Lazar.

Incorruptus iudex, conscientia, cum aduersus hominem exurgit, clarâ voce clamat & accusat, & ostendit, & quasi ante oculos scribit peccatorum magnitudinem.

Chrysof.
hom. 17.
in Gen.

Confige [ergo Domine] timore tuo carnes meas; lateatur cor meum, vt timeat nomen tuum. Vtinam te sic timeret peccatrix anima mea, quomodo ille vir sanctus qui dixit: Semper enim quasi tumentes super me fluctus timuisti Deum!

Aug. medit. cap. 34.



Auerte oculos meos ne videant vanitatem. Psal. 10.

V.

Auerte oculos meos ne videant vanitatem. *Psalm. 118.*

Peruigilant gemina celso mihi vertice stellæ,
 Queis est perpetuis manus in excubijs.
 Nec tamen errantes neque possum dicere fixas,
 Sed meritò, duplex vtraque nomen habet.
 Errat ab officio vaga sapius vtraque iusso,
 Vtraque docta suum fixa tenere locum.
 Motibus amba agiles, fixa stationibus amba,
 Quod genus hoc stellas Oedipus esse putet?
 Vos, oculi, vos, conspicue duo lumina frontis,
 Sidera vos estis, que mihi bina micant.
 Vos, quibus in celsâ statio data peruigil arce,
 Excubat vt summâ lucida flamma Pharo.
 Aut qualis speculâ seruans spectator ab altâ,
 Quæque propinqua, videt; quæque remota, videt.
 Non tamen, vt trepidis qui lucent nauibus ignes,
 Vos mihi tam fidâ lampade fertis opem:
 Flâma regit nauas, dum flammam tæda ministrat,
 Aut flammam retrahant que posuere manus;
 Vos (velat excussis rapidus ruit axis habenis,
 Frenâq; qui rapit durior ora equus)
 Quod lubet, indomitum differtis in auiâ cursum,
 Tam nullâ Domini lora regente manu.
 O oculi scopuli titulo meliore vocandi!
 Heu quibus allisa tot periëre rates!

Dina peregrinas virgo visura puellas;
 Mater, depositâ virginitate, redit.
 Rex videt Vriaden nitido semel amne lauante;
 Illa, Cupidineas vibrat ab amine faces.
 Pulcra Duci Assyrio dum comit Iuditha formam,
 Assyrium truncat Iuditha compta Ducem.
 Fortè senes niueam semel aspexere Susannam,
 Ambo senes oculis interière suis.
 Non tot, ad infames, dura Acrocerauria, cautes,
 Hypotada laceras contudit ira rates.
 Non tot, inexpletis fera faucibus vnda Maleæ.
 Scyllag, veliferas hausit auara trabes.
 Quis pia nunc igitur non laudet fœdera Tobi,
 Quæ cum luminibus sanxerat ille suis?
 Oculi! ô quanto vos tutius illa revulsit,
 Democriti, proprijs dextera magna cauis!
 Quàm benè, Christiadùm quoque nobile, Lucia,
 Extudit intrepidâ lumina bina manu! [nomen,
 Oculi! ô scopuli! crudelia, barbara saxa!
 Saxa, quibus magna tot cecidère Anima!
 Quàm malè commisso geritis pro munere curam;
 Ad mala quos toties sensimus esse Duces!
 Scilicet hâc vobis, capitis custodia lege,
 Præcipuaq, arcis credita cura fuit.
 Ut rectos hominum vultus, sublimiaq, ora
 Digna Polo, brutâ deprimeretis humo.
 Quin potius Superis mentes attollitis oris,
 Hæsq, super terras, Oceanumq, super?
 Stellarumq, super, mundi, volubiles orbes,
 Denique quicquid habet, lunaq, solq, super?

Illius

Illius, & oculi! spectacula pulchra theatri,
 Materies, vestris lusibus apta foret.
 Putre sed aeternis cœnum praponitis Astris,
 Omnis & in terras pronior iuit amor.
 Quid faciam? abruptis oculi regnatis habenis,
 Iam frenum indociles imperiumq; pati.
 Obde, Deus piceas oculis erronibus umbras,
 Aut superiniectâ lumina claude manu!

Auerte oculos meos ne videant vanitatem. Psalm. 118.

VÆ cæcis oculis qui te non vident, Sol August. foliloq. cap. 4.
 illuminans Cœlum & terram! væ caligantibus oculis, qui te videre non possunt!
 væ auertentibus oculis vt non videant veritatem! væ non auertentibus vt videant vanitatem.

Numquid, quamdiu sumus in hoc mundo, possumus non videre vanitatem? *omnis enim creatura vanitati subiecta est.* An iste fortassis, hoc orat, vt non sit eius vita sub sole, vbi omnia vanitas? Aug. in Psalm. 118.

Qui in viâ est Dei, vanitates non aspicit: *via perfecta* CHRISTVS est; qui igitur in CHRISTO est, quomodo potest vanitates aspiciere, cùm CHRISTVS in carne suâ omnes huius mundi crucifixerit vanitates? *Auertamus igitur oculos nostros à vanitatibus*, ne quod oculus viderit, animus concupiscat. Pantomimum aspicias, vanitas est: luctatores aspicias, vanitas est: equos currentes aspicias, vanitas

nitas est, Ante nos est **CHRISTVS**; ante nos
 brauium eius, ad hunc dirige oculos tuos,
 auerte à spectaculis, auerte ab omni sæcu-
 lari pompâ; serua eos, vt erigas melioribus.
 Erige ad Cœlum; vel nocte, stellarum mo-
 nilia, orbem lunæ decorum; vel die, solem
 aspice. Specta mare; terram circumpice, vt
 opera facta diuino omnis creatura te pascat.
 Quæ formarum gratia in ipsis bestijs? quan-
 tus decor in hominibus? quanta in auibus
 pulcritudo? hæc intuere, & non videbis ini-
 quitatem; hæc vide, & non introibit mors
 per fenestras oculorum tuorum. Si videris
 mulierem ad concupiscendam eam; in tra-
 uit mors per fenestram: si videris possessio-
 nem minoris aut viduæ, & concupieris deri-
 pere eam; intrauit mors per fenestras: si vide-
 ris aliena monilia, aurum, argentum, & con-
 cupieris vt extorqueas; intrauit mors per fe-
 nestram. Claude ergo hanc fenestram, cum
 videris alienæ mulieris pulchritudinem, ne
 mors possit intrare. Vanitas est, sollicitudo
 vitæ huius. In vanitate currit, qui sibi succes-
 sibus videtur affluere sæcularibus, qui tam-
 quam vmbra prætereunt; *Auerte igitur oculos
 tuos, ne videant vanitatem;* Sed non satis est vt
 tu auertas, ne forte velis & non possis; si of-
 fundat tibi diabolus vanitatum spectacula,
 incentiua inserat voluptatum; pete vt Do-
 minus auertat oculos tuos.

[Etenim]

[Etenim] pulcras formas & varios, nitidos & amœnos colores amant oculi. Non tenent hæc animam meam. Teneat eam Deus, qui hæc fecit bona quidem valde, sed ipse est bonum meum, non hæc. Resistit seductionibus oculorum, ne implicentur pedes mei, quibus ingredior viam tuam, & erigo ad te inuisibiles oculos, vt tu euellas de laqueo pedes meos. Tu subinde euellis eos, nam illaqueatur. Quàm innumerabilia varijs artibus & opificijs, in vestibus, calceamētis, vasis & huiusmodi fabricationibus, picturis etiam diuersisq; figmentis, atque his vsum necessarium atque moderatum, & piam significationem longè transgredientibus, addiderunt homines ad illecebras oculorum, foras sequentes quod faciunt, intus relinquentes à quo facti sunt, & exterminantes quod facti sūt! At ego, Deus meus, & decus meum, etiam hinc dico tibi hymnum, & sacrifico laudē sanctificatori meo, quoniam pulcra, traiecta per animas, in manus artificiosas, ab illà pulcritudine veniunt, quæ super animas est, cui suspirat anima mea die ac nocte. Ego autem hæc loquens, atq; discernens, etiam istis pulcris gressum innecto, sed tu euellis Domine; euellis tu, quoniam misericordia tua ante oculos meos est, nam & ego capior miserabiliter, & tu euellis misericorditer, aliquando non sentientem; quia

Aug. lib.
10. Confessio.
cap. 34.

suspensius incideram, aliquando cum dolore, quia iam inhaeram.

Basil.
hom. II. in
Hexame-
ton.

Vt Deum contemplare, factus es; non vt humi irreat vita tua, non vt pecudum ritu, voluptate perfruaris; veriùs vt ad normam & institutum cœlestis vitę, tuam ipsius componas: & hęc gratiã non inscitę dixit sapiens Ecclesiastes, *sapientis oculi in capite eius*. Cuiusnam oculi non sunt in capite? atque hic, *in capite*, hoc est, vt ea contemplantur quę in sublimi sunt; nam qui non ad bona quę in sublimi sunt, sed quę in terrã respicit, is utique defigit detrahẽtue oculos in terram.

Bernard.
serm. 25.
in Cant.

Peruersa res est & tœdã, luteum vas (quod est corpus de terrã) oculos habere sursum, cœlos liberẽ suscipere, cœlorumquę luminaribus oblectare aspectum; spiritualem verò cœlestemquę creaturam, suos è contrario, oculos trahere in terram deorsum; & quę debuit *nutriri in croceis*, herere luto tamquam vnam de suis, *amplexariquę, stercora*. Erubescere anima mea diuinam in pecorinam commutasse similitudinem. Erubescere volutari in cœno, quę de cœlo es.

Aug. in
Psalm. 39.

Qui fecit omnia, melior est omnibus, pulchrior est omnibus; qui fortia, fortior est; qui magna, maior est. Quicquid amaueris, ille tibi erit. Disce amare in creaturã Creatorem, & in facturã factorem; ne teneat te, quod ab illo factum est, & amittas eum, à quo & ipse factus

factus es. Ergo *beatus vir, cuius est nomen Domini spes eius. & non respexit in vanitates & insanias mendaces.* Fortè nobis dicturus est, qui versu isto percussus corrigi voluerit, & cœperit ambulare angustam viam; ambulare nō durabo, si nihil spe ctabo; quid ergo facimus, fratres? dimissuri vos sumus, sine spectaculo. Demus pro spectaculis, spectacula. Et quæ spectacula daturi sumus Christiano homini? *Multa fecisti tu Domine Deus meus mirabilia tua.* Miracula hominum intuebatur, intendat mirabilia tua. *Multa fecit Dominus mirabilia sua,* hæc respiciat. Aurigam laudas regentem quatuor equos, & sine lapsu atq; offensione currentes; fortè alia miracula non fecit Dominus. Regat luxuriã, regat ignauiam, regat iniustitiam, regat imprudentiam, & regat & subdat sibi, & teneat habenas. Nunc spectahistrionē (didicit enim homo magno studio in fune ambulare, & pendens, te suspendit) illum attende editorem maiorum spectaculorū: Didicit iste in fune ambulare: num quid fecit in mari ambulare? obliuiscere theatrū tuum; attende Petrum nostrum, nō funambululum, sed vt ita dicam, mariambululum. Ambula & tu (non in illis aquis, vbi Petrus aliquid significans ambulauit, sed in alijs, quia hoc seculum mare est) hîc ambula, hoc calca. Spectare vis, esto spectaculum. hæc miracula Dei sunt, hæc cogitationes Dei sunt, qui-

bus nemo est similis, ut spectator ille abducatur à curiositate, & quærat ista & meliora, fructuosiora, de quibus inuentis gaudebit.

Clem. lib.
3. in pa-
dag. cap.
11.

Porro autem oculis maximè parcendum est, quoniam melius est labi pedibus, quàm oculis. *Si te tuus scandalizat oculus, excinde eum.* Lasciuui autem aspectus & versatilibus, ac tanquam conuiuentibus oculis intueri, nihil est aliud, quàm oculis mœchari, cū per eos cupiditas prima ineat pugnae præludia. Nam ante totū corpus, corrumpūtur oculi.

Ambr. de
fugā saxuli
cap. 1.

Pulcrè igitur Dauid, qui periculosos etiam ipsos aspectus fuerat expertus, beatum illum dicit, cui spes omnis in Dei nomine est. hic enim non respicit in vanitates & insanias falsas. vnde iterum ad ipsum conuersus ait: *Auerte oculos meos ne videant vanitatem!* Vanitas, circus est, quia nihil prodest, vanitas, est equorum velocitas, quia mendax ad salutem est; vanitas, theatrum est; vanitas, ludus omnis. *Omnia vanitas*, inquit Ecclesiast. *quæ in hoc sæculo sunt.*

D. Bern.
de modo
bene vi-
uen. serm.
23.

Quàm multos scio per visū esse deceptos, & in laqueum diaboli missos! Dina filia Iacob, egressa est ut videret mulieres Regionis, & adamauit eam Sichem atque rapuit, & virginitatē illius turpiter corrupit. Et sic misera puella, quia carne vidit quod videre nō debuit, honestatem ac virginitatē perdidit. Dauid etiam stās quādam die in solarario do-
mus

mus suæ, vidit mulierem & adamavit eam; pro cuius amore committit adulterium & homicidium; & sic deceptus factus est legis Dei reus. Fortissimus Samson descendit in Regionem Philistinorum, & vidit ibi mulierem, atque adamavit, & in gremio illius dormiuit.

(Vtinam tam prudens ad cauendam mulierem, quàm fortis ad strangulandum leonem!)

Paulin.
ep. 4. ad
Seuer.

Illam verò crines capitis eius rasit, & tradidit eum in manibus inimicorum eius, qui statim oculos eius eruerunt. Moneo ergo vt facias pactum cum oculis tuis, ne incautè videas, quod videre non debes.

Bern. de
modo bene viuendi, ser. 23.

Videtur enim super omnia esse aduersandus mulierum aspectus; non solùm enim si tangantur, sed etiam si spectentur, potest peccari, quas maximè vitare oportet eos qui rectè & syncerè constituuntur. *Oculi enim tui rectè videant.* etsi enim fieri potest, vt qui viderit, se fortiter gerat, veruntamen cauendum est ne cadat: fieri enim potest, vt qui viderit, labatur; sed fieri non potest, vt qui non viderit, concupiscat.

Clem.
lib. 3.
pædag.
cap. 21.



*Fiat cor meum immaculatum in justificationibus tuis,
ut non confundar ! Psal. no.*

V I.

Fiat cor meum immaculatum in iustificationibus tuis, vt non confundar! *Psal. 118.*

Si tibi me gratam facie fore, sponse, putarem,
Nulla mihi prior hoc cura labore foret.

Primaq; de nitidis cautela coloribus esset,

Altera, deformes ore fugare notas;

Nullaq; deficerent medicandis vultibus arma,

Multa sed omnigenas pixis haberet aquas;

Multaq; compositos celaret capsula colores,

Quaeq; nouant vetulam picta venena cutem;

Lanaq; purpurei madefacta rubedine fuci,

Cretaq; montanas vincere nata niues.

Et nitri rubra spuma & pinguis poppaana,

Quaeq; cutis maculas, Halcyonea, necant.

Denique quicquid id est, quo tingitis ora, puella,

Ab nimium forma gens studiosa tua!

Tunc quoque corrigerem speculo censore lituras,

Ore nec in toto menda notanda foret.

Siq; supercilij pilus vnus abeset ab arca,

Vnicus ecce pilus, vociferarer, abest.

Si color inficeret vitiatos decolor orbis,

Luminibus color hic, vociferarer, obest.

Si nimis adductam conuolueret area frontem,

Qua mihi ruga cutem, vociferarer, arat?

Nempe

Nempe vel exiguo metuum te ladere nauo
 Vlla foret forma si tibi cura mee.
 Vnaq̄, quæ tumidum faceret verrucula cliuum,
 Hæc foret offensa causa putata tue.
 Atque ita de minimis audirer dicere mendis
 Dissplicet hæc sponso fortè litura meo.
 Nostro igitur reliquus si quis decor abforet ori,
 Eximeret vitium factus ab arte decor,
 Casariemq̄, alto struerent tabulata capillo,
 Staret & in volucris plurima gemma comâ:
 Aure duplex gemini pretium penderet Elenchi,
 Iret Erythraus colla per alba lapis.
 Tumq̄, ego sic faciem, rutilos ita compta capillos,
 Auderem ternas vincere quarta Deas.
 Sed memini, neque te facies, neque forma laceffit,
 Spes capit hæc cæcos inuidiosa procos,
 Qui, quid ament, inter phaleras tot sæpè requirunt,
 Quas vbi sustuleris, pars quota Virgo sui est?
 Fallitur infido prope, turba leuissima, fuco;
 Præter & has phaleras, vix quod ametur, habet,
 AEquabat niveos par V Vilgefortis olores
 Nota nimis forma nomine virgo sue:
 Fiat vt Androgynos setosis hispida malis;
 Barba, rogat, teneras, vestiat hirta genas.
 Lucia sydereis, ceu fax, lucebat ocellis,
 Cunctorumq̄, oculis, Lucia, sidus erat.
 Ne malè luceret, mea lux, extinguere, dixit;
 Fodit & impactâ lumen vtrumque manu.
 Laferat egregio multos Euphemia vultu,
 Fecerat & roseis vulnere multa labris;

Ut fieret mutilo, sædog³, inamabilis ore,
 Abscidit ense duas, bina labella, rosas.
 Maxima de facie verus præconia rumor,
 Deq³ tuis dederat Andragesima genis:
 Non poterat veram falsi conuincere famam,
 Quod poterat, facta est per tua vota, breuis.
 Sponse, peregrina non carperis igne figura,
 Nec bene cristata falleris arte come:
 Cortibilabe carens, tibi cor sine crimine, cordi est;
 Obstet & vt facies, cor tibi, sponse, placet.
 O vtinam mihi cor nullis infame lituris,
 Flagitij purum suspitione vacet!
 Tum, secura tui mihi mens gestiret amoris,
 Nec mea deijceret conscius ora pudor.

Fiat cor meum immaculatum in iustifi-
 cationibus tuis, vt non confundar.

Psalm. 118.

MERITÒ omnis cura Sanctorum, spre-
 Bern. serm. 25^a
 in Cant.
 to ornatu, cultuq; superfluo exteriori
 hominis (qui certè corrumpitur) omni se-
 diligentiâ præbet & occupat excolendo ac
 decorando interiori illi qui ad imaginem
 Dei est, & renouatur de die in diem.

Hæc, hæc profectò pulcritudo est, cui ni-
 hil deest, quæ sola meretur audire à Domino
 Amb. lib.
 1. de vir.
 Tota es formosa proxima, & reprehensio nō est in te;
 Pulcritudo enim optima, primū est pul-
 Clem.
 lib. 1.
 critudo

pædag.
cap. 2.

critudo Animæ. Est autem absurdum eos qui facti sunt ad imaginem Dei & similitudinem, (tanquam Archetypum exemplar contemnentes) externum ornatum inducere; improbum humanum artificium Dei artificio præferentes.

ibid.

Non ergo externi hominis aspectus, sed animus probitatis ornamento est ornâdus.

ibid.

Non intelligunt [enim] miseræ, se propriam perdere pulcritudinem, dum externam inducunt. Antiphanus Comicus in Malthæa; irridet.

*Venit ipsa, transit, accidit, non transit,
Venit, adest, abstergitur, accidit,
Smigmate, saponibus purgatur,
Pectitur, eicit, teritur, lauatur,
Se contemplatur, componitur, vnguentis perfunditur.*

Ornatur, vngitur, & si quid non habeat, encatur,

Ter enim, non semel digna sunt, quæ pereant,

Quæ Crocodylorum excrementis vtuntur.

Et spumâ lacertarum vnguntur,

Et supercilia fuligine illinunt

Et cerussâ.

Porro autem alias quoque arguit Comicus, nempe Alexis, eius enim verba afferam.

Est aliqua parua, suber, insuitur in soleis:

Longa est aliqua; tenue gestat diabathron:

Caput in humerum demittens ingreditur,

Hoc ei detrahbit de longitudine;

Depressiores alicui sunt coxa & femora;

Eis aliquid assuit, ———

Mollm ac prominentem habet ventrem;

(Vt comicorum nutrices) appositis nonnullis,
eum erigit:

Depressus est venter, veluti contis efficit vt ante-
rius procedat:

Supercilia habet flaua; ea aliquã depingit fuli-
gine:

Contigit alicui vt sit nigra; tollit nigrorem ce-
russa:

Est aliqua nimis alba, interitur farina:

Habet aliquam corporis partem candidam, eam
nudat, ostendit;

Bellos habet dentes; rideat, necesse est;

Et quamuis non sit lata, toto tamen die ridet,

In labris tenuem habens myrthi tabellam,

Vt velit, nolit, ea cogatur tandem diducere.

Resideat quidem in vultu pudor & vira-
ginem aspectu præ se ferat, procul autem
absit caligo myropolarum, aurificum, lanifi-
cum, cæterarumque officinarum:

Clem. lib.
3. pedag.
cap. 11.

Atque cum caro quidem serua sit, quem-
admodum testatur Paulus, quomodo quif-
piam iure ancillam, lenonis instar, exorna-
uerit? Ipsum autem Dominum fuisse aspectu
deformem testatur spiritus per Isaiam; & vi-
dimus ipsum, nec habebat speciem, nec pulchritudinem.

Clem. lib.
3. pedag.
cap. 12

Quis est autē Domino præstantior? sed non

N

caenis

eos
liu-
plar
du-
Dei

, sed
dus.
pro-
ter-
is in

fun-
enci-

cus,
ram.

Hoc

carnis pulcritudinem (quæ visione apprehēditur) sed veram animæ & corporis ostendit pulcritudinem: Animæ quidem beneficentiam; carnis verò immortalitatem.

Hiero. ad
Demetr.
de virg.
seruã. c. 5.

Quando eras in sæculo, ea quæ erant sæculi diligebas, polire faciem purpurisso, & cerusâ ora depingere; ornare crinem & alienis capillis tutritum verticem frueri. Vt taceam de inaurium pretijs, candore margaritarum, rubri maris profunda testantium; smaragdorum virore, cerauniorum flammis, hyacinthorum pelago, ad quæ ardent & insaniant studia matronarum.

Hier. 4.

Ablue à malitiã cor tuum.

Gilb. ser.
29. in Cât.

Quam enim mihi dabis animam, quam audeas ex toto pulcram de finire?

Iob 25.

Nemo mundus à sorde.

Hier. 2.

*Si laueris te niuro, & multiplicaueris tibi herbã
Bori; h, maculata es iniquitate tuã.*

August.
med. c. 40.

Da mihi, Domine, cor quod te timeat, mentem quæ te diligat, aures quæ te audiunt, oculos qui te videant!

Ambr in
Psal. 118.
O & on. 11.

Cor enim hominis quadam velut indigentium cogitationum colluue maculatur. Noli extraordinarijs cogitationibus aduersa naturæ contaminare penetralia. manus lauas, quasi possis crimina eluere, cum mentem tuam vel nudis cogitationibus inquinatam lauare non possis. Didicisti cor esse mundandum; disce quemadmodum mundes.

Mun

Mundat hunc fontem iustificatio legitima, hoc est, confessio peccatorum. Munda ergo aquam tuam, illam aquam de qua dictum est, *aqua alta, consilium in corde viri.* quæ sint iustificationes, audisti dicentem: *Dic iniquitates tuas, ut iustificeris.* Ergo qui iniquitates suas dixit, iustificatur, qui autem iustificatur, non confunditur, quia pudorem peccatorum maturâ confessione præuenit.

Nescis ergo, Anima mea, quâ fœda prius fuisti, quàm deformis & squallida, discissa & dissipata, omni horrore, & enormitate plena! Prius stude formam tuam excolere, faciem ornare, habitum componere, maculas tergere, munditiam reparare, mores corrigere, disciplinam seruare, & omnibus tandem in melius commutatis, digno spõso dignam sponfam reddere. Numquid audisti, quid Rex Assuerus fecit? *Factum est Regis præceptum, ut de omni Regno suo congregarentur puella speciosa virgines, & adducerentur ad Ciuitatem Susan, & traderentur in domũ foeminarum, ibiq; acciperent mundum muliebrem, & cetera ad vsus necessaria.* Sicq; omnibus abundanter secundum Regiam ambitionem suppletis, excolerentur & ornarentur. Per sex menses, oleo mirrhyno vigerentur, per alios seu quibusdam pigmentis vicerentur, & sic composita & ornata de triclinio foeminarum ad Pegis cubiculum transirent, ut quæ ex omnibus, magis oculis Regis placuisset, illa pro Vasthi in solio Regni sederet.

Hugo de
S. Victor.
in Artha,
Animæ.

federet. Consideremus ergo si fortè exemplū hoc, præsentī (de quo agimus) negotio valeat adaptari. Rex, summi Regis filius, venit in hunc mundum, desponsare sibi vxorem electam, vxorem vnicam, vxorē nuptijs Regalibus dignam. Missi sunt Ministri Regis, Apostoli videlicet, per totum mūdum congregare animas ad sanctam Ecclesiam, in quā domus est & mansio mulierum regiarum, id est, sanctarum Animarum. Ibi sacramenta CHRISTI, quasi quædam vnguenta, & antidota ad reparationem & ad ornatum animarum preparata, accipiunt. Vide ergo vbi posita es, & intelliges quid facere debeas. Posuit enim te sponsus in triclinio, vbi mulieres ornantur: varia pigmenta, & diuersas species dedit, cibosque Regios de mensâ suâ, tibi ministrari præcepit; quidquid ad sanitatem, quidquid ad refectionem, quidquid ad reparandam speciem, quidquid ad augendum decorem valere potest, tribuit. Primò fons Baptismi est hic positus, & lauacrum regenerationis, in quo sordes præteritorum criminum abluis. Deinde chrisma & oleum, in cuius vnctione, Spiritu sancto liniris. Post hæc, delibuta & vnctione lætitiæ perfusa, ad mensam venis, & percipis ibi alimentum corporis & sanguinis CHRISTI, quò interiùs saginata, atque resecta, noxiam illam præteritorum

iciu-

ieiuniorum maciem depellis. Deinde vestimenta bonorum operum induis, & fructu eleemosynarum, cum ieiunijs & Orationibus, cum sacris vigilijs, alijsque operibus pietatis quasi quodam vario ornatu decoraris. Ad vltimum sequuntur aromata virtutum, quarum odor suauespirans, omnem illum antiquarum sordium fœtorem fugat. Datur etiam tibi *speculum, sancta scriptura, vt vbi videas faciem tuam*, ne quid minus, aut aliter quàm decet, habeat compositio ornatus tui.

O quàm multa sunt in me, de quibus coram oculis eius erubesco, & pro quibus iam magis illi displicere timeo, quàm pro ijs, quæ laudanda in me sunt (si qua sunt) place-
re, posse in me confido! O vtinam ad modicum ab oculis eius possẽm abscondi, donec maculas omnes istas detergerem, & sic demum ante conspectum eius, sine maculâ, immaculata apparerem! Nam quomodo in hâc deformitate placere illi poterò, quæ & mihi quoque in illâ vehementer displiceo?
ô maculæ veteres! ô maculæ fœdæ & turpes! quid tam diu hæretis? abite, discedite, & ne præsumatis ampliùs oculos dilecti mei offendere.



Veni dilecte mi, egrediamur in agrum, com-
moremur in villis. Cantic. 7

22.

VII.

Veni dilecte mi, egrediamur in
agrum, commoremur in villis.

Cant. 7.

Iam satis urbanas, mea lux, habitauimus ades;
Quin semel in viridis exstatiamur agros?
Tuta quidem validi circumdant oppida muri,
Porciq; ferratis non caret vlla seris:
Est tamen in patulis, quid nescio, tutius hortis,
Quod nusquam in clausa mœnibus vrbus habes.
Magnificis turgenti urbana palatia tectis,
Multus & hic celsâ cuspide surgit apex.
Nescio quid melius tamen illa mapalia spirent,
Rustica que tenui stramine canna tegit.
Quid dubitas, mea lux, quin, quàm procul urbibus
Tam procul agrestium, distet ab vrbe quies? [agri,
Fabula cantatur vaturn notissima lusu,
Ad bene fallendas fabula ficta vias:
Et facit ad rerum modum quas tractauimus, vsum;
Sistubet, auditu decipiemus iter.
Rusticus urbanum tectum paupere murem,
Fertur & appositis detinuisse cibis.
Musq; epulas muris ridens urbanus, agrestis,
Hec tuasi mensa est, sat mihi ruris, ait.
Mox vice conuersâ, mus Rusticus iuit in urbem,
Urbico in hospitium mure vocante suum:
Magnaq; cum tanto minor esset mensa paratu,
Ut sonuere fores mensa relicta fuit;

Et propè deprensò conuiuà expalluit hospes,
 Turbatig³ suum vix reperere cauum.
 Rusticus ast animo sensim cum voce recepto,
 Corripuit celerem Musculus vrbe fugam:
 Et procul è cliuis oculis ad moenia torquens;
 Quàm meus his præstat mœnibus, inquit, ager!
 Iam satis vrbanas, mea lux, habitauimus ades.
 Vrbe volant strepitus, Rus colit alta quies.
 Si memor es (subeat tibi pars lautissima vulgi)
 Quiq³ suburbanum rus propè cinis habet;
 Cumq³ suam assiduè commendet quilibet vrbem,
 Re tamen, ipsa magis rura; placere docent.
 Quin, quorum imperiis vrbesq³ arcesq³ reguntur,
 Anxia securo pectora rure leuant.
 Et magis hic puri libertas aurea Cœli,
 Quàm laqueata, domi, marmore recta placent.
 Nec quæ centeno sinuat se porticus arcu,
 Lenit, vt ambiguos paruula villa, metus.
 Iam satis vrbanas, mea lux, habitauimus ades,
 Quin semel in villis degimus, aut in agris?
 Est mihi fontanis circumdata villula riuus,
 Villula, quâ nusquam cultior vlla viret.
 Seu cœli ingenio, seu fertilis indole terræ;
 Aptaq³ vicini commoditate loci.
 Huc mea lux, paucis tantum si veneris horis,
 Oblitus patria protinus vrbis eris.
 Tumq³ ego, ceu tacitâ turtur medidatus in vmbra,
 Libera colloquiu, Sponse, vacabo tuis.
 Et procul à populis procul vrbibus atque tumultu
 Optata toties, sola, quiete fruuar.

Audiet hęc nullis quę mutua verba loquemur,
 Nostraq; qui turbei otia nullus erit.
 Quiq; notet nostros, nemo metuendus, amores,
 Teetricus hic nullum ius sibi Censor habet.
 Tunc mihi tu promes secretis intima fibris
 Quęq; iuuent animum verba cupita mentem.
 Tunc ego, sim quantā, dicam tibi, saucia flammā;
 Quęq; licet similes, dicta placere, scio,
 O semel optati micet hac mihi fideris aura;
 Quam fortunato lux erit illa die!
 Iam satis vrbanas, mea lux habitauimus ades;
 Nostra sit exiguo tempore, villa domus.



*Veni dilecte mi, egrediamur in agrum,
commoremur in villis. Cant. 7.*

Hier. 2.

Quis dabit me in solitudine diuersorium via-
torum?

D. Thom.
Aquinas.
hoc loco.
Bern. de
inter. do-
mo cap. 66

Mallet [enim] in solitudine habitare,
per quam nullus vel rarus transit.

Vtinam nullus hominum esset mecum
exterius, vt familiarius loqui possem cū Deo
interius! ipse enim & secretum quærit, & so-
litarium locum diligit. Fugiam ergo homi-
num solatia & colloquia; vt in secreto cor-
dis mei. Deum habitatorem habere possim.
Assuescam ergo sola intima cogitare, sola in-
teriora diligere, & in illis permanere, vt pos-
sim audire *quid loquatur in me Dominus Deus
meus*. Ecce adsum pijsime Deus, tecum sum,
intus sum. Quamdiu in exterioribus occu-
patus fui, vocem tuam intrā audire nō potui.
Nunc autem reuersus ad me, ingressus sum
ad te, vt possim te audire, & tibi loqui.

Psal. 54.
Greg. l. 4.
mor. c. 35.
in Iob.

Ecce elongaui fugiens, & mansi in solitudine.

Fugiens se elongat, qui à turba desiderio-
rum temporalium in altam Dei contempla-
tionem se subleuat.

Hier.
Epist. ad
Rustic.
Bernard.
homil.
Simila

Oppidum, carcer; solitudo, paradysus
est.

O solitudo beata! ô Ereme, mors vitio-
rum, vita virtutum! te lex & Propheta mi-
rantur,

rantur, & quicumque ad perfectionem venerunt, per te in Paradysum introierunt: ^{est Regnum} ^{caelorum} ^{homini negotianti.} ^ô beata vita solitaria & contemplatiua! quid ultra de te loquat? ipse Dei filius Saluator & Magister noster, exemplum dedit nobis, fugiens in desertum & mansit in solitudine, ubi sunt Rosæ charitatis, quæ semper flammescunt, quæ semper in sancto odore viuunt? ^ô solitudo negotiorum cælestium apotheca! in te transitoria & terrena mutantur in cælestia & æterna. Denique in te, lacrymæ mutantur in risum, & gaudium pariunt sempiternum.

Pia anima [Deo] se totam exhibere nifens in studio contemplationis *Veni, inquit, in agrum, commoremur in villis: congruentissimè cõtemplationis studium, agri exprimit vocabulo; quia & illud in solitudine, longeque ab hominum cõuersatione exerceri solet; & nouimus agrum eas dici terras, quæ sunt in solitudine, longeque à conuentibus humanis; Ac, sicut ager si excolatur, ingentem profert fructuum vbertatem, quibus nutrimur in corpore, ita & contemplatio, si rectè exerceatur, tantam profert virtutum copiã, vt per illas, in vita aliamur spiritali. Vnde bene & in libro Genesis dicitur de S. Isaac: Et egressus fuerat ad meditandum in agro, inclinatâ iam die: Nec minùs congruè particulares meditationes, villarû nomine designat.*

Mich. Giff
let-in c. 7.
Cant.

designat; quando quidem, sicut villas ea appellare solemus prædia, in quibus præclaræ in agro sunt habitationes, ad id potissimum extructæ, vt in illas tunc se conferant homines, cum à mundanis negotijs respirare voluerint; cum ex infirmitate aliquâ conualescere, aut quoquo pacto se recreare voluerint, & cum fructus ex agro colligere, atque seruare curauerint: ita & meditationes pariter præclara sunt ædificia ab Animâ ipsâ in agro cõtemplationis sibi extructa, in quibus illa, fugiens præsentis sæculi negotia, quietè commoretur; in quibus & commorans, ex qualibet peccati ægritudine conualescat, summiq̃ue fruatur delicijs, ac demum eximios virtutum colligat, seruetq̃ue fructus. Benè quoque pia anima, cum Deo dilecto suo, *egredi se*, inquit, velle in *agrum* contemplationis, & *commorari in villis* meditationum, cum voluptatem nullam percipiat ex hominum conuersatione. Quin imò quamuis terrenarum rerum copia exuberet in sæculo; quamuis prospere sibi cuncta contingant, minimè tamen ex commodis hiscè quippiam percipiat voluptatis, nec vnquam verè se arbitratur lætam, nisi cum sibi egredi liceat in hunc contemplationis agrum. Quâ in re, videtur se habere instar auis illius, quæ tametsi in caueâ omnibus abundet rebus, tum quæ ad victum ei sunt necessaria, tum quæ

quæ voluptati illi esse possent; lætam tamen numquam se reputat, quoad vsque permisum ipsi fuerit, à caueâ ipsâ egredi, liberè volare, & commorari in foraminibus petre. Lure autem cum Deo egredi vult, quem vnum habet dilectum; quia nec homines ardentem quempiam amâtes, villarum quippiam percipiunt gustus, nisi amicum illum comitem habeant, ideoque ipsum inuitant. Et experientiâ comprobamus, etiam summos Reges ac Principes, ad quos difficillimus aditus esse solet, cum in palatio Regioque in throno resident, in villis commorantes, etiam cum infimis rusticis libentissimè conuersari; & hoc illud est, quod anima intendit, cum illum in dictû inuitat agrum & villas, vt familiariter cum eo agat, vt cum vnico dilecto. Neque verò admodum temporis huic indulgere vult studio contemplationis, & familiariter agere cum Deo, sed delectatione maximâ, diutiùs in eo optat persistere; id namque ijs indicat verbis; *commoremur, sed per noctem, aut requiescamus in villis.*

Quamdiu [enim] animus permixtus est turbis & in multitudine fluctuantium voluntatur, nec vacat soli Deo, nec segregatus est à vulgo. Propterea, ô anima, quæ per orationem & contemplationem Deo vacare decreuisti, esto sola; hominum consortia fuge, tumultuosas mortalium conuersationes deuita,

Laur.
Iustin. in
lig. vit.
tract. de
orat. c. 5.

Bern, ho-
mil. 40 in
Cant.

nita, vt illi soli te solam serues, quem ex omnibus elegisti.

O sancta Anima, sola esto, vt soli omnium serues te ipsam, quem ex omnibus tibi elegisti. Fuge publicum, fuge & ipsos domesticos, secede ab amicis & intimis, etiam & ab illo qui tibi ministrat. An nescis, te verecundum habere sponsum, & qui nequaquam velit tibi suam indulgere præsentiam, præsentibus cæteris? secede ergo, sed mète, non corpore, sed intentione, sed deuotione, sed spiritu: de cætero, sola indicitur tibi mentis & spiritus solitudo. Solus es, si non communia cogites, si non affectes præsentia, si despicias quod multi suspiciunt, si fastidias quod omnes desiderant, alioquin nec si solus corpore es, solus es.

Hieron.
epist. 1. ad
Heliod.

O desertum CHRISTI floribus vernans! ô solitudo in qua illi nascuntur lapides de quibus in Apocalypsi ciuitas magni Regis extruitur! ô Eremus, familiaris Deo gaudens! quid agis? quamdiu te tectorum vmbra premunt? quamdiu fumosarum vrbium carcer includit? Crede mihi nescio, quid plus lucis aspicio; libet sarcinâ corporis abiectâ, ad purum ætheris euolare fulgorem.

VIII.

Trahe me post te, curremus in odorem unguentorum tuorum.

Cant. 1.

Aspicis ut iaceant strati sine viribus artus,
 Nec sum qualis eram, sola sed umbra moi?
 Vix traho pertasa fastidia terrena vita,
 Ipsaque sunt oneri languida membra sibi.
 Lassa iacet capitis nimio sub pondere cervix,
 Sarcina suntque manus, sarcina suntque pedes.
 Assidueque nouam querunt iactata quietem,
 Nec scio quo tandem fessa locare situ.
 Surgere nunc meditor, nunc lassa recumbere strato,
 Nunc nixum cubito sustinuisse caput.
 Nunc lubet inuerso, nunc ore cubare supino,
 Nunc aliud lateri substituisse lacus.
 Cumque tori cunctas peragraui languida partes,
 Quilibet ex aequo displicet usque locus.
 Heu! quid agam, grauis ipsa mihi, languensque, iacensque,
 Teque, volens cursu, non tamen apta, sequi?
 An fugis, & medijs morientem deseris agris,
 Nec mora tanta datur dum comes ire queam?
 Aeger ita in Libycis, a milite, miles arenis
 Deseritur, subito cum data signa fugae;
 In triuijs genitrix ita proiecit impia natum,
 Quem lactare pudor, pauperiesque vetat.

O

Tende

Tende manum, nostrig³ pius miserere doloris;
 Tende manum refugo vel pede siste gradum.
 Troica Dardanius cum Pergama cingeret ignis,
 Quisq³ senem rapuit filius igne Patrem.
 Trans mare defessam fert nata Cyconia matrem,
 Sustinet hinnulei Cerua natantis onus.
 Tu solam ignotis, fugitine, relinquis in aruis,
 Nec sinis hoc humeris ponderis esse tuis?
 Quamquã ego, vel fieri tibi sarcina tanta recusem,
 Si modo vel leuiter traxeris, ipsa sequar.
 Et sequar & curram, rapiarq³ smillima vento,
 Languida funesto qua modo strata solo.
 Nec quibus inuitam cogas, opus ense, vel armis,
 Sponte nec iniecto, libera, fune sequar.
 Traxit ad impulsa querulos testudinis ictus,
 Cum syluis Geticas Thrax Cytharista ferax:
 Traxit, & attonita syluag³ ferag³ stupebant;
 Sic fide sic filo, se potuisse trahi.
 Non ego Byssonij mouear testudine Vatis,
 Nec trahar Aonia voce sonante lyra.
 Quemq³ sui rapiunt sensus, sua quemq³ voluptas,
 Se sinit hic oculis, auribus ille capi.
 Non ego lumimbus, non auribus otia venor;
 Noster Achemenij languor odoris eget.
 Lux mea, rorilegis halat tibi spica capillis,
 Manat odorata Palladis umbre caput.
 Vda Palestino fragrant tibi i tempora nardo
 Myrrbag³ de madidis stillat odora labris.
 Efflat Oxontei tibi graminis halitus auras,
 Verbag³ quot loqueris tot incis ore rosas.

Albaq³ Panchao ceruix tibi sudat oliuo,
 Assyrioq³ humeros rore perungit Onix.
 Et manus Ambrosius pluit vtraq³, roscida guttis,
 Et digiti Libycæ germina mæsis olent.
 Denique quicquid olent, conchis vnguenta Sabais,
 Balsama quicquid olent, hoc meus halat Amor.
 Nec solùm Assyriis quæ sudant balsama ramis,
 Nataq³, odorifero thura Sabæa solo:
 Fragrat Orontæis hic spica sicutior herbis,
 Guttaq³ Panchæis nobilior lacrymis.
 Nempe tuo qualis, Basilissa pudica, cubili,
 Qualis odor thalamo, Cæcili casta, tuo;
 Aut qualis, cum Dorothæa pennatus Ephebus
 Attulit hybernas germina verna rosas;
 Aut Nasareni genæ qualis cum Virginis adem
 Sparsit Iessæi floris anhelus odor;
 Denique Diuorum qualis cum gemmea stillant
 Indigetum liquidis amphitheatra crocis.
 O semel has liceat mihi ducere naribus auras!
 Quæ modò languebam, sana repente sequar.
 Multaq³, currentem sociarum turba subibit,
 Vt glomerat socios vnctæ columba greges.

*Trahere me post te, curremus in odorem
unguentorum tuorum. Cant. 1.*

August.
man. c. 20.
Bern. ser.
21. in Cāt.

ANIMA amans fertur votis, trahitur
desiderijs.

Fessū sum, deficio, noli me deserere, *sed trahere me post te*, ne incipiam vagari post amatores alios, nec curram quasi in incertum, *Trahere me post te*, quia satiū mihi est vt me trahas, vt scilicet vim qualem cumque mihi, aut terrendo minis, aut exercēdo flagellis, inferas, quā parcens in meo me torpore securā derelinquas. *Trahere me* quodammodo inuitam, vt facias voluntariam: trahere torpētē, vt reddas currentem. Erit quando non indigebo tractorē, quoniam voluntariē & cum omni alacritate curremus.

Ibid. initio Quid? sponſane ergo necesse habet trahi, & hoc post sponſum? quasi verò inuita eum & non libens sequatur. Sed non omnis qui trahitur, inuitus trahitur; nempe enim infirmum aut debilem (eū scilicet qui per se ire nō valet) trahi ad balneū, seu ad prandiu non piger; etsi reum pigeat trahi ad iudiciū vel ad pœnam. Deniq; trahi vult quē & hoc rogat; non autem rogaret, si sequi per se ipsam dilectum, prout veller, valeret, vt quid verò nō valet? An infirmā fateamur & sponſam? si qua ex adolescentulis infirmam se diceret

leret & pereret trahi, nequaquã miraremur. At verò de spõsa, quæ trahere & alios (vt pote fortis & perfecta) posse sufficere videbatur, cui non durum sonet, quod & ipsa trahi tamquã infirma vel debilis necesse habeat? de quanam animã iam cõfidimus, quòd valida sit & sana, si illam infirmã dici consenserimus, quæ pro sui singulari perfectione & excellentiori virtute, sponsa Domini nominatur? Quantãuis perfectionis anima, quãdiu quidẽ gemit sub corpore mortis huius, & huius sæculi nequã retinetur inclusa carcere, vincta necessitatibus, totq; sceleribus, libentiùs, segniùsque assurgat necesse est ad contemplãda sublimia; nec omninò liberũ habet, sequi sponsum quocũque ierit. Hinc lacrymosa vox illa gementis, *Infelix ego homo, quis me liberabit de corpore mortis huius?* hinc supplex illa precatio. *Educ de carcere animam meam.* Dicat proinde, dicat cum gemitu etiã sponsa. *Trahe me post te, quia corpus quod corrumpitur aggrauat animam, & deprimit terrena inhabitatio sensum multa cogitantem.*

Propterea opus habeo trahi, quoniam refriguit paulisper in nobis ignis amoris tui, nec valemus à facie frigoris huius currere modò sicut heri & nudius tertius. Curremus autem postea, cum reddideris lætitiã salutaris tui, cum redierit melior temperies gratiã; cum Sol iustitiæ iterũ incaluerit & per-

Bern. ser.
21. in Cãt.

transierit tētationis nubes, quæ nūc operire ad horam cernitur, atque ad leuē flatum auræ blandioris solito, cœperint vnguenta liquefcere & aromata fluere, & dare odorem suum. *Tunc curremus*; in odore illo curremus, spirantibus in quā vnguētis curremus, quoniam abscedet torpor qui nunc est, & reuertetur deuotio, & iam non erit opus nobis vt trahamur, quippe odore excitatis, vt spontè curramus. Nūc verò interim *trabe me post te*, non curram ego sola, etsi solam me trahi petierim, current & adolescentulæ mecum. Curremus pariter, curremus simul; ego odore vnguentorum tuorum, illæ meo excitatæ exemplo, atque hortatu, ac per hoc, omnes *in odore vnguentorum tuorum curremus*.

Curremus, curremus, sed *in odore vnguentorum tuorum*, non in postrotrū fiduciā meritorum, nec in magnitudine virium nostrarum. Currere nos cōfidimus, sed in multitudine miserationum tuarum. Nam etsi quādo currimus ac volūtariæ fuimus, *non fuit volentis, neque currentis, sed miserētis Dei*. Reuertatur misratio, & curremus. Tu quidē in virtute tuā, *tamquā Gygas & potens curris*; nos, nisi vnguēta tua spirauerint, non curremus. Tu, quem Pater *vnxit oleo letitia præ cōsortibus tuis*, curris in ipsā vnctione; nos in illius odore curremus. Tu in plenitudine, nos in odore.

Odor super omnia necessarius vt potēte infirmis

firms purgatiuus, proficientibus conforta-
 tiuus, perfectis verò sanatiuus: nonne vides
 agrum huius mūdi hoc odore plenum; cūm
 videas alios iustitiā fortes, alios charitate
 feruentes, alios promptos ad obediendū &
 humilitatis obsequium, hos lacrymis irri-
 guos, & ad eleemosynas profusos: de odore
 autem, scriptum est: *Trabe me post te, in odorem
 vnguentorum tuorum.* Et alibi: *Ecce odor filij mei,
 sicut odor agri pleni, cui benedixit Dominus.*

Nec currimus æqualiter omnes in odore
 omnium vnguentorum, sed videas alios ve-
 hemētius studijs flagrare sapiētiae; alios ma-
 gis ad pœnitentiā, spe indulgentiæ animari,
 alios ampliùs ad virtutum exercitiū, vitæ &
 conuersationis eius prouocari exēplo; alios
 ad pietatē, passionis memoriā magis accen-
 di. Currebāt in odore sapiētiae, qui missi fue-
 rant à Pharisiis. cūm reuersi dicerent; *Num-
 quā sic loquutus est homo.* Currebat in hoc ipso
 odore S. Nicodemus qui *venit ad IESVM no-
 cte,* in splendore multo sapiētiae. In odore iu-
 stitię, cucurrit Maria Magdalena, cui *dimissa
 sunt peccata multa, quoniam dilexit multū.* Cu-
 currit & Publicanus, qui cūm propitiatiōē
 peccatis suis humiliter imploraret *descēdit iu-
 stificatus,* testāte ipsā iustitiā. Cucurrit Petrus,
 qui lapsus *fleuit amare.* Cucurrit Dauid, qui
 reatum agnoscens & confitens, audire me-
 ruit: *Et Dominus transtulit à te peccatū tuū.* Por-
 rō in

serm. 1. de
 annun. B.
 Virg. qui
 est 20.

Bern. ser.
 22. in Cāt.

rò in sanctificationis odore Paulus currere sese testatur, cum CHRISTI esse se imitatorum gloriatur. Cucurrerunt & omnes qui dixerunt; *Ecce nos reliquimus omnia, & secuti sumus te.* Jam qui in odore cucurrerunt passionis, omnes Martyres accipe. En quatuor vnguenta assignata habetis, Primum sapientia, secundum iustitia, tertium sanctificationis, quartum Redemptionis.

Aug. mediet. c. 35.

Fac me, dulcissime Domine, amare te, & desiderio sui deponere pondus omnium carnalium desideriorum & terrenarum concupiscentiarum grauissimam sarcinam, quae impugnant & aggraunt miseram animam meam, vt *post te, expedite in odorem vnguentorum tuorum currens*, vsque ad tuae pulcritudinis visionem efficaciter satiandus, quanto cyus te quoque duce, merear peruenire.

Aug. mediet. c. 35.

Descendat, Domine, descendat, precor descendat in cor meum odor tui suauissimus, ingrediatur amor tui mellisuius.

Aug. mediet. c. 37.

Trabe me, sursum ad te, vt curram post te in odorem vnguentorum tuorum; curram & non deficiam te trahente, te ducente me currentem.

Gilb. in Cant. hom. 19.

Tenax enim funiculus amor: amor affectuosè trahit, cui est id ipsum alloqui quod est allicere; nihil amoris tenacius vinculo, nihil trahentius,

I X.

Quis mihi det te fratrem meum fugentem vbera matris meæ, vt inueniam te foris, & deosculer te, & iam nemo me despiciat!

Cant. 8.

Quis cumulet patrias tãto mihi sc̄mate ceras,
Frater vt ad fratres annumerere meos!

Non tamen hoc facio pro stirpis imagine votum;

Nulla mihi augendi sanguinis ambitio est.

Stirpe licet nostrã sanguis tibi vilior esset,

Optarem fratrem te tamen esse mecum.

Non pubente quidem vernamem flore iuuenta,

Prima cui roseas vestiãt vmbra genas:

Sed puerum, toto qui nondum vixerit anno,

Lactis adhuc mater quem me a pascat ope.

Quiq̄, ego quas suxi, paruo trahat ore papillas,

Insideatq̄, illos, quos ego sepè sinus.

Hoc ego vel simili cupiam te corpore fratrem,

Si fueris maior, non ego te cupiam.

Quin igitur nostris, mea vita renascere sacclis,

Vt videam cunas pusio parue, tuas?

Et nisi fallor, habent pueri quid amabile mores,

Quoq̄, carent iuuenes, virq̄, senexq̄, carent.

Vtq̄, suam quauis laudem sibi vendicet etas,

Ille tamen pueros sc̄licet ornat amor.

An dubitas, aliàs p̄terili p̄fusio vultu,
 Ipse Deum domitor, paruulus esset, Amor?
 Non nisi quod reliquis, magis hæc sit amabilis ætas,
 Nullaq̄ sit tantum quæ, quod ametur, habet.
 Hac quoque, cur voueam puerum Te causa coëgit,
 Crediderim, puero quod mage posse frui.
 Quin igitur nostris, mea vita renascere sacris
 Vt videam cunas parue puelle, tuas?
 Tum mea, ceu nato, quoties daret vbera Mater
 Parue, Tui toties copia prompta foret.
 Prompta foret noctuq̄, diuq̄, domiq̄, forisq̄,
 Et sine sollicito copia multa metu.
 Quin igitur nostris, mea vita renascere sacris,
 Osculer vt cunas parue puelle tuas.
 Casta, soror paruo qua porrigit oscula fratri.
 Oscula derisor carpere nemo potest.
 Et licet illa frequens spectauerit oscula testis,
 Illa tamen testis carpere nemo potest.
 Et licet inceptas stiterint hæc oscula voces,
 Semper habent iustas oscula casta moras.
 O bona, quæ nostris faueant ita Numina votis,
 Teq̄, velint fratrem sic semel esse meum!
 Nascere parue puer, fraterq̄, admitte vocari;
 Omnia te mundi vota, precesq̄, petunt.
 Quid præ lætitiâ facerem tibi, paruule frater?
 Ah! præ lætitiâ, quid tibi non facerem?
 O quoties vetitis furtim deprenderer horis,
 Peruigil, ad cunas, nocte sterisse tuas!
 Quot tibi seruitijs soror obsequiosa studerem,
 Fortè vel officijs facta molestia meis.

Nempè

Nempe dato quoties depelleret vberē mater,
 Depulsum geminis exciperem manibus;
 Aut quoties tepidā gestare iuberet in vmbra,
 Gestarē vlnis sarcina grata meis.
 Aut quoties blando dare languida lumina somno,
 Somniferis caneret vox tibi nostra modis.
 Ipsaq; cum digitos cunis adhiberet agendis,
 I licet hoc à me praeperetur opus.
 Mox vbi te nostra concederet anxīa cura,
 Disceden s; mibi diceret; esto vigil:
 Excubiis soli propē Te mibi, parue, relictis.
 Quam facerem votis libera frena meū!
 Continud, tacitā velo de fronte reducto,
 Exemplum aspectu lumina nostra tuo.
 Inq; tuo, fixis hārens obtutibus, ore,
 Vterer oblatis commoditate loci:
 Et citō subijcerem capiti, colloq; sinistram,
 Apprimeretq; meo Te mea dextra sinu.
 Et tibi, vix tactis furarer basia labris,
 Basia sit somno non nocitura tuo.
 Quin igitur nostris, mea vita renascere sacclū,
 Vt semel optatas suāvier ore genas?
 Mox vbi lactanti sensim tibi cresceret etas,
 Primaq; discenti verba docenda forent;
 Discenti cuperem fieri tibi, parue, Magistra,
 Blasq; truncatis verba praeire sonis:
 Cumq; geri alterius nolles modō grandior, vlnis,
 Ausus arundineo currere solus equo,
 Instruerem stabili vestigia figere gressu,
 Membraq; constanti firma locare pede!

Tumq̄, molesto aliquod si offenderet obice saxum,
 Tutus in extensas exciperere manus.
 Quin tua sapè velim falli vestigia lapsu,
 Lapsus vt amplexu sustineare meo.
 Nec tanti pretium peterem mihi grande laboris,
 Sauiolo pretium solueris omne tuo.



Quis

Quis mihi det te fratrem meum sugentem ubera matris meae, ut inueniam te foris, & deosculer te, & iam nemo me despiciat! Cant. 8.

QVÆ amatrix vnquam optauit, vt is quē diligit, paruulus efficiatur eius frater, & in infantem versus fugat ubera matris?

S. Tho. in
c. 8. Cant.

Ergo antiquorum vox est ista iustorum, qui Dominum saluatotem, quem in diuinitate Patri & Spiritui sancto consubstantialem credebant, ac debitis venerabantur obsequijs in hominis quoque habitu & hominibus consubstantialem videre cupiebant. Intus quippe erat dilectus, quia *in principio erat verbum, & verbum erat apud Deum, & Deus erat verbum; sed vt foris quoque posset inueniri, verbum caro factū est, & habitauit in nobis;* viderunt namque Patriarchæ, viderūt Propheta Dominum, sed intus, id est, in contemplatione mentis spiritali, non in oculi carnalis intuitu. Viderunt eum, sed in imagine, sed in Angelicæ forma substantiæ; at ipsam eius naturam, nequaquam videre valebant. Denique legifer ipse, qui audire meruit, *ostendam omne bonum;* rursum audiuit: *Non poteris videre faciem meam; non enim videbit faciem homo, & viuet:* felices; qui inter se conferre meruerunt: *Inuenimus Messianum qui dicitur CHRISTVS.* Hoc est namque osculum,

Beda c. 7.
in Cant.

quod dicitur
in Cant.

osculum, id est amantissimū illud oris illius
donum, ac mutue cōmercium allocutionis.

Mich. Gi-
sler. cap 8,
Cant. ex-
pos. 3.

[Sed &] iugens in his suum, pia anima, ex-
primit desiderium; quo eā ratione per amo-
rem, Deo vniri peroptat, vt nedum in secre-
to cōtemplationis, verū etiam foris & co-
ram proximis, in vitā actiuā eidem inhære
sibi liceat, ita vt omnibus ædificationi sit,
nec quorumcūque mundanorū hominum
vereatur contemptum; æquē enim est ac si
dicat: O vtinā, tanto mihi astringeris amo-
ris vinculo, Deus meus, quanto adstringun-
tur frater atque soror! ô vtinam tam tenerē
te diligerem, quā tenerē à sorore diligitur
frater paruulus, sugens vbera matris suæ: ita
vt etiam palā & coram fratribus, dum pro-
ximorum indulgeo vtilitati, deosculer te of-
culo charitatis; ita vt non pudeat ante om-
nes, te cōfiteri, tibi que obsequi, oratione ac
bonis operibus. Quis mihi det vt iā nedum
te timeam vt Deum zelotem, Dominum
exercituum, ignem comburentem, & quic-
quid tale nominari voluisti, quo mihi tui
incuteres pauorem; sed vt etiam diligam
tamquam fratrem meum, & talem fratrem,
qui ob infantiam nihil incutiens metus, vel
lapidea ad amorem pertrahas corda!

S. Tho. in
c. 3. Cant.

Tu qui modò es in sinu Patris, quis det,
vt homo efficiaris & particeps ac cōsors na-
turæ nostræ existens, frater meus appelleris?

vt

vt hominem factum in aperto videam, & de osculer te, id est, apertâ visione te aspiciam, quem nunc totum in fide teneo!

Cùm magnus & excelsus esses, bonorum meorum non indigebas; vtinam detur mihi vt propter magnam charitatem tuam, factus frater meus ex Virgine, lacte indigeas, quo sustentaris; sic enim confido, aliquâ ex parte amorem meum, me tibi exhibituram. Priùs te inuenire nequibam, vnde & querebar; deploransque cum Prophetâ, dicebam; *Fuerunt mihi lacryma mea panes die ac nocte, dum dicitur mihi quotidie, Vbi est Deus tuus?* At nunc audiens Angelum ad pastores dicentem: *Inuenietis infantem positum in praesepio*; confido sanè me quoque inuenturam te foris; extra incomprehensibilem maiestatem illam, quâ intra temetipsum ab æterno latebas; quærebam te iam in hoc mundo, & in creaturis: *In lectulo, namque mentis meæ, quæsiui te, quem diligit anima mea: quæsiui, & non inueni, surrexi, & circuiui ciuitatem præsentis mundi: per vicos & plateas creaturarum, quæsiui te, & non inueni.* At modò te inter creaturas, *paruulum fratrem meum, ex vberibus Virginis Matris tuæ, simul ac meæ, pendentem inueniens, haud continere me potero, quia tota in tuâ prorum-pam oscula, quin tota tibi per dilectionem vniat; & iam me nemo despiciat, quod adorè, quem nesciam; quod osculer, quem non videam;*

Gifler. c. 20
Cant. ex-
pos. 3.

deam; quod illi offeram preces, qui nostra non curet; quodve illi obsequia exhibeam, ad quem accedere minimè liceat. Deosculans profectò te, in primo conceptionis instanti, *vnxit te Deus tuus oleo lætitiæ præ confortibus tuis*; osculis meis, ita te meum adorabo fratrem, ut iisdem te quoque meum profitear Regem dilectissimum: eo modo quo & Samuelem Saul in Regem vnctum, osculo adorasse, lego in libr. Reg. Tibique ut Regi morem geram in omnibus, id quod & iisdem contestabor osculis meis, quæ tuo imprimã ori, sicut antiquo illi Ioseph, per Ægyptiaci populi osculi signum, totius Ægypti obedientiam promissam lego à Pharaone, cum ei dixit: *Et ad os tuum cunctus populus deosculabitur.*

Bonau,
solilo c. 1.

Ignoravi, quòd tam suavis, ô bone IESV, esset tuus amplexus, tam honestus attractus tuus, tam deliciosus conuictus tuus! Cùm enim te amauero, munda sum, cùm tetigero casta sum, cùm accepero, virgo sum. Tuus, ô dulcissime IESV, amplexus non maculat, sed mundat; tuus attractus, non inquinat, sed sanctificat. O IESV fons vniuersæ & dulcedinis & suauitatis, ignosce mihi, quod tam serò credidi quantum habet deliciositatis, quantum honestatis, quantum iucunditatis, quando *leua* tuæ æternæ sapientiæ & cognitionis, est *sub capite meo*, id est ratione, & *dexte-*

ra tuæ Diuinæ clementiæ & dilectionis *am-*
plexabitur me, id est voluntatem. Heu me mi-
 seram! quid umquam tam dulce, tam suaue,
 tam delicosum & salutiferum potest expe-
 riri, quàm inter brachia tãti Sponsi quiesce-
 re, inter oscula tanti Regis & amico tam fi-
 deliter obdormire? hanc dulcedinem fenferat
 anima deuota, quando optabat dicens:
Osculetur me osculo oris sui. Numquid has deli-
 cias anima deuota erat experta, quando ora-
 bat ardens, & iam penè deficiens præ dilecti
 sui concupiscentiâ, dicens, in Canticis: *Quis*
mihî det te fratrem meum sugentem vbera matris
meæ, vt inueniam te solum foris, & deosculer te?
 Quis enarrare sufficeret, nisi qui mente gu-
 stasset, quantum habet hoc verbum dulce-
 dinis & deuotionis, quando bene pondera-
 tur & rectè cibatur deuotâ mète? sed ô Do-
 mine Deus, si hæc tam dulcia sunt cogitanti,
 quàm dulcia esse possunt degustanti? si tam
 suaui sunt legēti, quàm consolatoria erunt
 per affectum sentienti?



In lectulo meo per noctes quæsiui quem diligit
anima mea, quæsiui illum et non inueni. Cantic. 5.
25.

X.

In lectulo meo per noctes quæsiui
quem diligit anima mea; quæsiui
illum, & non inueni. *Cant. 3.*

Casta canunt nostra suspiria, votaq; Musæ,
Nullaq; de thalamis vox, Hymenæe tuis.
Vt sua corporibus, sic mentibus est quoque flamma,
Et propè deterior corpora flamma coquit.
Intus, in accensis qui mentibus aestuat ignis,
Delicias liquidi solus amoris habet.
O quanto his, Anima, facibus melioribus ardent!
Oscula quam certâ dantq; feruntq; fide!
Quàm placidis castas complexibus itur in vlnas,
Quàm sanctæ sociant mutua vincla manus!
Et suus hic etiam torus est genialis amori,
Quæq; maritali fœdera nexa face,
Casta Cupidine sed fœdera nescia tædæ,
Nec, nisi quem cupiat Vesta subire torum.
Sed neque cyncæis hic turgēt culcita plumis,
Fartaq; Amyclæo vellere fulcra tument.
Quo duo tam casti thalamo sociantur amantes
Lectus olorinas non habet ille niues.
Lectulus auspicijs tantorum stratus amorum
Mens est lætitiæ pace quietæ suæ.
Lectule, pax animæ; cœlestis lectule tædæ,
Pronube sidereis lectule castæ toris!

Tu Spōsi atque Anima thalamus secretus amanti ū,
 Solus es ō tantas dignus habere faces!
 Hoc ego consuui, meditans, traducere noctes,
 Cum requiem pulso cura sopore negat.
 Hoc meus ille; meos rapuit qui primus amores,
 Est solitus vigili secubuisse toro.
 Et mihi tunc imas vrit fax Dia medullas,
 Inq̄, vicem flammis vritur ille meis.
 Tunc desiderijs querimur sine voce loquentes,
 Mutaq̄, plus verbis lacryma vocis habet.
 At noua quæ subiti sit, nescio, caussa recessus;
 Subuereor, vitio sit data caussa meo.
 Nam mihi iam spatio plus visus abesse diurno,
 Et secus atque solet nocte fuisse foris.
 Haccine signa forent mutati forsan amoris?
 Aut illum melior lectulus alter habet?
 Hei mihi quàm miseris ea nox fuit acta querelis,
 Quæ sine te, viduâ nox fuit acta domo!
 Iam propè constiterat medio vaga Cyrbia cælo,
 Altaq̄, sopierat lumina lassa quies;
 Cùm mihi visa tori pulsâ vox dicere spondâ;
 Surge parat thalamo Sponsus abire tuus.
 Suscitor, & piceos oculis detergeo somnos,
 Impositum cubito sustineoq̄, caput:
 Et desolatas implens vlulatus edes
 Sollicitâ, dormis lux mea? voce rogo.
 Hei mihi! responsum nullum dedit ille roganti,
 Fugerat è thalamis transfuga nempè meis.
 Protinus accenso reperi vestigia lychno
 Quæ cuperem numquam visa fuisse mihi.

Dic meus, exclamo, quò fugit, lectule, Sponsus?
 Perfide, dic meus heu! lectule, Sponsus ubi est?
 Et vagor, & toto velut amens erro cubili,
 Ut tua te viduâ luxit Alexi, domo.
 Quos ego tunc animo sensi efferuere tumultus,
 Cygneus fuerat Pax cui fida torus!
 Quæ mentem subito insana vertere procella,
 In solitam dubijs pandere lina Notis!
 Quàm sterili iacuit damnatum pectus arenâ,
 Dia cui æthereis vena scatebat aquis!
 Iam grauidos labor est oculos attollere cælo,
 Oraq; diuinâ soluere laude, labor.
 Iam neque sacra valent prisce in certamina vires,
 Quæ modò lusus erant prælia, facta dolor.
 Scilicet optatâ dum felix vterer aurâ,
 Aurea molliculus Pax mihi lectus erat.
 Tunc vt in expertis Tiro temerarius armis,
 (Omnia qui linguâ prælia victor agit)
 Optabam rabidis caput obiectare Tyrannis,
 Aut animam pulcrâ fundere posse nece,
 Tunc & Apolloniæ mihi credita flamma, roserum;
 Tunc rota Costiade Virginis, esse trochus: |
 Visaq; sunt Agatha gemini duo vulnera, torques,
 Blandaq; Blandina, Taure putatus ouis:
 Denique barbarici laniena infanda macelli,
 Totaq; carnificum visa theatra, iocus.
 Nempe erat in calidis tã seruida flamma medullis,
 Aurea cùm placidus Pax mihi lectus erat.
 At simul ac Sponso calor hic abeunte recessit;
 Frigidior Scythico mens mihi facta gelu est.

Sic noua, quas Zephyris spirantibus educat aestas,
 Decoquit immeritas vna pruina rosas.
 Lampada sic tenui Pallas quam nutrit oliuo,
 Extinguit tremuli bucca soluta Noti.
 Ah malè, te placido quaesui Sponse cubili;
 Qui Crucis in thalamo repperiendus eras!
 Pax mihi lectus erat, Tibi Crux erat aspera le-
 Hoc te debueram, querere Sponse, toro. Etus.]
 Lux mea, iam quota Te querendo perditā nox est!
 Sed quaesui, vbi non inueniendus eras.



In lectulo meo per noctes quasiui quem diligit anima mea; quasiui illum, & non inueni. Cant. 7.

Non est reuersus Sponsus ad vocem & votum reuocantis. Quare? vt desideriu crescat, vt probeatur affectus, vt exerceatur amoris negotiu. Sanè ergo dissimulatio est, non indignatio, superest vt quæratur si fortè reperiat quæsitus, qui vocatus non venit; dicente Domino, *Omnis qui quærit, inuenit.* & primo quidem quærit illum in lectulo, sed minimè inuenit; neque vnus noctis quasiutio hæc & frustratio, cùm dicat ista: quia *quasiui per noctes.*

Bern. ser.
75, in Cât.

Legimus Psalmo 76. Piam quandam animam exquisisse Deum nocte, exquisisse verò manibus ac vocibus; illiusq; inquisitionem haud quaquam spe frustratam: sic namque illa, id quod sibi contigit testatum omnibus volens ait: *In die tribulationis meæ Deum exquisiui manibus meis, nocte contra eum, & nõ sum deceptus;* at verò in hac sententiâ (*in lectulo meo per noctes quasiui*) Anima pia Deu ipso noctu quæsisse se asserit, idque frequèter, per multas scilicet noctes; nullatenus tamen illum vel post diutinas inquisitiones reperisse.

Gisler in
Cant. c. 3.
expos. 3.

Quid est quod non inuenitur quæsitus, cùm requiratur tã studiosè & impigrè, ipse autem dicat: *Querite & inuenietis; & qui quærit, inuenit.*

Bern. ser.
75, in Cât.

inuenit. quomodo ergo implebuntur Scripturæ? neque enim quæ hîc inducitur quærens, vna est ex his quibus ipse ait: *Quæretis me, & non inuenietis.*

Gisler. in
c. 3. in Cât.
expol. 3.

Ob istiusmodi diuersitatem non modicum primo aspectu offensus est animus, multoque magis offendebar; quia rationi magis consonum mihi videretur, vt Deus ab illa citius inueniri se sineret, illiusque vocibus potius intenderet, quæ maiori erga ipsum flagraret caritate; qualem absque dubio Sponsam censebam.

Verum attentius vtriusque animæ perpendens verba; percepi statim rationem diuersitatis prædictæ. Intellexi quid causæ fuerit, cur Anima loquens in Psalmo, Deum repererit; Sponsa autem neutiquam eundem inuenierit; quia nimirum ista, & si manibus Deum quæsiuit, & vocibus; in lectulo tamen & lectulo suo singulari quiete agens & manibus palpans eum quæsiuit, qui ibi haud quaquam esset. Illa autem de tribulationibus ad eum clamauit, qui ait: *De quacumq; tribulatione clamauerint ad me, exaudiam eos.* Sicque facili negotio, non solum inuenit, sed & apprehendit eum, qui dixit: *Cum ipso sum in tribulatione; in die tribulationis, inquit, Deum exqui sui manibus meis nocte contra eum, & non sum decepta.*

Fern. ser.
75. in Cât.

Attendite [ergo] tres esse causas, quæ
intre-

interim occurrunt, & quærentes frustrari solent, cum aut videlicet: *Non in tempore quærunt, aut non sicut oportet, aut non ubi oportet.* Si enim omne tempus aptum est ad quærendum, cur ergo dicat Propheta: *Quærite dum inueniri potest:* erit absque dubio cum inueniri non poterit, & hæc vna caussa quæ impediri potest, ne inueniatur sponsus à quærentibus se, cum non quærunt in tempore opportuno. At non ea caussa impedit sponsam, nempe inuocantem & quærentem in tempore opportuno. Sed ne illa quidem eum tepidè aut negligenter seu perfunctoriè quærît; nam corde ardèti & omninò infatigabiliter, quærît planè vt decet. Restat vt de tertiâ videamus, ne videlicet, vbi non decet quærat. *In lectulo meo quæsui per noctes quæ diligit anima mea.* An fortè nò in lectulo, quærendus erat, sed in lecto: quippe cui orbis angustus est? sed nò horreo lectulum, qui noui paruulum. An nò lectulus, tumulus? an non lectulus, præsepium? an non lectulus, vterus Virginis? neque enim magni Patris vterus, lectulus est, sed lectus magnus, de quo ad filium: *Ex vtero,* inquit, *ante luciferum genui te.* Quamquam nec lectus quidem forsitan dignè censendus sit vterus ille, qui Regentis potiùs quàm iacentis est locus. Meritò proinde Sponsa, ponens lectulum, dicit; *Suum.* [Sed] quid in tuo quærebas, qui se iâ in sua
rece-

repererat? non videras filium hominis ascendentem vbi erat prius? Iam cœlum tumulo commutauit, & tu illū, in tuo adhuc lectulo quæris? *Surrexit, & non est hic.* Quid quæris, in lecto, fortem? in lectulo, magnum? in stabulo, clarificatum? Introiuit in potētias Domini, *decorem induit & fortitudinem,* & ecce sedet super Cherubim, qui sub lapide iacuit. Ex hoc, iam non iacet, sed sedet, & tu tamquam iacenti subsidia paras; siue vt absolutior veritas sit, aut sedet iudicans, aut stat adiuuans. Ex tunc ergo & deinceps frustra in lectulo quæsitus est sponsus: pulcrè verò sponsa, nō quem diligo ego, sed *quem diligit anima mea,* inquit, quod verè, & propriè ad solam pertineat animam illa dilectio, quā aliquid spiritualiter diligit. Nam cū secundū carnem quippiam diligit vel potiùs appetit anima, carnis potiùs, quā animæ amor dicendus est. Et benè *per noctes se quæsisse eum* ait, nam non absurdè dici potest, quod qui ignorant, nocte ignorant; ac per hoc qui quærunt nocte quærunt. Quis enim quærat quod palàm habet? Nox est itaq; donec quæratur sponsus, quoniam si dies esset de medio fieret, & minimè quæreretur. sed dicit aliquis: quod non sit tam stulta tãque cæca sponsa, vt quærat lumē in tenebris, quærat Dilectum apud ignorantes, & qui non diligunt eum. Quasi verò se per noctes nunc quærere dicat, & non

non potiùs quæfisse? Non ait, Quæro, sed quæsiui, *per noctes quem diligit anima mea.* Et est sensus, quia cum esset paruula, sapiebat vt paruula, cogitabat vt paruula, & quærebat veritatē vbi non erat, errās & non inueniēs, iuxta illud in Psalm. *Erraui sicut ouis quæ perijt.*

Quod si quis contendat sponfam ipsam hīca referre, quæ sibi tunc temporis euenēre, cum toto corde viribusque omnibus, ardentissimo amore Deum dilectum suum prosequeretur; Dicendum; nomine *lectuli*, non quamlibet hīc significari *quietem*, sed illam dumtaxat, *quā anima sancta quiescit in pace interiore*, quam pacem & Isaias, *lectuli & cubilis* nomine insigniuit, cum de iusto loquens dixit: *Veniat pax, requiescat in cubili suo, qui ambulauit in directione suā.*

Dilectum [enim] *in lectulo querimus*, quando in præsentis vitæ aliquantulā requie redemptoris nostri desiderio suspiramus. *Per noctem querimus*; quia etsi iam in illo mens vigilat, tamen adhuc oculus caligar.

Sed ingens ilico hīc insurgit difficultas, quā ratione anima sancta in eiusmodi lectulo Deum quæfisse se afferat, & non inuenisse? cum alibi fateatur, in eo ipso lectulo, se vnā cum illo, quietissimè dormituram, dicens: *In pace in idipsum, dormiam & requiescam.* Cumq; exploratum omnibus sit; *In pace factum esse locum ipsius Dei.* Si ergo in pace comoratur

Gisler in
c. 3. Cant.
expof. 3.

Greg. ho.
19. in Eze.
& 25. in
Euang.

Gisler, in
c. 3. Cant.
Expof. 3.

moratur Deus: si in pacis lectulo, cum eo p̄a-
cifica dormit anima: quomodo sponsa, ibi se
cum inuenisse negat, vbi iam præsens is ad-
est? Ad hæc breuiter respondendum: adesse
quidem Deum, & vt proprio requiescere lo-
co, in interiore pace. verumtamen, admira-
bili prouidentiâ, elongari nonnumquã, vel
abscondi ab ipsâ animâ, cum quâ *lectulū ha-*
bet communē, sinens eam esse *aridam*, & quo-
dammodo dulci destitutam complexu.

Bern. sero
32. in Cât.

Sunt [enim] qui in studijs spiritualibus
fatigati, & versi in teporem, atque in defectu
quodam spiritus positi, ambulant tristes vias
Domini corde arête & tædente, lōgos dies,
longas conqueruntur & noctes loquentes
cū S. Iob: *Si dormiero, dicam: quando consurgam?*
& rursus expectabo vesperã. An tibi aliud, vel
pati, vel petere ille videtur, qui ait: *Dormitauit*
anima mea præ tædio, confirma me in verbis tuis.

Gisler. in
c. 3. Cant.
Expof. 3.

Porro id ob triplicem [accidit] rationem:
Primò vt hâc suâ tantilla elongatione, ad
maiolem perfectionem eam prouehat. Se-
cundò vt iucundior postea sit eius reditus
vel eius inuentio. Denique quemadmodum
chorda, quò magis ab arcu recedit, eò maio-
re impetu ad ipsum accedit, maioremq; ex-
hibet vim sagittæ, quæ per arcum iacitur, ita
quò magis Deus videtur se ab anima amo-
uere, eo ardentiori beneuolentiâ, in eandē
se se postea insinuat. At, si ob allatas rationes
ab

ab illâ se abscondit, cur non inueniri se finit
 ab eâ, quæ tanto studio ibi ipsum quæsiuit,
 vbi quæri is velit? *Quæsiui illum*, inquit, & non
 inueni; vt videlicet, eius perseuerantiæ peri-
 culum faceret, vt quæ experiretur, quod ea
 tenderet, cùm aliquando ab internæ pacis
 lectulo surgeret.

Abscondit se [ergo] Sponsus cùm quæritur, vt non inuentus ardentius quærat; &
 differtur quærens Sponsa ne inueniat, vt tar- Greg. li. 7.
mor. ca. 4.
 ditate suâ capaxior reddita, multiplicius
 quandoque inueniat, quod quærebat.

[Sed] Domine, si non es hîc, vbi te quæ- Ansel. in
protolog.
cap. 1.
 ram absentem? si vbi que es, cur non video
 te præsentem? sed certè habitas lucem inac-
 cessibilem. Et vbi est lux inaccessibleis, aut
 quomodo accedam ad lucē inaccessibleē?
 aut quis me ducet, aut inducet in illam vt
 videam te in illâ? accedere ad te desiderat
 seruus tuus, & inaccessibleis est habitatio
 tua. Inuenire te cupit, & nescit locum tuum.
 Obsecro Domine, doce me quære te, &
 ostende te quærenti; quia nec quære te
 possum nisi tu doceas, nec inuenire nisi te
 ostendas: quæram te desiderando, deside-
 rem quærendo, inueniam amando, amem
 inueniendo.



*Surgam et circuibo ciuitatem, per vicos et plateas
 quæram quem diligit anima mea: quæsiui
 illum et non inueni. Cantic. 3. 26.*

X I.

Surgam, & circuibo ciuitatem; per
vicos & plateas quæram quem
diliget anima mea; quæsiui illum,
& non inueni. *Cant. 3.*

TAndem, serò licet, meus est mihi cognitus error:
Si bene quæsissem, Sponse, repertus eras.
Credideram placido somnos te carpere lecto,
Commodus, at video, non fuit ille torus.
Quid faciam cæpta pergam dare membra quieti,
Et sine te somnus lumina nostra teget!
Ah, sine te, nequeam solito dare membra sopori,
Aut vllâ, sine te, Sponse, quiete, frui!
Non si somniferis iuuilet lympha susurris,
Lympha cauernoso præcipitata iugo;
Aut nemorum blandis agitata cacumina ventis,
Multaq;, quæ syluis garrula cantat auis:
Aut Heliconiadum, Parnastia turba, Dearum,
Aut pater aurata Delius ipse lyra.
Nec tua discutiant mihi, Somne, papauera curas,
Humida nec virgâ tempora tacta tuâ.
Noxia nec vigilem quæ sopijt herba Draconem,
Fistula quæq;, oculos condidit, Arge, tuos.
Vix vbi composui luctantia lumina somno,
Rumpitur indomito cæpta dolore quies.
Et nullam accipiunt oculiq;, aut pectora noctem.
Quin mihi, nox etiam creditur vna, decem!

Q

Fingit

Fingit & assidue de te, mihi somnia Morpheus,
 Nec fugis ex oculis flebilis umbra meis.
 Cur toties igitur somni mihi nocte petuntur,
 Si mihi nulla venit, nocte, petita quies?
 Eripiat stratis, mediamq; vagata per urbem,
 Quid fors aut ratio me volet ire, serar.
 Et circumspiciens, num fortè quis angulus abdat,
 Queram quem propria diligo plus animâ.
 Queram porticibus, queram stabulisq;, castisq;
 Perq; semel tritas ibo, redibo, vias.
 Nec malè perspecta sallet specus vlla latebra,
 Nec quem transiero, circulus vllus erit.
 Qualis odora canis vestigia pressa ferarum
 Mersâ nare legens, lustra, rubosq; subit:
 Aut qualis siculas Ops errabunda per vrbes,
 Aspicit an flores perditâ Nata legat,
 Ruraq; piniferis vestigans auia redis
 Persephonen stygijs optat adire vadis.
 Aut potius Solymis qualis vaga Magdala campis
 (Cum flebat Domini marmor inane sui)
 Saxa per alta rudesq; ruit furiosa per agros
 Qua dolor ancipitem qua rapiebat amor.
 Omnibus vna locis aderat, comes omnibus vna,
 Vna super Domini funere multa rogans.
 Attica sic viduo volueris gemit anxia nido,
 Luctisq; nemi personat omne modis:
 Et circum, supraq; volans, nunc ardua summo
 Vertice, nunc imâ pendula fronde sedet;
 Et raptam sobolem, raptoris & aucupis artes
 Heul con sanguineo nunciat orba gregi.

Haud aliter cunctis lustravi compita vicis,
 Non tamen est vlllo prada reperta loco.
 Infames vici, loca derestanda platea,
 Decepto toties compita trita pedes
 Amissum in thalamis, foris hic reperire putabam,
 Sed malè questus, perditus vsque later.



*Surgam, & circuibō ciuitatem; per vicos
& plateas quæram quem diligit ani-
ma mea: quæsiui illum, & non inueni.
Cant. 3.*

Orig. ho-
mil. 10. in
diuer.

EFFVNDITE lacrymas oculi mei, plo-
rate, & nolite deficere. Ambulate pedes
mei, discurrite, & nolite quiescere. Heu! heu!
quò abiit gaudium meum, vbi laet amor
meus? vbi est dulcedo mea? cur dereliquisti
me, salus mea? O dolores! ô angustia! Inole-
rabiles angustia sunt mihi vndique, & quid
eligam, ignoro. Quò me vertam? ad quem
ibo? à quo consilium petam? quem percun-
ctabo? quis mei miserebitur? quis me con-
solabitur? quis indicabit mihi quem diligit
anima mea? Reuertere, dilecte mi! reuertere,
dilecte votorum meorum! ô amabilis! ô de-
siderabilis! redde mihi lætitiā salutaris
presentiæ tuæ.

Orig. ibid.

Heu me! vbi eum quæram, vbi eum inue-
niam? surgam certè, & circuibō omnia loca
quæ potero; non dabo somnū oculis meis,
non dabo requiem pedibus meis, donec in-
ueniam illum, quem diligit anima mea.

Bern. ser.
7. in Cant.

Sedens in lectulo, quæsiui, cum adhuc in-
firma & inualida forem, & omninò minùs
idonea sequi Sponsum quocumque ierit; se-
qui ad ardua & excelsa sublimitatis illius.
Incidit in multos, qui cognoscentes deside-
rium

rium meum, dicebāt mihi: *Ecce hīc est CHRIS-
TVS, ecce illic est; & neq; hīc, neque illic erat;*
& dixi, *Surgam, & circuibo ciuitatem per vicos &
plateas, quæram quem diligit anima mea.* Intuere
vel nunc quia iacet, quæ dicit *surgam.*

Adhuc vt paruula sapit; per vicos & pla- Bern. ser.
76. in Cāt.
teas, quærendum putauit, fruendi auida, sed
ignara mysterij iterum ergo frustrata reperit
dicens: *Quæsiui eum, & non inueni.* Non est, vt
ista suspicata est, in plateis, aut vicis; nisi for-
tè in illis, de quibus dicitur: *Platea tua, Hieru-
salem, sternentur auro mundo, & per omnes vicos
tuos alleluja cantabitur.*

Anima [enim] quæ amat, adscēdit frequē- Aug manu
ca. 24.
ter, & currit familiariter per plateas cœlestis
Hierusalem, visitando Patriarchas & Pro-
phetas, salutando Apostolos, admirando
exercitus Martyrum, & Confessorum, cho-
rosque Virginum speculando.

Ibi, ibi illum, qui quæret, inueniet, & vi- Bern. ser.
76. in Cāt.
debit gloriā eius, non gloriā quasi vnus
ceterorum, sed planè gloriā, quasi vnige-
niti à Patre. quid facies, ô Sponsa! puras, po-
tes sequi eum illic? aut te ingerere audes, vel
vales huic tam sancto arcano, tamq; arcano
sanctuario, vt filium in patre, & patrem in-
tuearis in filio? non vtrique; vbi est ille tu non
potes venire modò; venies autem postea:
Age tamen, sequere, quære, nec te inacces-
sibilis claritas, vel sublimitas à quærendo de-
terreat,

terreat, ab inueniendo desperare faciat. Si potes credere, omnia possibile sunt credēti. Propè est, inquit, verbū in ore tuo, & in corde tuo. Crede & inuenisti, nam credere, inuenisse est. Norunt fideles, habitare **CHRISTVM**, per fidem, in cordibus suis. Quid propius est? Quære ergo secuta, quære deuota, bonus est Dominus animæ quærēti se. Quære votis, sequere actibus, fide inueni; quid nō inuenit fides? attingit inaccessa, deprehēdit ignota, comprehendit immensa, apprehēdit nouissima; ipsam denique æternitatem suo illo vastissimo sinu quodammodo circumducit, sidenter dixerim: æternam, beatamq; Trinitatem, quam non intelligo, credo, & fide teneo, quod non capio mente.

Bern. ser.
75. in Cāt.

Quid hoc desiderij est & ardoris, vt surgens de nocte publicū non erubescat? percurrat ciuitatem? percunctetur palā & passim de dilecto, atque à vestigandis semitis eius nullā valeat ratione auerti? nullā præpediri difficultate, non tempestiuæ retineri amore quietis, non Sponsæ verecundiā, non vel timore nocturno? Et tamen in his omnibus frustrata est vsq; adhuc à desiderio suo. Quare? quid sibi vult pertinax hæc & diuturna fraudatio, reſdiorū nutritrix, suspicionum fomes, impatiētix fax, nouerca amoris, mater desperationis? si adhuc dissimulatio est, nimis est molesta. Esto, quod piè, vtiliterque interim

interim fuerit dissimulatum, donec in solâ
adhuc vocatione, seu reuocatione res erat:
nunc verò cum requiritur, & ita requiritur,
quid iam conferre poterit dissimulatio? si de
carnalibus sponsis, & pudendis amoribus
quæstio est, sicut litteralis superficies prælu-
sisse videtur, & si inter illos talia contingere
queant, mea non interest, ipsi viderint.

Nolo te sponsum quærere per plateas,
nolo te circumire angulos ciuitatis, dicas,
licet: *Surgam & circuibo ciuitatem, & in foro, &
in plateis quaram, quem dilexit anima mea;* & in-
terroges; *Num. quem dilexit anima mea, vidistis?*
nemo tibi respondere dignabitur: sponsum
in plateis non potest inueniri. Arcta & an-
gusta via est, quæ ducit ad vitam, zelotypus
est IESVS, non vult videri faciem tuam: foris
vagentur virgines stultæ, tu intrinsecus esto
cum sponso.

Hieron.
epist. 22.
ad Eustoc.

Non in foro, non in plateis CHRISTVS
reperitur. non est CHRISTVS circumfo-
raneus; CHRISTVS enim pax; in foro, li-
tes; CHRISTVS iustitia est; in foro iniqui-
tas; CHRISTVS operator est; in foro inane
otium; CHRISTVS charitas est, in foro
obtrusio; CHRISTVS fides est, in foro
fraus atque perfidia. fugiamus ergo forum,
fugiamus plateas. Nec illa eum in foro & in
plateis potuit reperire, quæ dixit: *Exurgam,
ibo & circuibo in ciuitate, in foro, & in plateis, &
quararam*

Ambr lib.
de virg.

quaram quem diligit anima mea; quasui eum, & non inueni eum. Nequaquam igitur ibi quæramus CHRISTVM, vbi inuenire nō possumus.

Bern. ser.
84, in Cāt.

Non pedum passibus, sed desiderijs quæritur Deus; & vbi que non extundit desiderium sanctum, felix inuentio, sed extendit. Numquid consummatio gaudij, desiderij consumptio est? oleum magis est illi, nam ipsum flamma. Sic est; adimplebitur lætitia, sed desiderij non erit finis; ac per hoc, nec quærendi; quid ni animer ad quærendum, experta clementiam, & persuasa de pace?

Guilib.
Abb. ser.
45, in Cāt.

Attendite vehementiam & vim amoris. Nec abesse dilectum sustinet, nec sufficit præsentij; ibi, vota anhelata laborant; hinc exhausta relinqui patiuntur. O felix amor, qui continuâ quâdam vicissitudine, aut liquefcit in ipso, aut quærens, anhelat ad ipsum! *quasui & non inueni.*

Aug. solilo
9, 31.

Ego erraui, sicut ovis quæ perierat, quærens te exterius, qui es interius; & multum laboraui quærens te extra me, & tu habitas in me, si tamen ego desiderem te. *Circumui viccos & plateas ciuitatis huius mundi quæres te, & non inueni,* quia malè quærebã foris, quod erat intus. Misi nuncios meos, omnes sensus exteriores, vt quærerem te; & *non inueni,* quia malè quærebã. Video enim, lux mea, Deus, qui illuminasti me, quia malè te per illos quærebam, quia tu es intus, & tamen ipsi,
vbi

ubi intraueris, nesciuerunt. Serò te amaui pulcritudo tam antiqua & tam noua, serò te amaui; & tu intus eras, & ego foris, & ibi te quærebam, & in ista formola quæ fecisti, ego deformis iruebam. Mecum eras, & tecum non eram. Ea me tenebant longè à te, quæ esse non poterant, nisi in te. *Circuibam* enim omnia, quærens te, & propter omnia derelinquens me. Interrogauit terrâ, si esset Deus meus, & dixit mihi, quod nō; & omnia quæ in ea sunt, hoc idem confessa sunt. Interrogauit mare & abyssos & reptilia quæ in eis sunt, & responderunt, nō sumus Deus tuus: quære super nos eum. Interrogauit flabilem aërem, & inquit vniuersus aër, cum omnibus incolis suis: fallitur Anaximenes, nō sum ego Deus tuus. Interrogauit Cælum, Solem, Lunam & Stellas, neque nos sumus Deus tuus, inquit. Interrogauit deinde mūdi molem, Dic mihi, si es Deus meus, an nō? & respondit voce forti: Non sum, inquit, ego, sed per ipsum sum ego; quem quæris in me, ipse fecit me; supra me quære eum qui regit me, qui fecit me.



Num, quem diligit anima mea, vidistis? Paullulum
cum pertransissem eos, inueni quem diligit ani-
ma mea: tenui eum, nec dimittam. Corin. 5. 27.

XII.

Num quem diligit anima mea vidi-
stis?

Paullulùm cùm pertransissem eos,
inueni quem diligit anima mea:
Tenui eum, nec dimittam. *Cant. 3.*

Restat adhuc totâ locus vllus omissus in vrbe?
Aut regio nostro non peragrata pede?

Flammiferis cuncta facibus luxere plateæ,

Nullaq; vel minima compita spreta via.

Hei mihi! quos vicos, quæ non loca tristis obiui?

Vrbs etiam in tantâ defuit vrbe mihi.

Sed quid in hos frustra iuuat incubuisse labores,

Si Sponsum semper quero, nec inuenio?

Ergo domum lacrymans, vestigia retrò serebam,

Quiq; rogaretur, nemo viator erat.

Cùm propter portis à mœnibus aufero gressum,

Et vigil ad portas occupat ecce cohors.

Ac prior hîc dixi, quem diligo fortè latebit;

Et subito, vigiles, reppererint nec rogo.

Illi, cum tacito conuertere lumina risu,

Verbaq; dentatis reddere salsa iocis.

Et quidam; Quisnam ille tuus quem diligis ignis,

Absq; suo nosci nomine posse putas?

Parcite, respondi, tam rusticus est mihi candor,

Scire omnes rebar; quis meus esset amor.

Nec

Nec mage vel Pyladis notum, vel nomen Orestis,
 Nève tuum, Thybe, Pirame, nève tuum:
 Vosq₃ etiam quamvis, quem diligo, scire negetis,
 Scire, nec ignotum posse latere, puto.
 Obsecro, dic igitur Custodia pervigil vrbis,
 Num meus hac vobis tendere visus Amor?
 Ille meus, propriâ quem plus ego diligo vitâ,
 Qui quoque me vitâ plus amat ipse suâ.
 Dicite, quando abiit? quantillo tempore mansit?
 Quaq₃ præbensurum se simulavit iter?
 Hac ut aut illac? dextra vel forte sinistra?
 Solus erat? socijs an comitatus erat?
 Excubia falsis iterum risère cachinnis;
 At mihi salsa meas obruit vnda genas.
 Transferam: Sponsi neque spes super vlla videndi,
 Mensq₃ erat in damni inersa dolore sui:
 En subito, dum cuncta animo tristissima voluo,
 Nullaq₃, quam tanta vota minora spei;
 Ille meus, totâ toties quaesitus in vrbe,
 Iam non quaesitus constitit ante oculos.
 Exiliq₃, mystiq₃, metu perterrita gaudens
 Vix potui proprijs credere luminibus.
 Et, Tène afficio, mea lux, mea vita: volentem
 Dicere, vox hærens faucibus impedit.
 Qualis vbi viso coniux inopina marito,
 (Quem mendax tulerat rumor obisse diem)
 Obstupet ac visâ veluti percullitur umbrâ.
 Optantemq₃, loqui, pallida facta, fugit.
 Nec nisi iam noto reducis fidentior ore,
 Audet in amplexus coniugis ire sui:

Tumq̄ veretur adhuc, ne se malè credula fallat,
 Inq̄ fidem leuior decipiatur amor:
 Sic ego, dum trepido red:ère in pectore vires,
 Teq̄ iterum ante oculos, Sponse, reuifio meos;
 Subdubitan. speransq̄, timensq̄ & amore fatiscens,
 Túne es, quem video, clamo, vel vmbra tui?
 Ah Sponse! ah non es! non es, quem diligo, non es!
 Imò es quid dubito? numquid es? haud dubito.
 O mea lux, video, te nunc video, mea vita;
 Nil vltra dubito, lux mea, te video.
 Agnoscentq̄, tui vocem presentis & ora,
 Inuolo. in amplexus, Sponse reperte, tuos.
 Iamq̄ ego te, teneo, neque per vaga compita queram,
 Ludibrium vigili, nocte futura gregi.
 O mea si geminis mutantur brachia vinclis,
 Atque manus manicis, compedibusq̄ pedes!
 Quàm te complicitis, mea lux amplecterer vlnis!
 Arctius amplexu, vitis & vlme, tuo,
 Arctius anguipedum manibus, pedibusq̄ hederarũ,
 Queis obit annosas herba marita domos.
 Sed neque te nostri lassent, mea vita, laterti,
 Sapè nec errantes per tua colla manus:
 Longa Tui subeat, mea lux, absentia mentem,
 Nec nisi pensari tempore posse putes.
 Ah citò tam longi quereris compendia damni.
 Vix ego iam cœpi, tu satur, ecce, fugis.
 Non ita discedes non tam citò liber abibis;
 Non nisi pugnando viceris, effugis.

*Num quem diligit anima mea vidistis?
Paullulum cum pertransissem eos, inueni
quem diligit anima mea. Tenui eum,
nec dimittam. Cant. 3.*

Bern, ser.
79. in Cât.

O AMOR præceptus, vehemens, flagrans, impetuose! qui præter te, aliud cogitare non sinis, fastidis cætera, contemnis omnia, præter te, te contentus: confundis ordines, dissimulas vsum, modum ignoras. Totum quod opportunitatis, quod rationis, quod pudoris, quod consilij, iudiciue videtur, triumphas in temetipso, & redigis in captiuitatem. En omne quod cogitat ista & loquitur, te sonat, te redolet, & aliud nihil. ita tibi, ipsius & cor vendicasti & linguam. Ait: *Num quem diligit anima mea vidistis?* quasi verò hi sciât, quid cogitet ipsa! Quem diligit anima tua de ipso sciscitaris? & non habet nomen? Quænam verò tu, & ille quis?

Nyfl ora.
12. in Cât.

Quo pacto inueniri posset, quod nullæ res nobis cognite ostendere possunt? nō forma, non color, non circumscriptio, nō qualitas, non locus, non figura, non coniectura, non adsimilatio, non proportio; sed quod semper extra omnem perceptionis viam positum, comprehensionem peruestigantium planè fugit. Propterea, inquit, *quasi in eum*, per animæ facultates eas quæ inueniendi vi præditæ sunt; per ratiocinationes & cogitationes:

nes: at extra hæc omnia positus erat, accessum mentis propiorem effugiens. Qui verò semper reperitur omni notâ carere, de quâ possit agnosci, quo pacto queat is per indicationem aliquam vocum percipi?

[Sed] sicut Coniux amatrix viri, absente marito suo, per fenestras circumspicit, ipsum requirens, & ubique specularans, in mari & in terrâ; etsi viderit nauem venientem, ibi suum putat esse virum; & si viderit viatores procul venientes, inter ipsos adesse existimat, & occurrens eis, interrogat dicens: Dicit mihi ubi eum dimiseritis, in quâ regione, aut in quâ ciuitate? quid dicentem, aut quid facientem, aut quando venientem? in hunc modum, omnis sancta [anima] constrieta amore CHRISTI interrogat: *Dicite mihi, vbi pascit, vbi cubat, quem diligit anima mea?*

Chrysost.
homil. de
virtute.

Iam optas videre quem amas, cui nunc blandiris, & nunc ad amoris & desiderij intentionem suauiter illum peruestigas, nunc moras accusas, nunc te cernis contemptum, nunc te visitatione confiteris indignum, & iterum de eius, (totiens expertus) bonitate præsumis, nunc quasi vterius non sustineas, spirituali quodam litigio vel luctamine euincere retardantem conaris. Quæ tunc lacrymæ? qui gemitus? quæ suspiria? quæ voces? nunc oculi fletu graues, cum intimis singultibus erigun-

Bernard.
hom. in fr.
8. Epiph.

tur ad cœlum; nunc manus extenduntur & brachia, nunc pectoris contusione animæ tarditas accusatur. Proferuntur interim verba sine principio, sine fine, quorum nec sententiæ cohærent sibi, nec rationes similes sunt, nec alicuius linguæ sensus vel idioma seruatur; quando vox aliquando respondet affectui, & iterum vocem affectus intercipit. Gaudet certè pius ille IESVS tali certamine superari.

S. Greg. in
Psal. pœn.

Supereft itaque vt ad eū recurrat, in quo solo vera est cōsolatio, & per istius vitæ noctes, in lectulo cordis DEVM quærat; Quem si primò non inuenit, magis ad quærendum animetur, surgat ad amorem cœlestium; ciuitatem circumeat exultatione vniuersę terræ fundatam; interroget vigiles, qui custodiunt Ecclesiam, nudetur pallio sæcularis ornatus, & charitatis sagittâ interiùs vulneretur. Nec priùs à quærendo desistat, quàm mœrentium consolatorem inueniat. Inuentum autem summoperè teneat, donec redemptus ope adiutricis gratiæ, à conscientiæ eripiatur tribulatione.

Orig. hō.
1. in Cant.

Est enim quidam spiritalis amplexus, atque vtinam contingat, vt meam Spōsam aliorum Sponsi amplexus includat, vt ego quoque possim dicere, quod in eodem libro scriptum est: *Sinistra eius sub capite meo, & dextera illius amplexabitur me!*

Quid

Quid hoc tenacius glutino, quod nec a- Bern. ser.
 quis elucitur, nec ventis dissoluitur, nec scin- 79. in Cât.
 ditur gladijs? Deniq; *aque multa non poterunt
 extinguere charitatem. Tenui eum nec dimittā.* Et
 sanctus Patriarcha: *Nonte, inquit, dimittam,
 nisi benedixeris mihi:* Ista non vult eum dimit-
 tere: & fortè magis quàm Patriarcha id non
 vult, quia nec pro benedictione quidem; si-
 quidem ille, benedictione acceptā, dimisit
 eum: hæc autem non sic, *Nolo, inquit, be-
 nedictionem tuam, sed te. Quid enim mihi est
 in calo, & à te quid volui super terram?* non di-
 mittā te, nec si benedixeris mihi. *Tenui eū, nec
 dimittā.* Nec minùs forsitan ille teneri vult,
 cùm perhibeat dicens: *Delicia mea esse cum fi-
 liis hominum.* Quod quæ pollicens ait: *Ecce ego
 vobiscum sum, vsque ad consummationem sæculi:*
 quid hâc copulâ fortius, quæ vna, duorum
 tam vehementi voluntate fundata est? sed
 nihilominùs, illa vicissim tenetur ab eo
 quem tenet; cui a'libi dicit: *Tenuisti manum
 dexteram meam.* Quæ tenetur & tenet, quo-
 modo iam cadere potest? tenet fidei firmi-
 tate, tenet deuotionis affectu. At nequa-
 quam diu teneret, si non teneretur. Tenetur
 autem potentiâ & misericordiâ Domini.
Tenui eum, nec dimittam.

Inueniam [& ego] Te desiderium cordis Aug. solilo
cap. 1.
 mei, teneam Te, amor animæ meæ, ample-
 ctar Te sponse cœlestis, exultatio mea sum-

ma, intus & extra, possideam. Te beatitudo sempiterna, possideam. Te in medio cordis mei, vita beata, dulcedo summa anima mea!

Aug. med.

● p. 37.

Ecce quod concupiui iam video, quod speraui iam teneo, quod desiderauim iam habeo; illi namque in cœlis iunctus sum, quem in terris positus totâ virtute dilexi, totâ caritate amplexus sum, cui toto amore inhæsi, ipsum laudo, benedico, atque adoro.

Beda in
c. 3. Cant.

Tantò instantiùs inuentum tenui, quantò tardiùs, quem quærebam, inueni.

Orig. ho.
10. in di-
uers.

O pijsissime Domine & dulcissime Magister! quàm bonus es his, qui recto sunt corde, & humiles sunt spiritu! ô quàm beati, qui in simplicitate cordis quærunt te, & quàm felices qui sperant in te! Verum certè est. & indubitanter verum, quòd tu diligis omnes diligentes te, & numquam derelinquis sperantes in te. Ecce enim dilectrix tua simpliciter quærebat te, & veraciter inuenit te. Sperabat in te, & non est derelicta à te, sed plus est consecuta per te, quàm expectârat à te.

Aug. foliolo
cap. 38.

Gratias Tibi, lux mea, quoniam illuminasti me, & inueni Te, & me, vbi inueni me, vbi cognoui me, ibi inueni Te, ibi cognoui Te; vbi autem cognoui Te, ibi illuminasti me.

XIII.

Mihi autem adhærere Deo bonum
est, ponere in Domino Deo spem
meam. *Psalm. 72.*

Quam mea, per varios, vita est exercita casus!
Ut pila, percussu pulsa, repulsa manus.
Munera belligeri primum placuere Gradiui,
Armaq; spe laudis, sanguinolenta tuli.
Arma dabant animos, & erat spes omnis in armis,
Ceu foret hæc votis meta futura meis
Sape vigil tetricas traduxit cantibus horas,
Et custos specula tædia longa tuli.
Nec semel admonitu fraus hostilica prodita nostro est,
Cum signum toties, ore, vel are dedi.
Addidici septis fossam producere castris,
Et sude præfixas impedisse vias.
Quin etiam subita faciem componere pugna,
Et trepidis animos addere, voce, globis.
Denique non tenuit belli quis certius artes,
Militis auxilio seu Ducis esset opus.
Ah, quoties Libycas præsit pes lassus arenas,
Et cecidit madidis sudor in ora comis!
Collaq; magnanimus tinxit fumantia puluis,
Nec tamen vnda, sitim qua recrearet, erat.
Ah quoties gelidos fluviorum innuimus alueos.
Aere grauante humeros, are graua ante caput!
Oraq; pressatos retinebant mordicus enses,
Nando per obstant es cum veheremur aquas.

Bellantem tenuit iam tot me Mars piter annis,
 Principioq₃ pedes, sine merebar eques:
 Quoq₃ tegor, decimâ fuit ictus arundine thorax,
 Laesaq₃ sunt totidem cassis & umbo locis.
 Lethifero cecidit sonipes mihi tertius ictu,
 Crista quater, galeae cuspidè, raptâ fuit.
 Quin animam præceps in aperta pericula misi,
 Dum nimis hostili dextera cade calet.
 Nulla tamen nostro tunc sunt data vulnèra tergo,
 Omne sed aduerso pectore vulnus erat.
 Nempe gradum tenuit, contra ferrumq₃, factisq₃
 Telaq₃ præcipiti grandine plura tuli.
 Perq₃ meo factos gladio spatiabar acervos,
 Imposito subigens corpora strata pede.
 Quis putet, hoc tantis caput insuperabile bellis,
 Non etiam bellis, vota tulisse suis?
 Heu mihi! post partâs proprio tot sanguine lauros,
 Post tot ad infernos funera missa lacus;
 Post toties meritas gladio victore coronas,
 Post tot fixa tuo signa, Gradine, tholo:
 Vna tot egregios deleuit culpa triumphos,
 Nec fuit vlla super nominis umbra mei:
 Et grauis in pœnam me diruit ære Tribunus,
 Iussit & incincto turpiter ire sago.
 Gloria quin odijs popularibus obruta vertit,
 Sic cecidit tanto Marte petitus honos.
 O vtinam potius pro te, Deus, arma tulissem!
 Non ita cassa suis laudibus arma forent.
 Te super, intrepidâ melius spe, vota locantur,
 Vt fundat trepidas anchora fida rates.

Ergo suum Odryfio positum suspendimus ensem,
 Aeraq; sunt curuâ iussa valere tuba.
 Tum lucra, tum vigiles, lucro arrisere tabernæ,
 Vnaq; Mercurio cura litasse fuit.
 Tum piper & lanæ lydo reparauimus auro,
 Veximus & grauidâ grana, meruinq; trabe.
 Nostraq; Barbaricos tetigerunt lintea portus,
 Et sinus inuectâ vix sine merce fuit.
 Scilicet, è minimâ magnum re cogere quæstum,
 Maximus hâc studij parte triumphus erat.
 Creuerat aggestis iam densa pecunia nummis,
 Nec domus immensas arctat enebat opes.
 Classis & ambustus onerata redibat ab Indis,
 Sed periit, patrijs proxima classis aquis.
 Plurimus implebat tabulas mihi debitor ambas,
 Credit a periurus debitor esse negat.
 Ergo velut liquidis sal crescit & interit vndis,
 Vt creuistis opes, sic perijstis opes.
 O quanto placidos tranquillius exigit annos,
 Qui neque lucra cupit, qui neque bella mouet!
 Diues Athlantiade, tua linquo negotia, dixi,
 Nulla mihi vestrâ merce redempta quies.
 Quid facerem, toties frustrantibus omnia votis,
 Marte negante decus, Mercurioq; fidem?
 Regis in ignotam subrepse nobilis aulam;
 Magnaq; mox regi fama relata mei est.
 Et vocor, & videor, placidoq; arrideor ore;
 Dumq; loquor, pronâ Principis aure fruor.
 Nescio quid fuerit, quod Rex ita cepit amare;
 Non fuit hoc meriti, sed magè sortis opus.

Seu fuerit virtus, seu fors, seu Regius error,
 Maximus exiguo tempore creuit amor.
 Sæpè diem nocti coniunximus, inq₃, loquendo,
 Non fuerat visus præcipitasse dies.
 Sæpè domi tacitas lusu traduximus horas,
 Vnaq₃ sæpè foris mensa duobus erat.
 Non ita Scianum Latia fauor extulit Aula;
 Clitus Alexandro non ita carus erat.
 Commodus haud tantū potuit tribuisse Cleandro,
 Aut Constantini plus amor Ablauio.
 Iamq₃ suâ fateor, fauor hic, nouitate placebat,
 (Vt propè non solita res nouitate placent)
 Aulag₃ felicem felicem turba vocabat,
 Quod mihi tanta Ducis gracia parta foret.
 Vah! nimis insidis subnixæ potentia sceptris,
 Que minimo sortis turbine versa ruit!
 Ecce, minax tetricos cœpit Rex ducere vultus,
 Nec tamen est vitio gratia lesa meo.
 Hei nihil cœptus amor, subitam se vertit in iram,
 Hostis & è patrio cogor abire solo.
 Et veteres auxi casu, noua fabula fastos;
 Fabula sic elegis triste canenda meis.
 Arcadij Eutropius, Stilico rediuiuus Honori,
 Et Constantini Cesaris Ablauius;
 Clitus Alexandri, Tiberi Scianus, imago
 Heu nimis historia vera fuere mea!
 O Deus! ô quando tranquillius exigit auum,
 Qui locat in sceptris votag₃, spēsq₃ tuis!

*Mihi autem adherere Deo bonum est: po-
nere in Domino Deo spem meam.*

Psalm. 72.

COR humanum in desiderio æternita-
tis non fixum, numquam stabile po-
test esse: sed omni volubilitate volubilius
de alio in aliud transit, quærens requiem,
vbi non est. In his autem caducis & transi-
torijs, in quibus eius affectus captiui tenen-
tur, veram requiem inuenire non valet, quo-
niam tantæ est dignitatis, vt nullum bonum
præter summum bonum, ei sufficere possit.

Aug. med.
cap. 25.

[Et ego] aliud & aliud sequebar, & à nullo
implebar: dum non in me inueniebam te,
incommutabile & singulare, indiuisum, v-
num bonum, quod consequutus, non egeo;
quod consequutus, non doleo; quod possi-
dens, satiatur totum desiderium meum.

Aug. solilo
cap. 73.

[Sed nunc] nihil mihi tam dulce quàm
cum Domino meo esse. *Mihi autem adherere
Deo bonum est.* Da mihi, Domine, donec his
fragilibus assisto membris, tibi adherere, sicut
scriptum est, *qui adheret Domino, vnus spiritus
est cum eo.*

Aug. med.
c. 37.

Eligant alij militiam, alij aduocationem,
alij diuersas variasque doctrinas, alij nego-
tiationem, alij agriculturam, *mihi autem adhe-
rere Deo bonum est.* Deo adhærere nihil est me-

August. in
Psalm. 72.

lius, quando, eum videbimus facie ad faciē: modò ergo quid? quia adhuc peregrinus loquor. *Adherere Deo bonum est*; sed modò in peregrinatione, quia nondum venit res: *ponere in Deo spem meam*. Quamdiu ergo nondum adhælisti, ibi pone spem. Fluctuas? præmitte ad terram hanc anchoram. Nondum hæres per præsentiam? inhære per spem: & quid hic ages, ponens in Deo spem tuam? quod erit negotium tuum, nisi vt laudes, quem diligis? Ecce si amates Aurigam, non raperes cæteros vt tecum amarent? Amator Aurigæ quacumque transit, loquitur de illo, vt eum ament & cæteri.

Basil. in
Psal. 61.

Diuitia si affluant, nolite cor apponere. Fluxa est diuitiarum natura, suos possessores, oceanus torrente prærapido, prætercurrit; alios aliò modo, apta mutare Dominos. Hodie huius est ager, cras erit alterius, & paullo post ad alium perueniet. Respice parumper ad ciuitatis domos; quot nomina ex eo tempore, quo fuerunt ædificatæ, fortitæ sunt, aliter ab alijs atque alijs appellatæ possessoribus? Et aurum è manibus habentis se, fluens semper ad alium transfertur; & ab illo, ad alium; magis enim aquam manu circumplexam retinere continenter possis, quam diuitias conseruare tibi ipsi.

Iusto.

Iustorum iudicio (qualibet bona adfuerint) cum sanctis desiderijs æstuant, bona minimè videntur. vnde Dauid Propheta, qui Regni diuitijs, m'risque obsequijs fulciebatur, quamuis & hæc ad necessitatem bona esse conspiceret, vni tamen singulariter bono inhians æstuat, dicens: *mihî autem adharere Deo bonum est.*

Greg. homil. 4. in Euang.

Sit ergo Dominus Deus spes tua, non aliquid aliud à Domino Deo tuo speres: sed ipse Dominus tuus sit spes tua. Namque multi de Deo sperant pecuniam; multi de Deo sperant caducos honores & perituros; aliud quodlibet à Deo, præter ipsum Deum, sed tu ipsum Deum tuum pete. Relinque omnes amores, pulchrior est ille qui fecit cælum & terram, *Beatus vir cuius est nomen Domini spes eius, & non respexit in vanitates & insanas mendaces.*

Aug. in Pfal. 39.

Sicut autem nemo potest duobus Dominis seruire, ita nemo potest in duobus Dominis sperare. Nemo potest in incerto diuitiarum sperare, & in Domino. Nemo potest sperare in Principibus, & in Deo. Nemo potest sperare in viribus equi, & in Deo. Nemo potest sperare in sæculo, & in Deo. Nisi enim in solo Deo speraueris, & videat Deus spem tuam, in sæculum æternum esse conuersam, & quia aliam nullam omninò spergeris, nisi in ipso, qui viuificat mortuos, &

Orig. in Pfal. 36. hom. 5.

vocat,

vocat, quæ non sunt, non poteris eripi à peccatoribus. Solus est enim ipse qui saluos facit sperantes in se.

Basil. in
reg. fufius
disp. q. 42.

Huic qui in homine spem ponit, magno-
perè est metuendum, ne in execrationem
illam incidat: *Maledictus homo, qui confidit in
homine, & fulcit carnem brachij sui, & defecit à
Domino anima eius.* Quæ verba cum dicunt,
Qui confidit in homine, illud præcipiunt; ne-
quaquam in altero spem poni debere. cum
autem, *& fulcit carnem brachij sui*; in se, sui
habendam fiduciam verant.

Bern. serm.
9.
Beat. qui
habu.

Quidquid igitur agendum sit, quid quid
declinandum, quid quid tolerandum, quid-
quid optandum. Tu es Domine, spes mea.
hæc vna mihi omnium promissionum caus-
sa; hæc tota ratio meæ expectationis. Præ-
tendat alter meritum; sustinere se iactet pò-
dus diei & æstus; ieiunare bis in sabatho di-
cat, postremò non esse sicut cæteri homi-
num gloriatur; *mihî autem adherere Deo bonum
est, ponere in Domino Deo spem meam.* Sperent in
alijs alij; fortè hic in scientiâ litterarum; hic
in astutiâ sæculi; ille in nobilitate; ille in dig-
nitate; ille in aliâ qualibet vanitate cõfidat;
propter te, *omnia detrimenta feci, & vt sterora
arbitror: quoniam tu es Domine spes mea.* Speret,
qui vult, *in incerto diuitiarum*; ego verò ne ip-
sa quidem, nisi abs te victui necessaria spe-
ro. Si mihi præmia promittuntur, per te ob-
tinenda

rinenda sperabo. Si insurgant aduersum me
 prælia, si læuiat mundus, si fremat malignus,
 si ipsa caro aduersus spiritum concupiscat, in
 te ego sperabo. Quid cunctamur abijcere
 omnino spes miseras, vanas, inutiles, sedu-
 ctorias, & huic vni, tam solidæ, tam perfe-
 ctæ, tam beatæ spei, totâ deuotione animi,
 toto feruore spiritus, inhærere? si quid illa
 impossibile, si quid vel difficile est, quære
 aliud in quo speres.

Fortissimum solatium habeamus, qui confugi- Heb. 6.
mus ad tenendam propositam spem: quam sicut an-
coram habeamus animæ tutam ac firmam.

Iam spem quasi ancoram [præmissimus] Aug. in
 ne in isto mari turbati, naufragemur. Quæ- Psal. 64.
 admodum enim de nauis quæ in ancotis
 est, rectè dicimus quod iam in terrâ sit,
 adhuc tamen fluctuat, sed in terrâ quo-
 dammodoeducta est contra ventos, & con-
 tra tempestates; sic contra tentationes hu-
 ius peregrinationis nostræ, spes nostra fun-
 data, facit nos non abripi in saxa.

Adhæreat, quæso, Domine, anima mea post-
te, suscipiat me dextera tua; sustollat me su-
per altitudinem terræ, & cibet me illâ cæle-
sti hæreditate, cui suspirat peregrinatio mea
die ac nocte.



Sub umbra illius quem desideraueram, sedi.
Cantic. 2.

XIV.

Sub vmbra illius, quem desideraueram, sedi. *Cant. 2.*

Fors iter ignotas longum meditabar in oras,
 Et bona iam coepit pars erat acta via.
 Vig. solet lassus metam spectare viator,
 Credebam spatij pauca deesse meis.
 Ut coepi reliquos metiri prouida passus,
 Maius erat medio, quod superabat, iter.
 Hei mihi! tum refuga ceciderunt corpore vires,
 Totq; nimis durus, millia visa labor.
 Ergo oculos caelo miserâ cum voce tetendi,
 Ferret an hinc aliquis, voce vocatus, opem?
 Et mihi, quis, dixi, dabit hisce sub aestibus vmbra
 Solis ab infesto verberor igne caput.
 Aspice, sub plantis quam serueat arida tellus,
 Siccâq; semustos vrat arena pedes.
 O nemora! ô rigua. frondosa cacumina, sylvae!
 O latebra! ô fontes! arborea q; domus!
 O vnam, virides pandat mihi populus alas,
 Aut caput hoc, mali fronde comante tegar!
 Audijt ille meas solitus lenire querelas,
 Cuius erat toties vmbra petita mihi.
 Et scio, quod properas, scio, quas, aut, arripis oras;
 Et scio, quam toties anxia poscis opem:
 Celestis Solyma longinquam tendis in urbem,
 Quamq; agis in terris, huc tibi, vita, via est.

Iamq̄, grauat longi te tanta molestia cursus,
 Et cuperes Mali fronde virente tegi.
 Ecce tuis venio sperata laboribus vmbra,
 Quamq̄, voues placido tegmine, Malus ero.
 Aspicias haerentes funestâ ex arbore palmas,
 Quosq̄, fodit geminos cuspis acuta pedes?
 Aspicias innumero laniatum vulnere corpus?
 Aspicias? heu vix est corporis vmbra mei.
 Hac tibi quæsitam fessa dabit vmbra quietem,
 Portus & in duris, hac tibi Malus, erit.
 Dixerat, & vires subito rediére iacenti,
 Tanta loquente Deo, visq̄, vigorq̄, fuit.
 Tunc ego suspiciens, in Sponsum lumina fixi:
 Hei mihi, suspensus de Cruce Sponsus erat!
 Et qualis, Spôse, inquâ, hæc est, quam tristis imago?
 Hæcine erit capiti Malus aprica meo?
 Hæc ego sanguineâ languens residebo sub vmbra
 Tu, crucis infami stipite fixus eris?
 O mala Malus! & infelix, quæ te manus vniquam
 Fixit humo! manus hæc, cæde cruenta fuit.
 Attamen hæc letos Malus iacit ardua ramos,
 Vtq̄, cubent, placidos vmbra dat apta toros;
 Vmbra dat apta toros, sed non tamen apta sopori!
 Ah! magis hæc lacrymas, Malus & vmbra petunt.
 O bona Malus! & ô felix, quæ te manus vniquam
 Fixit humo, hanc fidus iam decet esse manum.
 Ah video, cui te similem, mi Spôse, vocabo;
 Sæpe mihi vmbri fera munere sancte domus.
 Qualisonusta rubris latè sua brachia pomis
 Spargit, & apta siti munera Malus habet;

Exsupere

Exsuperatq; suas, numerosâ fruge sorores,
 Vna nemus lastis, hospitibusq; penus:
 Talis es astutus mihi, Sponse, caloribus vmbra;
 Lymphaq; dum sitio, dum fameoq; cibis.
 O quoties ego te! quoties, mi Sponse, vocavi,
 Vt semel illa meum conderet vmbra caput!
 Hic ego, si liceat, dixi, gemebunda sebedo;
 Vt sedet amisso mæsta columba viro.
 Et modò purpurei concreto sanguine crine,
 Et modò materies, labra, doloris erunt.
 Nunc oculi ante oculos, nunc frons, nunc pendula
 ceruix,
 Nunc os, nunc atro barba cruore madens.
 O quoties latus hoc, lacrymansq; gemensq; videbo!
 Ne videam, lacrymis impediatarq; meis!
 Multa tamen dabit hoc vnū mihi vulnera, vulnus,
 Saucia dum geminos labar ad vsque pedes.
 Tuncq; iterum amplexu lignum lacrymabile strin-
 gens,
 Subscribam hac plantis verba suprema tuis:
 En duo qui caussam præbent sibi mortis, Amantes;
 Mergitur hac lacrymis, ignibus ille perit.

*Sed umbrâ illius, quem desideraueram
sedi, Cant. 2.*

Orig. hō.
3. in Cant.
Orig. ibid.

A MORIS enim vulnere percussa arborum solatia sylvarumque sectatur.

Sicut[namque] arbor meli inter reliqua ligna syluæ, sic est sponsus inter reliquos filios, habens fructum, qui non solum sapore omnes, sed & odore præcellat; & duos animæ sensus: id est gustum & odoratum reficiat: diuersis namque copijs mensam suam nobis præparat sapientia, in quâ non solum panem vitæ apponit, sed immolat carnes verbi; & non solum miscet in cratere suo vinum, sed & mela adhihet odorata & dulcia, quæ non tantum in ore & labijs suauitatem reddant, sed & interioribus tradita faucibus dulcedinem seruent.

Nyfl. in
orat. 4. in
Cant.

Is enim qui in syluâ naturæ nostræ, ob suam erga genus humanum benevolentiam germinauit, eo ipso quod carnis ac sanguinis particeps factus est, quasi malum quoddam existit. Nam in hoc fructu videre est quiddam, quod cum utroque, nimirum, carne ac sanguine, similitudinem aliquam habeat: etenim ratione coloris subalbi; carni quod proprium est imitatur; rubedinis specie cognatio quasi quædam cum sanguinis naturâ indicatur.

Merito

Meritò ergo eius desiderauerat umbram, Bern. serm. 48. in Cat.
 de quo & refrigerium esset & refectiorem pariter acceptura. Nam cætera quidem syluarum ligna etsi umbram solatij habent, sed non vitæ refectiõne, non fructus perpetuos salutis, vnus est etenim vitæ auctor, vnus mediator Dei & hominum homo CHRISTVS IESVS, qui dicit sponsæ suæ: *Salus tua ego sum.* Propterea ergo CHRISTI potissimum desiderauerat umbram; quòd solus sit, qui non solum ab æstu refrigerat vitiorum, sed & replet delectatione virtutũ. *Sub umbrâ eius quem desideraueram sedi.* umbra eius, caro eius.

Quis enim posset sustinere Solem iustitiæ nudum? quis non consumeretur ardentibus radijs eius? assumpsit ergo Soli iustitiæ hominem mediatorem, & ita ex coniunctione solis & humani corporis facta est umbra.

CHRISTVS ergo affixus ad lignum, sicut Ambr. in Psal. 118. Oton. 5.
malum pendens in arbore, bonum odorẽ mundanæ fundebat redemptionis; quæ peccati grauem derexit fœtorem & vnguẽtum potus vitalis effudit. *Tanquam malum*, inquit, *in lignis syluæ, ita consobrinus meus in medio filiorum.* *In umbrâ eius concupiui & sedi.* Bona umbra, quæ nos ab iniquitatis sole defendit, & *fructus eius dulcis in faucibus meis.* Quis fructus eius dulcis, nisi prædicatio Dominicæ passionis?

Ambr. in
Psal. 118.
Oâton, 3.

Nathanaël *sub arbore ficæ* videtur; David, *in vmbra alarum Domini* IESV sperare se dicit; Zacchæus *in arborem ficomori* ascendit, vt CHRISTVM videret. Nobis quoque expandit manus suas IESVS, vt totum mundum obumbraret. quomodo non sumus in *vmbrâ*, qui Crucis eius protegimur velameto? quomodo non sumus in *vmbrâ*, quos crucifixus à malignitate sæculi, & corporis ardore defendit.

Idem ibid.
Oâ, 4.

Hâc *vmbrâ* David protegi se postulabat, ne eum *per diem Sol vreret vel luna per noctem*. Hanc *vmbram* spiritualis ministrat gratia, torrida sæculi huius, & mundi æstiva fugientibus. In hâc ergo *requiescamus vmbra*, peccatorum nostrorum æstibus fatigati; si quos adussit libido, hos Domini Crux refrigeret, in quâ se reclinauit, vt nostra delicta susciperet.

Hon. apud
Deiz. in c.
2. Cant.

Vmbra sit ex corpore & luce, & est itinerantium refrigerium ab æstu, & protectio à tempestate. Arbor vitæ, scilicet *malus*, est *sancta Crux*: fructus eius, *Christus*; *umbra*, tutela vel refrigerium humani generis, quod graui onere peccatorum per æstum concupiscentiæ premebatur.

Greg. in c.
2. Cant.

Vmbra Christi [siquidem] omnem tentationum feruorem temperat, & dum aura suæ inspirationis suauiter mentem tangit, quicquid noxij caloris sustinebat, expellit, & quam

& quam iam forsitan nimius vitiorum æstus marcidam fecerat, vmbra sancti Spiritus, protegens recreat, vt dum in eius inspiratione sedens pausat, vires colligat, quibus ad æternam vitam robustiùs currat.

Per *vmbram* ex supernâ protectione refrigerium cordis exprimitur. Sicut Sponsa in Canticis Cant. aduentum Sponsi præstolata prænunciat, dicens: *Sub vmbra illius quem desideraueram sedi*, ac si dicat: ab æstu carnalium desideriorum, sub aduentu illius protectione requeui.

Greg. l. 33.
mor. c. 3 in
c. 40. lob.

Nonne meritò sub arboris huius vmbra sedit genus humanum, quod per esum ligni scientiæ boni & mali paradysum amiserat? graue onus peccatorum in æstu vitiorum portabat, quod deorsum in præcipitium tormentorum trahebat, & idedò ad arborem vitæ IESVM CHRISTVM festinabat.

Honor.
apud Delz.
cap. 2.

Tu ergo, vide, vt viuas in vmbra eius, vt quandoque & regnes in lumine eius. Non enim tantum vmbra habet, habet & lucem.

Bern. ser.
48. in Cât.

Apostolus dicit: legem, vmbra habere futurorum bonorum, & omnem veterem culturam vmbra & exemplar pronunciat esse cælestium. Nos autem alieni sumus ab vmbra eorum quoniam non sumus sub lege, sed sub gratiâ, sed quamuis non sumus sub vmbra illa, sumus tamen sub vmbra

Orig. hom.
3. in Cant.

meliore; in vmbra enim CHRISTI viuimus inter gentes.

Ibidem.

Et meritò Sponsa sub meli vmbra sedere concupiscit; sine dubio, vt vitæ, quæ est in eius vmbra, particeps fiat, videtur omnis [quoque] anima, donec in præsentî vitâ est, vmbra habere necessariam, propter illum, credo, ardorem Solis, qui cum exortus fuerit, continud semen, quod non altâ radice demersum est, arescit & deperit.

Bern ser.
52. in Cât.

Sed fortasse felicius aliquid ista expectam se gloriatur in eo quod se in vmbra dicit non (vt Propheta) viuere, sed sedisse; sedere enim quiescere est. Plus autem est quiescere in vmbra quàm viuere; sicut viuere plus est quàm tantummodò esse in eâ. Igitur quod est commune multorum, Propheta assumens sibi; *in vmbra eius viuimus*, inquit; sponsa verò, habens prærogatiuam, etiam quod sub eâ singulariter *sedet* gloriatur, vbi itaque nos cum labore viuimus, qui conscij peccatorum sub timore seruimus, ibi hæc deuota & amans suauiter requiescit. Denique timor pœnam habet, amor suauitatem, vnde ait; *Et fructus eius dulcis gutturi meo*; gustum contemplationis significans, quem obtinuerat per amorem suauiter subleuata. Ast istud, *in vmbra*, quia, *per speculum & in enigmate*, erit cum *declinauerint*

clinauerint umbra crescente lumine, imò penitus disparuerint, & subintrabit sicut perspicua ita & perpetua visio, eritque non modò suauitas gutturi, sed & satietas ventri, sine fastidio tamen: sub umbrâ eius quem desideraueram sedi, & fructus eius dulcis gutturi meo.

In te ergo, dulcissime Domine IESV, quiescat mens nostra, & à te, nec ad modicum separetur. Stultissimum quidem est, etiam nobilissimo & iucundissimo loco exire. Quomodo audemus, nisi dulcissimum sponsum inspicere, ne subtrahatur à nobis? quid, quæso, nos mouet, aliud intueri? quomodo omnia non desipiunt & desipiuntur?

Bonau. 2.
part. sti-
mul. c. 8.

Confugiat, Domine, mens mea, *sub umbrâ alarum tuarum*, ab ætibus cogitationum huius sæculi; vt in tui refrigerij temperamento absconsa, lætabunda canet, & dicat: *In pace in idipsum dormiam & requiescam.*

Aug. med.
cap. 37.



*Quomodo cantabimus canticum Domini, in terra
aliena? Psal. 136.*

30.

XV.

Quomodo cantabimus canticum
Domini in terrâ alienâ. *Psal.* 136.

Quid toties cantus iterare iubetis amici,
Seu lubeat digitis, seu iuuet ore loqui?
Lætitiam cantus possunt, animiq; quietem,
Turbida cum mens est, os digitiq; dolent,
Quin magis cantandū cū mens iacet agra, monet is;
Tuncq; opus esse lyrâ, tuncq; opus esse chely.
Nempe suo nimium ne mersa dolore laboret,
Aut intenta suis, sit nimis ipsa malis:
Quid quod opem certa promittitis vsque medela,
Vestra nec exemplo dicta probante carent;
Dicitis hanc causam cur lassus nauita canet,
Sollicitat celeri cum freta lenta manu.
Quiq; gregem virides pascendum ducit in agros,
Non, nisi ne nimium sit mora longa, canit.
Et canit ut fallat fastidia longa viator,
Miles & ut canet, noxq; laborq; facit.
Non ego, quod faciunt, miles, nauta, atque viator,
Quodq; facit pastor, damno rebellis opus.
Adde quod & Dominus iam dudū assueta querelis,
Ad solitos gemitus plus mea lingua valet;
Vixq; retentanti iam carmina prisca subibant,
Musica quin etiam res mihi visa noua est.
Viq; timet longo veniens è carcere Solem;
Sic mea lætitiâ lingua modosq; timer.

Ad numeros quoties fuit impetus ire relictos,
 Aut solitam digitis sollicitare chelym;
 Aut docto querulas impellere pectine chordas,
 Aut mollem articulis increpuisse lyrain;
 Aut leue ceratis modulari carmen auenis,
 Aut voci liquidas associare fides.
 Heultories lacrymae sunt, me tentante, profusa,
 Et lacrymis, digiti, voxq; retenta fuit.
 Mox luctata iterum cantu deducere vocem,
 Et querulâ digitos attenuasse lyrâ;
 Nequicquam aduersis sensi me tendere Musis,
 Vlla nec est nostrâ barbitos ista manu.
 Interea lor gâ iam desuetudine pigrâ,
 Artem dediticet voxq; manusq; suau.
 Nec si nunc studium grauitatis inane retentem,
 Molestant studio tristia fata meo.
 Esto, sciam leuib; tamen addere carmina neruis;
 Aptaq; mutandis sit mihi lingua sonis;
 Et vincam Aonias digitis aut gutture Diuas,
 Et mea sit melior, Marsia, Canna tuâ,
 Panag; multiflorem cogam submittere buxum,
 Et superem Thresse stamina docta lyra:
 Questibus, an cantu videor debere teneri,
 Maxima cui flendi copia semper adest?
 Ah! bene, ne cantem, mihi per mala plurima cantum
 Vertit & in morem, iam mihi pene dolor. (est;
 Nec locus, vt cantem, patitur, neque tēpora profunt;
 Vtq; locus sinat aut tempora, mæror obest.
 Quid? vultis patriâ procul à tellure iacentem,
 Externo patrios orbe sonare modos?

Parcite,

Parcite, fortuna nimis exulis ista repugnant:
 Non est conueniens cantibus ille locus.
 Exul & à patrio tam longè distita Cœlo,
 Impellam patriæ dulcia sîla lyra?
 Parcite tam miserum fortune vulnus habenti;
 Cantandi, externo nulla libido sola est.
 Tristia stabilibus manant mihi lumina riuus,
 Et videor festam posse ferire chelym?
 Semper in obtutu vigilat mens fixa malorum,
 Et cytharâ videor posse, vel ore loqui?
 Heu! nimis insistunt præsentî pectora fato.
 Et numquam exiliÿ sensus acerbus abest.
 Si quisquam his iubeat Amphiona viuere terris,
 Aonio numquam pectine tangat ebur.
 Respectu Euridicen propero cùm perdidit Orpheus,
 Illicet artifices obriguère manus;
 Et manibus cecidit leue cum testitudine plectrum,
 Fractaq; sunt casu garrula sîla suo.
 Quid mihi, non vnâ satorum clade sepulta
 Præcipitis, toties vngue cière fides?
 Dum circumspiciens, vbi sim, te Patria specto;
 Heu cadit aspectu mens labefacta, tuo!
 Cùm semel, ô sperata diu, tibi Patria reddar.
 Tunc ego voce canam, tunc ego mente canam.

Quomodo cantabimus canticum Domini in terrâ alienâ? Psalm. 136.

Aug. med.
cap. 35.

VTINAM possem talia dicere qualia hymnidici Angelorum chori! ô quàm lubenter me in tuis laudibus totum effunderê? ô quàm deuotissimè illa cœlestis melodix cantica, ad laudem & gloriam nominis tui, in medio Ecclesiæ infatigabilis perorarem!

Aug. med.
cap. 33.

O beatæ nimum illæ Cœlorum virtutes, quæ laudare possunt te sanctè & purissimè, cum nimiâ dulcedine & ineffabili exultatione! Inde laudant vnde gaudent, quia semper vident vnde gaudere valeant & laudare. Nos verò mole carnis pressi & procul à vultu tuo in hâc peregrinatione positi, atq; per mundanas varietates distenti, te dignè laudare nequimus, laudamus tamen per fidem, non per speciem. Illi verò Angelici spiritus per speciem & non per fidem.

Chryf. in
Psal. 61,

Nostra certè natura vsque ad eò delectatur canticis & carminibus, & tantâ cum eis habet necessitudinem & conuenientiam, vt vel infantes ab vberibus pendentes, si flicant & afflicentur, eâ ratione sopiantur. Nutrices quidem certè, quæ eos gestant in vlnis, sæpè adeuntes & redeuntes, & quædam puerilia

puerilia ijs carmina decantantes, supercilia eorum ita sopiunt: quocirca sæpè quoque viatores meridie agentes iugalia animalia hoc faciunt canentes, itineris molestiam illis canticis consolantes; nec solùm viatores, sed etiam agricolæ, vuas in torculari calcantes, vindemiantes & vites colentes, & quodcumque aliud opus facientes sæpè cantant. Nautæ quoque remos impellentes hoc faciunt.

Iam verò mulieres quoque texentes & confusa stamina radio discernentes, sæpè quidem & per se singulæ, sæpè autem etiam omnes concorditer, vnã quãdam melodiam concinunt. Hoc autem faciunt & mulieres & viatores, & agricolæ & nautæ, laborem qui ex opere faciendo suscipitur, cantu consolari volentes; vtpote quòd anima, si carmen & canticum audierit, molesta & difficilia sit faciliùs toleratura.

[Sed] *quomodo cantabimus canticum Domini in terrâ alienâ?* Hebræi non canebant in terrâ captiuitatis, quod in suâ patria canere consueuerant. Hæc terra captiuitatis est, alia terra libertatis est; ista peccati, illa quietis æternæ; vallestris ista, illa cœlestis.

[Imò] si caro menti repugnat, nec subdita est animi gubernaculo, & mētis imperio, *aliena est terra*, quæ non donatur exercitio cultoris, & ideo non potest fructus charitatis,

Ambr. 1.
enarrat.
in Psal. 38.

Ambr.
enarrat.
in Psal. 38.

Ambr. l. 2.
de poenit.
cap. 11.

tis patientiam pacis afferre : *Quomodo cantabimus canticum Domini in terrâ alienâ?*

Ambr.
in Pl. 118.
Octon. 7.

Qui cantat, vacuus est, & diuersarum cogitationum curas releuat, culpas relegat, sequestrat auaritiam, & non solum corporis voce, sed etiam mentis suauitate se mulcet. *Nam cum mens querulo semel est obfessa dolore,*

Nazian. de
humana
natur.
Ambr. in
Psal. 118.
Octon. 22.

Ad lara oclusas tunc habet illa fores:

In regione vmbrae mortis sumus; abscondita est vita nostra, non libera. Erit enim libera in regione viuorum. Ibi ergo viuuit anima nostra, vbi nihil mortale, nihil infirmum amicta sit, nihil debitum poenae; ibi laudabit Dominum, vbi deposito infirmitatis corpore, conformis esse caeperit gloriae corporis CHRISTI, nam dum in peccato sumus, plenè laudare quid possumus. In vmbra sumus hinc positi, in vmbra viuimus, in vmbra laudamus: perfecte in vmbra laudare non possumus. Deniq; *in terrâ alienâ sumus; quomodo cantabimus canticum Domini in terrâ alienâ?*

Ibid. superius.

Eructabat hymnum anima pia, cui dicebat Dei verbum: *insinua mihi vocem tuam, quia vox tua suavis est.* eructabat hymnū cui dicebat: *Fauum distillant labia tua o sponsa, mel & lac sub linguâ tuâ;* sed non potest quis ante eruettare hymnum, nisi didicerit iustitias Dei, & didicerit ab ipso Domino Deo suo. ideo specialiter hoc Dauid petit, vt eum doceat

ceat Deus, quomodo cantare potest in metu positus & in timore pœnarum? quomodo cantare potest grauium sibi concilius delictorum; nisi prius fiat veniæ securus? Denique *quomodo cantabimus canticum Domini in terrâ alienâ*, in quâ impugnetur, in quâ captiuetur in lege peccati; in quâ defleat atque deploret suæ captiuitatis ærumnas?

O pax illa, quam videbimus apud Deum! August. in Psal. 136.
 ô illa sancta æqualitas Angelorum! ô illa visio & spectaculum pulcrum! ecce in Babylonia pulcra sunt quæ tenent; non teneant, non decipiant. Aliud est solatium captiuorum, aliud gaudium liberorum.

Facile potest demonstrari captiuos Ibidem.
 esse: Non enim respiramus iam in auras illius libertatis; non enim fruimur libertate veritatis; delectationibus temporalium rerum tentamur, & colluctamur quotidie, cum suggestionibus illicitarum voluptatum. Vix respiramus, vel in oratione; captiuos nos esse intelligimus.

Illi autem qui captiuos duxerunt nos, quando intrant in corda hominum & interrogant nos, & dicunt nobis: *Cantate nobis verba canticorum*: Quid respondemus? Babylonia te portat, Babylonia te continet, Babylonia
 te

te nutrit, Babylonia de te loquitur; non
nostri capere nisi quod fulget ad tempus;
aeterna meditari ignoras, non capis quod
interrogas. *Quomodo cantabimus canticum
Domini in terrâ alienâ?*



I.

Adiuo vos, filia Hierusalem, si inue-
neritis dilectum meum, ut nuncie-
tis ei: quia amore langueo. *Cant. 5.*

Coelestes anima, Solyma caelestis alumna,
Qua teritis niveo carula templa pede;
Vos ego, vos numquam violando carmine testor,

(Si meus est vobis forte repertus amor)

Dicite, quod caeca sic eius langueo flamma,

Languet ut Assyrio flosculus vstus agro.

Nempe suas nuper cum spargeret ille sagittas,

Delituit proprijs mistus arundinibus:

Et summa trifidi praefixus cuspide teli,

Cor mihi, ceu Parthi, canna redunca fudit.

Ah quibus, ah quantis tum pectus amoribus arsit!

Non furit Aetneo scutor igne rogos.

Nunc igitur cupidus de me si plura rogabit,

(Namque solent cupidi multa rogare proci)

Dicite, languentis qua sit mea visa figura;

Pluraque, languentem non potuisse loqui.

Si roget, an lento mihi febris inastuet igne?

Dicite, quod nullo febris ab igne coquar.

Si roget, an mortis propior sim visa periclo?

Dicite qua vobis, ore tacente, loquor.

Dicite, nulla meis vos reddere nuncia verbis,

Sed fati tantum reddere verba mei.

Si lubeat nostros tamen illi noscere vultus,

Nec graue sit vobis dicere, qualis eram:

Hæc precor, aut simili, tum me depingite formâ,
 Quâ sciat & morbi qua sit origo mei.
 Dicite, quod iaceam tenebris ex sanguis obortis,
 Succiduo in nudum corpore lapsa solum.
 Sintq; hebetes oculi, mediâ ceu morte natantes,
 Inq; sinu iaceat languida facta manus:
 Nec rosa picta genis, neque viua cor allia labris,
 Venâq; vix, quamuis pollice tacta, micet:
 Iamq; diu nullo constet me viuere signo,
 Quam quod anhelanti pectore sæpè gemam.
 Quodq; mihi certam non possim fingere causam,
 Cur toties nullo laesa dolore querar:
 Non possim, nisi fors gemitu se prodere cogat,
 Qui gemitum toties pectore rupit Amor.
 Hæc reor, hæc nostri fuit vnica causa doloris,
 Et quid amans esset nescij, amansq; sui.
 Hoc fuit, hoc toties me si spirare coëgit,
 Per gremium iniussa cum flueretis aqua.
 Hoc, fuit, vt quamuis toties aliena loquenti,
 Illius assidue nomen in ore foret.
 Ergo meis oro, Dilecto hæc dicite, verbis;
 Illius immodicâ quod cremor ægra face:
 Dicite, quod lento sic torreo illius igne,
 Vt rosa cælesti torrida facta cane.
 Dicite, quod longâ sic eius languero flammâ,
 Vt languent sicâ lilia cana coma.
 Dicite quodq; mei causa vnica sit languoris,
 (Qui simul est mortis causa futurus) Amor.

Adiuro vos, filia Hierusalem, si inueneritis Dilectum meum, ut nunciatis ei: quia amore languo. Cant. 5.

PROBAVIT dilectionem suam nobis præclarus ille procius animarum nostrarum CHRISTVS, quâ adductus etiam tum, cum adhuc peccatores essemus, pro nobis mortuus est. Idcirco sponsa vicissim, amore incensa erga illum, qui ipsam dilexerat, demonstrat larens in se dilectionis telum, imò in pectore.

Sagittarius autem eiacularus hoc telum, est ipsa dilectio, & Deum esse dilectionem, sacris è litteris didicimus, qui quidem, telum electum, Deum illum vnigenam, ad eos mittit, qui seruantur; spiritu vitæ, triplicem cupidis aciem inungens, vt eum in quem immissa fuerit, vnâ cum telo, & ipso sagittario, is vnum colligat. Itaque videt iam anima per diuinos gradus in sublime deducta dulcedinem dilectionis, tamquam telum in sese quo vulnerata est. O præclarum vulnus! ô dulcem plagam, per quam vita ad interiora penetrat, quasi quoddam ostium & ianuam sibi aperiens ipsâ diuisione.

Quàm pulcrum est, quàm decorum, vulnus à charitate accipere? Alius iaculum carnei amoris accepit, alius terreno cupidine vulneratus est; tu nuda membra tua, & præ-

Nyfl. ora.
13. in Cant.

Nyfl. ora.
4. in Cant.

Orgi. hom.
2. in Cant.

be te iaculo formoso; siquidem Deus sagittarius est. Audi scripturam de hoc eodem iaculo; imò vt ampliùs admireris, audi ipsum iaculum quid loquatur: *Posuit me in sagittam electam, & in pharetrâ suâ seruauit, & dixit mihi: magnum est tibi hoc vocari puerum meum.* Intellege sagittam, quid dicat, & quomodo à Deo sit electa. Quàm beatum est, hoc iaculo vulnerari!

Hier. epist.
104. ad
Principiâ,

Nec mirum si sponsus habeat plures sagittas, de quibus in 119. Psalmo dicitur: *Sagitta potentis acuta.* His sagittis & Cleophas, in itinere, cum altero vulneratus aiebat: *Nonne cor nostrum ardenserat in nobis?* Et in alio loco legimus: *Sicut sagitta in manu potentis, ita filij excussorum.* His sagittis totus mundus vulneratus & captus est. Paulus sagitta fuit Domini, qui postquam ab Hierosolymis vsque ad Illyricum missus arcu Domini, hùc illucque volitauit; ad Hispanias ire festinans, vt velox sagitta, sub pedibus Domini sui, Orientem Occidentemque prosternat.

August.
med. c. 40.

Quid ergo dicam? quid faciam? quo vadam? Vbi eum quæram? vel quando inueniam? quem rogabo? quis nunciabit Dilecto meo, quia amore langueo?

Aug. solil.
cap. 1.

O vita, cui omnia viuunt, vita quæ das mihi vitam; vita quæ est mea vita! per quam uiuo, sine quâ morior; vita per quam resuscitor, sine quâ pereor; vita per quam gaudeo,
sine

sine quâ tribulor; vita vitalis, dulcis & amabilis, semper memorialis, vbi quæso es? vbi te inueniam, vt in te deficiam, & in te subsistam? propè esto in animo, propè in corde, propè in ore, propè in auribus, propè in auxilio, *quia amore languet*, quia sine te morior?

Anxia vota, suis nesciunt esse contenta meritis; ideò alienæ precis mendicant suffragia: *Adiuo vos*, inquit, *filie Hierusalem*; vos nunciate, quibus patet ad dilectum familiaris accessus; vos nunciate, quæ nostris ex parte, quâta sit amatorij virtus languoris, quàm sit fortis vt mors dilectio.

Sed quorsum sic adiurat? Nónne Dilectus cûcta nouerat, & in his amorem Sponsæ amantis? si Petrus dixit: *Tu scis, quia amo te*, quanto magis, ô dilecta, tam prudens, tam fidelis, per temeripsam absque internuntijs dicere poteras Dilecto, & frequenter sine dubio dixisti; dilecte nullum tibi absconditum est cor, nullius occultus amor, *tu scis, quia amore tui languet*. Quorsum igitur, tendit hæc adiuratio? Nónne vt percussa, percutiat? vt vulnerata, vulneret?

Nunciate ei, non quasi ignorâti (nihil enim ei incognitum est) sed quia gaudet, quæ nouit de dilecta etiam ex aliis intelligere.

Narrate & annunciate, & exaudiet vocem vestram, vt refoueat vota mea, *Annunciate, quia amore languet*. Non languet amor, sed languet

Guilb.
Abb. ser.
46, in Cât.

Rupert. in
Cant.

Guil. apud
Delrio
Cant.

Guilb.
Abb. ser.
64, in Cât.

languet amans; vbi viget amor, ibi viget languor, si absit, quod amatur; languet animus dum æstuantis voti nimietate conficitur; liquefactus se fugit animus amoris violentiam ferre non valens. Sic enim in cōsumptâ materiâ & iam deficiente, languidiora redduntur ignis incendia. Et *Deus noster ignis consumens est.* ô potens & præpotens passio charitatis! si non temperatur, non toleratur. Iure potens, quæ animum, quem possederit, sui ipsius efficit impotem.

Rupert. in
Cant.

Annunciate, quia amore langueo, præ magno faciei eius videndæ desiderio; vitæ tædium patior, & vix præsentis exilij moras sustineo.

Guilb.
Abb. ser. 66
in Cant.

Singultus de imis prodeuntes præcordiis, crebri gemitus, nōne sunt quædam eructationes spiritus & conceptæ gratiæ? nōne talibus indicijis se probat languor amoris? Non est occultatus languor, quādo gemitus non est absconditus. Ipse se prodit languor, cum hæc producit indicia.

Guilielm.
apud Del-
rio in c. 5,
Cant.

Lingueo in amore mei, præ amore Sponsi cœlestis, Amoreius languidum & remissum in me facit amorem mei ipsius. Meo amoti mortua, viuo ego, iam non ego, sed viuit in me Sponsus. Me namque amo, non amore mei, sed amore sponsi qui me amat. Non amo me, in me, sed me in ipso, & ipsum in me.

Bona. foli-
lo cap. 2, 3

Eia dulcissime IESU, transige saluberrimo

mo vulnere amoris tui, medullas animæ
meæ, vt verè ardeat, *languet*, & liquefiat, &
solo tuo desiderio deficiat; *cupiat dissolui, &*
esse tecum. Te solum semper esuriat panem
vitæ, qui de Cælo descendisti. Te sicut fon-
tem vitæ, fontem æterni luminis, torrentem
veræ voluptatis. Te semper ambiat, te quæ-
rat, te quæ inueniat, in te dulciter requiescat.





*Fulcite me floribus, et lipate me malis, quia
amore languo. Cantic. 2.*

II.

Fulcite me floribus, stipate me malis; quia amore langueo. *Cant. 2.*

O Amor! ô quantis torres mihi viscera flammis!

O Amor! ô animi blande Tyranne mei!

O Amor! ab tantos quis pectore comprimat ignes?

Parce, vel in vapidos dissolior cineres.

Parce Amor, ô tortes repetitis parce sagittis!

In noua, pars animi, vulnera nulla vacat.

Parce Amor, & nocua procul abijce tela pharetra,

Proxima quam iacies figet arundo necem.

Ab perijt, neque nota mihi suspiria duco,

Quæ sonat, ignoto vox ab amore sonat.

Scilicet arcanos penitus grassatus in artus,

Iam mea, victor ouans, regna subegit Amor.

Me miseram! tantos nemo miserabitur ignes?

Nemo vel è terris, nemo vel è superis?

Tuq; meus (tanti causa vnica qui tormenti es).

Tu meus, hæc sicco lumine cernis Amor?

Vos saltem Aetherij Cœlo properate coloni,

Vos, quibus à simili mens calet idæa face:

Ferte rosas, date mala, & odora Chloridis herbas,

Quicquid & Alcinoüs, Floraq; quicquid habet.

Ferte rosas, date mala ardentibus obuia flammis,

Mitior in malis est amor, inq; rosis.

Ferte rosas manibus, calathis effundite mala,

Forscrit hinc nostris certa medela malis.

Sed

Sed quid ago? quid posco rosas? quid postulo mala?

Est dolus in malis, est dolus inq; rosis:

Forſan Amor falſi tegitur velamine mali,

Aat ſua ſpiniſeris occulit arma roſis.

Perituro ſimplex malo deluſa Cydippe eſt,

Et Venus armata cuſpide leſa roſe.

Nolo tuas Cytherea roſas, tua mala, Cydippe,

Nefcia perſidia mala roſaſq; volo.

Quales Dorothea ſuperis tulit Ales ab hortis,

Canag; quae ſtupuit Bruma rubere roſas.

Quale tibi Elyſiis venit, Luduina, viretis

angelico carptum pollice liliolum.

Haec mihi poſco roſas haec mala, haec lilia poſco,

Nefcia perſidia lilia, mala, roſas.

Hiſ mihi vernantem viridi ſuper aggere lectum.

Piſtaq; puniceis ſternite fulcra crocis.

Eſſe inag; lento fiat puluimus hibico,

Eſſima quam viridi faciat herba toro.

Iungite vimineis collecta liguſtra quaſilluſ,

Et pleat in laxos lutea Caltha ſinus:

Iunceaq; egregijs onerare caniſtra Hyacinthis,

Miſceat & calyces Bellis amœna ſuos:

Spicaq; Narciſſuſq; & apex ſtellaruſ amelli,

Pulcraq; ceruleuſ cum Cyanuſ Anemon,

Et Nymphaea marina, immortaleſq; Amarantibi,

Iridiſ & Viola multicoloriſ opes.

Iunctaq; Smilacibuſ Pœonia regia paruiſ,

Cunctaq; qua Paſto diuite ſerta virent.

Addite deceptas Arabo de cortice frondeſ,

Et Myribum & Daphnen Cecropiumq; Thymū.

Serpil-

Serpillumꝑ, Chamamelumꝑ, Aloemꝑ, Ciperumꝑ,

Et Nardum & Tymbrā, Cynnamagꝑ, & Castā:

Et Costum & Stacten, & olentis germen Amomi,

Et Cilicum totā sternite messe solum.

Sternite, & hoc anima quidquid super exspirādum

Roscidulū, finite, elangueat in folijs. [est,

Tunc ego sic moriens componam leniter artus,

Vt Rosa deciduas vngue refecta comas.

Aut moritura graues inclinant Lilia culmos,

Quasꝑ, halant animas gramina messa suat.



*Fulcite me floribus, stipate malis; quia
amore languero. Cant. 2.*

Bern. ser.
51. in Cāt.

CREUIT amor, quia incentiua amoris plura solito processerunt. [sed] post illa omnia, Sponso (more suo) secedente; illa, languere amore se perhibet, id est, præ amore. Quod enim grauiorem fuerat experta præsentiam, eo postmodum absentiam molestiorem sentit. Subtractio nempe rei quam amas, augmentatio desiderij est, & quod ardentius desideras, eo cares agrius. Rogat proinde ista interim odoramentis florum ac fructuum confoueri, quo vsque denuò reuertatur, quem molestissime sustinet remorantem.

Giffen. in
c. 2. Cant.
expos. 1.

[Nempe] quod amentibus sæpe euenire solet puellis, vt præ amore ad illius quem depererint absentiam, & corporis languorem & animi patiantur deliquium, hoc Sponsæ frequentius in Cantico Cant. euenisse comperimus. Nam in huiuscemodi deliquio constituta prima illa protulit verba: *Osculetur me osculo oris sui*, hanc agritudinem sese opprimentem, Sponso, vt nuncient, socias supplicibus exorat verbis; cùm defatigata iam esset in illo quærendo, dicens: *Adiuuro vos filia Hierusalem, si inueneritis Dilectum meum, vt nuncietis ei, quia amore languero; quin*
imò

imò & hoc ipso amore, eadem in somnum dicitur incidisse, ita vt Sponsus eam miseratus, in ea ipsa proruperit verba. *Adiuvo vos, ne suscitaretis.* At nullibi sanè clariùs describitur istiusmodi eius deliquium, quàm in presenti sententiâ, in quâ ipsamet ægritudinè suam, simul cum illius causâ exprimens illa exposcit remedia, quæ præsentanea ijs exhiberi solent, qui talem patiuntur languorem, flores, odores, vina, & poma.

Bonus certè languor, cum infirmitas hæc non sit ad mortem, sed ad vitam, vt glorificetur Deus per eam. Cum ardor, febrisve ista, non sit ab igne consumente, sed ab igne potius perficiente. Porro quod aduertitur in ægritudinibus corporalibus, vt languens (cum sibi integrum non sit voluptatem capere ex ciborum varietate, vel gelidarum refrigeratione) ne omni penitus careat delectatione, cubiculum sibi curet viridi fronde conuestiendum, ac varijs & odoratis floribus, pomisve exornandum, quibus visum & defessum mœstumve soletur animum: Illud idem prudens efficit anima, quæ ardentissimo laborans Diuini amoris languore, cum humanos gustus nequeat percipere, diuina verba audire exoptat, & toto laborat studio, vt actiones, operaque sibi recenseantur CHRISTI dilecti sui, & istiusmodi florum ac pomorum

Idè ibid.
expof. 3.

morum

morum suauissimo odore ac pulcritudine, vires sibi ad seruiendum Deo, & spiritus suppeditandos confidit.

Delsio in
c. 2. Cant.

Fulcite me floribus, ô columnas admirabiles!
ô noua fulcra! quomodo flores columnæ fiunt? quomodo queunt retinere nutâtem? quid ni sustineant, nixam lacerti fortissimorum athletarum & gigantum, quorum robur inexpugnabile fuit? quidni sunt columnæ, & quidem adamantinæ, quæ duratione sunt æternæ, celsitate cœlum, altitudine, (inferno terribiles) ad tartara vsque penetrârunt.

Ibidem.

Stipate me malis. Non vult super fundamentum CHRISTI ædificare lignum, non fœnum, non stipulam; quia hæc ignis absument; sed poma suauissima.

Nyssen.
orat. 4. in
Cant.

Quodnam enim spectaculum elegatius excogitare quis possit, malorum compositione? cum ordine continuo fructus, hîc bellè collocatus atque in loco confertim positus varietatem quamdam aspectui exhibet, rubedine, cum colore subalbo, permistâ.

Greg. in
c. 2. Cant.

Sponsa [verò] quia amore languet; fulcra se floribus, & stipari malis appetit; quia; dū se æternitatis desiderio afficit; dum, qualiter illuc perueniat, totâ anxietate perquirat (eò quòd perfectionem, dum in carne viuit, omninò non inuenit) fatigata in desiderio suo requiescit; & in hoc solo gaudet, si circa se respicit, vel quibus ipsa proficiat, vel in quo-

rum profectioe consolationem, de languore suo, recipere possit.

Fidem[ergo] florem; fructum, actum in-^{Bern. ser.} tellige. Nec incongruè vt opinor id tibi vi-^{st. in Cât.} debetur, si aduertas quomodo instar floris necessario præcedentis fructum, bonū quoque opus, fide oporteat præueniri. Alioqui sine fide, impossibile est placere Deo. Itaque nec sine flore fructus, nec sine fide, opus bonum. Sed & fides sine operibus mortua est; sicut inutiliter quoq; flos apparet, vbi nō sequitur fructus. *Fulcite me floribus, stipate me malis, quia amore lægueo.* Cū præsto est quod amatur, viger amor; læguet cū abest: quod non est aliud, quàm tœdium quoddam impatiētis desiderij, quo necesse est affici mentem vehementer amantis, absente eo quem amat; dum totus in expectatione, quantamlibet festinationem, reputat tarditatem. Et idè ista postulat sibi accumulari bonorum operum fructus, cum fidei odoramentis, in quibus moram faciente sponso, interim requiescat.



*Dilectus meus mihi et ego illi qui pascitur inter
 illa ; donec asperet dies et inclinentur umbrae. Cant. 2
 33.*

Dilectus meus mihi & ego illi, qui
pascitur inter lilia, donec aspiret
dies, & inclinatur umbræ. *Cant. 2.*

F Elices anima populus genialis Amantium,
Quas amor irruptâ neclit vtrimq; fidel
Non ego pra vestrâ fortunam optauero Regum;
Nam puto Cælicolam vos ego sorte frui.
Sed neque iam Siculi mirer noua vota Tyranni,
Optantis, Pythia tertius esse Comes.
Ecquis enim socijs medius neget esse duobus,
Quos sibi tam sancto fœdere iunxit Amor?
Aurea conditio, quoties redamantur amantes,
Reddit & alternas mutua flamma vices!
Hâc ego me toties optavi lege beatam,
Ad sua cum trepidam signa vocaret Amor.
O quoties dixi, si quando cogar amare,
Non nisi qui pariter me redamârit, amem!
Audÿt optantem volucrum Deus ales Amorum,
Et quid, ait, dubitas? vt redameris, ama.
Vicino extimui præsentis Numine Diui,
Attonuiq; meum vox inopina caput.
Ecquid inexpertam puer, inquam, per fide castris,
Auspicijsq; iubes ara merere tuis?
Sapè quidem iuueni mihi narrauère sodales
Gaudia quanta suis polliceatur Amor.
Sapius at contra monuit me sedula nutrix,
Cum veheret gerula sarcina parua sinu.

- Vera nimis reputa Peligni oracula vatis,
 Quæ cecinnit castis ingeminanda choris:*
- „ Quot lepores in Atho, quot apes pascuntur
 in Hyblâ,
 „ Cærula quot baccas Palladis arbor habet;
 „ Littore quot conchæ, tot sunt in amore do-
 lores,
 „ Res est solliciti plena timoris Amor.
*Semper enim miseros timor ille flagellat amantes,
 Ne fors non redamet, quem tamen alter amat.*
- Fida vel alternis si sint rata fœdera vinculis
 Tum grauis, vt constant fœdera, cura subit.*
- Curre per historias; quotus, heu! securus amauit?
 Hunc breuis, hunc fictus ludificauit Amor.*
- Quâ Paris Oenone sine viuere posse negabat,
 Oenonem potuit deseruisse Paris.*
- Dilecti Hypsiphile non mansit Iasonis vxor,
 Non mansit reducis, sicut euntis erat.*
- Thesea crudelem quoties Ariadna vocauit,
 Nauigio numerum quæsta deesse suum?*
- Quin etiam leuibus monstras, Puer improbe, pennis,
 Quàm citò succedat, quàm citò cedat amor.*
- Ite igitur, leuibusq; animas modò credite flammis
 Cùm sua non aliter sceptrâ Cupido gerat.*
- „ Et leuis est multoq; iuis ventosior alis,
 „ Gaudiaq; ambiguâ datq; negatq; fide,
 „ Tum pudor audaces tinxit tibi, perfide, malas,
 Teq; leuem celeri fassus es esse fugâ.
 Tuncq; ego, Cyprigena detectâ fraude, triumphans,
 Instabilem iussu lata valere Deum.

Et tibi, Dius Amor (dixi) tibi fœdera iungam,

Et tuus ignis ego; tu meus ignis eris.

Donec ab aëreis labentur montibus umbra,

Et reducem fugient umbræq³, noxq³ diem.

Oliquida ambrosia! ô Diuini nectaris haustus!

O amor! ô quanti pocula mellis habes!

Quid totis Te, Dius amor, sit amare medullis,

Expertus nisi sit, dicere nemo potest:

Quid verò sit amare, iterumq³ abs te redamari,

Sit licet expertus, dicere nemo potest,

Omnibus hisq³ etiam supereminet illa voluptas,

Fidus hic æternum quod sibi constet amor.

O Amor! ô mea dulcedo! mea vita, meum mell!

Aut melli geminum si quid Hymettus habet!

O Amor! ô quoties, ô qua mihi gaudia mifces,

Dum, quod amas redamer; dū, quod amere, subit!

Dumq³ iterum æternos recolo fore fœdere nexus

O Amor! ô quantis gestio latitijs!

Non habet hic miseros Amor, vt leuis ille, timores:

Affluit hic lætis, ingemit ille malis.

Pascitur in riguis, vbi candent, lilia, campis,

Et sua Virgineos ducit in arua greges.

Scilicet æthereum decet hic flos purus Amorem,

Et benè tam castas pascit hic ortus oues.

Dilectus meus mihi, & ego illi, qui nascitur inter lilia; donec aspirat dies & inclinentur umbra. Cant. 2.

Bern. ser.
67. in Cat.

QUID est hoc quod dicit, *Ille mihi, & ego illi?* Nescimus quid loquitur, quia non sentimus, quod sentit. O sancta anima, quid tuus ille tibi? quid tu illi? Quanam, quæso, hæc inter vos tam familiariter favorabiliterque discurrens exhibitio & redhibitio? tibi ille, tuque vicissim illi; sed quid? id ipsum ei tu, quod tibi ille? an aliud? si nobis, si ad nostram loqueris intelligentiam, euidenter quod sentis, edicito: quousque animas nostras tollis? An secundum Prophetam, secretum tuum tibi? Ita est. Affectus locutus est, non intellectus; & ideo non ad intellectum. Ad quid ergo? Ad nihil, nisi quod mirabiliter delectata & affecta vehementer ad desideratos affatus, finem illo faciente, ne tacere omnino quiviit, nec tamen, quod sentit exprimere. Neque enim ut exprimeret, sic locuta est, sed ne taceret. Ex abundantia cordis, os locutum est; sed non pro abundantia. Habent suas voces affectus, per quas se etiam cum nolunt, produnt. Timor, meticolosas; dolor gemebundas; amor iucundas. Eiusmodi certum est, non nutu prodire animi, sed erumpere motu. Sic flagrans ac vehemens amor præsertim Diuinus, cum se intrâ cohibere

bere non valet, non attendit quo ordine, quâ lege, quâve serie, seu paucitate verborû ebulliat, dummodo ex hoc nullum sui sentiat detrimentum. Interdû nec verba requirit, interdum nec voces omninò vllas; solis adhuc contētus suspirijs. Indè est quod spōsa sancto amore flagrans, idque incredibili modò, sanè pro captandâ quantulacumq; euaporatione ardoris quem patitur, nō considerat. quid, qualiter eloquatur, sed quicquid in buccam venerit, amore ingenti, non enunciat, sed eructat *Dilectus meus mihi, & ego illi*. Nihil consequentiæ habet, deest orationi. Quid indè: Ructus est. Quid tu in ructu? quæras orationum iuncturas, sollempnia dictionum? quas tu, tuo ructui leges imponis vel regulas? Non est dubiû; duorum quidem hoc loco amor mutuus flagrat, sed in amore summo, vnus profectò felicitas, alterius mira dignatio: neq; enim inter pares est cōsensus seu complexio hæc Ait itaque: *Dilectus meus mihi, & ego illi*, principiû *Dilecto* tribuēs; in consequentibus; *Ego*, inquit, *Dilecto meo, & Dilectus meus mihi*: cōsummationem æquè illi concedens. Nunc iam videamus quid dicat: *Dilectus meus mihi*. Si enim hoc recipitur, vt subaudiamus, intēdit, & sicut Propheta ait: *Expectans expectaui Dominū & intēdit mihi*: ego in verbo isto sentio, nescio quid, non planè exiguum, nec mediocris prerogatiuæ.

Bern. ser.
sequenti.

Audite gaudium meum quod sensi; & ver-
strū est, audite gaudentes sponsa locuta est,
& dixit, sponsum intendere sibi. Quæ est
sponsa, & quis est sponsus? Hic, Deus noster
est; & illa, si audeo dicere, nos sumus; gau-
deamus. Nos sumus in quos intendit Deus.
Quanta tamē disparilitas! quid terrigenæ &
filij hominum corā illo? quid sibi vult ergo
ista inter tam dispares comparatio? Aut illa
in immensum gloriatur, aut is in immensum
amat. Quā admirabile est quod illius inten-
tionem ista quasi sibi propriam vēdicat, di-
cens: *Dilectus meus mihi*. Nec eo contenta ta-
mē pergit ampliùs gloriari; respōdere se illi,
quasi ex æquo morem gerere, rependere vi-
cem. Sequitur enim, *& ego illi*, insolens ver-
bum, *& ego illi*; nec minus insolens: *dilectus
meus mihi*, nisi quod utroque insolentius,
vtrumq; simul. O quid audet cor purum &
conscientia bona, & fides non ficta! *Mihi*, in-
quit, *intendit*. Itāne huic intenta est illa maie-
stas, cui gubernatio pariter & administratio
vniuersitatis incumbit & cura sæculorum,
ad sola transfertur negotia, imò otia amoris
& desiderij huius. Ita planè. Prouidentiam
cæteris creaturis non negamus; curam spon-
sa vindicabit sibi. [Sed &] propterea vtrum-
que ponit, dicens: *Ille mihi & ego illi*. Ille mihi,
quia benignus & misericors est; ego illi, quia
non sum ingrata, Ille mihi gratiam ex gratiā;
ego

putas? Nónne stat Angelus Domini, qui se-
cet te mediam, si fortè (quod auertat ipse)
alterum admiseris amatorem?

Auth. Sca-
læ paradyfi
c. 9. tom. 9.
August.

Zelotypus est sponsus iste si fortè alium
amatorem acceperis, si alijs placere studue-
ris, statim discedet à te; & alijs adhærebit
adolescentulis.

Bern. ser.
70. in Cât.

Quis huic iam imputet præsumptioni vel
insolentiæ, si se dicat inisse societatem cum
illo qui nascitur inter lilia? etiam si inter syde-
ra nasceretur, eo solo quo nasceretur, nescio
quid magnum videri possit, cum eiusmodi
amicitias seu familiaritatem habere. Non
ignorat[ur] sponsa unum esse, & qui nascitur,
& qui patcit; inter lilia commorantem, &
regnantem inter sidera: Nam qui in altissi-
mis est Dominus, in imis est Dilectus; super
sidera regnans, & inter lilia amans. Amabat
& super sidera, quia nusquam & numquam
potuit non amare. quia amor est: sed donec
ad lilia descendit, & nasci inter lilia comper-
tus est, nec amatus est, nec factus dilectus;
quia non potuit antè diligi quàm agnosci, ô
verè amandum & totis medullis cordis am-
plectendum sponsum! quærenda in spiritu
hæc resectio inter lilia; nam corporea cogi-
tare, ridiculum est. Quin ipsa lilia spiritualia
à nobis demonstranda erunt. Quæ ergo sunt
illa lilia è quibus species decoris eius? Proce-
de, inquit, & regna. propter veritatem & mansue-
tudinem

moderantiam & iustitiam. Bonum liliū *veritas*, candore conspicuum, odore præcipuum. Est & *mansuetudo*. Quod autem *iustitia* liliū sit, recordamini de scriptura; quia *iustus germinabit sicut liliū*. Sunt multa apud sponsum, & alia lilia præter hæc: quis illa enumeret? nempè quot virtutes, tot lilia. Et fortasse propterea ipse se liliū appellavit, quòd totus versetur in lilijs; & omnia quæ ipsius sunt, lilia sint: conceptio, ortus, conuersatio, eloquium, miracula, sacramenta, passio, mors, resurrectio, ascensio. Quid horum non candidum, & non suauissimè redolens?

Nimirum hic est præclarus ille pastor, qui non fœnum gregi, pabuli loco præbet, sed puris lilijs oves alit, non ampliùs fœno fœnum nutriens. Est enim fœnum brutorum naturæ proprium, ac peculiare alimentum; homo autem, cùm rationis sit particeps, verâ ratione pascitur. Quod si eiusmodi fœno saturaretur, & ipse in fœnum commutaretur. Est enim præscriptum, *omnis caro fœnum est*; quamdiu scilicet caro existit; at si quis spiritus fiat è spiritu progenitus, non ampliùs victu gramineo pascetur, sed spiritus ei pro nutrimento erit, id quod puritas & fragrantia lilij obscuriusculè denotat. Quin etiam ipse, liliū fragrans ac purum erit, in naturam ipsius alimenti commu-

Nyssin
orat. 4. in
Cant.

commutatus, atque hoc sibi vult; *Dies per radios diffusa* siue *persflans*, quemadmodū Diuina vox loquitur, cū diffusionem, per spiritum radiorum factam, *perspirationem* appellat, per quam vmbra huius vitæ remouentur, in quas studiosè defixis oculis respiciūt, qui necdum luce veritatis animi oculum illustrarunt, qui vmbra ac vanitatem sic inuentur, quasi reuera quiddam subsistens, quod autem verè existit, quasi non existeret, negligunt. At qui lilijs vescuntur, hoc est, quorum animus ex puro ac fragranti alimento pinguescit, omni fraudulentâ, amorisq; consimili rerum specie (quæ res hâc in vitâ caræ ducuntur) reiecta ad veram ipsarum rerum substantiam respiciunt, effecti lucis ac diei filij.

Bern. ser.
71, in Cât.

Tu ergo qui hæc audis, vel legis; cura habere lilia penes te, si vis habere hunc habitatorem liliorum habitantem in te. Opus tuum, studium tuum, desiderium tuum lilia esse protestentur, moralis quidam rerum ipsarum candor atque odor. Habent & mores colores suos, habent & odores. De colore. Conscientia consultetur; de odore, fama: sponfus itaque & cū sit virtus; in virtutibus complacet sibi; & cū sit liliū, libenter inter lilia commoratur; & cū sit candor, delectatur candidis.

Aug manu
c. 24.

O anima mea, insignita Dei imagine, dilige

lige illum, à quo tantùm dilecta es! Intende illi, qui intendit tibi! Quare quærentem te, ama amatorem tui, à quo amaris; cuius amore præuenta es, qui est causa amoris tui. Esto sollicita cum sollicito, cum vacante vacans, cum mundo munda, cum sancto sancta. Elige illum amicum præ omnibus amicis tuis, qui cum omnia subtracta fuerint, solus tibi fidem seruabit: in die sepulturæ tuæ, cum omnes amici tui recedent à te, ille te non derelinquet, sed tuebitur à rugientibus preparatis ad escam.





Ego dilecto meo, et ad me conversio eius. Cantic. 7.

Eg
 M
 lam
 For
 Obr
 A
 Erg
 Ab
 Viu
 Vni
 S
 Qu
 Nos
 Me
 V
 Qu
 Auf
 Aut

I V.

Ego dilecto meo, & ad me conuersio eius.

Moesta cupressiferi nemoris spatiabar in vmbra, *Cant. 7.*

Tristitiam lacrymis compositura meis:

Iamq; sumum tepidis submerserat imbribus vnda,

Concideramq; meis panem subacta malis.

Fors Chelys ex humeris pendebat eburnea nostris,

Mæstitia quondam certa medela chelys:

Obruta tristitiâ frondente sub arbore sedi,

Associans querulis talia verba modis:

Ergo mei viduis sine lusibus, ibitis anni,

Nullus & in nostro carmine viuet amor?

Ah! precor, eueniant hæc hostibus omnia nostris,

Et procul his flamma tam bona tela cadant!

Viure se iuret, non hunc ego viuere credam,

Qui trahit hoc vacuos frigidus igne dies.

Vnicus est homini viuendi fructus, amare,

Solus amans, vixi, dicere iure potest.

Qualis, in ima, suo desidit pondere tellus,

Et subit æriæ, ardua flamma, vias;

Nos ita fax animi, violento cogit amore,

Abripimurq; omnes, impetu quisque suo.

Me quoque nativâ stimulari sentio flammâ,

Visq; adhibet tacitas, nescio, quanta faces.

Quo meus ergo suos Amor eiaculabitur ignes;

(Primitiæ nostri namque calor is erunt)

Auferat humana furiata Cupedine tædæ,

Cognata Angelicis stirpsq; sororq; chorus?

Aut mea mortales venient in colla lævæ,

Quæ sum immortalis Sponsa creata Deo.

Ah,

Ab, super hæc hiemes, nostri rapiantur amores,
 Terra parem thalamis non habet ista meis.
 Nympha puellarum pulcherrima Romulearum
 Agnes, Ausonio sponsa petita proco;
 Absit, ait, iuuenis mea ne tibi fœdera speres,
 Iam mea cœlestis fœdera sponsus habet.
 Sic nostra ætherios ambit quoque fax Hymenæos,
 Inde petendus erit qui mihi sponsus erit.
 Hunc ego, non alium, solum hunc ego diligo sp̄sum,
 Nemo potest vno tempore amare duos:
 Illius ante oculos mihi semper oberrat imago,
 Ante oculos, quamuis longius absit, adest.
 Et loquor absenti momentis omnibus, absens,
 Absentiq; sonos illius aure bibo.
 Sic vbi magnetis vim ferrea linea sensit,
 Semper ad agnati vertitur alta poli.
 Ei sua Sydonijs patet hinc Cynosura carinis,
 Seruat & hinc Helicen cymba pelasga suam;
 Sic lasi sequeris studiosa pedissequa Phœbi
 Dilectam Clytie, flos modò facta, facem:
 Bisq; die quouis, verso iubar ore salutans,
 Manè precaris Aue, serò precare Vale.
 Obuia fraternos ita spectas Cynthia vultus,
 Et reparat vultus ignibus ille tuos.
 Sponse, ego sum Clytie, Tu Sol; ego Cynthia, Phœbū
 Quâlibet obuerso persequor ore meum:
 Es mihi, sponse, Helyce, Cynosuraq; duplicis Arcti
 Quo trahis, huc oculis ad tua signo volo.
 Quid mirum, alterno si respondemus amoris?
 Magnetem sequitur linea tacta suum.

Ego dilecto meo, & ad me conuersio eius.

Cant. 7.

Impossibile est, vt non semper humana Orig. in prologo Cant.
 natura aliquid amet, omnis namque qui
 ad id ætatis venerit, quam pubertatem vo-
 cant, amat aliquid, seu minùs rectè, cùm
 amat, quæ non oportet; seu rectè & vtiliter,
 cùm amat quæ oportet.

Cor meum per multa dispergitur, & huc, Bern. me- dir. ca. 9.
 illucque quærit vbi requiescere possit, &
 nihil inuenit, quod ei sufficiat donec ad ip-
 sum redeat.

Duo enim amores, alter bonus, alter ma- Aug. medi cap. 35.
 lus; alter dulcis, alter amarus, non se simul
 in vno capiunt pectore. Et idè si quis præ-
 ter te aliud diligit, non est charitas tua,
 Deus, in eo, amor dulcedinis & dulcedo
 amoris. Amor non crucians, sed delectans,
 amor sincerè casteque permanens in sæcu-
 lum sæculi, amor qui semper ardes & num-
 quam extingueris, dulcis **CHRISTE** bone
IESV, charitas, Deus meus, accède me totum
 igne tuo, amore tui, suauitate & dulcedine
 tuâ, ita vt nullus pateat in me locus adulte-
 rinis amoribus.

Nam Christo & mundo quisquis partitur amo- Nazianz. de laudib. Virgin.
 rem,

Huius amor planè leuis est & frigidus, atqui

X

Totam

Totam animi flammam penitus defixit in vno,
 Ille procul dubio, constans & certus amator.
 Quin etiam latomi sollertes, quiq; fabrilem
 In lignis artem exercent; cum linea recta
 Queritur, exactâq; operâ captatur amussis,
 Ex oculis vnum claudunt, & lumine toto
 In socium fuso, visus acieq; coactâ,
 Recta sequeute tenent duro vestigia ferro.
 Sit collectus amor, propius coniungit amanti
 Pectora casta Deo; cupientem qui cupit, atque
 Cernentem cernit, sitq; obuius aduenienti,
 Quem quo plus quisquam cupit, hoc magis cernit
 eundem,
 Quoq; magis cernit, tanto magis expetit illum
 Cernere: Sicque bonus semper conuoluitur
 orbis.

Bern. ser.
 68. in Cât.
 Carissima illa est, vna vni, non adhærens
 alteri sponso, non cedens alteri sponsæ.
 Quid ista non audeat apud tam ambitiosum
 amatorem?

Bern. ser.
 69. in Cât.
 Paueant quæ non amât. Ego verò amans,
 amari me, dubitare non possum, non plus,
 quàm amare: nec possum vereri vultum cuius
 sensi affectum.

Bern. ser.
 69. in Cât.
 Ego diligentes me diligo, & qui manè vigila-
 uerint ad me, inuenient me. Vide quomodo
 non solum de amore suo certum te reddat
 si quidem tu ames illum; sed etiam de solli-
 citudine suâ quam pro te gerit, si te senserit
 esse sollicitum sui? vigilas tu? vigilat & ille.
 Consurge

Consurge in nocte in principio vigiliarum tuarum, accelera quantum vis, etiam ipsas anticipare vigilias; inuenies eum, non præuenies. Temerè in tali negotio vel priùs aliquid tribuis tibi, vel plus: & magis amat & antè.

Reperiuntur imagines quædam èo artificio à peritis pictoribus depictæ, vt quæcumque ex parte inspiciantur, semper videantur habere oculos ad intuentes conuersos. Huiuscemodi sanè imagines, ex parte suâ, semper ad quoscumque conuersæ sunt qui in illo reperiuntur cubiculo, vbi ipsæ fuerint: quod si quis minimè percipiat ab illis se respici, id haud ab eis, sed ab ipso prouenit potiùs, qui suam auertit faciem; ideoque vt primùm is ad illas sese conuerterit, eas pariter ad se animaduertet conuersas: Quid simile & in re nostrâ fieri censendum est.

Ego dilecto meo, & ad me conuersio illius. Ac si diceret: quoniam fide ac dilectione, soli CHRISTO adhæreo, solum sequor, solum videre concupisco; respectiois eius suauitatem, uisitationis benignitatem, conuersationis dulcedinem gaudenter experior.

Ille quippe singularis amor est, qui soli non adiungit alterum, & æternus, qui nec primo secundum.

Giff. in c. 7
Cant. ex-
po. 30Greg. Papa
in Cant.Hugo de
S. Vict. sero
de Assumt.

Bern. ser.
23. in Câr.

Magna res amor, si tamen ad suum recurrat principium, si suæ origini redditus, si refusus suo fonti, semper ex eo sumat, vnde iugiter fluat. Solus est amor ex omnibus animæ motibus atque affectibus in quo potest creatura, & si non ex æquo, respondere auctori, vel de simili mutuâ rependere vicem. Verbi gratia: si mihi irascatur Deus: num ego illi similiter redirascar? non utique. Ita si me arguat, non redarguetur à me. Nec si me iudicabit, iudicabo ego eum. Si dominatur, me oportet seruire: si imperat, me oportet parere. Nunc iam videas de Amore, quàm aliter sit; nam cum amat Deus, non aliud vult quàm amari; quippe non ad aliud amat, nisi ut ametur; sciens ipso amore beatos qui se amauerint.

Aug manu
cap. 29.

Reuera hæc est vera cordis requies, cum totum in amorem Dei, per desiderium figuratur, nec quicquam aliud appetit, sed in eo quod tenet felici quâdam dulcedine delectatur, delectando iucundatur. Si verò vanâ aliquâ cogitatione, vel rerum occupatione, indè aliquantulum abstractum fuerit, summâ cum festinatione illuc redire festinat (exilium reputans alibi) quàm ibi moram facere.

Aug. med.
cap. 25.

Si enim homo hominem tantâ diligit dilectione, ut alter alterum vix patiatu abesse: si sponsa sponso, tanto conglutinatur mentis

mentis ardore, vt præ magnitudine amoris, nullâ perfrui valeat requie, Chari sui absentiam non sine magno mœrore ferens; quâ dilectione, quo studio, quo feruore anima, quam desponsasti fide & miserationibus, debet diligere te, verum Deum & pulcerimum sponsum.





*Anima mea liquefacta est, ut dilectus
locutus est. Cantic. 5.*

V.

Anima mea liquefacta est, vt dilectus locutus est. *Cant. 5.*

TE semel vt cursim tantum, mea vita, viderem,
 Quot iuga, quot sylua, quot loca visa mihi!
 Vt semel audirem tantum, mea vita, loquentem,
 Ah! quot inaccesis rura petita viis!
 Aëry montes, metuendaq; culmina rupes,
 Saxaq; syluiuagis vix adeunda feris.
 Nec tamen, ecce, tui data spes fuit vlla videndi,
 Vixq; vel alloquij spes fuit vlla tui.
 O quoties dixi! qua te, mea vita latebra,
 Quae caua, quae terra, quae nigra lustra tegunt?
 Sed neque lustra meum, neque rus solata dolorem,
 Respondit lacrymis sylua nec vlla meis.
 Fors semel ignotos, me duxerat error in agros,
 Solus vbi ante oculos campus, & error erant.
 Metior hinc oculis Caelos, clamoribus agros;
 Sed neque vox Caelis, nec data vox ab agris.
 Inde deerranti vallis se monstrat opaca,
 Vociferor, nullus sit mihi valle sonus:
 Ecce cauâ densum, procul haud à valle, viretum
 Adiacet, aestiuo textilis umbra gregi:
 Hic erit, hic forsân, dixi, mea vita, latebit;
 Heu dolor! vt vidi, nulla latebra fuit.
 Ergo amens tandem lacrymansq; ad littora curro,
 Littora, qua refluis Nereae tundis aquis:
 Hic Pharos ingenti se tollit in ardua cliuo,
 Vnde suam ratibus nauita captat iter.

Scando Pharon, totoq; oculos circumfero ponto,
 Et quantâ possum littora voce voco.
 Littora, littora, vos cautes, vosq; equoris vnda,
 An latet equoreis lux mea mersa vadis?
 Vix prior attigerat resonantia littora clamor,
 Cùm citò littoribus vox geminata redit.
 Ambigo, num scopulis fallax responderit Echo,
 Et nimidm pronâ luserit aure fidem:
 Tristibus ergo iterum caua littora pulso querelis;
 Littoribusq; iterum vox repetita redit.
 Vox redit, & vox nota redit, Tua vox, mea vita,
 Et mihi voce Tuâ, reddita vita fuit.
 Ibam semianimis, subitò ad tua verba reuixi,
 Ne penitens morerer, vox satis vna fuit.
 Scilicet ora loquens, quoties cœlestia soluis,
 Magnum aliquid verbis, fulminis instar inest.
 Igniuoma non quale nucis, testudine clausum
 Efflabas Syria si audibus, Euna, Dea,
 Quale sed in comites, Emmautia rura petentes
 Sparsisti stygijs Dux rediuiue plagis,
 Frigida cùm subitis arserunt pectora flammis
 Pectora colloquio, lux mea, tacta tuo.
 Hinc mihi succensis caluit quoq; flamma medullis,
 Ictaq; cœlesti vocis ab igne fur:
 Et licet Oceano gelidis licet vndique saxis,
 Vndiq; ceruleis obsita cingar aquis;
 Intus agunt flamma sic liquor ab ignibus intus,
 Liquitur vi lento pinea teda foco.
 O vtinam, mea vita, animam liquamur in vnam,
 Vnaq; vita duos iungat Amorq; duos!

Anima

Anima mea liquefacta est, ut dilectus locutus est. Cant. 5.

QVID est hoc quod sentio? quis est ignis August. foli. c. 34. qui calefacit cor meū? quæ est lux quæ irradiat cor meum? ô ignis qui semper ardes & numquam extingueris, accède me! O lux, quæ semper luces, & numquam obfuscaris, illumina me! O utinam arderem ex te, ignis sanctè! quàm dulciter ardes, quàm secretè luces, quàm desideranter aduris.

Sicut cera fluit à facie ignis, sic anima succensa est à facie eius; Anima mea liquefacta est, ut dilectus locutus est. quàm dulcis hora, quando anima huic igneo torrenti, liquefacta miscetur, quàm subtilis est in illo momēto, quàm extenuata, quàm mobilis! Nihil tunc torporis habet, nihil duritiæ reliquum, nihil rigoris, tantummodo calens & liquēs. Cognata sunt sibi inuicem liquidum & calidū; in his duobus contēplationis vsus cōsistit. Quod liquidum est, calorem citiùs cōcipit, & conceptus calor vice versâ, quod liquidum reperit, liquidius reddit. Quod dico calidum & liquidum, hoc alijs nominibus, est succensum & sincerum. O mira vis verbi & ignita vehementer! inflammat cor commutat renes, in nihilum (in cōspectu suo respectu Dei sui) animum redigit; à seipso lique-

Guilb.
Abbas ser.
44. in Cāt.

scere & deficere facit, vt iam anima non fit tecum.

Ibid. supr.

Ausculda & recole, quid locutus Mariæ Magdalenaë, quid mulieri in adulterio deprehensa, quid Samaritanaë, Chananæ, Zachæo, Petro, Centurioni: Ad tot pietatis sermones & clementiæ, cuius nō mollescat affectus viscera liquescant! Ad tam vehementes flatus Austrinos, etiam de durissimo peccatore, quantumlibet annosa poterat glacies dissolui. Sentio me affluentis olei liquore perfundi & simili affectu liquefcere, quoties misericordiæ tuæ opera & verba perfecta recenseo. *Ignitum eloquium tuum vehementer, & seruas tuus dilexit illud.*

Greg. in c.
5. Cant.

Dum[enim] CHRISTVS se per spiritū suum animæ desideranti infundit, omnem duritiam cordis mox dissoluit, & aliquando mentem in tantas lacrymas liquefacit, vt vix capere possit hoc quod se capere intra se exultat, & intus miretur quid fuerit & quid factam subito seipsam videat. Quem liquore dum sentit, perfectiùs apprehendere concupiscit, & aliquando dum hoc ipsum cogitat, hoc quod modò sentiebat, iam non sentit.

Greg. c. 39.
in c. 3. Job.

Quia nimirum mens dum occulte locutionis aspiratione tangitur, à statu suæ fortitudinis infirmata, ipso quo absorbetur desiderio, liquatur.

Guill. Abbas

Sed res corporeæ cum per calorē extrinsecus

secus liquefiunt, in semetipsas resoluuntur; anima verò, cum per calorem intimum liquefiunt, non in semetipsas resoluuntur, sed in resoluentem. Resoluuntur à semetipsis, sed non in semetipsas; resoluuntur igne Dei, ab amore sui, in amorē sponsi cœlestis. Hoc Paulus insinuans, *qui adheret, inquit, Domino, vnus spiritus est.* Et suam animam hoc modo lique factam indicâs: *Viuo, inquit, ego, non iam ego, viuit autem in me* CHRISTVS.

Quid verò congruentius est quàm amori tribuere hanc liquefactionem, quâ id, quod alioquin durum est, redditur fluens; cum exploratum sit eos esse præcipuos amoris effectus, vt amâtem impellat ad amatum, eundemque cum illo vniat; quæ certè vnio tunc fit pulcriùs, cum amor ipse fit mutuus, atq; adedò & ambos amantes ad alterutrum fluidos faciens. Nec ignoramus, dilectum piarum animarū IESVM CHRISTVM dixisse, in Psalmo 21. *Factum est cor meum tamquam cera liquefcens.* vnde si liquefacta anima fluat ad IESVM, qui & liquefactus vt cera, fluit ad ipsam animam, quid exinde consequitur nisi perfecta vnio;

Anima mea liquefacta est, vt dilectus locutus est, ô mira & inestimabilis virtus amoris! Deum inclinât ad terram, mentē eleuat ad patriam & Deum & animam vel hominem simul conglutinat ad gloriam; Deum facit

apud Des-
ilo cap. 5.
Cant.

Gisl. in c. 5
Cant. ex-
pos. 3.

Bonauen.
stimuli
amoris,
part. i. c. 8.

facit hominem & hominē facit Deum; temporalem facit aeternum, immortalem occidit, mortalem facit immortalem, & imum excelsum constituit, inimicū facit amicum, seruum facit filiū, & abominabile facit gloriosum, frigida facit ignea, obscura facit clara, dura facit liquida. Nam *anima mea liquefacta est*. O verbum admirabile! ò verbum nimium delectabile! Ego vilissimus & nequissimus seruus tuus Domine Deus meus, qui etiam non sum dignus aliqua creatura tua vocari, nec esse, quomodo sū tibi tanto vinculo charitatis colligatus, vt ad verbū tuum, præ amore, fuerim liquefactus? O ardor amoris qui intima mentis in Deū infundis! Nam adamātina erat anima mea; & eius intima nimium solidata. Nunc amore liquefcit, nūc extra se exit, & in Deum tota se diffundit, proprium locum relinquit, & in Deum currit, absorbetur à Deo & obliuiscitur sui. O amor! quid tibi tribuā, qui me fecisti diuinum? *Viuo ego, iam non ego, viuit autem in me* CHRISTVS. Inenarrabilis est virtus tua, O amor, qui lutum in Deum transfiguras! Quid ergo te potentius, quid dulcius, quid iucūdius, quid & nobilius, obsecro? O desiderabilis amor, qui summis delicijs repletes egentes! sed si liquefacta es, ad verbum eius, ò anima mea, quomodo sustines amplexus eius? Quomodo non es assumpta ad oscula eius?

V I.

Quid enim mihi est in cœlo, & à te
quid volui super terram? *Psal. 72.*

Quid cœlo, mea lux, terræve, marisve requirã?
Nec cœlum, sine te, terra, nec vnda placet.

Non equidẽ ignoro, quæ, quantaq; gaudia Cœlum,
Terraq; quas fundat, vndaq; condat opes.

Sed sine te, mea lux, mala sunt, quæcumq; vel ather.
Vel tellus gremio, vel tegit vnda salo.

O cœlum! ô tellus! ô cœrula marmora ponti!

O tria delicijs regna superba suis!

Delicias cumulus vestras licet aggerat vnus,

Non sint delicia, si meus absit amor.

Sepè tulit, fateor, vraga per diuortia mentem

Hinc Thetis hinc Tellus, arduus inde Polus.

Sed totum iniectis, mundum si metiar vlnis,

Non tamen hæc vlnis par erit vlna meis.

Mens aliquando fuit grãuidam recludere terram,

Æraq; diuitibus vellere fulua cauis,

Aurumq; argentumq; nitentis germina vene,

Quæq; metallifero nutrit arena sinu.

Ferro igitur magnæ Matris suffodimus aluuum

Totaq; telluris gaza coacta fuit.

Quid iuuat? aggestas licet aurum fregerit arcas,

Non tamen est animo nausea pulsa meo.

Ergo sub æquoreos rapuit me cura penates,

Quâ subit Epes Indus adustus aquas.

Quid

Quidquid & aurifluis gemmarum nascitur vndis
 Carpere sub liquido gurgite feruor erat.
 Et pressum roseis conchylibus edere rorem,
 Rideret patulis purpura si qua labris.
 Et sparsas rutilus baccas conquirere ripis,
 Dives Hydasphei quâ nitet vnda vadi.
 Hei mihi tam vario lectis ex equore gemmis,
 Littoribus totidem fluminis atque maris,
 Tot cyanos tot chrysolitos tot iaspidas inter,
 Nulla mea potuit gemma sat esse fici.
 Quid facerem, votis, terraq₃, mariq₃, negatis?
 Sidereos, dixi, vota subire lares.
 Visa igitur superi circumuaga machina mundi,
 Templaq₃, luciferis fulgida lampadibus.
 Obstupui stabili currentes ordine flammâs,
 Astraq₃, perpetuos ducere nexa choros:
 Inter at indigenas tot Olympi pensilis ignes,
 Flamma capax anima non fuit vlla mea.
 Nempe ita cum totum requieuit in Hercule Cælum,
 Non illi requies sidera, pondus erant.
 Ah! piget è terris Cæli conuexa tueri,
 Iam super alta feror nubila, terra vale.
 Iam cuncta ex oculis, turreq₃, vrbesq₃, recedunt,
 Iam coit in minimam pendula terra pilam:
 Iam luna, solisq₃, Iouisq₃, superuehor orbis,
 Et septena premens sidera, calco pede:
 Iamq₃, pauimentum stellarum illustre pyropis,
 Sub pede despicitur, quod modo culmen erat:
 Alraq₃, iam cingunt flammantis mœnia mundi,
 Et propior cæli regia tota patet.

Quin properant volucres, pennata examina, ciues,
 Et sociant varijs verba fidesq₃ modis,
 Saltantesq₃ obeunt pedibus plaudentibus orbem,
 Letaq₃ ceu festo personat Aula die.
 O calum! ô calum! ô fulgentia lumina stella!
 O, nisi fidereis, atria digna choris!
 O volucres anima, rutili respublica Regni!
 O chelys Angelicis associanda modis!
 O vbi sum? prope facta sui immemor, exciderat mēz
 Sed redit vt sponsum sensit abesse suum.
 Astra valete, valete Poli; Volucresq₃ valete;
 Nil mihi vobiscum est, si meus absit amor.
 Iam video, mihi quid terra q₃, polo q₃, petendum,
 Si meus absit amor, Terra, Polusq₃ vale.
 Magnanimas iuuenis lacrymas, Pellæ, dedisti,
 Nulla tibi domito terra quod orbe foret:
 Quid mihi millenos si fregero viribus orbes?
 Non satis est votis gloria tanta meis.
 Ah, minus est animo, quidquid sola disita terrarū,
 Astriferæq₃ obeunt mœnia vasta plage!
 Quod neq₃ terra capit, neque regna liquentia ponti,
 Non hominumq₃ lares, non autumq₃ domus;
 Quod neque fiderei claudunt amplexibus orbes,
 Id voto spes est, resq₃ petita meo.
 Hactenus heu fateor, vacuas dum prendimus auras,
 Semper ab amplexu mens malè lusa suo est!
 Tu mihi Terra, Deus, mihi tu Mare, tu mihi cœlū,
 Denique cuncta mihi es, Te sine, cuncta nihil.

*Quid enim mihi est in cælo, & à te quid
volui super terram? Psalm. 72.*

Hugo de
S. Victore
in arrhâ
Anima.

Dic mihi, quæso, anima mea, quid est quod super omnia diligis? ego scio quod vita tua dilectio est, & scio quod sine dilectione esse non potes. Aspice mundum & omnia quæ in eo sunt, multas tibi species pulcras & illecebrofas inuenies, quæ humanos affectus alliciunt, & secundum varias ventium delectationes ad fruendum se, desideria accendunt. Habet aurum, habent lapides preciosi fulgorem suum; habet decor carnis speciem, picta tapetia & vestes fucatae colorem, Dic ergo, obsecro, mihi; quid de his omnibus vnicum tibi feceris, quod singulariter amplecti, quo semper perfrui velis? Certus enim sum, quod aut horum quæ videntur aliquid amas, aut si iam postposuisti vniuersa hæc, aliud habes, quod præ omnibus his diligas.

August. in
Psal. 143.

Quid tibi placet in sæculo? quid est quod vis laudare? quid est quod vis amare? quocumque corporeis sensibus te conuerteris, occurrit tibi cælum, occurrit tibi terra. Quod amas in terrâ, terrenum est; quicquid amas in Cælo corporeum est. Iam ergo diu occupata vixisti, & desideriorum diuersitate verberata, portas plagas, faucia, diuisa per amores

res multos, vbique inquieta, nusquam ſacura. Colligere ad te ipſum; quicquid tibi foris placebat, quere quem habeat auctorem. Nihil melius in terrâ, verbi gratia, quàm hoc & illud. Aurum, argentum, animalia, arbores, amœnitates, totam terram cogita; quid melius in Cœlo, ſolo, lunâ, ſideribus? Totum cogita; omnia iſta ſimul bona valdè, quia fecit Deus omnia bona valdè; vndique pulcritudo operis, quæ tibi commendat artificem. Miraris fabricam, ama fabricatorem. Non occuperis in eo quod factum, & discedas ab eo qui fecit: hæc enim quibus occuperis ſub te fecit, quia ſub ſe ipſo te fecit.

Anima humana quæ ad Deum appetendum facta eſt, quicquid infra Deum appetit, minus eſt, ideoque iure ei non ſufficit, quod Deus non eſt. Sed caue, anima mea, ne non ſpõſa, ſed adultera dicaris, ſi munera dantis pluſquam affectum amantiſ diligis. Væ tibi, ſi oberras in veſtigijs ſuis, ſi nutus ſuos, pro eo amas, & nõ aduertis purgatæ mentis intelligentiâ, quid innuat lux illa beatiffima, cuius nutus & veſtigia ſunt omnium creaturarum decus & forma. Adhuc ſi fortè ignoras *te õ pulcerrima mulierum, egredere, & abi poſt veſtigia gregum*, id eſt, irrationabilium creaturarum, quæ ſunt veſtigiũ Creatoris tui; tu verò ſpeculum ſanctiffimæ Trinitatis. Ergo omnibus dignior & excellentior comprobaris.

Bona. ſo-
lil, cap. 1.

Et *pasce* hœdos tuos, iuxta tabernacula pastoris, id est, conuerte cogitationes tuas ad choros Angelorum, quibus quodammodo similis es in naturâ & conciuis eris in gloriâ.

Bonau. c. 1.
folio.

Heu Domine, nunc intelligo, sed confiteri erubesco, species & decor creaturarum decepit oculum meum, & non aduerti, quia speciosior omnibus creaturis es tu, quibus tantummodo vnâ guttam tuâ inestimabilis pulcritudinis cõmunicasti. Quis enim ornauit cœlum sideribus, ærem volucris, aquam piscibus, terram plantis & floribus? sed quid sunt hæc omnia, nisi tuâ pulcritudinis modica scintilla? dulcedo etiam Creaturarum decepit gustum meum, & non aduerti, quod melle dulcior es. Tu enim melli & omni creaturæ dulcedinem suam, imò tuam commodasti. Decepit etiâ odor creaturæ olfactum meum, & ignorauit quod odor tuus, o bone IESV, redolet super omnia aromata. Decepit etiam fontis falsus siue fallax creaturarum, auditum meum, & nesciui nec sensi quàm dulcia faucibus electorum tuorum eloquia tua.

Bern. med.
cap. 9.

Cor meum, à cogitatione in cogitationem ducitur, & per varias occupationes & affectiones variatur, vt saltem varietate ipsarum rerum impleatur, quarum qualitate satiari non potest.

August.

Sed hoc scio Domine Deus meus, quia
vbicum-

vbicumque sum sine te, malè est mihi præ-
 te; non solùm extra me, sed etiam in me;
 quia omnis copia, quæ non est Deus meus,
 mihi est egestas. *Satiabor tunc cùm apparuerit
 gloria tua.* folilo c. 13.

Anima[enim]quam creasti, ira facta est
 capax maiestatis tuę, quòd à te solo & à nul-
 lo alio possit impleri; quando autem te ha-
 bet plenum est desiderium eius, & iam nihil
 aliud quod desideretur exterius, restat. Dum
 autem aliquid exterius desiderat, manife-
 stum est, quòd te non habet interius; quo
 habito, nihil est quod vltra desideret: cùm
 enim sis summum, & omne bonum, non ha-
 bet quod desideret amplius, sed possidet te
 omne bonum.

Bruma, calens æstas, ver, Autumnusq; vicissim,

Spectra duo vitæ, nox simul atque dies;

Cælum, æquor, tellusq; nouū nihil est mihi prorsus,

Non quæ sunt motu prædita, quæq; carent.

Nil moror hac, aliū mihi da, Rex optime, mundum,

Propter quem hic prompto tot mala corde fero.

Cætera quæ terris voluntur, nil moror ipse

Amplius, humanis linquere cuncta libet.

Ad quodcumque me conuertero, vile scit
 mihi adeptum, quamuis acciderit desidera-
 tum. quando satiabitur desiderium meum
 in bonis? non satiabor de mortalibus, non
 satiabor de temporalibus; aliquid æternum
 donet, aliquid æternum concedat. Bonum

Aug. foliil.
 cap. 20.

Nazian.
 carm. de
 externi
 hominis
 vilitate.

August. in
 Plal. 102.

tuum quære, ô anima. Est enim bonū aliud alteri, & omnes creaturæ habent quoddam bonum suū, integritatis suæ & perfectionis naturæ suæ interest, quid cuique rei imperfectæ necessarium sit, vt perficiatur: Quære tuum bonum, *Nemo bonus nisi vnus Deus*, summum bonum, hoc est tuum bonum. Quid ergo deest, cui summū bonum, bonum est? sunt enim & inferiora bona, quæ alijs & alijs bona sunt: Pecori quid bonum est, nisi implere ventrem, carere indigentia, dormire, gestire, viuere, sanum esse, generare? Tale tu bonum quæris? Cohæres CHRISTI, quid gaudes, quia socius es pecori? Erige spem tuam ad bonū bonorum omnium [ad eum] *qui satiat in bonis desiderium tuum.*

Chrysthō,
5. in epi. ad
Roman.

Audi quid Propheta dicat: *Quid enim mihi est in Cælo?* & illud: *A te quid volui in terrâ?* ac si dixisset nullius prorsus alterius rei, nec cœlestis, nec terrestris, sed tuo vnus desiderio teneor.

Hoc est; Tu portio mea es, abundas mihi ad omnia, nihil quæsiui aliud, nisi vt te partem haberem; nullas sæculi huius diuitias & voluptatum illecebras concupiui. Nullius ego qui à te assumptus sum, nec superest in cœlestibus quod ampliùs quæram. Nihil habens omnia habeo, quia CHRISTVM habeo; omnia ergo in illo habens, aliam non quæro mercedem, quia ipse
rem-

merco

Ni

aliud

iam ex

illud

à te qu

cor me

atenu

licitat

quam

deside

ta per

ctum

in cub

fruat

Vic

girans

rei in

auris

non d

sed, qu

habeo

cum n

quid v

diuiti

te in t

bent

pecun

famil

quod

merces est vniuersorum.

Nihil[enim] aliud desiderat anima, nihil Bern. de diuers. affectionib. animæ aliud à Deo quærit, quàm ipsum Deum, vt iam ex affectu cordis, atque sententiâ clamet illud de Psalmo: *Quid enim mihi est in cælo, & à te quid volui super terram? Defecit caro mea, & cor meum, Deus, cordis mei, & pars mea Deus in æternum.* Neque enim suum aliquid, non felicitatem, non gloriam, non aliud quidquam tamquam priuato sui ipsius amore desiderat anima, quæ istiusmodi est, sed tota pergit in Deum, vnicumque ei ac perfectum desiderium est, vt introducat eam Rex in cubiculum suum, vt ipsi adhæreat, ipso fruatur.

Vidit[nempe] quid ibi seruaretur, & cogitans & æstuans in cogitatione cuiusdam rei ineffabilis, quam nec oculus vidit, nec auris audiuit, nec in cor hominis ascendit; non dixit: Illud aut illud mihi est in Cælo, sed, *quid mihi est in cælo?* quid est illud, quod habeo in Cælo? quantum est? quale est? & cum non transit, quod habeo in Cælo, *à te quid volui super terram?* seruas tu mihi in cælo diuitias immortales, te ipsum; & ego volui à te in terrâ, quod habent & impij, quod habent & mali, quod habent & facinorosi, pecuniam, aurum & argentum, gemmas, familias, quod habent & scelerati multi, quod habent multæ feminae turpes, multi

August. in Psal. 72.

viri turpes? Hæc pro magno desideravi à Deo meo super terram, cum seruet se mihi in Cælo Deus meus.

Aug. med.
cap. 40.

Defecit gaudium cordis mei, versus est in luctum risus meus; *defecit caro mea & cor meum Deus cordis mei & pars mea Deus in aternum.* Renuit consolari anima mea, nisi de te, dulcedo mea. *Quid enim mihi est in cælo, & à te quid volui super terram?* Te volo, te spero, te quaero; *Tibi dixit cor meum? Quasi vultum tuum, vultum tuum Domine requiram, ne auertas faciem tuam à me.*

Ambt in
orationib,

Scis igitur, occultorum cognitor Deus, quia non solum terrâ & omnibus quæ in eâ sunt, sed ipso Cælo, & omnibus quæ in eo sunt, tu mihi carior, tu acceptior, tu amabilior es; diligo enim te supra Cælum & terram, & cætera omnia, quæ in eis sunt.

Aug. solil.
cap. 20.

Quidquid enim cæli ambitu continetur, inferius ab animâ humanâ est, quæ facta est ut summum bonum superius possideret, cuius possessione beata fieret.

VII.

Heu mihi quia incolatus meus pro-
longatus est! habitavi cum habi-
tantibus Cedar, multum incola
fuit Anima mea. *Psalms. 119.*

AN peragit solitis Phœbi rota cursibus annum,
Sidereumq; suo tempore finit iter?
Credideram fractis currum consistere loris,
Tempora tam lentis ire videntur equis.
Hei mihi, decretos iam dudum expleuimus annos,
Nec tamen è vitâ cadere Parca iubet!
Cur mea tam longo ducuntur stamina filo?
Debueras, Lachesis, deproperasse colum.
Ecquid in his aded delectet viuere terris?
Quidve quod inuitet, tristis hic orbis habet?
Qualibet, ah! simili mihi mors minus aspera vita
est,

Si genus hoc mortis vita vocanda fuit.
Nempe gradu stabili nihil hic immobile constat,
Cuncta sed assiduâ mobilitate fluunt.
Manè dies oritur Phæbeo splendidus auro,
Squallidus emoritur, nocte premente, dies.
Nox subit Astrorum rutilis comitata choreis,
Nox iterum Cælo, sole fugante, fugit.
Nunc Zephyro gremium tellus spirante recludit,
Nunc claudit gelidos, flante Aquilone, sinus.

Nunc

Nunc canet niuibus, nunc spargitur alba pruina,
 Nunc tepidi solis veris amicta viret.
 Mollia iam liquidas pandunt freta nauibus vndas,
 Iam tenet inclusas vnda gelata rates.
 Nunc agitant tumido venti fera praelia Ponto,
 Nunc stagnat placidis cerula Tethys aquis.
 Humidus effusis nunc liquitur imbribus ether,
 Nunc aqua nitidus stat sine nube Polus.
 Nunc fragor horrisono Caelū quatit omne tumultu,
 Nunc filet, & superas pax tenet alta plagas.
 Denique (qua reliquos superant incommoda casus)
 Mœsta ferè in medijs vita trahenda seris.
 Quæq; domus hominū, magè sunt spelœa ferarum,
 Quæq; homines, hominum nil nisi nomen habent.
 Scilicet insidia, fraudesq; doliq; triumphant,
 Nec, nisi quod rigido, ius datur ense, viget.
 Exultat hinc pietas, terrisq; Astræa recessit,
 Falsq; relegatum sub pedibusq; iacet.
 Adde loci faciem; locus est inamabilis, & quo
 Libera vix risu soluere corda queas.
 Marius, heu! sauis ardet furor vndiq; bellis!
 Nec numerat plures altera terra neces.
 Hostibus in medijs, inter gladioq; facesq;
 Hæc geris arma manu, quæ seris arua manu.
 Quis velit in tantis tolerare laboribus annos,
 Sortis & assiduis ictibus esse scopus?
 Hei mihi, decretos, iam dudum expleuimus annos!
 Tempora cur sati sunt ita lenta mei?
 Tempora cum numero (numero quæ sapius exul)
 Iure grues damnata nostra querela moras.

Nec scio quæ cæcas hebetent obliuia mentes,
 Omnia quæis longi sunt sua vota, dies:
 Crediderim misera nescire pericula vitæ,
 Nec quàm sit grauis hic conditione locus.
 Nam bona sideret si nossent maxima mundi,
 Arceri patriâ se quererentur humo.
 Sed procul absentes cœlestia gaudia fallunt,
 Raraq; de Cœlo nuncia rumor habet.
 Hei mihi, quàm procul his distas, mea patriâ, terris!
 Quàm procul à cœli finibus exul agor?
 Exulibus quondam tellus fuit vltima, Iybur;
 Me profugam satis vltimus orbis habet.
 Et nondum infaustas colui satis incola sedes,
 Squallentes tenebris, tristitiaq; domos?
 Sexta Ceres cæsis quoties procumbit aristis,
 Seruus ab Hæbreo pilea sumit hero:
 Cur ego non etiam seruili emancipor agro?
 Et rudis immunem verbere virga facit?
 Cur patriâ, fines portusq; relinquere cogor,
 Nec sinor ætherios exul adire lares?
 Deserit externas peregrina Cyconia sedes,
 Inq; suas reuolat, per mare vecta, domos.
 Nuncia veris auis, nidos quoque mutat hirundo,
 Cùm redit ad notos Bistonis ales agros.
 Vrbe relegatus, patrijs Antistius oris,
 Redditus, exilij sine fauente, suit.
 Hei mihi, cognatis cur exul abarceor astris?
 Nec sinor illa meo tangere regna pede?
 Lux mea, rumpe moras, satis his habitauimus oris,
 Aut quo non potui corpore, mente ferar.

Heu

Heu mihi quia incolatus meus prolongatus est! habitavi cum habitantibus Cedar, multum incola fuit Anima mea, Psalm. 119.

Aug. med.
cap. 11.
Aug. ser.
42 de ver-
bis Domi-
ni.

TÆDET enim me, Domine, valde vitæ huius, & istius ærumnosæ peregrinationis! Tota quippe vita ista, intelligentibus tribulatio est; sunt enim duo tortores animæ, non simul torquentes, sed cruciatu alternantes. Horum duorum tortorum nomina sunt, timor & dolor. Quando tibi benè es, times; quando malè es, doles.

Aug med.
cap. 21.

Vita hæc, vita misera, vita caduca, vita incerta, vita laboriosa, vita immunda, plena miserijs & erroribus, quæ non est vita dicenda sed mors; in quâ momentis singulis morimur, per varios mutabilitatis defectus, diuersis generibus mortium. Mors ista vitalis, & vita mortalis; licet his alijsque sit respersa amaritudinibus, proh dolor! quàm plurimos suis capit illecebris, & quàm multos suis falsis promissionibus decipit.

Orig. hō. 1.
in Psal. 38.

Dulcem [namque] hanc lucem, quâ nunc vitimur, illi dicunt, qui dulcedinem veræ lucis ignorant, sed ne auspicia quidem viri luminis vlla senserunt, nec sciunt Angelicam vitam sperandam esse animæ, cum ex vanitate huius vitæ euaserint.

Quid

Quid amissa cælesti patriâ, repulsus homo
delectatur exilio?

Vitium [hoc est] nostræ infirmitatis, qui
voluptate corporis, & delectatione vitæ
istius capimur, & cursum hunc consumma-
re trepidamus, in quo plus amaritudinis
quàm voluptatis est. At non sancti ac sapi-
entes viri, qui longævitatē vitæ huius in-
gemiscebant, dissolui & cum CHRISTO esse
pulchrius æstimantes: denique idem gene-
rationis suæ execrabantur, sicut ille qui ait,
Pereat dies illa in quâ natus sum. Quid enim est,
quo hæc vita delectet? plena ærumnarum &
solicitudinum, in quâ innumeræ calumniæ
& multæ molestiæ, & multæ lacrymæ eo-
rum qui affliguntur molestiis, & non est, in-
quit, qui eos consoletur, & ideò laudat Eccles.
defunctos magis quàm viuentes.

Vita [certè] mea, vita fragilis, vita cadu-
ca, vita quæ quanto magis crescit, tanto ma-
gis decrescit; quanto magis procedit, tanto
magis ad mortem accedit. Vita fallax &
vmbatica, plena laqueis mortis; nunc gau-
deo, nunc statim tristor, nunc vigeo, iam in-
firmor, nunc viuo, statim morior, nunc felix
appareo semper miser, nunc rideo, nunc
fleo; sicque omnia mutabilitati subiacent,
vt nihil vna hora in vno statu permaneat.

Nec terra intrepida est, quatitur sed turbine venti,
Inq̄ vicem cedunt tempora prompta sibi.

Greg. 1. re-
mor. in ca.
14. Job.
Ambr. de 1
bono mor-
tis cap. 2.

August. so-
lilo cap. 26

Nazianz.
carm. de
humani-
Nox
nat.

Nox tegit atra diem, tempestas æthera fuscatur,
 Astrorum obscurat sol radiansq; decus.
 Sol tegitur nebulis, rediuiuaq; luna resurgit,
 Dimidiâ Cælum parte lateq; sui.

Carm. de
 externi
 hominis
 vilitate.
 Chryf. in
 Pfal. 119.

Quæ vita hæc? tumulam? à tumulo peto rursus, &
 Post tumulū rursus me tumulabit edax (ignis
 Idq; ipsum est, quod viuo, velut rapidissimus amnis,
 Qui sursum exoriens semper ad ima fluit.

Est enim præfens vita Incolatus & quid dico
 incolatus, cum res sit vel incolatu inferior,
 vnde Christus etiam, ipsam vocauit viam,
 dicens: angusta est porta, & arcta est via quæ ducit
 ad vitam.

Greg. l. 23.
 mor. c. 24.
 in c. 33.
 Iob.

Via quippe est vita præfens, quâ ad patriâ
 tendimus; & idcirco hîc occulto iudicio,
 frequenti perturbatione conterimur, ne
 viam pro patriâ diligamus. Solent enim
 nonnulli viatores, cum amœna fortasse in
 itinere prata conspiciunt, pergendi moras
 innectere, & à cœpti itineris rectitudine de-
 clinare; eorumque gressus tardat pulcritudo
 itineris dum delectat. Electis ergo suis ad se
 pergentibus Dominus, huius mundi iter as-
 perum facit, ne dum quisque vitæ præfentis
 requie, quasi amœnitate vitæ pascitur; magis
 eum diu pergere, quàm citius peruenire de-
 lectet; ne dum oblectatur in viâ, obliuiscatur,
 quod desiderabat in patriâ.

Chryf. in
 Pfal. 119.

Sed hæc est doctrina optima atque aded
 prima, scire nos esse *inquinatos in vitâ præfenti.*
 Qui

Qui rerum quæ hîc sunt est hospes, erit rerû
 supernarum ciuis. Qui eorum quæ hîc sunt,
 est hospes; non lubêter versabitur in præsen-
 tibus. Nô domus, non pecuniæ, nô alimen-
 ti, nec alterius eiusmodi curam gerit, sed
 quemadmodum qui in aliena versantur, ni-
 hil non agunt & procurant vt patriæ suæ re-
 stituantur, & quotidie vrgent & festinant, vt
 eam quæ eos tulit, videant. Ita etiam qui a-
 more futurorum tenetur, nec rebus præsen-
 tibus aduersis animum demittet, nec se cun-
 dis efferet, sed vtrasque prætercurret tam-
 quam qui viam ingrediur. Quocirca iube-
 mur etiam dicere in Oratione: *Adueniat Reg-
 num tuum*, vt illius diei desiderium & cupidi-
 tatem animo nostro versantes & ipsum præ-
 oculis habentes, ne videamus quidem præ-
 sentia. Si enim Iudæi Hierosolymâ deside-
 rantes, etiam postquâ liberati sunt, desent
 præterita; quæ nâ dabitur nobis venia, quæ-
 nâ relinquetur defensio, si nô supernæ Hie-
 rusalem teneamur vehementi desiderio? Vi-
 de ergo quomodo hi quoque lamentantur,
 quod cum illis versentur: *Habituau* dicentes,
cû tabernaculus Cedar, multum incola fuit Anima
mea: Hîc enim non solum desent quod in
 aliena habitent, sed etiam cû Barbaris ver-
 sentur. Neque enim hæc vita est eò tantum
 laboriosa, quod plurimam habet vanitatem
 & curas importunas, sed quod etiâ multus

fit malorum prouentus. Nihil est autem grauius & molestius, quàm quæ est cum huiusmodi hominibus congressio. Est Barbarorum, cum ijs in quos imperium obtinuerunt, instat ferarum agere; vt qui tuguijs & tentorijs vrantur, & ad immanitatem ferarum sint redacti: sed his multo sunt efferatiores, raptores, auari & qui impudicè, ac libidinosè & in delicijs vitam tranfigunt. *Multum incola fuit anima mea*; non multum propter multitudinem, sed propter rerum difficultatem. Etsi enim sit exiguum, videtur esse multum ijs qui affliguntur. Nonnulli è vulgo, pusilli & abiecti animi, qui etsi per multos annos vixerint eos paucos esse dicunt. Quibus, quid esse potest à ratione alienius? quid verò crassius ijs, qui cælo proposito, & ijs bonis quæ sunt in cælis, quæ *nec oculus vidit, nec auris audiuit*, ore hiantie vmbrae stупent, nec volunt vitæ præsentis Euripum trahere, in perpetuis fluctibus, tempestatibus & naufragijs volutati?

Ang. ser.
49 ad fratres in
Ereño.

O vita quæ tãros decipis, de proprijs tantos seduxisti, tantos excæcasti! Quæ dum surgis, nihil es: dum videris vmbra es, dum exaltas fumus es, Dulcis es stultis, amara sapientibus; qui te amat, non te cognoscit; qui te contemnunt, ipsi te intelligunt. Væ qui tibi credunt! Beati qui te contemnunt! vera non es vita, quam te ostendis. Alijs ostendis
te

te longam, vt perdas in finē, vt faciant quod volunt; alijs breuē, vt dum pœnitere volunt, non permittas. Sic est vita nostra, quasi homo in domo alienâ, nesciēs quâ horâ vel die Dominus domus dicat: vade foras, quia nō est tua domus in qua es. O sæculum vanum! quid nobis tanta promittis, dum decipis?

Erraui fateor, *sicut ouis perdita, & incolatus meus prolongatus est*; atque proiectus sum à facie Dei mei, in hanc exilij cœcitatē,

Ambr. in orationibus.

ubi expulsus à Paradyfi gaudijs, deploro quotidie mecū super miserias captiuitatis meæ, lugubre carmen, ingentesq; lamentationes, dū recordor tui, mater Hierusalē, dum stant pedes mei in atrijs tuis sancta & decora Siō!

Heu quassa nostra CHRISTE mi, vis concidit!

Heu quas procellas excitat corpus mihi!

Nazian. ad Christum. Alibi optat finem vitæ

Heu quàm incolatus se meus longè extulit!

Omnind rerum sum satur presentium,

Census, inopia, gaudij, molestia,

Fama, decoris, hostium, & chari gregis.

Aug. solil. cap. 35.

Infelices quorū vita est in exilio, vita in periculo, finis in dubio, nesciens finē nostrum quia omnia in futurum referuantur incerta. Adhuc in Pelagi fluctibus versamur suspirantes ad te, portum maris. O patria nostra! patria secunda! à longè te videmus, ab hoc mari te salutamus, ab hac valle ad te suspiramus, & nitimur cum lacrymis, si quomodo ad te perueniamus.

Aug. med.
cap. 18.

Sed quia dum sumus in corpore peregrinamur à te Domine, non habemus hic civitatem manentem, sed futuram inquirimus, noster autem municipatus in cælis est. Id. ò duce gratiâ tuâ, ingredior in cubile cordis mei: & canto tibi amatoria, Rex meus, & Deus meus, gemens inenarrabiles gemitus, in loco peregrinationis meæ, vbi cantabiles mihi sunt factæ iustificationes tue. Et recordans Hierusalem, extendo in eam, sensum cordis; Hierusalem patriam meam, Hierusalem matrem meam, teque super eam regnatorem, illustratorem, patrem, tutorem, patronum, rectorem, pastorem, castas & fortes delicias, solidum gaudium & omnia bona, ineffabilia simul omnia, quia vnum summum & verum bonum.

Aug. folilo
cap. 35.

O gaudium super gaudium, vincēs omne gaudiū, extra quod non est gaudiū. Quando intrabo in te, vt videam Deum meum, qui habitat in te? Ibo illuc, & videbo visionem hanc grandem. Quid est, quod me detinet? Heu me quia incolatus meus prolongatus est! Heu me quamdiu dicetur mihi; vbi est Deus tuus? Quamdiu dicetur mihi expecta, reexpecta: & nunc, quæ est expectatio mea? nōne Deus meus? Salvatore[m] expectamus Dominum nostrum IESUM CHRISTUM, qui reformabit corpus humilitatis nostræ configuratum corpori claritatis sue. Expectamus Dominum quando reuertatur à nuptijs, vt inducat nos ad suas nuptias.

VIII.

VIII.

Infelix ego homo, quis me liberabit
de corpore mortis huius? *Ad*

Roman. 7.

Infelix! vbi nunc bona tot, quae perdit a plango,
Sed frustra, planctu non reuocanda meo?
Tot bona! quid repetit dolor? ah! meminisse nocebit:
Amisse cruciant dum memorantur opes.
Vtilius veteris fortuna nescius esses,
Cum mala sors fato deteriore premit.
Passim hominum satira est, decepti noxa parentis,
Stultitia solus scilicet ille reus.
Adam, Adam simplex, Adam, Adam vxorius audit,
Pluribus, aut totidem vapulat Eua probris.
Non ego sic: sed, si gemitus finit edere vocem,
Pars, fateor, mundi in crimine, magna fui.
Te quoque, cui primos studium damnare parentes,
Peccati memorem conuenit esse tui.
Cum vita & mortis non felix alea iacta est,
Collusor pro aui dilapidantis eras.
Credite posteritas, Adam vos estis & Eua,
Et vestra pomum corripuere manus.
Hinc nudi, gens pelliceâ dignissima zonâ,
Et pudor & dolor, & Numinis ira sumus.
Non querar accepta tot publica vulnera cladis,
Materies elegis sum satis apta meis.

Ordior à cunis; hic mecum lacryma nata est,
 Hic docuit vitæ syllaba prima, queri.
 Mensis erat Maius, mensis gratissimus orbi,
 Sed, mea si reputem fata, December erat.
 Septima lux ibat, qua si suprema fuisset,
 In cineres issæt muta querela meos.
 Cùm tandem post luctã vteri, horribilesq; vlulatus,
 Progenies ceruæ parturientis eram.
 O Mater, scio, tunc Mater, noua facta Rebecca es,
 Tunc serus subijt virginittatis amor.
 Dirigit nutrix, pallens pater ora retorfit,
 Et cum in leuum procubuere latus.
 Horror & horror erat, vox omnibus, omnibus vna,
 Heu puer, heu quantis gignitur ille malis!
 Atra dies, Ægyptiacâ dignissima nocte;
 Quâ, de me, licuit dicere, Natus homo est.
 Atra dies! neque te Titan, neque Cynthia nôrit,
 Nec stera qui Cæli tempora, Ianus agit.
 Illa dies, abeat Grâtiæ orsura Kalendas,
 Nullus eam cupiat mensis, habere suam.
 Si redeat, redeat piceis frontem obsita nimbis,
 Et gelidum densâ grandine tansa caput.
 Tum tonitru & fulmen funesto aduerberet igne,
 Et sibi sic hostem nouerit esse Deum.
 Sentio iam, quod fatidici plorastis amici:
 Mentitur vita, clepsidra nulla mea.
 Tanti erat hæc soboles, lacrymis affueimus inde,
 Inde oculos raro deseruere meos
 Nam, postquã posita est prætexa, nuceq; trochuq;
 Et bulla ad patrios victima facta lares,

Tunc ego, quæ meliùs nescirem, discere cœpi:

Primus erat, sortem plangere posse, dolor.

Et vix posse datum est, sæpè oblectata fuit mens,

Natura impatiens sub pede colla premi.

Surgere sæpè adnixæ, suoq; irrumperè Cælo,

Nec poterat pigrâ tollere corpus humo.

Tum vibrans oculos, oculos tristi imbre natantes,

Ah superi! dixit, (cætera stertus erant)

Et rursum ah! ah! (sed per luctifonos singultus

Ipse sibi obfistens non finit ire dolor)

Sic puto Rex fremuit, dum crescere cornua sensit

Quibus ex homine est, de boue factus homo.

O Deus, ô superi, patientia vincitur! ô quis,

Qui me mortali corpore soluat, erit?

O quis erit? nostris qui cantet in auribus, istud

Quod voueo toties, alicet, ô quis erit?

Ille, necaturum mihi mergat in ilia ferrum,

Pocula Thessalico misceat ille sauo.

Nec liquido plumbo, nec auaro terreor vnco,

Mors misera quâuis conditione placet.

AEratos gemitu doceam mugire iuuenços,

Supposito quamuis excrucienda rogo.

Aut etiam inbear (quamquam pudor ista vouere)

Inrer Vlyssæos exululare lupos.

O Deus, ô superi, patientia vincitur! ô quis

Qui me mortali corpore soluat, erit?

Parce Deus, ne crudelem vox impia iactet,

In furias quando precipitata ruit.

Hic propè barbaries poterit clementia dici,

Ad pœnas veniat si stupefacta meas.

Corpora corporibus coniunxit mortua viuis
 Ille, hominem quem vix dicere fama potest.
 Me, viuum cruciat (magis hoc ferale) cadauer;
 Ne. qua disfidium finiat hora, venit.

*Infelix ego homo! quis me liberabit de
 corpore mortis huius? Ad Rom. 7.*

Ambros. ser.
 22. in Psal.
 118.
 Nazian.
 Ora. 16.

Quomodo viuunt anima operta mortis
 inuolucro?

Corpori quoniammodo coniunctus sim,
 haud equidem scio; quoque pacto simul &
 Imago Dei sim & cum cæno voluter; quod
 & cum pulcrâ valetudine est, bello me la-
 cessit; & cum bello premitur, mæore me af-
 ficit: quod & ut conseruû amo, & ut inimi-
 cum odi atq; aduersor; quod & ut vinculum
 fugio & ut cohæres veteor: si debilitare illud
 & conficere studeo, iam non habeo quo so-
 cio & opitulatore ad res præclarissimas vtar;
 sin contra, ut cum socio & adiutore mitiùs
 agam, nulla iam ratio occurrit quâ rebellan-
 tis impetum fugiam, atque à Deo non exci-
 dam, compedibus degrauatus, vel in terram
 detrahentibus vel in eâ desinentibus. Hostis
 est blandus & placidus, insidiosus amicus.
 O miram coniunctionem & alienationem!
 Quod metuo, amplector; quod amo perti-
 mesco. Antequâ bellum gesserim, in gratiam
 redeo; antequam pacem fruam, ab eo dissideo.

Cur carnis laqueis tu me Pater. implicuisti?

Cur vite misera, cur cœnosog₃ barathro?

Ecce corpus quod corrumpitur, aggravat animam. Vitam ergo habet anima in corpore corruptibili. Qualem vitam? onera patitur, pondera sustinet. Ad ipsum Deum cogitandum (sicut dignum est ab homine cogitari Deum) quanta impediunt veluti interpellantia, de necessitate corruptionis humanæ? Quanta reuocant? quanta à sublimi intèrione detorquēt? quanta interpellant? quæ turba phantasmatū? qui populi suggestionum? [Iam] quis nō ægrotat in hac vitā? quis non longum languorem trahit? Nasci hīc in corpore mortali, incipere ægrotare est. Quotidianis medicamentis fulciuntur indigentia nostræ. Quotidiana medicamenta sunt refectiones omnium indigentiarum. Fames, nōne te occideret, nisi medicamentum apponeret? Sitis, nōne te perimeret, nisi eā tu bibendo non penitus extingueres, sed differres? reducta est enim sitis paullulūm tēperata. Temperamus ergo istis fomentis ærumnam ægritudinis nostræ. Stādo lassatus eras, sedendo reficeris: ipsum sedere medicina est la s̄itu diinis. In illa medicina rursus lassaris, diu sedere non poteris. Quicquid est, vbi fatigationi succurritur, alia fatigatio inchoatur.

Quod meliūs ostendimus; si prius carnis, Greg.
& post

Nazian.
c. 11. ad
Christum.

Aug. in
1. 1. 102.

e. 22. in c. 7
Iob.

& post, pondera mentis exprimamus, ut enim taceamus hoc, quod dolores tolerat, quod febribus anhelat, suâ quâdam ægritudine cōstringitur. Ipsa hæc corporis nostri, quæ salus vocatur, ægritudo est. Nam otio tabescit, opere deficit, inediâ deficiens, cibo reficitur ut subsistat; refectiōne lassescens, abstinentiâ releuatur, ut vigeat; aquâ perfunditur, ne arescat; linteis tergitur, ne ipsa nimis perfusione liquefiat; labore vegetatur, ne quiete torpeat; quiete refouetur, ne laboris exercitatione succumbat, fatigatur vigilijs, somno reparatur; oppressa somno, vigilijs excutitur, ne suâ peius quiete lassetur; vestibus tegitur, ne frigoris aduersitate penetretur; quærito calore deficiens, aurum flatu refouetur; cumque indè molestias inuenit, vnde vitare molestias quæsiuit, malè sauciata (ut ita dixerim) de ipso suo medicamine languescit. Remotis ergo febribus, cessantibusq; doloribus, ipsa nostra salus ægritudo est, cui curandi necessitas numquam deest. Quot enim solatia ad viuendi vsum quærimus, quasi tot, ægritudini nostræ medicamentis obuiamus. Sed ipsum quoq; medicamē, in vulnus vertitur, quia exquisito remedio paulò diutiùs inhærētes, ex eo grauiùs deficiamus, quod prouidè ad refectiōnem paramus. Ipsa quoque mens nostra, à secreti interioris securō gaudio exclusa, modò spē decipitur,

cipitur, modò pauore vexatur, modò dolore deijcitur, modò falsâ hilaritate releuatur, transitoria pertinaciter diligit, eorumque amissione incessanter atteritur, quia & incessanter, cursu rapiente, permutatur.

Habes, ô anima mea ininicum domesticum, hostem amicum, aduersarium propinquum, qui tibi malum pro bono reddidit, & sub specie amicitiae crudelior existens inimicus, his omnibus & alijs infinitis bonis te priuauit! Hic hostis, (saluâ tuâ reuerentiâ) est caro infelix & misera, multû tamen tibi dulcis & dilecta. Hanc cum pauisti, inimicum pessimum contra te existi. Hanc cum honorasti, hostem crudelissimum contra te armasti. Scio, inquit, Bernardus, ô anima, quemdam qui plures annos tecum vixit, ad mensam tecum sedit, cibum de manu tuâ sumsit, & in sinu tuo dormiuit; cum voluit, tecum colloqui habuit. Hic iure hæreditario seruus tuus est, sed quia delicatè nimis enutristi eum, & virgæ pepercisti, leuauit calcaneum super caput tuum, & te in seruitutem redegit. O anima miserabilis & misera, quis te liberabit de vinculo improprij huius! Recordare, ô anima primordia tua; attende quod es insignita Dei imagine. Quid tibi cum carne, unde ista pateris? si diligenter condiciones eius aduertis, numquã vilius sterquiliniû vidisti; si eius miseras enumerare velis, quã onusta

Bonau. c. 13
folio.

onusta sit peccatis, pruriens concupiscentiis,
occupata passionibus, polluta illusionibus,
cōfusione plena, & ignominia repleta, quid
de eâ habes aliud quàm cogitationes foedas
& immundas?

Nazian.
carm. ad-
uerf. carnē.

Exitiosa caro, Belia tenebrosa procella,

Exitiosa caro, quâ fluit omne scelus!

Cænum, massa grauis plumbi, limosa catena,

Bellua pugnaci prodita materia.

Pestifer astus, heraq; tua vinculum atque sepulcrum

Formæ, quæ superâ venit ab arce mihi.

Bern. ser.
de tripl. gē.
cogita.

Non sine causâ dictum est; hominem plas-
matum, nō de terrâ quâlibet, sed de limo. Vi-
de enim quàm limosum sit corpus, quod ipsi
quoque spiritu tam fortiter, & penè indis-
solubilitèr inhæret, vt vix cum multâ affli-
ctione possit aliquando separari.

Nazian.
car. de
hum. nat.

Eia age mens, nam te tunc alloquar, atq; ea dicam,

Quæ fore narratu non aliena puto.

Ecquid es, ô mea mens? & quis tibi contigit ortus?

Atque cadauer olens quis tibi sorte dedit?

Quis solidis vine astrinxit grauibuscq; catenis,

Pendentem assidue lumina fixa solo?

Orig. hom.
I. in Pl; 8.

Vniuersa vanitas omnis homo viuens, qui autem
de hâc vitâ accipiat ista sententiâ; audi Ec-
clesiasten protestantē & dicentē laudari om-
nes qui mortui sunt super omnes qui viuunt, cuiuscūq;
ipsi viuunt vsq; modo, & bonus super istos duos qui
nondū natus est. Laudat ergo mortuos plusquâ
viuos; quia illi hoc saltē lucri habēt, quòd de
vinculis huius corporis liberati sunt, nec vl-

tra carne ac pellibus induti sunt, nec ossibus ac nervis inferti sūt, nec vltra subiacēt necessitati corporis. Si ergo intellexisti, quale sit viuere in carne (etiā si Moyses sit quis, vel quisquis ille est) molesta ipsi est ista vita. Nō enim à corruptione resoluitur, quæ mortali corpore, terrenoq; circumdatur: vide ergo, quoniam *uniuersa vanitas est omnis homo viuēs*, contēnamus istā vitā, & festinemus ad sanctam vitā & beatā ac verā & in illam animo & mente tendamus, omni vanitate discusā.

Ex quo enim quisq; in isto corpore mortituro esse cœperit, numquā in eo non agitatur, vt mors veniat. Hoc enim agit eius mutabilitas; toto tempore vitæ huius, si tamen vita dicenda est, vt veniatur in mortem.

Et ideò laudat Ecclesiastes defūctos magis quā viuentes, & *optimus*, inquit, *supra hos duos qui nondū natus est*. Et alibi idem Ecclesiastes, meliore longæuo viro asseruit, quem ab ortu eiecit mater sua, quia non vidit hæc mala, quæ fiunt in hoc mundo, nec in has venit tenebras, nec in vanitate ambulauit sæculi. Quid enim boni est homini in hâc vitâ?

Cognouit se Paulus in miserâ, in gemitu, in rixâ, in contentione; ipse secum sibi non concordans, à se dissonans, à se resiliens. Et quid ait optans pacem, pacem veram, pacem supernam? *Infelix ego homo, quis me liberabit de corpore mortis huius?*

Aug. l. 13.
de Cin.
cap. 10.

Ambr. lib.
de bono
mortis c. 7.

August. in
Psal. 102.



Coarctor autem e' duobus; desiderium habens, desolui
 et esse cum Christo. Ad Philip. 2. 39.

Co
 l
 s
 C
 Terr
 I
 Sed
 F
 Perg
 N
 Assp
 V
 Dist
 V
 Non
 Q
 En p
 E
 Sep
 V
 Et d
 M
 Tam
 L
 Si t
 E

I X.

Coarctor è duobus, desiderium ha-
bens dissolui, & esse cum CHRIS-
TIO. *Ad Philip. I.*

Quid faciam gemini flammata, cupidine voti
Anteferam terras? anteferamne Polum?
Terra tenet, caelum reuocat, his magna moratur,
Iamq; volentè animi pondere mēbra premunt.
Sed procul illecebra; semel impete rumpere modum
Prestat, & è vinculis eripuisse pedes.
Pergite festina persoluere stamina Diuæ,
Nec Letho clausæ sint veniente fores.
Aspice, lux, quanto luxentur brachia nistæ,
Vtq; ferè à membris distrahatur ipsa meis.
Distrahatur vt mediam tibi me coniungere possim,
Vnaq; sit saltè pars tibi nexa mei.
Non simis, & rides nil proficientia vota,
Quodq; negoties, vis tamen vsque peti.
En peto quod renuis, geminaq; exporrigo palmas,
Et tibi, quas nequeo neclere, tendo manus.
Sapè mihi de te, mendacia dulcia fingo,
Vincula ceu positâ compede fracta forent:
Et dico, meus hic, prendiq; & prendere certat,
Meq; sed vt video, dissimulante amat.
Tam bonâ credulitas erat haud indigna saure,
Debueratq; meos expedisse pedes.
Si tamen implicitam pedicis, cupis vsque teneri,
Hic ego conatu deficiente cadam.

Ast redit, & velut allabens sese ingerit vltro,
 Spemq; iterum nutu sollicitante facit.
 Surgam supremumq; amplexibus obuia curram,
 Colligz furtiuâ fraude, negata petam.
 Quàm propè, quàm propè sum! vestis pars vltima
 Iam puto, vicinâ prendere posse manu. (tacta est,
 O Amor! ô dolor! affectum deludis hiantem,
 Decipit Amplexus mobilis aura meos!
 Et licet aut digitis tribus aut vix quattuor absis,
 Semotus medio crederis orbe mihi:
 Nempe pater Pelopis sic poma fugacia captat,
 Poma datam toties fallere docta fidem.
 Dum modò prona arbor spatulo super incubat ori,
 Osq; iterum, fructu decipiente, fugit.
 Ludicra res Amor est, falligz & fallere gaudet,
 Sed fraus supplicio non carei illa suo.
 Decepti, quo tormento crucientur amantes
 Exemplo poterit discere quisque meo:
 Quique alium ludit (sed rarum est ista fateri)
 Ipse suo patitur vulnera facta dolo.
 Nescieram, mea lux, istis te fraudibus vti,
 Sed nimis expertam iam sua pœna docet.
 Vt canis indomitâ iactans ceruice catenas,
 A populo solui prætereunte rogat;
 (Ni faciat, querulis vlulans latratibus auras,
 In sua conuerso vincula dente furit)
 Sic queror & supplex toties ad vota recurro
 Vt prestes, quam me poscere cernis, opem,
 At postquam implacido vertisti lumina vultu
 Nec placuit pedibus demere vincla meis.

Clamavi ; ô truculentum & inexorabile pondus!

Quin etiam dicta est sæpè catena nocens.

Hæc trahat Autolycus, trahat hæc furivatus Orestes,

Aut qui tardipedes vertit in antra boues.

Sentiat hanc Scyticâ damnatus rupe Prometheus;

Aut Scinis, aut scelerum quis feritate prior.

Scilicet à nimio venit hæc dementia luctu,

Error & hic, sese quo tueatur, habes.

Compedibus facile est seuoq; ignoscere ferro,

Durior at vinculis qui ligat illa, suis.

O vbi littoreâ vinctam qui rupe puellam

Bellerophon volucris retulit ales equo?

En ego barbaricæ constringor mole catena

Seruus vt à rigido transfuga vinctus hero.

Et quoties patrias assurgere nitor in auras,

Deprimor hospitij pondere victa mei.

Nempe ita dat pueris captus ludibria passer,

Dum fugit & reuocant fila reducta fugam.

Et licet è dominis cœnæve, bibatve labellis,

Mauelit in sylvas liber abire suas.

Sic quamuis nitidâ pasta bene corte palumbes,

Anteferant caueæ rusq; nemusq; suæ.

O mea si lacrymis mollescere vincula possent!

Dudum essent lacrymis mollia facta meis.

Lux mea, tende manus; contra tibi tendo catenas,

Hæc nisi qui vinxit soluere nemo potest.

*Coarctor è duobus, desiderium habens
dissolui, & esse cum CHRISTO. Ad
Philip. i.*

Aug. med.
cap 37.

QUID faciam miser ego, grauedine com-
pedis mortalitatis meae constrictus?
quid faciam?

Nazian.
car de ani-
mæ celam.
August. in
Psal. 78.

*Quenam hæc lex? cur me constringunt vincula
carnis?*

Spiritus & socium tam graue corpus habet?

*Compedes sunt infirmitas & corruptibilitas
corporis, quæ aggrauant animam; ab his
compedibus concupiscebat dissolui Apostolus
& esse cum CHRISTO.*

Aug. manu
cap 8.

*Vtinam remissa peccatorum mole, me quo-
que vltimum seruorum CHRISTI, iuberet
Diuina pietas, hanc carnis sarcinam depone-
re, vt in suæ Ciuitatis gaudia æterna repau-
sandum transirem!*

Nazian.
carm. de
anima ca-
lamit.

*Corporeâ nec mole grauis mens vergat ad ima,
Ac velut plumbi massa profunda petat.*

Nazian. in
luctu.

*Me miserum, caro quem remoratur perfida, calis
Ad Dominum, cursu dum properante feror!*

Echeneidis instar

Nazian.
præcep. ad
virgines.

*Quæ velut iniectâ properantem compede puppim
Detinet.*

Ab

Ah grauibus me solue, Pater supreme, catenis,

Inq̄, Beatorum me trahē sancte choros!

Soluimur enim hoc nexu animæ & corporis, cum recedimus: vnde & David ait, *dirupisti vincula mea.* Mors igitur solutio est animæ & corporis. Denique & in Apostolo docuimus lectum; *dissolui & cum CHRISTO esse multo melius.* Solutio autem ista, quid aliud agit, nisi vt corpus resoluatur & quiescat; anima autem conuertatur in requiem suam, & sit libera, quæ si pia est cum CHRISTO futura sit, Quid igitur in hac vitâ aliud iusti agunt, nisi vt exuant se huius corporis contagionibus, quæ velut *vincula* nos ligant, & se ab his molestijs separare contendant, renuncient voluptatibus atque luxuriæ, fugiant flammam libidinum?

Iustos enim quamuis nullus desideriorum carnalium tumultus possideat; duris tamen *vinculis* eos in hac vitâ positos, suæ molestia corruptionis ligat: scriptum quippe est: *Corpus quod corrumpitur aggrauat animam.* Eo itaque ipso quo adhuc mortales sunt, corruptionis suæ pondere grauantur, & astricti molestiâ *vincti sunt*, quia in illa adhuc libertate vitæ incorruptibilis non exurgunt. An non *duro molestia vinculo ligantur*, quorum nimirum mens, sine labore, in ignorantia soluitur, & non nisi cum studio laboris eruditur? quæ coacta *exigitur*, libens iacet, ab infimis vix leuatur,

A a 3 & tamen

Nazianz.

in luctu.

Ambr. de

bono mor-

tis, cap. 3.

Greg. l. 4.

mor. c. 49.

ad Rom. A.

quod est

Et rament eleuata protinus labitur semetipsã laboriosè vincendo, superna conspicit, sed reuerberata. An non duro molestiã vinculo ligantur, quos cùm accensus spiritus ad finum pacis intimã pleno desiderio pertrahat, feruete certamine, caro perturbat? Quibus exceptis etiam ea vincula sustinent, quæ grauis exterius necessitas astringit; esurire quippe sitire, lassescere, vincula corruptionis sunt, quæ scilicet solui nequeunt, nisi cùm in illam immortalitatis gloriam, nostra mortalitas permutatur.

Idem cap.
sequent.

Sed cùm corruptibili carne exuimur, quasi ab his, quibus nunc astringimur, molestiã vinculis relaxamur. Præsentari namque iam Deo cupimus, sed adhuc mortalis corporis obligatione præpedimur. Iure ergo *vincti* dicimur: quia adhuc *incessum nostri desiderij, ad Deum liberum non habemus*. vnde bene Paullus æterna desiderans, sed tamen adhuc corruptionis suæ sarcinam portans, *vinctus* clamat: *Cupio dissolui, & esse cum CHRISTO*; dissolui enim non quæreret, nisi se procul dubio *vinctum* videret. Hæc autem vincula, quia certissimè rumpenda in resurrectione conspexerat, iam quasi rupta gaudebat Propheta cùm diceret: *Dirupisti vincula mea, tibi sacrificabo hostiam laudis.*

Ambr. lib.
de bono

[Sic] Simeon se dimitti postulabat à Domino, quasi à vinculis quibusdam ad libertatem

sem festinaret. Sunt enim velut vincula quæ mort. ca. 20 mort. ca. 20
dam corporis huius, & quod grauius est vin-
cula tentationum, quæ nos alligant & ad iniuriam
captiuitatis astringunt quâdam lege peccati.
Quid igitur tâtopere istam vitam desidera-
mus in quâ, quanto diutiùs quis fuerit, tan-
to maiore oneratur sarcinâ peccatorum? vnde
Iacob dixit: *dies annorum vite mea, centum tri-*
ginta, minimi & mali; non quia dies mali, sed
quia nobis accessu dierum, malitiæ incre-
menta accumulantur.

Nullus enim dies sine nostro peccato præ-
terit: vnde egregiè Apostolus ait: *mibi viuere*
CHRISTVS est. & *mori lucrum*; aliud ad ne-
cessitatem vitæ referens, aliud ad mortis
vtilitatem. Et addidit. *Dissolui enim & esse cum*
CHRISTO multo melius; *permanere autem in*
carne magis necessarium propter vos.

Sed sicut auceps animum aut visco aut reti in Chryf. ser. de poenit.
grano aliquo captum, tenet passerem, & manu
suâ subtilissimò funiculo ligatum retinet, & quasi
dimittens laxû de manu suâ; dat ei liberam
volandi potestatem; at ille avidus ad volan-
dum, elapsusquæ; se putans, alacer altiora ap-
petit; sed iste summum funiculû tenens, re-
stringit eum cùm volauerit, & ad se trahit ab
spe volandi & viuendi deceptum; ita & dia-
bolus versutus venator & per spiritum præ-
sumptionis, laqueo suo deceptum implicat
hominem. Qui semel hæserit, vult quidem

ab eo euelli, sed vinculum velox venator tenens; reuocare captum semel in laqueo & reuolutum premit.

Idem hō.
55. ad pop.
Antio.

Quousque [ergo] hīc erimus affixi? adhaesimus terræ tamquam vermes, in cœno voluturamur; corpus de terrâ nobis Deus contulit, vt ipsum & in cœlum reuehamus, non vt animâ per ipsum *ad terram detrahamus*. Terrenum est; sed si velimus efficitur cœlestes? traha te ipsum ad illum, qui te sursum tollit, *pondere quodam vetut astis grauaris*.

Erige te mea mens, capiant te obliuia mundi,

Nazian. ad
anim.
Bonau. c. 1.
solilo.

Nec trahat in vitium te male blanda caro.

Eia dulcissime IESU, tranfige saluberrimo vulnere amoris tui medullas animæ meæ, vt verè ardeat, langueat & liquefiat, & solo tuo desiderio deficiat, *cupiat dissolui & esse tecum*. Te solum semper esuriat, panem vitæ cœlestis qui de cœlo descendisti! te sitiat fontem vitæ, fontem æterni luminis, torrentem veræ voluptatis, te semper ambiat, te quærat, te quæ inueniat, in te dulciter requiescat!

X.

Educ de custodiâ animam meam,
ad confitendum nomini tuo.

Psalm. 141.

Libera quæ potui spatiofo ludere Cælo,
Cernis, vt angusto carcere clausa premar?
Heu dolor! vt miserâs me lux effudit in auras.
Ipsa loco cauea membra fuere mee.
Pes compes, manicaq; manus, neruiq; catena,
Ossaq; cancellis nexa catasta suis.
Quo mihi cognati natua repagula claustri,
Dammor vt hospitij carcere vincit a meis?
Siccine, more Chelys, breuibus regar abdita conchis,
Regia cui Cæli vix satis ampla domus?
O quoties quesita fuge fuit ansa pudenda!
In votis quoties restis & vnda fuit?
Sapè quidem raptò felix Lucretia ferro,
Faustaq; combibito Porcia dicta foco est.
Visa nec Assyria tristis mihi sica puella,
Heu nimis in geminas prodiga sica neces!
Sed negat hac animis Numen solatia captis.
Nec sinit hâc vincetos fata preire viâ.
Ergo Syracosius malim iacuisse cauernis,
Aut Danaës rigidâ delituisse serâ:
Nec verear curui Cretæa volumina septi,
Vnde citam rapuit Dædalus ala fugam.
Profugus immeriti damnet pia claustra rigoris,
Quæ sibi sollicitam non rennuere fugam.

Si mihi siderijs pateat vel rimula tectis
 Non querar immites AEtheris esse fores.
 Donec at hac captam retinent ergastula mentem,
 Mens nequit agnati templa subiro poli.
 Quin sueta imperijs iacet hic captiua voluntas,
 Nec bona qua vellet, vincula velle sinunt.
 Euge semel nostra, mea lux, succede castra,
 Quantula sit nobis experiere domus.
 Si tamen insidie vel abena repagula terrent,
 Fac pateat dempta ianua laxa serâ.
 Captiuum gemitu fertur reuocasse Magistrum,
 Oblitus cauea psittacus ipse sua.
 Eia graues referas, noue Iane patulcie, vectes;
 Non erit hac dextra gratia prima tua.
 Angelico, memini, patefactas impete portas,
 Claustrag³, suffractis disiluisse seris;
 Cum stupuit lapsas manibus, pedibusq³, catenas,
 Vixq³, Petrus patulas credidit esse fores.
 Nullus obit nostris obses vadimonia vinculis?
 Liberat Herculeâ Thesca nullus ope?
 O vbi nunc Minyis fidiissima turba maritis,
 Vincula pro captis ausa subire viris!
 Aut qui Vandalicis obses ergastula neruis,
 Ipse sui capitis insit abire lytro?
 Lux mea, pande fores, mamanaq³, claustra resoluë,
 Et sine fidereas atheris ire vias.
 Aut spectanda tuo vis ducar preda triumpho,
 Vt Scythicus cauea pompa Tyrannus erat?
 En manus, en digiti rimis hiscentibus extant,
 Cur ego non digitos tota manumq³, sequor?

Quâ

Quâ caput, hâc reliquâ subrepiit cauda colubra, &
 Cur mihi serpentis lubrica pellis abest?
 Cortis obit toties volucris captiua fenestras,
 Et notat an tacite rima sit vlla fuge;
 Nexaq; sollicitans furtiuo vimina rostro,
 Natiuas nemorum tentat adire domos.
 O Catharis, niueiq; polo comes agminis Agnes!
 O casta Vrsulidum, Sophiadumq; cohors!
 Vos ego, dimidium vestri modò nobile testor
 (Dimidium vester quod sibi iunxit amor)
 Pandite ferratos, ergastula barbara, postes,
 Inserat vt vestris dimidiata choris.
 Dimidium felix, vinculis socialibus exfors,
 Cui licet in plenas iam caluisse faces!
 Lux mea, tam durum residet tibi pector e ferrum,
 Vt neque captiua commoueare prece?
 Non ego, sed nostræ Tu maxima causa querelæ es,
 Spectat enim laudes ista querela tuas,
 Non benè conueniunt rigidis tua carmina clathris,
 Quis queat in caueâ cantibus esse locus?
 Libera quæ cantat vernis auis Attica syluis,
 Capta silet, solitos nec ciet ore modos.
 Eia age, pande fores inamœnâq; claustra resoluæ,
 Et sine sidereas ætheris ire vias.
 Aut tua si cupidam præconia dicere temnis,
 Inuidus in laudes efficiere tuas.

Educ de custodia animam meam, ad confitendum
 nomini tuo. Psal. 141.

August. in
 Psal. 141.

LAVDO quantum possum, tenuiter, exi-
 liter, infirmiter. quare? quia quamdiu

sumus in corpore, *peregrinamur à Domino*.
 Quare sic laudas Dominum? non perfectè,
 non stabiliter? Interroga scripturam, quia
corpus quod corrumpitur aggrauat animam, & de-
primit terrena cogitatio sensum multa cogitantem.
 Tolle mihi corpus quod aggrauat animam
 & laudo Dominum. Tolle mihi terrenam ha-
 bitationem, deprimentem sensum multa
 cogitantem, vt à multis in vnum confluam
 & laudo Dominum. *Quamdiu autem ita sum,*
 non possum; prægrauor.

Chryl. in
 c. 4. Matth.
 hom. 14.

Nihil enim *præsens vita* differre videtur à
carcere, sed sicut cum triste illud introimus
 habitaculum, circumdatos ac vinctos vide-
 mus catenis, ita etiam nunc, si (extra omnia
 nos phantasmata collocantes) vnus cuius-
 que ingrediamur vitam, eiusque animam
 contemplemur, videbimus eam durioribus
 ferro vinculis colligatam.

Ambr. lib.
 de bono
 mortis, c. 2.

In exitu ipso videamus, quemadmodum
 anima decedentis, paulatim *soluat se vinculis*
carnis, & ore emissa, euolet *tamquam carcereo*
corporis huius exuta gurgustio.

Greg. c. 17.
 in c. 7. lob.

Carcere homo circumdatur, quia plerumque
 & virtutum profectibus, ad alta exurgere
 nititur, & tamē carnis suæ corruptione præ-
 peditur, quā bene exui Psalmista deprecatur
 dicens: *Edus de carcere animam meam.*

Sancti autem viri, quia scriptum est, *cor-*
pus quod corrumpitur, aggrauat animam, inten-
 tione

tione
 fed t
 moti
 clauso
 sum eg
 ac si a
 videl
 tus) q
 iniqu
 suā ca
 iam æ
 huc n
 Vi
 tenari
 ci. &
 tolera
 plicia
 scij. C
 virgen
 gere, v
 crentu
 dia. Ip
 Qu
 carcer
 ne car
 troclu
 rō ab e
 mæ. Et
 diutiū
 dignit

tione iam quidem vltra semetipfos eminet, sed tamen adhuc infirmitatis suæ incertis motibus subditi corruptionis suæ se *carcere clausos* dolent. Ait ergo Iob; *numquid mare sum ego, aut cetus, quia circumdedisti me carcere?* ac si apertè diceret; mare vel cetus (iniqui videlicet, eorumque auctor malignus spiritus) quia effrenari ad solam perpetrandam iniquitatis licentiam appetunt, rectè pœnæ suæ carcere constringuntur; Ego autè quia iam æternitatis tuæ *libertatem desidero*, cur adhuc meæ *carcere corruptionis premor?*

Videmus in hoc sæculo *infertos nexibus car- tenarū reos*, in specie pompæ miserabilis duci, & nonnumquam patiuntur insones, vt tolerabilius sit mori, quàm talia subire supplicia. Optant vtiq; audiri bene sibi conscij. Optant etiam hi qui grauib; flagitijs virgentur, pœnam, mortis celeritate transigere, vt aliquanta compendia pœnarum la- crentur. Spes est etiam de iudicis misericordia. Ipso exilio *claustra carceris* duriora sunt.

Quemadmodum [igitur] eorum qui in carceres conijciuntur; hi quidè in afflictione carceraliū vinculorum detinentur, introclusi diuturniore temporis morâ; illi vero ab eâ calamitate submoventur, sic & animæ. Etenim hæc distinentur in præsentî vitâ diutiùs; aliæ minùs, pro cuiusque merito, dignitatève, iuxta Diuinæ sapientiæ profunditatem,

Ambr. in
Psal. 115.

Basil. in
hom. in
Martyr.
Iulianam.

ditatem, sic vt mens nulla hominum, ea possit attingere, quæ de vnoquoque nostrū ipse Creator præuidit. Non audis dicentem Dauid: *Educ de carcere animam meam?* Non audisti vt sancti eius exsoluta anima est? quid rursus Simeon, Dominum nostrum pro vlnarum astringens complexu, cuiusmodi vocem emisit? nōne hanc? *Nunc dimittis seruum tuum Domine.* Ei enim qui ad supernum & cœleste domicilium festinus contendit, supplicio omni, *omni carcere* grauior est hæc inhabitatio corporis.

Ansel. in
prolog.
cap. 1.

Omifera fors hominis cū hoc perdidit ad quod factus est! ô durus & dirus casus ille! heu quid perdidit & quid inuenit! quid abscessit, & quid remansit? perdidit beatitudinem ad quam factus est; inuenit miseriam, propter quam factus non est. Abscessit sine quo infelix est, & remansit quod per se, non nisi miserum est, *Ærumnos!* vnde sumus expulsi? quo sumus impulsii? vnde præcipitati? quo obruti? A patriâ, in exilium; à visione Dei in cœcitatem nostram; à iucunditate immortalitatis, in amaritudinem & horrorem mortis. Misera mutatio! de quanto bono, in quantum malum! graue damnū, grauis dolor, graue totum! sed heu me miserum vnum de alijs miseris filiis Euz elongatis à Deo! quid in-cœpi? quid effeci? quò tendebā? quò deueni?

Dissolue

*Dissolue me, oro, à vinculis, quibus constrictus
teneor, vt relinquēs ista omnia, tibi festinem,
tibi soli inhæream, soli intendam.*

Hinc me, CHRISTE potēs, educ iam, quaeso malisq;

Queis crucior medicam protinus asser opem.

*Vnum homini est certumq; bonum, fixumq; beata
Vita; animus cuius languet amore meus.*

*Felix anima, qua terreno resoluta corpore libe-
ra cælum petit! secura est & tranquilla, non timet
hostem neque mortem: habet enim semper præsentem,
cernitque indefinenter pulcherrimum Dominum, cui seruiuit,
quem dilexit, & ad quem tandem læta & gloriosa
peruenit.*

*Tu[ergo] Domine expectatio Israël desiderium
ad quod suspirat cor nostrum quotidie; festina,
ne tardaueris; surge, propera & veni, vt educas
nos de isto carcere, ad confitendum nomini tuo.*

*Veni Domine, & noli tardare, veni Domine
IESV, veni & visita nos in pace; veni &
educ vinc̄tos de carcere, vt lætemur corā te,
corde perfecto; veni Saluator noster; veni desideratus
cunctis gentibus; ostende faciem tuam & salui
erimus; veni lux mea, Redemptor meus, educ de
carcere animam meam, ad confitendum nomini
sancto tuo! O verè felices, qui è carcere ad
palatium peruenerunt!*

Hugo de
S. Viçt. l. 4
de anima
cap. 4.
Nazianz.
carm. de
exter.
hominis
utilitate.

Aug. med.
cap. 13.

Aug. soli-
loq. cap. 23

Aug. soli-
loq. cap. 25



Quomadmōdum desiderat cervus ad fontes aquarum; ita desiderat anima mea ad te Deus. Psal. 42.
41.

Qu
a
a

S

Nec

A

Nec

C

Ah!

A

Sicc

A

Vis

Nem

C

Aut

C

Ille f

C

Ant

V

Hic

I

Hau

T

X I.

Quemadmodum desiderat ceruus
ad fontes aquarum, ita desiderat
anima mea ad te Deus. *Psal. 41.*

Sicire cupis, mea lux, quibus intus amoribus vrar?
Quantag₃ flāma tui pectora nostra coquat?
Nec satis extulero sitientis imagine prati,
Aut violæ, nimio quæ iacet vsta die.
Nec satis astifera depinxero fulmine stelle,
Cum canis ardenti sidere torret humum.
Ah! quàm puluereæ Libyes patiuntur arena.
Æstuat hæc, nostro sicciore, sitis.
Siccior Icaro quàm dum canis imminet astro,
Aut violæ tostus flos cadit vstus agro.
Vis dicam, mea lux, quàm te meus ardor anhelet?
Cervus vt irriguis fontis anhelat aquas.
Nempe venenifero pastus serpente medullas,
Cervus agit totis hausta venena sibris,
Aut humeros tinctit raiectus arundine teli,
Carpitur infestâ viscera tacta lue:
Ille surit, pectusq₃ citatus anhelitus vrget,
Cacag₃ per sylvas saucias antra petit:
Antra petit fugiens salientibus humida lymphis,
Vt sua fontano guttura rore lauet.
Hic rini scatebris fumantia temperat ora
Pellit & amne sitim, pellit & amne luem.
Haud aliter scelerum mihi mens temerata veneno,
Tela venenatâ combibit vncta manu.

Et modò combibitum populatur pectora virus,
 Ardet & in tacito noxia flamma sinu.
 Nempe graues, animi sunt toxica vindicis, ira,
 Et tua qua iaculas tela, venena, Venus.
 Quæq; grauant nimio spumantia pocula Baccho,
 Pocula qua diro gramine pota necant.
 Afficis vt tumido turgescunt pectora fastu?
 Pectoribus fastus virus inane tumet.
 Quo sitiens igitur peterem de flumine lympham,
 Cùm mea tam varium viscera virus edit?
 Ah! nisi te, nullo sitis hac placatur ab haustu,
 Tu potes hanc solus, fonte domare sitim.
 Scis etenim, mea lux, quàm te, meus ardor anhelet,
 Cereus vt irrigui fontis anhelat aquas.
 Cereus odori sequi fugitiuus ab ore Molossi,
 In laqueos nullo sepè sequente ruit:
 Tunc densam aspicias venantùm, hinc, indè coronã,
 Tela super, saltu corpora fertur agens.
 Exoritur clamorq; canum, strepitusq; sequentùm,
 Ille fugit, tergo cornua celsa locans;
 Ambiguusq; pauet ne sit comprehensus, & ipsa
 Qua iam præterijt tela, canesq; timet
 Respectansq; metu, per saxa, per auia currit,
 Igneus atque illi spiritus ore micat.
 Gutturag; ardenti flagrant arentia linguã
 Quæq; sitim releuet, quarit anhelus aquam.
 Tum fontis medijs venas rimatus arenis,
 Fontano rabidam mergit in amne sitim;
 Et bibit & potis largè se proluic vndis,
 Haurit & exhausto robur opemq; lacu.

Sic ego tartareis cingor, mea vita, sagittis,
 AEgraq; flammata torreo ora siti.
 Hinc puer Idalius, premit hinc ad retia Bacchus,
 Et multa ancipitem trudit vterq; cane.
 Sublimes leuis hinc suspendit Gloria casses,
 Hinc tumidus pedicis fallere tentat Honor.
 Indè cohors magnis sociorum hortatibus instat,
 Et docet exemplo crimina quisq; suo.
 Hei mihi quot circum venabula stricta minantur!
 Ceu fera, cum cincto clausa tenetur agro.
 Mille vias repetens, infraq;, supraq;, pererro,
 Si qua mea pateant hospita lustra fuge.
 Tum mihi per siccas sitis aestuat ignea venas,
 Et sensim vapidus decoquit igne fibras.
 Fontis inops igitur ad flumina quæque recurro,
 Flamma sed hæc nullo flumine victa fugit.
 Sic cadit obscænos miles defessus in haustus,
 Sit licet infami turbida lympha luro.
 Sperabam effosis aestum compescere rivis,
 AEstus at infusa gurgite creuit aqua.
 Qualis in amne leuem sectatur faucibus vndam
 Tantalus, & fallit, quam dedit vnda fidem.
 Mobilibusq; inhiat, deluso gutture, lymphis,
 Semper aqua locuples, semper egenus aqua.
 Scilicet haud simili calor hic extinguitur haustu
 Nec domat hanc cœni turbida lympha sitim.
 Cœlestes animus sitit insatiabilis vndas,
 Ceruus vt irrigui fontis anhelat aquas.
 Ite igitur pigro torpentia flumina stagno.
 Non bibit è vili gurgite nostra sitis.

*Ite graues stygij serpentibus, ite lacuna,
Noxia Tartareis flumina pasta vadis:
Ite, sitit superi dias mens fluminis vndas,
Cervus vt irrigui fontis anhelat aquas.*

*Quemadmodum desiderat Cervus ad
fontes aquarum, ita desiderat anima
mea ad te Deus. Psalm. 41.*

Chrysoft.
homil. in
Psalm. 41.

Hic est mos amantium, amatorem non
celerare, sed enunciare vicinis, & dice-
re, se amare. Ardens enim res est natura di-
lectionis, nec potest anima sustinere vt eam
silentio teneat. Ita hic beatus Deum amans,
& ardens in amore, non potest in animo in-
ducere vt taceat, sed aliquando quidem di-
cit: *Quemadmodum desiderat Cervus ad fontes
aquarum; aliquando autem; Deus, Deus meus,
ad te de luce vigilo.*

August. in
Psalm. 41.

Quis est qui sic cantat? si volumus, nos
sumus; Et quid quæris extrâ, quisnam sit,
cùm in tuâ potestate sit, esse quod quæris?
Eia fratres, simul amemus, simul in hac siti
exardescamus, simul ad fontem intelligendi
curramus. Desideremus velut Cervus fontem,
desideremus illum fontem, de quo scriptu-
ra dicit: *Quoniam apud te est fons vitæ.* Ipse enim
fons & lumen est, *quoniam in lumine tuo vide-
bimus lumē.* Si & fons & lumen est; meritò &
intel-

intellectus est; quia & satiat animam avidam sciendi. Curre ad fontes, desidera aquarum fontes. Apud Deum est fons vitæ, & in sicabilis fons; in illius luce, lumen in obscurabile. Lumen hoc desidera; quemdam fontem, quoddam lumen, quale non norunt oculi tui; cui lumini videndo, oculus interior præparatur; cui fonti hauitendo sitis interior inardescit.

Salutaris nimirum aquã, quæ noxiam huius mundi sitim, & vitiorum ardorem prorsus extinguit, sordes omnes peccatorum eluit, animæ nostræ terram cœlesti imbre irrorat atque sæcundat; & ad solum Deum anhelos spiritu mentem humanam sitientem reddit. Hæc aquã largiter potatus fuit Propheta, cum totus ad Deum suspirans dixit: *Quemadmodum desiderat ceruus ad fontes aquarum, ita desiderat anima mea ad te, Deus!*

Cyrl. lib. 5
in Ioan.
cap 10.

Curre ad fontem, desidera fontem, sed noli utcumque, noli ut qualecumque animal currere, ut *Cervus* curre. Quid est? ut *Cervus*? Non sit tarditas in currendo; impigrè curre, impigrè desidera fontem. Inuenimus enim in ligno velocitatis in Ceruo, sed fortè non hoc scriptura solum nos in Ceruo considerare voluit, sed & aliud audi: Quid aliud est in *Ceruo*? serpentes necat, & post serpentium interneccionem, maiori siti inardescit; peremptis serpentibus ad fontes acrius currit.

August. in
Psalm. 41.

Serpentes, vitia tua sunt; consume serpentes iniquitatis, tūc amplius desiderabis fontem veritatis. Avaritia fortè in te tenebrosū aliquid sibilat, & sibilat aduersus verbū Dei, sibilat aduersus præceptum Dei. Et quia tibi dicitur Contemne aliquid, ne facias iniquitatem; si mauis facere iniquitatem quā aliquid commodum temporale contemnere, morderi magis eligis à serpente, quā perimere serpentem. Cū ergo faucas adhuc vitio tuo, cupiditati tuæ, avaritiæ tuæ, serpenti tuo, quando in te inuenio tale desiderium, quo curras ad fontem aquarum? quando cōcupiscis fontem sapientiæ, cū adhuc labores in veneno malitiæ? interfice in te, quicquid contrarium est veritati, & cū te videris tanquam vacare à cupiditatibus perversis, noli remanere, quasi nō sit quod desideres. Quæris fortè vnde delecteris; Desidera vnde delecteris: *Desidera ad fontes aquarū*, habet Deus vnde te reficiat, & impleat venientem ad se, & sitientem post interemptionē serpentium, tanquam velocē Ceruum. Est aliud quod animaduertas in Ceruo. Dicuntur Cerui, vel quando in agmine suo ambulānt, vel quando natando, alias terrarū partes petunt, onera capitum suorum super se inuicem ponere; ita vt vnus præcedat & sequantur qui supra eum capita ponant; & supra illos alij, consequentes, & deinde alij, donec

donec agmen finiatur. Ille autem vnus, qui pondus capitis in primatu portabat, fatigatus redit ad posteriora, vt alius ei succedat qui portet quod ille portabat, atque fatigationem suam recreet posito capite, sicut & cæteri ponebant. Ita vicissim portâdo quod graue est, & viam peragunt & inuicē se non deserunt. Nōne quosdā Ceruos alloquitur Apostolus dicens: *Inuicē onera vestra portate, & sic adimplebitis legē Christi*. Talis ergo Ceruus, in fide constitutus, nondum videns quod credit, cupiens intelligere quod diligit, patitur contrarios Ceruos, non solū obscuratos intelligentiâ, in tenebris interioribus constitutos, vitiorum cupiditate cæcatos, insuper insultantes, & dicentes homini credenti, & quod credit, non ostēdenti, *vbi est Deus tuus?* quid ergo iste Ceruus fecerit cōtra hæc verba, audiamus; vt ipsi, si possumus, faciamus. Primò, expressit sitim suam. *Quemadmodum, inquit, Ceruus, desiderat ad fontes aquarum, ita desiderat anima mea ad te Deus.* Quid si Ceruus ad fontes aquarum, lauandi causâ desiderat? vtrū ergo bibendi, aut lauandi causâ, nescimus? audi quod sequitur & noli quære. *Stiuit anima mea ad Deum viuum.* Quid sitiuit? *quando veniam, & apparebo ante faciem Dei?* hoc est, quod sitio, venire & apparere, sitio in peregrinatione, sitio in cursu, sariabor in aduentu. Sed quoniam sicut Ceruus

desidero ad fontes aquarum, & est apud eum fons vite. Quid agam vt inueniam Deum meum? Considerabo terram; & facta est terra: Est magna pulcritudo terrarum, sed habet artificem; Magna miracula sunt seminum, atq; gignentium, sed habent ista omnia Creatorem: Ostendo magnitudinem circumfusi maris; stupeo, miror; artificem quæro. Cœlum suspicio & pulcritudinem siderum; admiror splendorem solis, exercitio diei sufficientem; lunam nocturnas tenebras consolantem. Mira sunt hæc, laudanda sunt hæc, veletiam stupenda sunt hæc, neque enim terrena, sed etiam cœlestia sunt hæc. Nondum ibi stat sitis mea. Hæc miror, hæc laudo, sed eum, qui fecit hæc, sitio.

Aug. manu
cap 20. Anima [enim] quam tangit amor Dei, nihil aliud potest cogitare, nihil desiderare, sed frequenter suspirat, dicens: *Sicut Cervus desiderat ad fontes aquarum, ita desiderat anima mea, ad te Deus meus.*

Aug. foli-
loq. ca. 35. O fons vitæ, vena aquarum viuentium, quando veniam ad aquas dulcedinis tuæ, de terrâ desertâ, inuiâ & inaquosâ, vt videam virtutem tuam & gl'oriam tuam, & satië ex aquis misericordie tuæ sitim meam? Sitio, Domine, fons vitæ es, satia me. Sitio Domine, sitio te Deum viuum.

August. in
& salm. 62, *Situit in te anima mea, quàm multipliciter tibi caro mea. In aliâ vitâ, cùm resurrexerit caro; satia-*

fatiabitur; modò ex corruptione fragilitatis si non manducemus, deficiamus & esurimus; si non bibamus, deficiamus, & sitimus. Si diu vigilemus, deficiamus & dormimus; si diu stemus, fatigamur, ideò sedemus; & si diu se-deamus, fatigamur, & ideò surgimus. In istis omnibus multiplicibus defectioibus nostris, sitimus illam incorruptionem; & sic caro nostra, *multipliciter sitit Deo*. In ista Idumæa, in isto deserto, quàm multipliciter laborat, tam multipliciter sitit; quàm multipliciter fatigatur, tam multipliciter sitit illam infatigabilem incorruptionem, in terrâ desertâ, sine viâ, & sine aquâ, talis enim est mundus iste.





Quando veniam et apparebo ante faciem
 Dei. Psal. 42.

42.

Q

A

Eug

A

Heu

Iam

S

Qui

E

Iam

E

Qua

Q

Aspi

Q

Osa

V

Oqu

Q

Scili

S

Nec

L

Mox

L

XII.

Quando veniam & apparebo ante
faciem Dei? *Psalm. 41.*

AH quoties, mea lux, mihi seria verba dedisti,
Nulla secuta tamen, seria verba fides!
Euge breui venies, toties dixisse recordor;
Adde fidem verbis, dic semel, Euge veni,
Heu mihi, quàm longa sunt expectantibus hora!
Plus aui spatio creditur vna dies.
Iam, mea lux, lapsi menses, tot aguntur & anni,
Spemq; facis toties spem tamen vsque negas.
Quid miseram spatijs tam lentis ferreus vrus?
Et toties, paruo hic tempore, dicis, eris.
Iam lacerant falsis me publica compita sannis,
Et tuus ille Deus, dic, vbi? quisque rogat.
Quando igitur veniam? quando tibi libera sislar?
Quando adstabo oculis obuia facta tuis?
Aspicias vt misero consumar squallida luctu?
Quà careo, facies hæc mihi damna facit,
O facies animi crudele mei, tormentum!
Vnica quæ præsens esse medela potes.
O quando, facies toto spectabilis orbe,
Quando tuo dabitur lumine posse frui?
Scilicet vt grauis est terris, absentia Phœbi,
Squallet & obscurus, sole latente, dies:
Nec color est hortis, nec amœnis gratia syluis,
Iamq; silent homines, iamq; filetis aues:
Mox vbi purpureo roseum caput extulit ore,
Læta micat radijs, luce nitente, dies,

Et suus est hortis color, & suâ gratia syluis,
 Iamq; strepunt homines, iamq; loquuntur aues:
 Sic ego, te viso, moriens, mea vita, resurgo;
 Vt uaq; non viso protinus emorior.
 Sape iubes, alio me pascere lumina vultu,
 Multaq; conspectu corpora palera refers.
 Aspice prata, inquis, formosos aspice flores;
 Picta mei multum prata coloris habent.
 Aspice ceruleo palantes æthere stellas;
 He quoque de nostro lumine, lumen habent.
 Aspice & humanis præstantia corpora formis;
 Est meus humano multus in ore decor.
 Siccine, Lux, nostris sperasti illudere votis?
 Falsaq; supposito vendere frustra vitro?
 Non ego polliceor mortalis imagine forme,
 Ah, mea fax facies est, mea vita, tua!
 Illa, ô digna Deo facies! grauis ille sui
 Mixtus in ore timor, parq; timoris, amor.
 Illa supercilij maiestas diæ, cadentium
 Cœlituum prono quam colit ore tremor.
 Nam quot a pars tanti sedet vlla in fronte decoris,
 Lux mea, quam a tuâ fronte, genisq; sedet?
 Ah, neque si faciem coëat decor omnis in vnam,
 Tanta sit vllius gratia, quam a tua!
 Lux mea splendidior quanto supereminet astris
 Lucifer, & quanto Cynthia Lucifero;
 Ipsaq; quanto iterum superatur Cynthia Phæbo,
 Tanto formosis omnibus ore præis.
 De tribus id melius narrabit testibus vnus,
 Qui tibi tum comites vertice Thabor erant:

Cùm

Cùm testata Deum facies tibi flammea luxit,
 Cinxit & auratas fax radiata comas:
 Nempe aliquis tanta captus dulcedine lucis,
 Et nimio forma saucius igne tuæ;
 Immemor & patriæ, oblitusq; suiq; suorumq;
 Optabat stabiles figere monte lares.
 Nec tamen augustum, qualis, quantusq; videri
 Cœlitibus solitus, viderat ille Deum.
 Viderat aërios abistere vultibus ignes,
 Vt solet accenso candida mica foco.
 Videras ardenti rutilantem vertice flammam,
 Quale lace situm Sole refulget ebur.
 Viderat, vt placidis Lucina videris in vndis,
 Cùm tuum in nitidis fluctuat ardor aquis;
 Aut qualis pelago Cœli vibratur imago,
 Vnda repercussis cùm tremuit igne poli.
 Quid dicturus erat, tot à si luce coruscas
 Vidisset, circum tempore bina faces?
 Quid si oculos? quid si faciem sine nube micantem?
 Quodq; polo facies lumen vtroque iacit?
 Quando erit ille dies, mea lux, rex ille dierum,
 Numinis ambrosio cùm sinar ore frui!
 Sæpè quidem vestros specto sub imagine vultus,
 Cùm vultus obeunt spica, merumq; tuos:
 Magna, equidem fateor, tamè imperfecta voluptas,
 Pro facie, faciem nube regente frui:
 At mihi mens alio stimulara cupidine flagrat,
 Ardet & innubes læta videre genas.
 Quando erit ergo dies, cùm te, sine nube, videbo?
 Impedient faciem vela nec vlla tuam?

Solaq̄, quæ fueras animo libata voluptas,
 Tandem oculis etiam percipière meis?
 Illa dies, fausto si quando affulserit astro,
 Iuro, erit his oculis carior illa dies.



Quando

Qu
 ca

S
 si ve
 le, à
 ne il

D
 carit
 mab
 quan
 riab
 me
 non

D
 Dec
 requ
 men
 qua
 bus
 te v
 tuã
 tuu
 anx
 tuã
 cies
 me
 fec

Quando veniam & apparebo ante faciem Dei? Psalm. 41.

SI inuenis meliùs quàm videre faciem Dei, illuc te prepara. Væ tali amoris tuo, si vel suspicaris aliquid pulcriùs, quàm est ille, à quo est omne pulcrum, quod te teneat, ne illum cogitare merearis. August. iii
Psalm. 43.

Dulcissime, amantissime, benignissime, carissime, pretiosissime, desideratissime, amabilissime, pulcerrime, quando te videbo? Aug. med.
cap. 37.
quando apparebo ante faciem tuam? quando factabor de pulcritudine tuâ, quando educes me de hoc carcere tenebroso, vt confitear nomini tuo.

Dic nunc totum cor meum, dic nunc Deo; *Quero vultum tuum, vultum tuum Domine requiro.* Ansel. in
profolog.
cap. 1. Eia nunc ergo, Tu Domine Deus meus, doce cor meum, vbi & quomodo te quærat, vbi & quomodo te inueniat. Quibus signis, quâ facie, te quæram? numquam te vidi, Domine Deus meus; nõ noui faciem tuâ, quid faciet altissime Domine, quid iste tuus lóginquus exul? quid faciet seruus tuus anxius amore tuâ, & longè proiectus à facie tuâ? anhelat videre te, & nimis abest illi facies tua. Dominus Deus meus es, & Deus meus, & nondum te vidi. Tu me fecisti & refecisti, & omnia mea bona tu mihi contuli-

sti, & nondum noui te. Denique *ad te videndum* factus sum, & nondum feci propter quod factus sum.

Aug. foli-
loq. ca. 36.

Hæc est plena beatitudo, & tota glorificatio hominis, *videre faciem Dei sui*, videre eum, qui fecit Cælum & terram, videre eum, qui fecit eum, qui saluauit eum, & qui glorificauit eum. *Exquisiuit te facies mea, faciem tuam, Domine, requiram*, faciem Domini virtutum, in quâ solâ, consistit tota gloria sempiterna beatorum.

Aug. foli-
loq. ca. 35.

O quando veniam & apparebo Domine ante faciem tuam? putâsne, videbo diem illam, diem, inquam iucunditatis & lætitiæ, *diem quam fecit Dominus, vt exultemus & lætemur in eâ*? O dies præclara & pulcra, nesciens vesperum, non habens occasum, in quâ audiam vocem laudis, vocem exultationis & cōfessionis; in quâ audiam, *intra in gaudium Domini tui!* intra in gaudium sempiternum, in domum Domini Dei tui, vbi sunt magna & inscrutabilia & mirabilia, quorum non est numerus. Intra in gaudium sine tristitiâ, quod continet æternam lætitiâ; vbi erit omne bonum, & non erit aliquod malum; vbi erit quicquid voles, & non erit, quicquid noles; vbi erit vita vitalis, dulcis & amabilis, semperq; memorialis; vbi non erit hostis impugnans, nec vlla illecebra, sed summa & certa securitas, *secura tranquillitas, & tranquilla iucunditas*

cunditas, iucunda felicitas, felix æternitas, æterna beatitudo, beata visio, quæ est gaudium Domini Dei tui.

Hanc verò, dulcedinem, vt gustauit Petrus, omnium inferiorum oblitus, clamauit quasi ebrius, dicens; *Domine bonum est nos hic esse, faciamus nobis hic tria tabernacula.* hîc moremur, te contemlemur, quia nullo alio indigemus. Sufficit nobis, Domine, *videre te*, sufficit, inquit, tantâ dulcedine satiari: vnam enim stillam dulcedinis ille gustauit, & omnem aliam fastidiuit dulcedinem. Quid putas dixisset, si magnam illam multitudinem dulcedinis Diuinitatis tuæ gustasset, quam abscondisti timentibus te?

Vide quoque ardentem hominem [Dauidem] vide inflammatum, sciens enim se cum hinc recesserit, eum esse *visurum*, ne expectat quidem dilationem; morâ enim non patitur; & si esset quidem priuatus aliquis, humilisque & abiectus, & viuens in paupertate, magnum quiddam esset, vel sic, vitam præsentem contemnere; sed non esset adedò magnum vt nunc est, vtpote Rex est, & tantis fruitur delicijs, tantâque est gloriæ particeps, & est innumerabiles victorias consecutus, multaque bella vicit, & est omni ex parte clarus, insignis & illustris; hæc qui omnia irrideat, diuitias & gloriam & omnes delicias, ad futura autem aspiret & inhiat,

Aug. foli-
loq. ca. 226

Chrysoft.
homil. in
Psalm. 41.

hoc est magni cuiusdam & excelsi animi,
hoc est animæ, quæ tenetur studio sapien-
tiæ, & cœlesti amore verè capta est.

August. in
Psal. 138.

Moyfes sic desiderauit & concupiuit vi-
dere ipsam speciem Dei, & loquenti secum
Deo dixit: *Si inueni gratiam ante te; ostende mihi
temetipsum, adimplebis me lætitiâ cum vultu tuo.*

Augu. foli-
loq. cap. 23

Et ego paruulus, inter paruulos familiæ
tuæ, Deus pater, & virtus mea, *quando veniam
& apparebo ante faciem tuam*, vt qui nunc tibi
confiteor ad tempus, ex tunc confitear tibi
in æternum: Beatus ero si fuero admissus ad
videndam claritatem tuam. Quis mihi hoc
tribuat, vt ad hoc venire permittas me!

August. in
Psalm. 41.

Sed *quãdo veniam?* en quod citius est Deo,
tardum est desiderio. *Quando veniam & appa-
rebo ante faciem Dei?* ex illo desiderio est &
hoc, quod clamatur alibi: *Vnã petij à Domino,
hanc requiram, vt inhabitem in domo Domini,
per omnes dies vitæ meæ.* Quare hoc? vt contem-
pler delectationem Domini. *quando veniam
& apparebo ante faciem Domini.* Interim dum
meditor, dum curro, dum in viâ sum, ante-
quam veniam, antequam appaream, *auerunt
mihi lacrymæ meæ panes die ac nocte, cum dicitur
mihi per singulos dies; vbi est Deus tuus.*

Aug. med.
cap. 40.

Eia, iam Domine! eia, appare mihi & con-
solatus ero! Exhibe præsentiam tuam, & cõ-
secutus ero desiderium meum, reuela glo-
riam tuam, & erit perfectum gaudiũ meum,

Sitiuit

Sitiuit in te anima mea, quàm multipliciter tibi caro mea! Sitiuit anima mea ad Deum fontem viuum; quando veniam & apparebo ante faciẽ Domini. Quãdo venies consolator meus, quem expecto? ô si quando videbo gaudiũ meũ, quod desidero? ô si satiabor, cùm apparuerit gloria tua, quam esurio! ô si inebriabor ab vbertate domus tuæ, ad quam suspiro! ô si potabis me torrente voluptatis tuæ, quam sitiol! sint mihi, Domine interim lacrymæ mea panes die ac nocte, donec dicatur mihi, Ecce Deus tuus: donec audiat anima mea, Ecce sponsus tuus.

Ostende te mihi, consolator meus, videam te, lumen oculorum meorum, veni gaudium spiritus mei; videam te lætitiã cordis mei. Diligam te vita animæ meæ. Appare mihi, delectatio mea, solatium meum dulce, Domine Deus meus, vita mea, & gloria tota animæ meæ!

Aug. foli-
loq. cap. 1,



*Quis dabit mihi pennas sicut columba, et
volabo et requiescam? Psal. 54, 43.*

Qu
I
I

M

Si ta

Q

In tr

I

Tam

N

Pac

P

Mon

C

Sed

L

Offi

N

Non

I

Sed

I

Qui

S

Viv

F

XIII.

Quis mihi dabit pennas sicut columbæ, & volabo & requiescam?

Psalm. 54.

Magne opifex rerum, generis mortalis origo,
 Corpora nostra tuâ sunt fabricata manu.
 Si tamen aduersis liceat contendere verbis,
 Quos habeant neuos corpora nostra, querar.
 In tria ius homini vastissima regna dedisti;
 In maria, in terras, ætheriasq; domus:
 Tanta sed vt iustus tria regna gubernet habenis.
 Non quantum hæc possit machina, robur habet.
 Pace, parùm timide temeraria verba loquenti,
 Plus operi vitij, quàm reputetur, inest.
 Momus abesse homini, fertur, doluisse fenestram,
 Cætera tam nitida membra probasse domus:
 Sed fueritne foris, fueritne foraminis vsus,
 Lis erit arbitrio, Mome, secanda tuo.
 Officit humana, me iudice, turpius ædi,
 Nulla quod obsequium squamma vel ala ferat.
 Non quod opus squammis vt terra regatur & alijs;
 Imperium terræ squamma nec ala iuuat.
 Sed simul ætherias homo cùm moderetur habenas,
 Et simul æquoreæ cæruleæ sceptræ plage;
 Quâ nisi sint pinna, tumidas reget ante procellas?
 Quâ nisi sint penna, nubila lege premet?
 Vt volet, æriâ volucris petit ardua pennâ;
 Piscis vt æquor aret, squammea pinna facit.

Sed

Sed neq; pinna vices homini, neq; penna ministras,
 Et simul hic fluctus & simul Astra reget?
 Nec pelago piscis, neque nubibus imperat ales,
 Cur opus his pennâ, remigiog, fuit?
 Scilicet, ingenij minus, orbis & artis haberet,
 Ni streperet pennis stridula musca suis.
 Nec stabili geminus penderet cardine mundus,
 Bina nisi querulas ala moueret, apes.
 Quid, quod & in triplici, volucrum vilissime, regno,
 Principis instar, iter Mergenator, agas:
 Et modò gramineâ pedes expatieris in herbâ;
 Mox aus, alta petas, mox freta nauta, feces.
 Quin potius triplicis celsis tibi regia mundi,
 Per tria qui pennis hospita regna volas?
 Aut tria si fuerint hominis loca credita cura,
 Cur homini, triplici non licet ire viâ?
 Cerulus aquorei Nereus pater ipse profundi,
 Non nisi squammigeris, currere fertur equis
 Iuppiter, aërium qui flectere fingitur orbem,
 AEtheris ipse vehens alie, carpit iter.
 Nec leuitas hominem celeri feri plumea pennâ,
 Nec liquidas pinnâ remige findit aquas.
 Et flectet geminum iustus sine viribus, orbem,
 AEthere factus aus, factus in amne ratis?
 Vt tamen vndisfrage careat moderamine pinna,
 (Plurima cum pinnis corpora casta natent)
 At sine pæpetibus nulli patet ardua pennis,
 Quæ patet aligero Regia sola gregi:
 O liceat vacuas mihi tollere corpus in auras,
 Altaq; siderea visere regna plage!

Aspice,

Aspice, quos inter iaceat mea patria mores,
 Indignus patria nomen habere locus.
 Aspice, nec quod amem volucres, mirabere pennas,
 Me grauior, quàm quæ Persea, caussa mouet.
 Pegasæis vtinam rapiar super æthera plantis,
 Aut moueat volucres Perseos ala pedes!
 Aut agiles humeris aptes mihi, Dædale, ceras,
 Icaris quamuis fabula labar aquis!
 Aut lapsas agitem pennato pectore plumas,
 Quas vultit variopicta columba sinu!
 Astra columbinis meditabor protinus alis,
 Et ferar ante tuam, Iuppiter ales auem.
 O stulta volucres, gens nata paluſtribus vlnis,
 Suetæ cauernosos turba natæ lacus!
 Non ego, si vestras mihi Dædalus applicet alas,
 Littora vel scopulos imaq; saxa legam.
 Non ego, flumineæ volitem leuis accola ripæ,
 Aut mea percussas penna flagellet aquas:
 Non mea torpentes circumvolet ala paludes;
 Vt propior segnes cadit hirundo lacus.
 Non meâ, ceu moestis Ceyx dum plangitur vndis,
 Humida vicino se lauet ala freto.
 Persequar ætherum sublimior ales Olympum,
 Altaq; mox solitis nisibus astra petam.
 O quondam felix hominum, modò turba volucrum,
 Quos amor, in celeres iraq; veruit aues!
 Cur mea non capiunt agiles quoq; brachia plumas,
 Induit aut motas hispida penna manus?
 Quot ludunt liquidis examina plumea campis,
 Aligerog; secant nubila celsa pede!

Si mihi, Nise, tuo plumescant brachia fato,
 Crurag, Scylla is vestiar hirta comis,
 S; leuis Aonio fierem certamine pica,
 Aut, Cytheraea, tuâ verterer ales aue;
 O mea si tangant aliquod suspiria Numen,
 Muter vt in pennas casta columba, tuar!
 Scilicet aduectâ, ceu Chionis ales, oliuâ
 Reppetit; nota tecta Noëa ratis;
 Protinus aligeris raperer super ethera velis,
 Nostra nec has iterum viseret ala plagas.



*Quis mihi dabit pennas sicut columbae,
& volabo & requiescam? Psal. 54.*

INARDESCIT & suspirat omnis peregrinus in saeculo. Patria bona, patria caelestis, patria contemplationis, Angelorum patria! ubi nullus moritur, quo nullus hostis admittitur. Patria ubi habes sempiternum Deum amicū, ubi nullum timeas inimicum,

Augustin.
serm. 145.
de temp.

Quis dabit mihi pennas sicut columbae, & volabo & requiescam? Nihil mihi tam dulce, quam cum Domino meo esse, præbe, mihi, rogo, pennas, quibus indutus, ad te volitem sursum.

Aug. med.
cap. 37.

Quas pennas, nisi duas alas, duo præcepta charitatis, in quibus duobus præceptis tota lex pendet & Prophetæ? has alas, has pennas, si recipiam, possum fugere à facie tuâ ad faciem tuam; & à facie irati ad faciem placati. Iam volumus spe & desiderio habentes alas geminæ charitatis. Hoc meditemur, hæc sit spes nostra, hæc sit consolatio nostra. Recipiamus *pennas* per charitatem, quas amisimus per cupiditatē; cupiditas enim *viscum* facta est *pennarum nostrarum*; elisit nos de libertate aëris nostri, id est, aurarum illarum liberarū spiritus Dei. Inde elisi perdidimus *pennas*, & fuimus quodāmodo captiui in *aucupis potestate*. In istâ vitâ, inter tanta scandala, inter tam multa peccata, inter tantas turbas tentationum quotidianarum, quotidianarum

sugge-

August. in
Psalm. 138.

Suggestionum malarum: quid facio?

Ambr. de
fuga sa-
culi cap. 5.

Omne tempus in sollicitudine, omnis vita in molestijs: *in medio*, inquit, *laqueorum ambulat*, & alius: *in via quâ ambulat*, exteros sibi, sed absconditos laqueos querebatur, ne deprehensus caderet; volebat fugere sicut passer, sed adhuc laqueus contritus non erat. Perijt, inquit, fuga à me. Grauatus habebat pennas per illam tenebrosam aquam in nubibus aëris, & fortasse euolare non poterat. Denique illas pennas querebat accipere, vt euolaret & requiesceret sicut scriptum est: *Quis mihi dabit pennas sicut columbe, & volabo & requiescam?*

Ambr. 1. 4.
in cap. 4.
Luc.

Etenim quasi clavis quibusdam suffigitur anima, corporis volu ptatibus, & cum semel adhæserit cupiditatibus demersa terrenis, difficile in altum potest. vnde descendit, sine Dei fauore reuolare. Actuum enim suorum laqueis vineta & deliciarum sæcularium illecebris obnoxia iam tenetur.

Ambr. ser.
70.

Volare non potest nisi quod purum leue atque subtile est, cuius nec sinceritas intemperantiâ retardatur, nec alacritas, nec velocitas mole grauatur. Grauari autem *volatum* dico non tam mole membrorum quàm delictorum; vnde puto etiam in ipsis auibus idè velocius *columbam* panè præ omnibus volitare, quòd alacritatem & innocentiam comitetur. Denique S. Dauid cum puritate mentis volare concupisceret, non alterius animan-

animantis nisi *columba optauit alas*; dicens, *quis dabit mihi pennas sicut columba, & volabo & requiescam!* Intelligebat enim quòd altiora faciliùs penetràtur simplicitate mentis, quàm leuitate pennarum.

Conceperat amorem verbi Dei, & cupiebat ad ipsum volatu celeri peruenire dicēs: *Quis mihi dabit pennas, sicut columba, & volabo & requiescam?* *volabo* sensibus, *volabo* intellectibus spiritalibus, & *requiescam*, cùm apprehēdero sapientiæ & scientiæ eius thesauros. Puto enim, quia sicut qui mortem CHRISTI recipiunt, & mortificant membra sua super terrā, confortes efficiuntur similitudinis mortis eius; ita & hi qui virtutem Spiritus Sãcti recipiunt, & sanctificantur ex eo, & donis eius replentur (quia ipse *in specie columbae* apparuit) etiam ipsi *columbae* fiant, vt de terrenis & corporeis locis *euolent ad caelestia, pennis Sancti Spiritus eleuati.*

Bene factum est vt *pennas* acciperetis sicut *columbae, & volaretis ad requiescendum.* Nam in terrā non erit requies, sed labor & dolor & afflictio spiritus. Quid ergo timēdum est sic volanti? nisi fortè cadaver, vel simile aliquid videat in terrā, cuius desiderio tractus, videatur à venatoribus illis pessimis, & preparatis laqueis capiatur, & *sint nouissima hominis illius peiora prioribus?*

Etenim tamdiu transilire debemus, quicquid

Orig. hō. 4
in Cant.

Bern. ser.
super
Beati quō
habitant.

August. in
Psalm. 76.

quid nos impedit, quicquid irretit; quicquid
visco quodam illigat, & onere aggrauat volatum
nostrum donec perueniamus ad id quod suf-
 ficit, vltra quod nihil est, infra quod sunt
 omnia, ex quo sunt omnia.

Aug. med.
 cap. 37.

Da, quaeso, toto desiderio & omni studio,
 tendere quo te ascendisse credimus, vt in
 presenti quidem miseriâ solo tenear corpo-
 re, tecum autem sim cogitatione semper &
 auuiditate; vt ibi sit cor meum, vbi tu es the-
 saurus meus desiderabilis, & incôparabilis,
 multumque amabilis. Assumat Domine, as-
 sumat, rogo, spiritus meus *pennis & voluet &*
non deficiat, volet & perueniat vsque ad de-
 corem domus tuæ, & *locum habitationis gloriæ*
tuæ.

Ibidem, j

Tene cor meum manu tuâ, quia sine te
 ad altiora non rapitur, illic festino, vbi sum-
 ma pax regnat & iugis tranquillitas rutilat.
 Tene & rege spiritum meum, & assume il-
 lum secundum voluntatem tuam, vt te du-
 ce, ascendat ad illam regionem vbertatis,
 vbi pascis Israel in æternum pabulo verita-
 tis.

X I V.

Quàm dilecta tabernacula tua Do-
mine virtutum! concupiscit &
deficit anima mea in atria Domi-
ni. *Psalm. 83.*

O Qui sidereas ducis fortissime turmas,
Cui cingant decies millia mille latus!
Quàm tua Regifico radiant Prætoria luxu!
Mens stupet, & tante languet amore domus,
Mœnia Tenario defendunt marmore muros,
Limina sunt Parius portaq; celsa lapis.
Vestibulo rutilant adamantum lumine valvae,
Amplaq; magnificus culmina splendor habet.
Fulgurat excelsis fuluum laquearibus aurum,
Et camera auratâ cedrina fulva trabe.
Tectum angustū, ingens, gemmisq; auroq; superbū,
Quale putes ipsum posse decere Deum.
Stratus humi calcatur onyx, vitre q; plateas
Stellarum fundant, marmora fulua globi.
Iam sua temperies placido mitissima Cælo est;
Qualis vbi vernis aura tepet zephyris;
Nec glacialis hiems tremulo pede pulsat Olympum,
Icta nec hibernâ grandine tecta sonant;
Nec pallent viso moritura sole pruinae;
Nec stant marmoreo flumina vincita gelu;

Nec coquit astivi Cererem iuba saeva leonis,
 Solstij medius nec furit igne dies.
 Nec viridis solij sanguis feruore recedit.
 Nec tostus nimio sole fatiscit ager.
 Perpetuum ver astra colunt, frigusq; caloremq;
 Inter, Cælicola tempora veris agunt.
 O qui fidereas habitas, Rex maxime, sedes,
 Quam tua præ terris inuidiosa domus!
 Quin absunt gelidi bruma intractabilis imbres,
 Quiq; regat madidos imbrifer hædus agros;
 AEoliæq; silent anime tranquilla per alta,
 Quassaq; nec venti murmure spica tremit.
 Stat placidus positus Aquilonum flatibus ather,
 Seruat & æternus longa serena tenor.
 Sed neque flammætes liquido lauat aquore currus,
 Nec subit occiduas Sol fugitiuus aquas.
 Nec premit astra dies, neq; Sol fugat athere stellas,
 Nec premitur lassus nocte fugante dies.
 Nulla polos tacitis nox obruit atra tenebris,
 Nigræq; subducto somnia sole vocat.
 Exulat athereis longè nox horrida terris,
 Et nitet aeterno lumine clara dies:
 Clara dies, iucunda dies, setemplice Phæbi,
 Fulmineam nostri lampada, luce premens.
 O qui fidereas habitas, Rex maxime, sedes,
 Quam tua præ terris inuidiosa domus!
 Sollicita procul hinc, profuere cubilia cura,
 Et metus & tristi luridus ore dolor,
 Et caput atrato luctus velatus amictu,
 Lessu, & impexis nania mæsta comis.

Et labor & toto gemitus proscriptus Olympo,
 Et lis & rabidi iurgæ rauca fori,
 Rixæq; inuidiæq; cruentaq; sanguine bella,
 Monstræq; quæ secum plurima, bella trahunt.
 Pauperies febrisq; famēsque sitisq; luesq;
 Quæq; sequi solita Martia castrâ neces.
 Hic clausa Bello porta, & sine militis armis
 Oria cœlicola mollia pacis agunt.
 Non galeæ, non scuta micant, non classica clangunt,
 Mitescunt positis aurea sæcla tubis.
 Tabificiæq; absunt, examina pallida, morbi,
 Quæq; cohors Letho præuia sternit iter.
 Quin etiam Letho interdictum mœnibus vrbis,
 Nec quidquam in Superùm corpora iuris habet.
 Letitiæ data cura domus, quæ sedula stertum
 Elysij longè sinibus arcet agri,
 Instruit auratis conuiuia Regia mensis,
 Quas recreant festis gaudia sancta iocis.
 Non quia Cœlicola dapibus ieiunia soluant,
 Aut vllus Superùm proluat ore liquor.
 Absq; epulis, hic omnis amor compressus edendi,
 Omnis & absque meri munere pulsa sitis.
 Non istis temerant Superi conuiuia mensis,
 Aut Regio similes suggerit illa dapes.
 Elysium sine carne epulas Bacchoq; ministrat
 Cœlicolumq; venit nullus in ora cibis.
 Cœlestes onerant, incognita fercula lances,
 Quales nemo hominum, contigit ore cibos.
 Ambrosiæ, Superos hilarat, quis nescio, succus,
 Deus, & atherio nectare potus alit;

*Sicq̄ super strato aeternum discumbitur ostro,
 Gaudet & auratis gens epulata toris.
 Gaudet, & Angelicos placidis bibit auribus hymnos,
 Et salit, & rutilam sub pede plaudit humum.
 O qui sidereas habitas Rex maxime sedes,
 Quot tua delicijs affluit illa domus!
 Iam flagrat & studio nimis inflammata videndi,
 Mens desiderio deficit egra suo.*

*Quam dilecta tabernacula tua Domine
 virtutum! concupiscit & deficit ani-
 ma mea in atria Domini. Psal. 83.*

Aug. med.
 cap. 25.

MATER Hierusalem, Ciuitas sancta
 Dei, charissima sponsa CHRISTI, te
 amat cor meum, pulcritudinem tuam amat
 cor meum, pulcritudinem tuam nimium de-
 siderat mens mea. O quam decora, quam
 gloriosa, quam generosa tu es. Tota pulcra
 es, & macula non est in te. Felix anima mea,
 semperque foelix in saecula, si intueri merue-
 ro gloriam tuam, beatitudinem tuam, pul-
 critudinem tuam, portas & muros, & pla-
 teas tuas, & mansiones tuas multas; nobi-
 lissimos ciues tuos, & fortissimum Regem
 tuum in decore suo. Muri namque tui ex la-
 pidibus pretiosis; portae tuae ex margaritis
 optimis; plateae tuae ex auro purissimo, in
 quibus iucundum alleluia sine intermissio-
 ne concinitur; mansiones tuae multae, qua-
 dris

dris lapidibus fundatæ, saphyris constructæ, laterculis coopertæ aureis, in quas nullus ingreditur, nisi mundus, nullus habitat inquinatus. Speciosa facta es & suavis in delicijs tuis, mater Hierusalem; nihil in te tale, quale hîc patimur, qualia in hâc miserâ vitâ cernimus. Non sunt in te tenebræ, aut nox, aut quælibet diuersitas temporum, sed Deus de Deo, lux de luce, Sol Iustitiæ semper illuminat te, Agnes candidus & immaculatus, lucidum & pulcerrimum est lumen tuum; Sol rursus & claritas tua, & omne bonum tuum, huius pulcerrimi Regis indeficiens contemplatio: Ipse Rex Regum in medio tui, & pueri eius in circuitu eius.

Ibi Hymnicidi Angelorum chori. Ibi societas supernorum Ciuium. Ibi dulcis solennitas omnium, ab hâc tristi peregrinatione ad tua gaudia redeuntium. Ibi Prophetarum prouidus chorus. Ibi duodenus Apostolorum numerus. Ibi innumerabiliu Martyrum victor exercitus. Ibi Sanctorum Confessorum sacer conuentus. Ibi veri & perfecti Monachi. Ibi sanctæ mulieres, quæ voluptates sæculi, & sexus infirmitatem vicerunt. Ibi pueri & puellæ annos suos sanctis moribus transcendunt. Ibi oues & agni, qui iam huius voluptatis laqueos euaserunt. Exultant omnes in proprijs mansionibus, dispar est gloria singulorum, sed communis est lætitia omnium

nium. Plena & perfecta ibi regnat charitas, quia Deus est tibi omnia in omnibus; quem sine fine vident, & semper videndo in eius amore ardent, amant & laudant, laudant & amant. Omne opus eorum laus Dei sine fine, sine defectione, & sine labore. Felix ego & verè in perpetuum felix, si post resolutionem huius corpusculi, audire meruero illa cantica cœlestis melodix; quæ cantantur ad laudem Regis æterni, ab illis superne patriæ ciuibus beatorumque spirituum agminibus! Fortunatus ego, nimiumque beatus, si & ego ipse meruero cantare ea, & assistere Regi meo & Duci meo!

Aug. med.
cap. 22.

O tu vita, quam præparauit Deus ijs, qui diligunt eum! vita vitalis, vita beata, vita secura, vita tranquilla, vita pulchra, vita munda, vita casta, vita sancta, vita ignara mortis, nescia tristitiæ, vita sine labe, sine dolore, sine anxietate, sine corruptione, sine perturbatione, sine varietate & mutatione, vita totius elegantiæ & dignitatis plenissima, vbi non est aduersarius impugnans, vbi nulla peccati illecebra, vbi est amor perfectus, & timor nullus, vbi dies æternus & vnus omnium spiritus, vbi Deus facie ad faciem cernitur, & hoc vite cibo, mens sine defectu satiatur. Liber me tuæ intendere claritati, delectant me bona tua audio corde. Quanto plus valeo mecum considerare, tanto plus amore tui lægueo, tui vehementi

hement idesiderio tuiq; dulci memoriâ admodum delector. Libet itaque, libet in te oculos cordis attollere, statû mentis erigere, affectum animi cõseruare. Libet sanè de te loqui, de te audire, de te scribere, de te conferre; de tuâ beatitudine & gloriâ quotidie legere & lecta sapiùs corde reuoluere, vt vel sic possim ab huius mortalis perituræq; vitæ ardoribus, periculis & sudoribus sub tuæ vitalis auræ dulci refrigerio transire & transiens, sinu tuo fessum caput dormiturus vel paululum reclinare. O tu vita felicissima! ô Regnum verè beatum carens morte, vacans sine! cui nulla tēpora succedunt per æuum, vbi continuus sine nocte dies nescit habere tempus, vbi victor miles, illis hymnidicis Angelorum sociatus choris, cantat Deo sine cessatione canticum de canticis Sion.

Quæ cantica, quæ organa, quæ cantilenæ, quæ melodiæ ibi sine fine decantantur! sonant enim semper melliflora hymnorum organa, suauissima Angelorum melodia cantica canticorum mira, quæ ad laudem & gloriam tuam à supernis ciuibus in perpetuum decantantur.

Hugo de
S Victore
lib. de ani-
ma cap. 4.

O anima, suspira ardentem, desideria vehementer, vt possis venire ad illam supernam Ciuitatem, de quâ tam gloriosa dicta sunt, in quâ sicut latantium omnium habitatio est!

Aug. manu
cap. 24.

Quanta erit illa felicitas, yti nullum erit

22. de
Civitat. Dei,
cap. 30.

malum, nullum latebit bonum ! vacabitur
Dei laudibus, qui erit omnia in omnibus!
Admoneor etiam sancto Cantico, ubi lego:
*Beati qui habitant in domo tuâ Domine, in secula
seculorum laudabunt te.* omnia membra & vis-
cera incorruptibilis corporis, quæ nunc vi-
demus per usus necessitatis varios distribu-
ta, quoniam tunc non erit ipsa necessitas; sed
plena, certa, secunda, sempiterna felicitas,
proficient in laudibus Dei.

Vera ibi gloria erit, ubi laudantis nec er-
rore quisquam nec adulatione laudabitur.
Verus honor, qui nulli negabitur digno, nul-
li deferetur indigno. Vera pax ibi est, ubi ni-
hil aduersi nec à seipso, nec ab alio quisquã
patiatur. Præmium virtutis erit ipse, qui vir-
tutem dedit, eique seipsum, quo maius nihil
possit esse, promissit. Quid enim est aliud
quod per Prophetam dixi: *Ero illorum Deus, &
ipsi erunt mihi plebs*; nisi ego ero vnde satien-
tur, ego ero quæcumque ab hominibus hone-
sta desiderantur, & vita & salus & victus &
copia & gloria, & honor, & pax, & omnia
bona? sic enim & illud rectè intelligitur,
quod ait Apostolus, *ut sit Deus omnia in omni-
bus ipse finis erit desideriorum nostrorum*, qui sine
fine videbitur, sine fastidio amabitur, sine fa-
tigatione laudabitur. ubi vacabimus & vi-
debimus, videbimus & amabimus, amabi-
mus & laudabimus. Ecce quod erit in fine,
fine

sine fine. Nam quis alius noster est finis, nisi peruenire ad Regnum cuius nullus est finis?

O Anima, quid dicere valeo, cum futurum gaudium aspicio? Iam pœnè præ admiratione deficio, quia gaudium erit intus & extra, subtus & supra, circum & circa. Gaudebis igitur in omnibus, gaudebis de omnibus.

Bonau. folio. cap. 4.

O Anima, qualis tibi erit dies illa, cum ad hanc felicem choream fueris assumpta, & cum omne tormentum tibi (si piè vixeris, si patienter sustinueris) conuertetur in æternum iubilum! Tunc de omnibus his laudabis Dominum Deum tuum, labijs exultationis, dicens: *Misericordias Domini in æternum cantabo.*

Bonau. folio. cap. 4.

O domus Dei æterna, post CHRISTI dilectionem, tu esto lætitia mea & consolatio; dulcis memoria tui beati nominis, sit releuatio mœroris, tædiorumque meorum; Tædet enim me valde vitæ huius & istius erumnosæ peregrinationis.

Ambr. in orationib.

O domus Dei luminosa & speciosa, dilexi decorem tuum & gl'oriam habitationis gloriæ Domini mei fabricatoris & possessoris tui. Tibi suspiret peregrinatio mea die ac nocte: tibi inhiet cor meum, tibi intendat mens mea, ad societatem tuæ beatitudinis peruenire desideret anima mea.

Ambr. in orationib.

Quando transibo in illam admirabilem
& pul-

August.

med. c. 37. & pulcerrimam domum tuam, vbi personat vox lætitiæ & exultationis in tabernaculis Iustorum? *Beati qui habitant in domo tua Domine, in sæcula sæculorum laudabunt te!* Beati & verè beati, quos elegisti & assumpsisti in illam Cœlestem hæreditatem. Ecce *sancti tui, Domine, florent ante te sicut lilium; replentur enim ab vbertate domus tuæ & torrente voluptatis tuæ potas eos,* quoniã tu es fons vitæ. O quàm mira, quàm pulcra, quàm acceptabilia sunt domus tuæ habitacula, Domine virtutum, concupiscit intrare in ea hæc peccatrix anima mea! *Domine dilexi decorem domus tuæ, locum habitationis gloriæ tuæ. Vnam petij à Domino, hanc requiram, vt inhabitem in domo Domini omnibus diebus vitæ meæ.*

Aug. foli-
loq. ca. 35.

O verè beati! ô terque quaterque beati, qui iam omnium malorum exuti, securi de suâ immarcessibili gloriâ ad te, Regnum decoris, peruenire meruerunt! ô æternum Regnum, Regnum omnium sæculorum! vbi lumen indeficiens & pax Dei quæ exuperat omnem sensum, in quo sanctorum animæ requiescunt, & lætitia sempiterna super capita eorum; gaudium & exultationem obtinebunt, & fugiet dolor & gemitus. O quàm gloriosum est Regnum, in quo tecum, Domine, regnant omnes Sancti.

Greg. in
Psal. 7.
pœnitent.

Ibi est lux sine defectu, gaudium sine gemitu; desiderium sine pœnâ, amor sine tristiâ;

stitiâ; satieta sine fastidio; sospitas sine vitio, vita sine morte, sanitas sine languore. Ibi sancti & humiles corde, ibi spiritus & animæ iustorum, ibi cuncti cœlestis Patriæ ciues, & Beatorum spirituum ordines, Regem in decore suo videntes, & in gloriâ virtutis eius exultantes. Perfecta viget in omnibus charitas, vna omniû lætitiâ, vna iucunditas.

BONE IESV, verbum Patris, splendor paternæ gloriæ, in quem desiderant Angeli prospicere, doce me facere voluntatem tuam, vt à spiritu tuo bono deductus, ad beatam illam perueniam Ciuitatem, vbi est dies æternus, & vnus omnium spiritus; vbi est certa securitas & secura æternitas, & æterna tranquillitas, & tranquilla fœlicitas, & fœlix suauitas, & suavis iucunditas; vbi tu Deus cum Patre & Spiritu Sancto viuis & regnas per infinita sæculorum sæcula,
Amen.



*Fuge dilecte mi, et asfnilare caprea, hinnuloq;
cornuorum super montes aromatum. Cant. s. 45.*

Fuge dilecte mi, & assimulare capreæ hinnuloq; ceruorum super montes aromatum. *Cant. 8.*

O Cyus aspectu, mea Lux, te proripe nostro;
 Ardeo, nec tantas mens capit ista faces.
 O mala, quæ dudum timui tibi dicere verba!
 Quam, mea Lux, malle[m] dicere posse, mane.
 Non etenim tua me presentia tempore lassat.
 Ab sine te, grauis est qualibet hora mihi
 Sed prohibent nimis incendia dulcia flammis,
 Vel fuge, vel nocuam, Lux mea, condefacem.
 Hac mihi Tu, fateor, si iussa aliquando dedisses,
 Ex animis misero lapsa dolore forem.
 Parce, iubet seuis Amor ignibus, haud ego mando,
 Stare velim totos in mea vota dies:
 Si possem, cuperem non persuadere quod hortor,
 Si potes, inuitas aure repelle preces.
 Ergo mane, mea lux, monitis neq; flectere nostris,
 Nec, precor, audieris quæ modo iussa dedi.
 Trans mare precipites rapiant verba irrita Cauri,
 Non mea, sed stolidi verba fuere metus.
 At prohibet rapidus fibras qui pascitur ardor,
 AEstuo nec tantas mens capit ista faces.
 Ergo fuge & celeres pedibus prauerte capellas,
 Anteuola ceruos, anteuola hinnuleos.
 Sed fuge respiciens, tamquam discedere nolles,
 Vt qui spectari, dum fugit, antè cupit.

Deus in Ephremi cū pectore ferueret ignis;
 Non ego par flamma quin fugis, inquit, Amor?
 Ille triumphato clarus Xauerius Indo,
 Saucius at veri à pectora sepè face,
 Cœlestis quoties ardebat arundinis ictu,
 Ah satis est, satis est dicere suetus erat.
 Cū flagrat iuuenis sceptri laus magna Poloni,
 Corda rigat gelidis Stanesilauis aquis.
 Quis mea pectoribus compono pectora tantis?
 Non ego sum toti, lux mea, par pharetra.
 Carpe fugam, pedibusq; leues prauerte capellas,
 Anteuola ceruos, anteuola hinnulos.
 En iuga vicino caelos tangentia cliuo,
 Thuris vbi madido cortice gutta tumet;
 Cedrus vbi, Laurusq; & copia plurima Myrrhe,
 Mixtaq; puniceis Cynnama leta crocis.
 Huc fuge pennigeris super alta cacumina plantis,
 Seu tua, Mons Amara, Libane siue tua?
 Alta super iuuenum fastigia Seraphicorum,
 Cherubicisq; apices, Astraq; summa super.
 Scilicet insoliti non sunt his montibus ignes,
 Pectora quos imis vallibus ista timent.
 Vna potest flammare meas scintilla medullas,
 Non ego par totas, lux mea, ferre faces.
 Carpe fugam, pedibusq; leues prauerte capellas,
 Anteuola ceruos, anteuola hinnulos.
 Sic tamen, vt fugiens oculis huc sepè recurras,
 Longius aspectu nēve vagere meo.
 Qualis at oppositum spectat soror aurea Phœbum,
 Cū plus de radijs, quo magè dictat, habet.

Parce, suas vires, mea lux, vitiumq₃ fatenti,
 Nec tecum possum viuere, nec sine te.
 Ardeo, si properas; rigeo, si fugeris; hei mi,
 Et procul, & praesens, igne geluq₃, noces!
 Quid facies, mea lux, sine te non esse volenti?
 Fac caleam, toto non tamen igne cremer.
 Ergo fuge, alipedesq₃, celer praeuerte capellas,
 Antevola cervos, antevola hinnuleos.
 Interea viridem fabricabor arundine cannam,
 Et referet laudes fistula facta tuas.
 Post, vbi vox longo modulamine sessa silebit,
 Ore silente nouum dextra capesset opus.
 Arboribusq₃, meos folijsq₃, insculpet amores,
 Amborumq₃, vno cortice nomen erit.
 Scriptaq₃, praeteriens ne noscat signa viator,
 Littera confusum nomen virumq₃, teget.
 Post opus hoc, reliquaesi quae super hora diei,
 Illa mihi in somnos hora quietis erit.
 Sic tamen vt vestri sit mixtus imagine somnus,
 Et mihi stes clausos peruigil ante oculos.
 Dum loquor, en tacitis gliscunt incendia flammis,
 Ocyus ingrata lux mea carpe fugam.
 Carpe fugam, veluti cuperes tamen ante videri;
 Vtq₃ breuis redeas, non Tibi dico Vale.

Fuge

*Fuge dilecte mi, & assimilare capreae,
hinnulog^s, ceruorum, super montes
aromatum. Cant. 8.*

Guil. Ab-
bas apud
Delrio in
c. 8. Cant.

SPONSVS plerumque præproperè & præ-
maturè fugatur, & ante tempus dicitur
ei, *Fuge*. quippe tempus manendi sponso &
tempus fugiendi. Tempus dicendi ei; *Mane
nobiscum Domine*; & tempus dicendi ei; *Fuge
dilecte mi*. Tempus dimittendi eum, & tem-
pus dicendi ei; *Non dimittam te nisi benedixeris
mibi*, nisi auxeris incrementa frugum iusti-
tiæ meæ, vt suo tempore dimittam te.

Beda in c. 8
Cant.

[Sed] quis eum quem diligit, à suâ fugare
præsentia velit? quod ergo ait, *Fuge dilecte mi*,
non optando loquitur, sed eius potiùs vo-
luntate feruendo.

Author
Scalæ Pa-
radyfi, to. 9
Aug. ca. 5.

Sicut enim in quibusdam carnalibus offi-
cij adeò vincitur carnalis concupiscentia,
quod omnem visum rationis amittit, & fit
homo quasi totus carnalis; ita meritò in hæc
supernâ contemplatione, ita consummuntur
& absorbentur carnales motus ab ani-
mâ, vt in nullo caro spiritui contradicat.

Idem c. 6.

Namquid huius consolationis & lætitiæ
testes sunt & nuncij, suspiria & lacrymæ? Si
ita est, noua est antiphrasis ista & significa-
tio inusitata; sed quid huius secreti collo-
quia proferimus in publicum?

Dimitte

Dimitte me, iam enim ascendit aurora: datâ Idem c. 7.
ergo benedictione, mortificato neruo femoris & mutato nomine de Iacob in Isiaël, paulisper secedit Sponsus, diu desideratus, citò elapsus.

Idem c. 8.
Sed ne timeas, ô Sponsa, ne desperes, ne existimes te contemni, si paulisper tibi subtrahit sponsus faciem suam. Omnia ista cooperantur in bonum, & de accessu & recessu lucrum acquiris; tibi venit, tibi & recedit; venit ad consolationem, recedit ad cautelam, ne magnitudo consolationis extollat te. Hanc gratiâ cum vult & quâdo vult Sponsus attribuit, non iure hæreditario possidetur. Vulgare prouerbium est, quod nimia familiaritas parit contemptum. Recedit ergo, ne fortè nimis assiduus, contemnatur, & absens magis desideretur, desideratus auidius quærat, diu quæsitus tandem gratius inueniatur. Ne ergo exilium deputemus pro patriâ, archâ pro pretij summâ, venit sponsus & recedit vicissim, nunc consolationem afferens, nunc vniuersum statum nostrum in infirmitate commutâs, paulisper nos permittit gustare, quàm suavis est; & antequam plenè sentiamus, se subtrahit, & ita quasi alis expansis supra nos volitans prouocat nos ad volandum.

Meritò proinde quærenti illum anima ref- Bern. ser. 2. super.
pondetur. *Altissimum posuisti refugium tuum.*

E e

Neque

Beati qui,
habet.

Neque enim sic Deū siciens anima, aut cum Petro, ei in terreno monte. Facere tabernaculum, aut cum MARIA deinceps, eum tangere vult in terrâ, sed planè clamat: *Fuge dilecte mi, assimulare caprea, hinnuloq, ceruorum.*

Ambr in
bono mor-
ti cap. 5.

Hortatur, enim, vt fugiat, sponfus, quia iam sequi potest etiam ipsa terrena fugientem. Dicit autem, vt *similis sit damula*, quæ euadit de retibus. Vult enim & ipsa fugere & euolare supra mundum.

Beda in
c. 8. Cant.

Assimulare caprea, hinnuloq, ceruorum super montes aromatum; multùm optando ac supplicando profectur, sciens hanc sibi maximam in præsentî vitâ esse fœlicitatē; vt quia continuâ visione non valet, saltem crebrâ eius visitatione cõsoletur, quæ nimirum fœlicitas illis solùm conceditur, qui contẽptu terrestriũ & gaudiorũ appetitu cœlestium, appellari spiritualium merentur montes aromatum. assimilatur enim *caprea hinnuloq, ceruorum* apparentibus *super montes aromatum*, cùm rursus, vt opportunũ ipse iudicauerit, collatâ ibi luce sui præsidij, siue obfidentia tentationũ pericula tollit, seu consueta quæ subtraxisse videbatur, virtutum dona restituit: constat enim de nostrâ paruitate, quia nequaquam vno atq; indissimili modo semper orationum dulcedini insistere, lacrymas (vel pro reatus nostri cõscientiâ, vel pro desiderio patriæ cœlestis) fundere valemus;

ita vt

ita vt nonnumquam multum conati, his
vti bonis nequeamus. Ac rursus aliquando,
etiam minùs ipsi studentes, horum copiâ
potiamur. Quod, vnde agitur, nisi nunc fu-
git dilectus; nunc mentem nostram reuifit.

Quis verò mihi huius mutabilitatis refe-
ret Sacramenta? quis mihi explicet ire, & re-
dire *Verbi?* numquid leuitate vtitur sponsus?
sensu animæ, non motu verbi, ista fieri sen-
tiamus. Cùm sentit gratiam, agnoscit præ-
sentiam; cùm non, absentiam queritur, &
rursum præsentiam quærit: sed fortè ideò se
subtrahit sponsus, quo auidius reuocaretur,
teneretur fortiùs? Nam & aliquando simu-
labat se longiùs ire; non quia hoc volebat,
sed magis volebat audire: *Mane nobiscum quo-
niam aduesperascit.* Nunc verò constat in ani-
mâ fieri huiusmodi vicissitudines euntis &
redeuntis *verbi*, sicut ait: *Vado & venio ad vos.*
Item, *modicum & non videbitis me.* O modi-
cum & modicum! ô modicum longum! Pia
Domine, modicum dicis, quòd non vide-
mus te? saluum sit verbum Domini mei,
longum est; & multum valdè nimis.

Sed *fuge dilecte mi*, quia non possum ad-
huc sociari tibi in thalamo sicut vis.

O vocem dignam auditu dilecti! vocem
de corde fideli & mente humili! hoc enim
est, quod anima quæuis fidelis & sapiens di-
cere consuevit: Domine non sum digna vt

intres sub tectum meum; non sum digna, ut in me ostendas frequens aliquod præsentia vel visitationis tuæ miraculum. *Euge*, inquam, *dilecte mi*, & saltus huiusmodi similes saltibus *capræ* aut *binnuli ceruorum* effice, non super me, sed super montes aromatum, super præcella merita sanctorum, atque perfectorum.

Aug. 10.
confess.
cap. 40.

Aliquando intromittis me in affectum multum inusitatum introrsus, ac nescio quam dulcedinem; quæ si perficiatur in me, nescio quid erit, quod vita ista non erit; sed recido in hæc, ærumnosis ponderibus, & resorbeor solitis; & teneor, & multum fleo, sed multum teneor.

Aug. solilo
cap. 22.

Domine consolator meus; in hac vitâ renuit consolari anima mea, ut digna habeatur consolationibus æternis.

S. Eu. in
vitâ suâ,

Recede à me, Domine, parumper; quoniam vasis huius infirmitas ferre non potest.

S Y L L A B V S
 LIBRI PRIMI
 GEMITVS
 ANIMÆ POENITENTIS.

I.

A nima mea desiderauit te in nocte. Isaix 26.

I I.

Deus tu scis insipientiam meam, & delicta mea
 à te non sunt abscondita. Psalm. 68.

I I I.

Miserere mei Domine, quoniam infirmus sum,
 sana me Domine, quoniam conturbata sunt ossa
 mea. Psalm. 6.

I V.

Vide humilitatem meam, & laborem meum,
 & dimitte vniuersa delicta mea. Psalm. 24.

V.

Memento queso quod sicut lutum feceris me, &
 in puluerem reduces me. Iob. 10.

V I.

Peccaui: quid faciam tibi, & custos hominum!
 quare posuisti me contrarium tibi? Iob. 7.

V I I.

Cur faciem tuam abscondis, & arbitraris me
 inimicum tuum? Iob. 13.

Ee 3

VIII.

VIII.

Quis dabit capiti meo aquam, & oculis meis fontem lacrymarum, & plorabo die ac nocte? Hier. 9.

I X.

Dolores inferni circumdederunt me, praecipuerunt me laquei mortis. Psalm. 17.

X.

Non intres in iudicium cum seruo tuo, quia non iustificabitur in conspectu tuo omnis viuens. Psalm. 142.

X I.

Non me demergat tempestas aqua, neque absorbeat me profundum. Psalm. 68.

X I I.

Quis mihi hoc tribuat, vt in inferno protegas me, & abscondas me, donec pertransseat furor tuus? Iob. 14.

X I I I.

Numquid non paucitas dierum meorum finietur breui? dimitte ergo me vt plangam paululum dolorem meum. Iob. 11.

X I V.

Vtinam saperent, & intelligerent, ac nouissima prouiderent. Deut. 32.

X V.

Defecit in dolore vita mea, & anni mei in gemitibus. Psalm. 30.

S Y L L A B V S
 LIBRI SECVNDI
 V O T A
 ANIMÆ SANCTÆ.

I.

Concupiscit anima mea desiderare iustificatio-
 nes tuas. Psalm. 118.

I I.

Vtinam dirigantur via mea ad custodiendas
 iustificaciones tuas. Psalm. 118.

I I I.

Perfice gressus meos in semitis tuis, vt non mo-
 ueantur vestigia mea. Psalm. 16.

I V.

Confige timore tuo carnes meas, à iudicijs enim
 tuis timui.

V.

Auerte oculos meos ne videant vanitatem.
 Psalm. 118.

V I.

Fiat cor meum immaculatum in iustificationsi-
 bus tuis, vt non confundar. Psalm. 118.

V I I.

Veni dilecte mi, egrediamur in agrum, commo-
 remur in villis. Cant. 7.

VIII.

V I I I.

Trabe me post te, curremus in odorem vnguentorum meorum. Cant. 1.

I X.

Quis mihi det te fratrem meum sugentem vbera matris meae, vt inueniam te foris, & deoscular te, & iam me nemo despiciat. Cant. 8.

X.

In lectulo meo, per noctes, quasiui, quem diligit anima mea; quasiui illum, & non inueni. Cant. 3.

X I.

Surgam & circuibo ciuitatem, per vicos & plateas, queram quem diligit anima mea; quasiui illum, & non inueni. Cant. 3.

X I I.

Num quem diligit anima mea, vidistis? paululum cum pertransissem eos, inueni quem diligit anima mea; tenui eum, nec dimittam. Cant. 3.

X I I I.

Mihi autem adherere Deo bonum est; ponere in Domino Deo spem meam. Psalm. 72.

X I V.

Sub vmbra illius, quem desideraueram, sedi. Cant. 2.

X V.

Quomodo cantabimus canticum Domini, in terra aliena? Psalm. 136.

S Y L L A B V S
 LIBRI TERTII
 S V S P I R I A
 ANIMÆ AMANTIS.

I.

A Diuro vos, filie Ierusalem si inueneritis Dilectum meum, vt nunciatis ei, quia amore languo. Cant. 5.

I I.

Fulcite me floribus, stipate me malis, quia amore languo. Cant. 2.

I I I.

Dilectus meus mihi & ego illi, qui pascitur inter lilia, donec aspiet dies & inclinentur vmbra. Cant. 2.

I V.

Ego dilecto meo, & ad me conuersio eius. Cant. 7.

V.

Anima mea liquefacta est, vt dilectus locutus est. Cant. 5.

V I.

Quid enim mihi est in caelo, & à te quid volui super terram? Psal. 72.

V I I.

Heu mihi quia incolatus meus prolongatus est,
 Ee s habi-

habitavi cum habitantibus Cedar, multum incola
fuit anima mea! Psalm. 119.

V I I I.

Infelix ego homo! quis me liberabit de corpore
mortu huius? Rom. 7.

I X.

Coartor è duobus, desiderium habens dissolui
& esse cum CHRISTO Philip. 1.

X.

Educ de custodia animam meam, ad confiten-
dum nomini tuo! Psalm. 141.

X I.

Quemadmodum desiderat cervus ad fontes a-
quarum, ita desiderat anima mea ad te, Deus.
Psalm. 41.

X I I.

Quando veniam & apparebo ante faciem Dei?
Psalm. 41.

X I I I.

Quis dabit mihi pennas sicut columba, & vola-
bo, & requiescam? Psalm. 54.

X I V.

Quam dilecta tabernacula tua, Domine virtu-
tum; concupiscit & deficit anima mea, in atria
Domini! Psalm. 83.

X V.

Fuge dilecte mi, & assimulare caprea, hinnuloq;
cervorum, super montes aromatum. Cant. 8.

F I N I S.

FLORENTIVS

DE MONTMORENCY,
Præpositus Prouincialis Societa-
tis IESV per Flandro-Belgicam.

Cum Pia desideria à P. Hermanno
Hugone Societatis IESV Sacerdote
conscripta, quatuor designati eiusdem
Societatis Patres legerint probarintq̃
potestate ab admod. Reuerend. Patre no-
stro Mutio Vitellesco ad hoc mihi factâ,
ut typis excudantur, permitto. In quo-
rum fidem has litteras manu meâ sub-
scriptas, officij mei sigillo muniui. Bru-
xella, 28. Aprilis Anno 1624.

Florentius de Montmorency.

2 VIT T R O R I
DE
APPROBATIO CENSORIS.

HÆc Pia Desideria, Gemitus & Suspiria
animæ Christianæ, Elegijs, Emble-
matis, & SS. Patrum scriptis illustrata à R. P.
Hermannò Hugone Societatis I E S V
Presbytero, pererudita sunt & solida, at-
que perlucidam semitam continent; quâ
æterna Veritas, & vera charitas, & chara
æternitas obtineatur, ab his qui in tenebris
& in umbrâ mortis sedent ad dirigendos
pedes suos in viam pacis. Datum Bruxellæ
XI. Idus. Nouembris, M. DC. XXIII.

Henricus Smeyers S. Theologiae Licentiatus
Scholasticus Bruxellensis Librorum Cen-
sor.

SVMMA PRIVILEGII.

PHILIPPVS IV. Dei gratiâ Rex
Castella, Legionis, Arragoniæ,
utriusque Sicilia, &c. Archidux Au-
stria, Dux Burgundiæ, Lotharingia, Bra-
bantia &c. Comes Flandria, Arthesiæ
&c. Diplomate suo sanxit ne quis citra
voluntatem HENRICI AERTSENS
Typographi Antwerp. librum cui titulus
est PIA DESIDERIA à R. P. Her-
manno Hugone, Soc. IESV, Presby-
tero edita, proximo sexennio impri-
mat alibi ve impressum in hæc ditiones
invehat venalem ve habeat. Qui secus
faxit, confiscatione librorum, & aliâ
gravi pœnâ multabitur, uti latius patet
in litteris datis Bruxella 3. Febr. 1629.

Signat

I. Cools.

ANTVERPIÆ,
Apud HENRICVM AERTSSENS;
M. DC. XXXI.

Cuoye

